

АБДУЛЛА ҚАҲХОР



ТАНЛАНГАН АСАРЛАР

УЧ ТОМЛИК

III
ТОМ

ҚЎШЧИНОР ЧИРОГЛАРИ

УЗБЕКИСТОН ССР ДАВЛАТ НАШРИЕТИ
ТОШКЕНТ — 1956

На узбекском языке

АБДУЛЛА КАХХАР

Избранные произведения

том III

ОГНИ КОШЧИНАРА

Госиздат УзССР — 1956 — Ташкент

Редактор Р. Комилов

Рассом А. Ошайко

Техн. редактор Я. Пинхасов

Корректор М. Рустамов

* * *

Босмахонага берилди 11/VIII 1956 й. Босишига
рұисат этилди 8/XII 1956 й. Формати
84X108 1/32—8,375 б. л. 13,73 шартли б; л:
15,0 нашр. л, Тиражи 45000. Индекс в/а
Узбекистон ССР Давлат нашриёти. Тошкент,
Полиграф кўчаси, 74. Шартнома № 418—56.

УзССР Маданият министрилиги Узглавиз-
датининг 1-босмахонаси. Тошкент. Ҳамза кў-
часи, 33. Заказ № 806. Баҳоси 6 с. 50 т.

БИРИНЧИ БОБ

I

— Қазисан, қартасан, ахир, аслингга тортасан! — деди кампир омборни қулфлаётиб. — Энди жир битди-да! Битта кўйлак иккита бўлди! Увада, ислиқи тўн, чилвир белбоғнинг хумориси тутгандир!..

Сидиқжон қайнанасидан бу хилдаги таъналарни кўп эшишган, лекин сира гап қайтамаган әди, бу сафар заҳарханда қилиб:

— Ўзи тўймаганнинг салқити қорин оғритади, она-жон, сиздан ортдию бизга жир битдими! — деди.

Кампирнинг жиги-бийрони чиқди; омбордан олиб чиққан бир сават пахтаси билан чиғриғини қўтариб, вай-саганича, уйига кириб кетди.

Сидиқжон ўрнидан туриб кўча әшиги томон йўналаган әди, айвонда кўз оғриқ боласини әмизиб ўтирган хотини тўхтатди:

— Тўхтанг, ажрим қилиб кетинг! — деди.

Сидиқжон ялт әтиб хотинига қаради. Хотини, рангги ғлан, ўрнидан туриб болани беланчакка солди ва қаттиқттиқ тебратса бошлади.

— Нима дединг? Ажрим қилиб кетинг? Мен бирон да кетаётганим йўқ әди-ку... Кетинг демоқчи бўлсанг, рўзгарисини айта бер. Менинг бу уйда шу боладан бўлак инжим йўқ. Бунинг ҳам ярми сеники. Кетгин деганингни бу?

— Райингиздан қайтсангиз қайтганингиз, бўлмаса мен... ота-онамни дейман!

— Ахир, менинг бу райимга отанг рози дедим-ку! Ўлгани йўқ, кечқурун келади. Сўра.

— Рози бўлсалар бўлаверсинглар, мен рози эмасман.

Сидиқжон индамай кўчага чиқиб кетди.

Кампир уйда жоврап, қизини қарғар әди:

— Э, ўл итялоқ! Дайди итнинг тумшуғини ёғ қилмай ўл! Итга берсанг ошингни, итлар ғажир бошингни! Кошки ўз бошини ғажиса!

Қизи товуш чиқармай куюниб йиглади. У ўз онасидан юрагига ништар бўлиб санчиладиган сўзни шу билан иккинчи марта әшитаётиди, илгари, ҳазилми-чинми, «боланг эрингга ўхшамайди» деган әди. Хотин кишининг юрагидан фарзанд доғи кетса кетадики, бундай гапнинг алами кетмайди. Энди «итялоқ» деяётибди. Бу гапни ғар ҳам кўтара олмас, тикка юлишар әди. Бироқ унинг тили қисиқ, айниқса мана бу ғурбат билан бошланиб, ғурбат билан тугаётган кунларда онасига сўз қайтариш эмас, рўпара бўлишга ҳам юраги безиллар әди.

Унинг тили қисиқ қилган ғуноҳи шундай содир бўлган әди.

Бундан роса ўн йил бурун мана шу болохонадаги қазноқда тухум босиб ётган фаранг товуқ бирданига қоқолаб том орқасига — Собиржонқорининг боғига учеб тушди. Қиз девор ошиб унинг кетидан қувлади. Товуқ тутқич бермай, анҳор бўйидаги жингуллар остига кириб кетди. Қиз уни ушлаб олгани кўп уринди, жуда қийналаб кетди: қўлларига тикан кирди, юзи ва билаклари тирмаланди, роҳатибадан кўйлагининг этаги йиртилди. Ўша вақтда Собиржонқорининг қороли бўлган шу Сидиқжон анҳорнинг нариги ёғида анжир очаётган бўлиб, қизни кузатиб турган әди. Сидиқжон — қорол бола, бу — ўзига тўқ бир одамнинг қизи, икки орани ажратиб турган шундай зўр тоғни бир зумда талқон қилиб ташлайдиган «алланима бало» бир куч бор эканини ким билибди! Қиз аввал қўрқди, отаси унинг Сидиқжон билан сўзлашиб турганини әмас, боқقا тушганини билса ҳам тери-сига сомон тиқади — бу хусусда отасининг қамчисидан қон томар әди; кейин, янги бир оламга кириб, отасининг қамчисини ҳам, жингул остида пусиб ётган курк товуғни ҳам унутди, Сидиқжоннинг шўхлигига қарши «ёмон экансиз» дейишдан бошқа сўз тополмади. Қизнинг ҳаётида бу ҳаддан ташқари катта ҳодиса әди; ҳам ваҳималик, ҳам «аллақандай ғалати» бу учрашув тўғрисида ўзининг сирдош ўртоқларидан бирига сўзлаганида, шундай зўр ҳоди-

са ҳақидаги гап бир пиёла чой ичиб бўлгунча тугаб қолганига ҳайрон қолди. Шундан кейин Сидиқжон боғда юрган чоғларида қўшиқ айтадиган бўлди. Бу қўшиқлар қизда ўзи ҳам нима эканини билмайдиган ҳислар уйғотар эди. Ҳавф-хатарга юзма-юз келиб унга чап бериш қандай яхши! Бир неча ой мобайнида қиз ўзи хоҳлабми, ё Сидиқжон «асти қўймагани» учунми, боққа яна бир неча марта тушиб чиқди; ҳар тушганида шундай катта ишни мудом кўз-қулоқ бўлиб турган ота-онасига билдирамай қилганига завқ қилас, ўзини бардамроқ ва ақллироқ сезар, шунинг учун яна тушгиси келар эди. Ҳазил-ҳазил билан бўлиб кетган бу ишнинг бутун даҳшати ўша йили қузда бадавлат бир хонадондан совчи келадиган бўлганда билийди. Қиз никоҳ ва унинг әртаси бўладиган бутун можарани кўз олдига келтириб, аммасининг оёғига ийқилди ва ўз қилмишига иқрор бўлди.

Кампир бу гапни әшитиб ҳушдан кетиб йиқилди. Қиз кечгача болохонадаги қоронғу қазноқда тешикдан мўралаб, дор ёғочи остида жаллоднинг сиртмоқ солишини кутган маҳкумдай, тақдирга тан бериб, отасини кутди. Отаси Зуннунхўжа келди. Бир лаҳза даҳшатли жимлик ҳукм сурди; кейин, онасининг йиғлаган, қарғаган товуши, отасининг йўтали әшитилди. Яна жимлик чўкди. Бу жимлик қизнинг бўйнига гўё сиртмоқ бўлиб тушди. Орадан хийла вақт ўтгандан кейин уйнинг әшиги гийт этиб очилди. Оёқ шарпаси болохонага томон келар, қиз тин олмай кутар эди. Қазноқнинг әшиги очилиб аммаси кўринди. У катта фалокат даф бўлганидан қувониб әнтиккан бир товуш билан: «Шарофат, қизим, тур! Тур, қизим. Отанг гуноҳингдан ўтди!» деб шивирлади. Шарофат бу гапга ишондими-ишонмадими — билиш қийин эди. Аммаси ичкарига кирди ва уни қўлидан тортиб турғизди-да, «ўз қулогинг билан әшит» деб болохонадан олиб тушди ва имо билан дарчани кўрсатди. Шарофат шундан кейингина ўзига келди-ю, оёқ учida бориб дарчанинг ённiga чўнқайди. Онаси дамба-дам бурун қоқар, отаси хуноб бўлиб унга гап уқдирап эди: «Ўргатма, менга ақл ўргатма! Ақлим ўзимга етиб келган, бундан кейин ҳам етади. Мен бу мол-дунёни, ер-сувни қўлни билан топган әмасман, ақлим билан топганман. Сидиқжон безот, Сидиқжон гадобачча... Тўғри, лекин замон шуларни

бўлса нима дейсан? Булар кеча оёғингни босган әди, бугун кўкрагингга оёқ босиб турибди, эртага бўғзингга оёқ қўяди. Ўласан! Жон керакми? Жон керак бўлса ўлимга чап бериш пайдан бўл. Замон сенга боқмаса, сен замонга боқ!».

Эртасига онаси қуда томонга одам юбориб: «Қизимиз хоҳламади, ўзининг хоҳлагани бор, зўрлик билан иш қилишни замона кўтармайди» деди. Зуннунхўжа эса «меҳнат билан суяги қотган Сидиқжоннинг пешонасини силагим келиб юрар әди, қизим унга кўнгил қўйиш билан бошимни осмонга етказди» деб дарров тўй ҳаракатига тушди. Бу ҳодиса қишлоқда кўп кишиларни ҳайратга солди. Область газетаси бу ҳақда «Тушунган ота» сарлавҳали бир хабар босиб чиқарди.

Қиз орзу-ҳавас кўролмаган онасининг дашном ва зихновларидан ўлар ҳолатга етганда, баҳтига, ер ислоҳоти бўлиб қолди. Ер ислоҳоти унинг тилини узун қилди, чунки Сидиқжон бўлмагандан Зуннунхўжанинг Тарновбошидаги шоликорлик ери ҳам кетар әди. Шундан кейин Сидиқжоннинг ўтмишини кампир бир қадар унутди, «ҳар иш худодан» деб қизини ҳам оқлади. Оила бошлиғи — Зуннунхўжа, рўзгорни кампир бошқаради, Сидиқжон далага уруғлиқ ва гўнг әлтиб, ҳосил келтиради.

Иплар мана шу хилда, осойишта ўтар әди, яқин олти ой бўлдики, мана шу осойишталик бузилди ва бунга сабаб, кампирнинг гумонича, Сидиқжоннинг онаси әди.

Сидиқжоннинг онаси **Хадича** хола үмрини хорлик-зорлик тортиб ўтказган ҳамма кишилардай тез қариган, лекин ҳамма қишлоқ қарияларидай кексаликка сўз бермайдиган, файратли, тетик, миннатлик ошдан беминнат муштни афзал кўрадиган бир кампир бўлиб, бу ерга бир тош мўлроқ келадиган ўз қишлоғи Баҳрободда кичик ўғли Обиджон билан турар әди. Сидиқжон аввал аравасоз устага шогирд, ундан кейин бу ерга келиб Собиржонқорига қорол бўлиб юрган вақтларида **Хадича** хола уни ўз қаноти остида ҳисоблар әди, ўғли Зуннунхўжага

ичкуёв бўлгандан кейин ўрдак тухумини очган товуқдай бўлиб қолди, шунинг учун бу ерга жуда кам, йилда бир ёки икки мартагина келар әди.

Ҳадича хола бундан яқин олти ой бурун келганида бир қийиқ беҳи олиб келди. У кун оққунча ўтиридию, кейин, «кечга қолмай» деб жўнади. Сидиқжон уни кузатиб қайтиб келганида, ток остидаги эски сўрида сочилиб ётган беҳиларга кўзи тушди. Беҳи унга мунгфайиб қараб тургандай туюлди. Сидиқжон ҳаммасини йиғиштириб олди-да, айвоннинг токкасига элтиб қўйди. Беҳи бу ерда унга гарифона назар ташлаб, «Мени бу ерга нега ҳам олиб келди, нега ташлаб кетди. Мени бу ерда ким ҳам қўлга олар әди» деб тургандай туюлар әди. Сидиқжон бирданига тўртта беҳи олиб еди. Унинг кўзига узундан-узоқ дала йўли, унда якка ҳорғин-ҳорғин қадам ташлаб бораётган онаси кўринди. Нега уни отдами, аравадами элтиб қўймади? Аввали шуки, шунча йўлдан «болам» деб келган онасига нега «буғун ётиб қол» демади? У, юраги ғаш бўлди-да, отхонадан отни олиб чиқди, наридан-бери әгарлади-да, қайнанасининг «қаёққа!» деб вағирлашига қулоқ солмай, онасининг кетидан от қўйди; қишлоқнинг чиқаверишида унга етиб олди ва отга мингаштириб Баҳрободга олиб борди.

Сидиқжон уйда пича ўтириди-ю, әнди қайтиб кетмоқчи бўлиб турганида Ўрмонжон келиб қолди.

Ўрмонжоннинг отаси Омон ака Сидиқжоннинг отаси Соҳибжон ака билан жуда қалин ўртоқ әди, икки ошна ўлиб кетгандан кейин Ўрмонжон билан Сидиқжон чинакам ака-уқадай бўлиб қолишган әди.

Ўрмонжон қишлоқ мактабида ўқиб хат-саводини чиқарди, сўнгра Самарқанддаги партия-совет мактабига ўқишга кетди, ўқишидан келиб, ер ислоҳотидан кейинроқ собиқ батраклардан ташкил топган колхозга раис бўлди, шу кунлари ва ундан кейин ҳам Сидиқжонни Баҳрободга олиб келишга, колхозга тортишга неча-неча ҳаракат қилди: тушунтириди, ваъда берди, яхши гапириб ҳам кўрди, ёмон гапириб ҳам кўрди — фойдаси ў бўлмади. Шундан кейин Ўрмонжон уни хушламайдиган, кўришганда сўзни қисқа қиласидиган бўлиб қолган әди. Бироқ у ҳозир, Ҳадича холани йўлакай кўриб чиққани кирган бўлса ҳам, Сидиқжонни кўриб хийла ўтириди, нимагадир ғаши

келаётгандай ундан киноюомиз ҳол-аҳвөл сўради-да, «бой» бўлиб болтанг йўқ, гадой бўлиб халтанг йўқ» деб заҳарханда қилди. Бу гапни ҳазилга йўйиш учун Сидиқжон ҳам кулди. Бироқ унинг кулиши Үрмонжоннинг рўйирост ғашини келтириди: «Нега куласан, ўзингдан кулаётисанми?— деди майнин, лекин кишига қамчидан ҳам қаттиқроқ тегадиган бир товуш билан.— Агар ўзингдан кулаётган бўлсанг, аввало Зуннунхўжанинг сандигида ётиб ақлинг могорлаб қетганидан кулгин. Ҳа, нега бақраясан? Ақлинг могор босмаганими бу? Ҳеч ўйлайсанми: қишлоқда, қишлоқларда шунча воқиалар бўлиб ўтди, бойлар, муштумзўрлар — бир томон, камбағаллар, батраклар — бир томон... Колхоз, кураш, ҳатто қон... нега? Ҳеч атрофингга қарайсанми? Үртоқларинг, ўзинг қатори қороллар, батраклар нима қилди, нима қилаётитти? Нега сен ўз тўпингдан айрилиб қолдинг? Айрилганни бўри ер эди-ку! Онанг, умид билан бешигингни тобратган шу бечора онанг сендан нима кўрди? Бу ердаги ўртоқларинг сени, сен ювиндихўрни ҳамқишлоғимиз дегани ор қилишади!»

Үрмонжон хўп ҳам тўлиб-тошиб юрган экан, юрагини роса бўшатди. Сидиқжон бошини қуий солиб, ерга кириб кетгундай бўлиб «чурқ» әтмасдан ўтириди.

Үрмонжон ярим кечаси чиқиб кетди. Сидиқжон шу ерда ётиб қоладиган бўлди. Ҳадича хола ўғлига ичи ачиб, уни хижолатдан чиқариш учун у-бу деган бўлди. Бироқ унинг бу сўзлари ҳам Сидиқжонга оловли қамчидай тегаверди.

Сидиқжон кечаси билан киприк қоқмай чиқди. Ҳақиқатан, нима учун бугун кўраётган кунини Собиржонқорининг эшигида юриб кўрган кунларига солиштириб юрган экан? Нима учун бугун кўраётган кунини, масалан, ўша Собиржонқорининг собиқ аравакаши, ҳозир узоқлашиб қолган ўртоғи Ҳайдаралининг турмушига солиштирамати?

Собиржонқорининг эшигида бирга ишлаб, ҳасратлашиб юрган вақтларида Сидиқжон уни сансирар, «Ҳайдар» дер эди, қачондан бери уни сизлайдиган, ўзидан бир ёки икки ёш кичик бўлишига қарамай «Ҳайдарали ака» дейдиган бўлди? Сидиқжоннинг тўйида ичкарита, ҳатто ўз тенгқурлари олдига киргани ҳам тортиниб, ҳов-

лида ёш болалар орасида ўтириб ош еган ўша Ҳайдарал! Қачондан бери тўй-маъракада тўрга ўтадиган, қариялар, ўқимишли кишилар орасида ўтирадиган бўлиб қолди? Қачондан бери у газетхон, гапдон, самоварнинг тўрида ўтириб чой ичадиган ва Сидиқжоннинг тили келишмайдиган, ақли стмайдиган гапларни айтиб ҳаммани оғзига қаратадиган бўлди? Қачондан бери «Ҳайдарали Усмоналиев» ёки «ўртоқ Усмоналиев» бўлиб қолди?

Ҳақиқатан, нега қишлоқда бўлиб ўтган ва бўлаётган ишларга кўзини каттароқ очиб қарамапти? Ақлини морор босгани шудир-да!

Шу-шу бўлди-ю Сидиқжон яна ўз тўпига қўшилиш, шуларнинг кетидан бориш — колхозга кириш тараддудига тушди.

Сидиқжон әртаси Баҳрободдан қайтиб келиб бу ниятини Зуннунхўжага айтган эди, Зуннунхўжа: «сиз менинг ҳам кўёвим, ҳам ўғлимсиз, нима билан вақтингиз хуш бўлса шуни қилинг» деди.

Оилада осойишталикнинг бузилишига, ғурбат бошланишига мана шу сабаб бўлди. Шу важдан кампирнинг жағи яна очилди, Сидиқжоннинг ўтмишини, қизининг қилмишини яна таъна қила бошлади.

Бироқ Сидиқжон бу тўғрида Зуннунхўжанинг розилигини олганлиги учун кампирнинг вайсашларнга чандон әътибор қилмай келар эди, бугун хотинининг «райингиэдан қайтсангиз қайттанингиз, бўлмаса мен отаонамни дейман» дейиши Сидиқжонни «она-болага Зуннунхўжани бир рўпара қилмасам бўлмайдиганга ўхшаб қолди» деган фикрга келтироди, шунинг учун хотинига бир нарса дейишни лозим топмай, кўчага чиқиб кетди.

3

Кечқурун жамоат жам бўлганда, газабдан кўкариб кетган кампир етти пуштидан қолган уч бойлам васиқани ўртага кўтариб урди.

— Мулла Шарофиддиннинг муҳри бор бу васиқаларда. Муллажон қозининг муҳри бор! — деди васиқаларни титкилаб.— Шундай васиқаларни инобатга олмай Қақирдаги ерни олди, жувон ўлгур исполком! Худоё васиқа кўр

қилсин! Кошки ерни тузукроқ одамга берган бўлса — Абдураҳмонҳожининг қоролига! Орият ер билан колхозга кириб, энди у киши ҳосилот! Ҳадеб ер беравергани ҳукуматнинг менга ўтказиб қўйгани йўқ. Ер берадиган одам ўзи топиб берсин!

Сидиқжон мўйловини бураб, кулумсиради ва ер остидан Зуннунхўжага қаради. Зуннунхўжа пешонасини биринки уқалади, сўнгра айвоннинг шицидаги қалдирғоч ўясига қараб:

— Унақа бетамиз одамнинг гапини гапирма, нега ер сенинг измингда бўлар әкан. Ер Сидиқжонники, хоҳласа — ҳукуматга беради, хоҳласа — қўриқ қилиб ташлаб қўяди,— деди.

— Худо ғазаб қилган бандасини шу кўйга солади,— деди кампир васиқаларни таҳлаётуб,— наҳот киши ўз мулкига ўзи душман бўлса!

— Нега мен душман бўлар әканман,— деди Сидиқжон иложи борича мулоимлик билан,— ўйлаб гапираётбисизми?

— Ҳа, бўлмаса жонингиз ачиганими бу? Ерни белингиз қайишиб топганингизда жонингиз ачири эди.

Сидиқжон қип-қизариб кетди ва Зуннунхўжага «гапирсангиэчи!» деган мазмунда назар ташлади. Зуннунхўжа кампирнинг гапини гап ҳисобламаганини, бунга вътибор қилмаганини кўрсатиш ва шу билан Сидиқжоннинг тафтини босиш учун ёлғондан әснади.

— Колхоз деса юрагинг ёрилади-я! Колхоз шундай нарсаки, хоҳлаган одам киради, хоҳламаган одам тўпнисини яримта қилиб юра беради. Шунақами, Сидиқжон?

— Албатта, менинг бўйнимга бирор арқон солаётгани йўқ. Тушунган одам киради, тушунмаганлар кирмайди. Унсурларнинг гапига қулоқ солганлар ҳам кирмайди...

Сидиқжон «унсур» калимасини «ҳукуматга қарши» деган маънода ишлатар, бу ердагилар ҳам шу маънода англар эди; бу гапни кампирнинг тилини боғлаш ва, назариди, дурустгина гап тополмай чулдираб ўтирган Зуннунхўжага луқма солиш учун айтди. Бироқ, Сидиқжоннинг кутганига қарши Зуннунхўжа қовоини солиб, тескари қаради ва:

— Ҳар кимнинг таъби бўлса колхозга кирмаган ҳам, кирма деган ҳам унсур бўлмайди! — деб тўнгиллади, бироқ бу билан Сидиқжонни ранжитиб қўйганлигини фаҳмлаб, кампирга ўшқирди:— Миянг борми ўзи, Сидиқжон колхозга киргани билан ер колхозга ўтиб кетмайди, ўртада бўлади! — деди.

Кампир васиқаларни кўтариб, вайсиганича уйга кириб кетди.

— Худоё тавба қилдим, бу қандай кун!.. Ё қудратингдан, бу қандай одам! Бу қандай одам эканки, ўз мулкини, ўзининг мулкини ўртага солади! Эртага хотинини ҳам ўртага солади бу...

Сидиқжоннинг рангги бўзариб кетди.

— Онажон,— деди титроқ босиб,— оғзингизга қараб гапиринг! Шу гапингизни бирор әшитса айбор бўласиз! Мен даюс эмасман! Бунақа қўшмачилик сизлардан кела-ди. Инъомжонга «қизимнинг кўнглини ол, эридан чиқа-риб сенга бераман» деган кишидан келади.

— Қайси Инъомжон?

— Қайси Инъомжон бўлар эди, тогангизнинг ўғли!

Кампир дарчадан рўпара бўлди.

— Шундоқ деган бўлсам ажаб қилибман, хўп қилибман! — деди икки қўлини сонига уриб, — уйни уй қилган эрнинг топишию хотиннинг кўрпа иши! Топишику йўқ, бор ерни йўқотадиган әрга тушиб қолган қизим йўқ!

Зуннунхўжа, Сидиқжоннинг тарафини олган бўлиб, кампирга қараб ковуш отди; Сидиқжонга нимадир демоқчи бўлиб оғиз очган қизини бир тарсаки урди; сўнгра Сидиқжондан ўпкалаб, майин товуш билан гап бошлади:

— Сидиқжон, дейман, одам деганга андиша, юзхотир деган нарса ҳамма вақт керак. Мен сизга уй бердим, жой бердим, вақтида туз бердим, пешонангизни силадим... Энди келиб-келиб, мени, онангизни қўшмачи десангиз дуруст бўлмас. Онангиз ўша гапни айттиптими, айтмаптими — уни қўя беринг. Айтган бўлса — хотин кишининг, мияси айниган кампирнинг гапи, аймаган бўлса — бирон душманингизнинг ифвоси. Кампирнинг аҳмоқлиги ё бўлмаса душманингизнинг ифвоси учун мени шундоқ дейишга қандоқ тилингиз борди? Ҳайр, майли, одам жаҳл устида ҳар нарса дейди, мен бунга хафа бўлмайман. Ти-

лини тишлаб олган одам тишини сүуриб ташламайди. Мен бир нарсага ҳайронман: колхозга киришингизга мен рози, хотинингиз билан онангиз ҳам рози бўлгандা олам гулистон әди; энди, хотинингиз билан онангиз рози әмас экан, шуларни хафа қилиш, орага совуқчилик туширадиган гапларга сабаб бўладиган ишни қилишдан нима фойда?

— Аввало шуки, дада, бошингни силаганман деб миннат қилишингизга сира-сира ўрин қолган әмас. Одамга андиша керак, лекин ундан ҳам илгарироқ инсоф керак.

— Хўш, хўш?

— Нима қиласиз гап ковлаб! Ундан кейин, бу гаплар ҳам орага совуқчилик солса солар-ку, лекин менинг колхозга кириш ниятим совуқчиликни аллақачон солиб қўйган.

— Шундоқ бўлса нима қиласиз кириб? Кирманг!

Сидиқжон нималар демоқчи бўлиб икки-уч оғиз ростлаганидан кейин Ўрмонжоннинг гапи әсига тушиб:

— Одам дунёга чўчқадай семириш-у, битдай болалаш учун келмайди,— деди.

Зуннунхўжа унга ялат әтиб қаради.

— У нима деганингиз?

— Одамман деганим!— деди Сидиқжон Зуннунхўжа-нинг кўзига қараб.

— Сизни ким одам әмас деди?

— Мендан юз ўгирган бутун ёр-дўстларим, ўртоқларим, әси бор одамнинг ҳаммаси айтади.

— Биз одам деб юрар әдик, әсимиз йўқ әкан-да?

— Сизда бор әс ҳеч кимда йўқ. Эшакни яйдоқ миниб бўлмайди — йиқилади киши. Сизнинг одамсан деганингиз — менга тўқум урганингиз!

Зуннунхўжа ёлғондан қаттиқ кулди.

— Бундан чиқдики, биз золим бою сиз батрак экан-сиз-да?

— Батракнинг ери бўлмайди. Сиз ер Сидиқжонники дедингиз-ку.

— Бўлмаса кимники?

— Менини. Одамсан деганингиз шу-да.

— Ер сизники деганимиз сизга тўқум урганимиз бўладими ҳали?

— Йўқ, тўқум уриб қўйиб, тўқум сеники деганингиз бўлади.

Зуннунхўжа не машаққат билан илжайди.

— Саводингизни анча чиқариб қўйишиптими?

— Ким?

— Билмасам. Домлангиз. Домлаларингиз.

— Менинг домлам йўқ, домлам — икки қўзим.

Зуннунхўжа нима дейишини билмай, бошқа йўлга ўтди.

— Кўйинг, Сидиқжон, бу гапларни қўйинг, ярашмайди... Бунақа хафачилик билан бўладиган ишга мен ҳам рози бўлмайман.

Сидиқжон бу ниятидан қайтмаслигини қандай қилиб икки оғиз гап билан айтишни ва шу билан гапнинг чўзишига барҳам беришини билмай ўйланиб қолди. Зуннунхўжа унинг жим қолишига ўзича маъно берию: «рози әмасман деган гапни илгарироқ айтсам нима экан» деб ўйлади ва рози бўлмаслигининг оқибатини кўрсатиб писанда қилиш, шу билан Сидиқжоннинг тилини уэил-кеシリ борлаш учун:

— Болангиз бор! — деди.

— Яна нимам бор? — деди Сидиқжон, худди унин жавобини қулоғи билан әмас, қўзи билан әшитадигандай, кўзларини катта очиб.

Сидиқжоннинг бу важоҳати Зуннунхўжанинг ўйини пучга чиқарди. У ҳозир курашда рақибини ёнбошга олиб отган, лекин рақиби тикка тушиб, ўзини ёнбошга олган кишининг аҳволига тушиб қолди; ўзини тездан ўнглаши ва шу ондаёқ ташаббусни яна қўлига олиши керак эди, шунинг учун Сидиқжондан баланд келишга тиришиб, жаҳл билан:

— Яна нима керак? — деди.

— Яна нимам бор?

— Кирмайсиз колхозга!

— Кираман!

— Кирмайсан!

— Кираман!

— Аҳмоқ!

— Аҳмоқ бўлмаганимда шу аҳволга тушармидим!

— Галчани иззат қилсанг, чориги билан тўрга чиқади.

— Галча бўлмасам тўпимдан айрилармидим. Айрилганни бўри ер дейдилар.

— Мен бўри бўлдимми?! Ит!

— Қуллуқ!.. Биз ит бўлсак бўйнимиздаги тилла занжирингиз ўзинтизга: янгичасига айтганда, мен қизингиэни хоҳламайман, эскичаси керак бўлса — уч талоқ қўйдим!

Сидиқжон этагини қоқиб ўрнидан турди-ю, жадаллаганича кўча эшигига қараб кетди.

Зуннунхўжа ҳам, можарони даричадан қузатиб турган кампир ҳам бу гапларнинг оқибати шундай бўлишини сира кутмаган эди. Зуннунхўжа шундай гангидики, нима бўлганини тушунолмай қолгандай, қизига қаради. Кампир беихтиёр «Шарофат!» деб юборди. Шарофат отасининг қаравидан ҳам, онасининг «Шарофат» дейишидан ҳам фақат бир маъно англади: иккови ҳам «қайтар» демоқчи эди.

— Тўхта,— деди Шарофат ўрнидан туриб,— кетадиган бўлсанг болангни олиб кет!

Сидиқжон тўхтади, хотинининг товушини эшиттанида «болангни олиб кет» дегани эмас, унинг сенсирагани қулоғига кирди. Уни шу лаҳзагача ҳам бу уйга боғлаб турган бир нима бор әкан шекилли, хотини сенсирагандан кейин ҳеч нарса қолмади.

— Нима дединг? Болани олиб кетайми?

Сидиқжон унинг жавобини кутмасдан тўғри келди-ю болани беланчақдан олди ва бағрига босганича кўчага чиқди, кетди.

Шарофат гаранг ҳолда аввал отасига, сўнгра онасига қаради; булардан бирон садо чиқмагач, оёқяланг ва бошяланг, Сидиқжоннинг кетидан чопди. Сидиқжон болани ҳамон бағрига босганича кўчанинг ўртасидан жадаллаб борар эди.

— Тўхтанг! Тўхтанг дейман!

Сидиқжон тўхтади, орқасига қаради.

— Нима дейсан?

— Беринг болани бу ёққа! Беринг бу ёққа!

Шарофат юрганича келиб болани Сидиқжоннинг қўлидан тортиб олди. Бола ингради. Шарофат болани олиб дарвозадан кириб кетгач, Сидиқжоннинг юраги «жиз» этди, кўзига келган ёшини тез-тез киприк қоқиб

ютди-да, секин бурилиб, анча ергача бошини қуйи солгани ҳолда битта-битта қадам ташлаб борди, кейин жадаллади.

4

Сидиқжон Баҳрободга кечки пайт — пастқамликлардан, қалин дарахтзор ва адир ораликларидан бошланган шом қоронғуси борликка тарқала бошлаганды кириб келди. У мана шундай кечки пайтларда ҳамма вақт негадир умрини ҳазон бўлган ва шу ҳазон бўлган умрини гарилликда ўтказгандай сезар, юраги сиқилиб тарс ёрилиб кетгудай бўлар эди. Бироқ унда ҳозир бундай қаифиятдан асар ҳам йўқ, аксинча, болалиги ўтган қишлоғнинг одам сийрак кўчалари, тепаликдаги бақатерак, аллақаёқда бузоқ маъраши, анқиб кетган пиёздоғ ҳиди, чумчуқларнинг инга кириб кетар олдидаги чирқираши — ҳаммаси унга қаҷондир жуда-жуда ширин ўтган ҳаётини эслатаётгандай бўлди.

Ҳовлидаги кекса тутга чироғ шуғласи тушиб, унда нотайин бир кўланка кезар, ичкаридан «ширт-ширт» этган товуш әшитилар эди. Сидиқжон әшикни қоқсанда Ҳадича холанинг:

— Ким у?! Обиджон, қара! — деган товуши әшитили-ю, ҳаял ўтмай, ўзи келиб әшикни очди.

Ҳадича хола ўғлининг келишини кутмагани учун гәранг бўлиб қолди; Сидиқжон ичкарига қадам қўйгандан кейингина ўзига келиб уни қучоқлади, йиғлаб юз-кўзидан ўпди; сўнgra, шошиб-пишиб неварасини, келинники, қудаларини сўради. Сидиқжон унинг ҳамма сўроқларига бир хилда қисқа-қисқа жавоб бериб, ўзидан ҳол-аҳвол сўраб илгари юрди. Ҳовлида қуртга барг қирқаётган укаси Обиджон новдалар орасидан ўқдек отилиб чиқиб унинг бўйнига осилди ва «акажон!» деб шундай қичқирдики, аллақаерда ётган хўрот қақоқлаб юборди. Ҳадича хола, одатдагича, кеча ва ундан илгари қандоқ тушлар кўргани, бу тушларга кимлар қандай таъбири айтгани, ҳамманинг таъбиридан яна ўзининг таъбири тўғри чиққани, яъни Сидиқжоннинг келишини билганлиги тўғрисида тинмай жовраб супага қизил шолча ва янги лас кўрпача солди; қозон осилган ўчиқнинг олдига қумғон қўйди; сўнgra яна келинини, неварасини, қудаларини сў-

15

ради. Обиджон акасининг ёнида ўтириб нима қилишини, нима дейишини билмас, дамба-дам унинг елкасини ушлар ва илжаяр эди.

Овқат устида **Хадича** хола қишлоқда бўлиб ўтган ҳамма катта-кичик ҳодисалар тўғрисида гапириб берди. Үрмонжон Капсанчилар қишлоғидаги «Қўшчинор» колхозига партия ташкилотчиси бўлиб кетибди; колхозга Сидикжоннинг холавачаси Сатторқул раис бўлиби ва унинг хотини бирданига учта туғибди, бу тўғрида газетада хабар чиқибди. Комилнинг ўғли ота-онасини Тошкентга кўчириб кетибди; қишлоққа Йўлдош ота Охунбобоев келиб кетибди...

— Охунбобоев суратларига ҳеч ҳам ўхшамас эканлар,— деди **Хадича** хола.

Обиджон бунга қўшилмади:

— Нега, ўхшайдилар-ку,— деди.

— Юзлари ўхшаса ҳам ўзлари ўхшамас эканлар. Мажлис қиладилар, ваъз айтадилар дейишли. Ҳаммамиз бордик. Мажлис ҳам қилмадилар, ваъз ҳам айтмадилар; колхозни яхши қилиш тўғрисида йўл-йўриқ кўрсатиб бир соатча гапирдилару кейин бошқалардан гап сўрадилар. Ҳамма гапирди.

Обиджон, худди бирор қитиқлаётгандай, қиқирлаб;

— Сатторқул акамни бопладилар,— деди.

— Ҳа, раисни бопладилар. Сатторқул чиқиб «ундоқ қиламиз, бундоқ қиламиз» деб аравани қуруқ олиб қоча берган эди, Охунбобоев «қисир сигир кўп маърайди» дедилар. Бирор кулаги бўлди. Сатторқул бирор уялди... Йўқ, колхознинг иши бу йил яхши бўлди. Сатторқул янги раис бўлса ҳам, шошмасдан кўкламни тизгинлаб олди... Ҳа, айтгандай, бу қуртни сўрамайсан... Сатторқул баҳорда қари-қартангларни йигиб, «бекордан ҳамма безор, ҳеч бўлмаса бир қутигина қурт тутмайсизларми?» деди. Ҳамма кўнди. Етти киши бўлиб тўрт қути олдик. Омадимиз келган эканми, ё қурт тутишни соғиниб қолган эканмизми — бирор бўлиб берди, қани энди териб тамом қилолсак? Ҳар қутидан етмиш саккиз килодан пилла чиқса бўладими. Сатторқул дарров районга маълум қилипти, райондан икки киши келиб ҳаммамизни кўрди, ўтқизиб қўйиб сўроқ қилди: суратларингни оламиз дейишли. Кула-кула ўлибмиз. Қумринисо ўлгур «буриш-

ган, тиришган башарамизни кўргани ким ҳиқиллаб турган әкан» деб қочиб кетди. **Ҳ**еч қайсимиш ҳам олдирмадик. Лекин олиб кетди дейишди... Колхоз мукофот берди. Ҳа, айтгандай, райондан ҳар қайсимишга бир кўйлакликдан атлас юбориши. Родилабуви ўлгур, тикиб кийиб олса бўладими! Қари нарса.. Бирам хунук кўринар әкан. Мен уришсан, «умримда атлас киймаган эдим, етказганига шукур» дейди. Ҳар хил одам бўлади... Ҳа, айтгандай, бу иккинчиси... бир йилда икки марта қурт тутаётибмиз. Мана, бўлар әкан, ўғлим, илгари билмас эканмиз. Лекин буниси унча ҳосил бермайди дейишади. **А**гроном алланаси алланима бўлди депти. Ҳар қалай колхозга оламжаҳон пилла бердик. Яна берамиз. Анча нарса олдик. Мана, тўртта кўрпа, иккита якандоз қилдим. Қишигимизни ҳозирдан ғамлаб олдик. Кийим-кечагимиз бўлди. Сенга бир жўра беқасам олиб қўйдим. Ўша атлас ҳам туритти.

Сидиқжон пиёлага қараб-қараб тез-тез чой ҳўплар әкан:

— Сотмабсиз-да, сотиш керак әди,— деди.
— Зориққанимиз йўқ, болам. Беш-үн таңга пул ҳам ортириб қўйдим. Зориққан вақтимиизда колхоз қарашган әди, қарзимизни уздик. Мен айтаман, болам, қўлимдан шунча иш келар әкан, даданг ҳаёт вақтида нега «берсанг ейман, урсанг ўламан» деб ўтирган әканман! Сатторқул Обиджонга битта яхши әтиқ берди. Бор, ўғлим, этигинги олиб чиқ, аканг кўрсин. . . .

Обиджон этигини аллақачон олиб чиқкан әди, якталининг әтаги билан секин, худди синиб қоладигандай авайлаб артиб акасига узатди ва чироғнинг пилигини кўтариброқ қўйди. Сидиқжон әтикни чироққа солиб устини, ичини кўрди. Обиджон унинг остига чертиб кўришини ҳам хоҳлар әди.

Кампир ўзининг тирикчилиги тўғрисида сўзлар әкан, Сидиқжон, гарчи онасининг қийналмаганлигига хурсанд бўлса ҳам хижолат тортар, Зуннунхўжанинг уйидан чиқиб кетиши билан бир оз босилган алами тобора авж олар әди.

Хадича хола буни пайқамай, Сидиқжонни чарчаган гумон қилиб, дарров ўрин солиб берди.

Сидиқжон оилавий можаросини онасиға ҳозирча айтмоқчи әмас әди, буни кайфиятидан ёки бирон гапидан билдириб қўймаслик учун әрталаб чойдан кейин ёр-жўраларини кўриб келиш баҳонаси билан уйдан чиқиб кетди; болалиги ўтган кўча, тор кўчаларни, қумлоқ анҳор бўйларини, сигир боққан жойларини бориб кўрди; бу жойларни ҳазин бир қўшиқни хиргойи қилиб кезар экан, наазарида, кўп замондан бери кўкрагида қатма-қат бўлиб ётган дард-ҳасрати шу қўшиқ билан чиқиб кетаётгандай бўлар әди.

У уйга хийла таъби очилиб қайтди. Кун оғиб, супага соя қайтган әди. Сидиқжон супага чўзилар экан, тутнинг каллагига қистириб қўйилган тунука печкани кўриб қолди.

— Ўхў,— деди кулиб,— печка қўйганмидиларинг?

Хадича хола ҳам кулди.

— Ҳа, болам, Обиджонинг-да... Сатторқул аканг уйини янги турмуш қилди: оқлатди, дарчанинг ўрнига дераза қурди, печка олиб кирди. Қишлоқ одамига бирор бир нарсани бошлаб бермасин! Уни кўриб яна уч-тўрт киши ҳам шундоқ қилди. Обиджонинг шуларга таъсип қиласан деб мени хўп куйдирди-да! Бир куни қарасам дарчани бузаман деб болта кўтариб келаётитти. Ҳай-ҳайлаб болтани қўлидан зўрга тортиб олдим. Яна бир куни токчаларни шуваб ташлаймиз деб ўртоқларини бошлаб келипти. Косовни олиб бир қувдим. Қувишга қувдиму, ҳали-ҳали ичим ачийди: бола бечора нима гуноҳ қилипти? Кўрипти, ҳавас қилипти, ёмон нарсани ҳавас қилмапти. Янги турмуш уйни ким ҳавас қилмайди. Печка қураман деди, майли дедим. Қурдик. Қиши билан бекор турди, икки марта овқат пиширдик, холос, бошқа ёққанимиз йўқ. Сатторқул аканг уйни тузаттириб бермоқчи. Майли, ўшанда дераза ҳам қурсин, оқлатсин ҳам, токча жинига ёқмаса шуватиб ташлай қолсин.

Кечқурун Сидиқжонни кўргани болалигидаги ўртоқларидан бири келди. У ўртоқ кўргани әмас, зўр баҳтсизликка учраган кишидан кўнгил сўрагани келган одамга ҳашаб гапирав әди. Гап қовушмади. Нимадан гап очиласин, икки оғиз савол-жавобдан нарига ўтмади.

У кетгандан кейин Сатторқул келди. Сидиқжон уни яқин икки йилдан бери кўрмаган эди. У Сидиқжон билан кўл учida сўрашиб:

— Хўш,— деди,— ишларинг қалай? Ҳеч келмайсан? Ичкуёв бўл, эвига бўл-да. Ё хотининг қўймайдими? Қўймаса айтмайсанми: сен менинг хотиним бўлсанг, мени хотин оладиган ўғил бола қилиб туқсан онам ўша ерда демайсанми?

Сатторқул шундоқ деди-ю, бу мавзуда ортиқ гапириши истамади шекилли, кампирга мурожаат қилди:

— Сидиқжон борида уйни тузатиб олақолайлик, ўзи бош бўлсин,— деди.

Кампир ер остидан Сидиқжонга қаради.

— Фурсати бўлса майли...

Сатторқул лабидаги табассумини яшириш учун мўйловини бурар әкан:

— Фурсатинг борми, қайнатангдан, Зуннунхўжадан сўраб келганимисан?— деди.

Сидиқжон қизариб кетди. У Сатторқулнинг таънадашиномига жавобан сўнгги вақтларда ўз ҳолатини англаганини, шу сабабли Зуннунхўжа оиласидан буткул чиқиб кетганини, ўтган умрига афсус қилиб, ҳаётини бошқатдан бошлашга бел боғлаганини айтмоқчи бўлган эди, лекин бир нарсани андиша қилиб қолди: «ҳозир шундоқ десам мени масхара қилиб кулмасмикин?» деб ўйлади, шунинг учун әшитилар-әшитилмас:

— Менинг хўжайиним йўқ,— деб қўяқолди.

— Шундоқми?— деди Сатторқул калака оҳангода, лекин Ҳадича ҳоланинг «бас, қийнама» деган мазмунда кўз қисишини кўриб, бошқа гапга кўчди.— Мен ҳисоблаб кўрдим, икки юз йигирма беш сўм чиқим бўлар әкан, холос.

— Ҳа, шунчалик гап әкан-у,— деди кампир,— шу вақтгача қилмаганимизни қара-я! Шугина чиқим билан бўлар әкан-ку!

— Шу вақтгача чиқимдан қўрқиб қилмай юрганимидингиз?— деди Сатторқул,— йўқ, гап чиқимда әмас. Шу дарча чолингиз ҳаёт вақтида ҳам қийшиқ эди, шуни тўғрилаб ўрнатгани пул керакмиди? Йўқ, пул керак әмас, ҳўчириб олиб бошқатдан ўрнатилса бўладиган гап эди.

— Ҳавсаласизлик,— деди кампир.

— Йўқ, холажон, ҳавсаласизлик ҳам әмас. Соҳибжон акам раҳматлиқ ҳавсаласиз одаммидилар? Йўқ! Үрмонжон акамнинг бир гаплари сира-сира әсимдан чиқмайди: ҳамма иллат камбағалчиликда! Уйинг куйгур бу камбағалчилик одамнинг ёруғ дунёдан бўлган умидини кемириб, зангдай еб ташлар әкан. Ёруғ дунёдан умидинг бўлмагандан кейин, дарчанг қийшиқ турди нима бўлдию, тўғри турди нима бўлди. Бунақа нарсалар ҳаммаси дидга, орзу ҳаваста боғлиқ. Дунёдан умиди бўлмаган одамда дид ҳам, орзу ҳавас ҳам сувга уриб кетар әкан.

— Рост, болам, ҳақ гап.

— Ҳозир ҳам камбағалмиэ,— деди Сатторқул давом этиб,— лекин бу камбағалчилик ёруғ дунёдан бўлган умидимизни әмас, ёруғ дунёдан бўлган умидимиз бу камбағалчиликни еб, кемириб ташлаётитти. Шунинг учун одамларда дид, орзу ҳавас бош кўтараётитти. Тинчликомонлик бўлса, бир кун келиб, янги данғиллама иморатлар солиб ҳам, ҳозиргидай, «шунчалик гап экан-ку» деймиз... Хўп, гап шу бўлмаса, Сидиқжон, ўзинг бош бўлиб тезроқ битириб олинглар.

Сатторқул кетди.

У кетгандан кейин Сидиқжон, ортиқ тоқат қилолмай онасига ёрилди, воқиани айтиб.

— Зуннунхўжжанинг уйини елкамнинг чуқури кўрсин,— деди.

Бу гапни эшитиб, Хадича холанинг бошидан рўмоли тушиб кетди.

— Үглим, жон ўглим,— деди ҳўплаган чойини «қилт» этиб ютиб,— нега бундоқ қилдинг? Ўзингни тирик етим қилма. Боланг туфайли ҳар қанча оғирчилик бўлса устингга ол. Бу қарз, болангдан қайтади.

— Мен аввал қарзимни узиб, кейин қарз бермоқчиман.

— Бу нима деганинг?

— Сиздан қарзимни узиб, кейин боламга қарз бермоқчиман.

— Йўқ, болам, мен сендан ўла-ўлгунча розиман. Мен тўғримда энди ташвиш тортмасанг бўлади. Мана, кўп қатори колхозда ишлаб турибман. Колхоз ҳам қатордан қолдирмай қарашиб турипти. Сен кўпроқ ўзинг тўғрингда, ўғлинг тўғрисида ўйла, болам. Сизлар яшайдиган

замон энди келади. Мен бўлсам теракнинг учидағи офтобдай гап: ҳозир борман, бирпастдан кейин йўқ.

Шу пайтда тўсатдан кўча эшиги тарақлаб очилдию. Зуннунхўжа ҳаллослаганича кириб келди. Сидиқжон бошини қуи солганича ўтириб қолди. Хадича хола уни қаршилагани югорди. Зуннунхўжа унга эътибор қилмай, ақлдан озган бир қиёфада тўғри Сидиқжоннинг олдига келди.

— Уйимга ўт қўяман! Ўзимни осаман! Ўғлим, жон ўғлим, мен сизни шу умид билан ўғлим деганимидим?

Сидиқжон пойгага бир оз силжиб, уни тўрга таклиф қилди.

— Қани... юқорига...

— Йўқ, юринг, ўғлим, бас! Бас!..

Сидиқжон унинг кетида турган онасига қаради. Хадича хола «хўп дегин, бор!» деб боши билан қайта-қайта ишора қилди. Сидиқжон ерга қараб:

— Чакки овора бўлибсиз... Сиз овора бўлманг деб «уч талоқ» деган эдим. Йўл йўқ. Шариат йўл бермайди,— деди.

— Йўл бор, ўғлим, шариат йўл беради. Уч талоқ деб ўзига айтганингиз йўқ, менга айтдингиз. Ўзига айтсангиз йўл йўқ эди.

Орага Хадича хола тушди. Ниҳоят, Сидиқжон ҳозир әмас, бир-икки кундан кейин боришга ваъда берди.

Кампирнинг қисташига қарамай, Зуннунхўжа ўтирамади, кетди.

— Болам,— деди Хадича хола узоқ жимлиқдан сўнг,— борасанми?

Сидиқжон илжайди.

— Кўр ҳассасини бир марта йўқотади!

— Колхозга кирасанми?

Сидиқжон чуқур хўрсинди.

— Сатторқул акам рўйхуш бермаяптилар-да...

Хадича хола хийла ўйланиб тургандан кейин:

— Гап битта Сатторқул акангда әмас, болам,— деди,— сенга ҳозир ҳеч ким ҳам рўйхуш бермас... әски ўртоқларингдан айрилгансан, янги ўртоқ ортиrolмадинг... Элдан қолгунча әрдан қолган яхшироқ деб шуни айтса керак-да. Бу колхозни ҳозиргидай колхоз қилгунча одамларнинг эси кетди. Тайёр ошга баковул бўламан

десанг ҳамманинг ҳам кўзига хунук кўринасан. Кўзинг кеч очилди, болам, жуда-жуда кеч очилди.

Сукут қилиб қолган Сидиқжон бирдан бошини кўтарди.

— Энди ҳамма умидим Ўрмонжон акамдан. Ўрмонжон акамни қора тортиб бораман. У киши билан кейинги марта кўришганимда менга жуда қаттиқ гаплар гапиргандари эсингизда борми? Агар менга ичлари ачимаса ўша гапларни гапирмас әдилар.

— Майли, ихтиёринг... Ишқилиб пешонанг очилсин.

Сидиқжон онаси кутгандан ҳам ортиқроқ ғайрат қилиб хаш-паш дегунча ёғоч, сомон, бўйра, тахта ва бошқа нарсаларни ташиб олди ва тездан уста солди. Қора ва қийшиқ дарча ўрнида Сатторқулники сингари қизил деразани кўриб, орзуси ушалган Обиджон унинг остидан нари кетмас, дамба-дам ойнасини артар, ичкаридан ҳовлига худди янги бир оламни тамоша қилаётгандай, зўр мороқ билан қарап әди.

Сидиқжон икки кундан кейин сафар ҳозирлигини кўриб, тушга яқин йўлга чиқди. Ҳадича хола болалик чоғидаги сингари унинг белига нон туғиб берди, пешонасидан ўпди, дуо қилди; ирим қилиб ўзи куэтгани чиқмади.

— Жон болам,— деди ҳовлининг ўртасида туриб,— хат юборгин, бизни хавотир қилма. Шукур, эл қатори ёшигимизга номер қоқилган. Ҳар қаердан бир юзу олтмиш учинчи деб хат ташласанг келади. Аҳмадалининг уйи бир юзу олтмиш саккизинчи. Унга ўғлидан ҳар ҳафта хат келади.

Уни Обиджон қишлоқнинг чиқаверишигача кузатиб қўйди. Обиджон бу можаролардан бехабар бўлса ҳам, акасининг бу кетиши илгариги кетишларидан әмаслигини сезар әди, шунинг учун хайрлашганда йигламади.

Сидиқжоннинг нияти шу кетишида ҳеч қаерда тўхтамасдан тонг отгунча юриб бўлса ҳам Капсанчиларга бориш, тақдиридан шикоят қилиб Ўрмонжонга зор-зор йиғлаш, ўшанинг қаноти остида ўз тўпига яна қўшилиш

учун тинмай, ишдан ишни фарқ қилмай, жон-дили билан меҳнат қилиш эди. У ярим кечаси Бешсерка қишлоғига кириб борди.

Бешсерка қишлоғи маст уйқуда, фақат аллақаерда трактор тарилларди. Сидиқжон катта йўлдан анча четда, каттакон пахмоқ бир дараҳт остида милтиллаб турган чироққа томон бурилди. Бу — қизил чойхона экан. Самовар ётган, бир чол чойнак-пиёла артар, ҳовуз бўйидаги супада кимдир хуррак отиб ухлар эди. Сидиқжон чолга салом берди. Чол унга қарайман деб қўлидаги чойнакни тушириб юборди. Чойнак синди.

— Кўл майиброқ, ўғлим, қўл майиброқ,— деди чол Сидиқжонни хижолатдан чиқариб,— мана шу ўнг қўл караҳт. Ўнг оёқ ҳам... Келинг, ўғлим. Бемаҳалга қолибсиз?

— Ҳа, Капсанчиларга деб йўлга чиққан эдим. Бахрободдан келаётубман.

Сидиқжон яна йўлга тушиш нияти борлигини айтмаса ҳам чол, bemaxalda Капсанчиларниг тўқайидан ўтиш хатарли эканини айтиб, бу кеча шу ерда қолишни, эрта саҳар йўлга чиқишини маслаҳат берди. Сидиқжон ичидагу суюнса ҳам, ўзини чолнинг сўзини иккита қилмаслик учунгина қолаётган кўрсатишга тиришди: чол ўрин солиб берганда ҳам анчагача бир пой этигини ечмасдан йўланиб ўтириди.

— Ечинг этигингизни,— деди чол ўзига ўрин солаётуб,— эрталаб баравақт уйғотаман. Бемаҳалда асти йўл юрманг. Сиздай йигитлик чогимда бошимга бир кулфат тушди. Бувайдадан чиқиб, сиздай, bemaxalga қолдим. Saҳарга яқин Аччида кетаётган эдим, рўпарамдам йўлбарс чиқиб қолса бўладими! Толнинг тагида отйўлакда ётипти... Сочларим тикка бўлиб, әтларим жимирилашиб кетди. Қайтай десам — қувади, ўтиб кетишининг сира ҳисоби йўқ. Турраб қолдим, билмадим, қанча турдим экан. Йўқ, толиимга, нариёқдан арава келиб қолди. Кейин билсам йўлбарс-пўлварс йўқ, ойдинда толнинг сояси экан. Қўрқмайман деб бўлмайди, ўғлим, шунаقا вақтда одамнинг юраги қинидан чиқиб кетади. Чироқни ўчирамми?

— Майли,— деди Сидиқжон ва анчадан кейин сўради:— Тагингиз бувайдаликми? Уша бувайдалик Сайд-

аҳор әшон ўн бир яшар қизни булғаган, шарманда бўлишдан кўркиб уни бўғиб ўлдирган экан; бир әшидикки қочипти деб, бир әшидикки қўлга тушипти деб, шу нима бўлди әкан? **Ҳабарингиз йўқми?**

— Саидаҳор әшон? Саидабрар юзбошининг укасими? Бу воқиадан хабарим йўқ. Бувайдадан чиқиб кетганимга йигирма йилдан ошгандир, кўп ҳам бўлгандир. Ҳали айтдим-ку, Аччида кетаётуб кўзимга йўлбарс кўринди деб, шу кетганимча қайтиб борган әмасман.

— Шунақами?

Чол ечиниб кўрпага кирди, анчадан кейин жавоб берди:

— Ҳа, Бувайданинг суви менга ҳаром бўлган эди. Хотин важидан.

— Хотин важидан? Хотинингиз ёмонмиди?

— Яхши хотин эди,— деди чол хўрсиниб,— бунинг воқиасини айтиб берсам, тонг отгунча ҳам тугамайди. Бирор ёвса катта китоб бўлади.

— Яхши хотиндан ҳам одам қочадими?— деди Сидиқжон қизиқиб.

— Замона шум бўлгандан кейин шундоқ бўлар экан-да! Расми, ёмон хотиндан қочилади, замона шум бўлса, яхши хотиндан ҳам қочар әкан киши. У аввал акамнинг хотини әди. Акам, ҳали айтганим, Саидаброр юзбошининг хизматкори әди. Юзбошининг мол-дунёси бениҳоят кўп, кечалари уйини ўн иккита мерган қўриқлар әди. Уни «чилон» ҳам дейишар әди, билмадим ўша вақтда нимага «чилон»¹ әкан. Кунлардан бир кун мана шу бойнинг уйини куппа-кундуз куни — намозгар пайтида ўғри босди. Бу ўғрилар қизиқ: «ойда, йилда бир келган меҳмонидан айрилмасин» деб ашула айтишади, «юзбошини ўғри босди, кела бер» деб бақиришади. Эрталаб әшидик қўриқчи мерганлардан биттаси ўлипти. Юзбошини ғалати қилишипти: бир сандиқ тилласи бор әкан, олиб чиқиб олдига қўйишипти, «еганингча егин, қолганини олиб кетамиз» дейишипти. Юзбоши еганича епти, ютолмай қолганидан кейин ўғрилар оғзига зўрлаб тиқишипти.

Сидиқжон кулди.

— Ҳаммасини сизларга тутдим деса ўлар әканми?

¹ Чилон — русча член, бирон ҳиссадор ширкатнинг аъзоси.

— Ундоқ дейдиган одам әмас әди-да. Хулласи ит азобида ўлипти. Эртаси шаҳардан саллот чиқиб кўп одамларни, шулар қатори акамни ҳам ҳайдаб кетди. Қишлоқда «бу одамларни сўроқ қилгани ярим пошшонинг ўзи келар эмиш» деган овоза тарқалди. Бир йил ўтди. Бир куни маҳалламизниң әлликбошиши шаҳарга бориб келиб «аканг осилди, ўз кўзим билан кўрдим» деди. Азасини ўтказдик. Орадан бир-икки ой ўтгандан кейин волидамизга келин «әлликбоши менга кўз тиккан, насибам ўшанинг насибасига қўшилган бўлса ўзимни ҳовузга ташлайман» деб йигланти. Ростдан ҳам сал вақт ўтмай, әлликбоши барада киши қўйди. Келин совчи хотиндарни ҳайдаб юборди. Энди унга ҳам қийин-да, ёш умри ўтиб кетаётитти. Волидамиз шундай яхши келинни қўлдан чиқаргани кўзлари қиймади. Акамдан бир қизечаси ҳам бор эди. Нима қилиш керак? Расмимиз курсин... мен никоҳлаб олдим. Яқин тўрт ойча умр қилдик. Умримда хотин кўрганим ҳам шу... Мен Абдурашид пахтафуруш деган бойнинг аравасини минар әдим. Бир куни пахта ортиб шаҳарга кетаётсам, Учкўприкда бир ошнам учраб «э, аканг тирик экан, шаҳарда кўрдим, келаётитти» деб қолди. Акам — жигарим! Суюнаман! Лекин... энди унга қайси бетим билан рўпара бўламан!

— Хижолатлик бўлади, лекин акангиз хафа бўлмаса керак эди.

— Ана шу хижолатликни айтинг! Отдан шундай ўзимни ташладиму, орқага қайтдим. Уйга ҳам кирмадим. Шу кетганимча кетдим. Ҳали йўлбарс тўғрисида гапирдим-ку, шу ерга келганимда қарасам Ачцида кетаётиман. Энди акам нима қилипти дeng: Учкўприкка келганида бирор «хотинингни уканг никоҳлаб олди, уйга бормай қўяқол!» деган экан, у ҳам йўлни бошқа ёққа солдириб кетипти. Волидамиз бедом-дарак кетган икки ўғлининг дард-фироқида куйиб, ётиб қолиптилар. Акам шўрлик ўша келишида Сибирдан қочиб келган экан, қўлга тушадиган бўлганида «менинг сибиръ бўлишим шунчалик зарур бўлса қуруқ бўлмасин, бир гуноҳ қилай» деб, ушлаб бермоқчи бўлган аминнинг кўкрагига бир калла уриб ўлдирипти.

Сидиқжон ўрнидан туриб ёнбошлади.

— Сиз бу гаплардан бехабарсиз-да, албатта.

— Ҳа, кейин әшигтганман. Үша йили баҳоргача ҳар қаерда ризқимни териб еб, баҳорда Авлиёотага кетиб қолганман. Акам яна авахта бўлгандан кейин ҳалиги элликбоши мени ҳам «ўлди»га чиқариб, хотинга совчи устига совчи қўявериپти, ахирин пўписа ҳам қилипти.

— Шунаقا чиройлик хотинмиди?

— Энди, әс-хуши жойида, қадди-қомати келишган, танжони соғ, қуч десангиз битта ман-мән деган йигитнинг ишини баҳазур қиласидиган хотин эди-да. Элликбоши унинг хуснига маҳлие булипти дейсизми, унга беминнат хизматкор керак... Шунаقا қилиб, қарасак, элликбоши қўймайдиган, юртнинг оғзи каттаси бўлганидан кейин ҳар нима қилиш қўлидан келади, «Майли, тегсам тегақолай, лекин бир шартим бор: шартим шуки, мен қизимни ўгай отанинг уйига олиб бормайман, отасидан қолган ҳовлини сотиб, шунинг пули билан бирон қариндошимга топшираман; агар ҳўп десалар, тузукроқ пул бериб ҳовлини олсинлар», депти. Бунаقا шарт элликбошига албатта хуш ёқади-да! Даров ҳовлини ўз баҳосидан анча ортиққа олипти. Хотин, бошқа нарсаларини ҳам сотиб тап-тайёр бўлиб турган әкан, волидамиз билан қизини олиптию бир кечада зим-фойиб бўлипти қолипти. Элликбоши у ёққа от чоптирипти, бу ёққа от чоптирипти — йўқ! Хотин ўз қишлоғига — элликбошининг қули етмайдиган Найманга кетган әкан. Найман Капсанчиларнинг этагида. Орадан яқин икки йил ўтгандан кейин Авлиёотага Бувайдадан бир одам бориб қолди. Ушандан бу воқиаларни әшишиб, келиш ҳарақатига тушдим. У замонда, ўғлим, бизга ўхшаган одамларнинг тўрт танга орттириши қийин эди. То беш-тўрт танга орттириб йўлга чиққунимча яна уч-тўрт ой ўтди. Келдим. Келиб суриштирсам хотин Фармонкул деган бир кишига тегипти. Бу киши Капсанчилар қишлоғидан әкан. Мен Авлиёотага кетмасимдан бурун шу атрофда мардикорчилик қилган эдим. У вақтда ўша Наймандан тортиб то Мирзасролгача дарё бўйидаги ерларнинг кўпи Абдуваққос әшон, Шокиржон бойвачча, Абдусамад қори, Тангриқул ҳожи деган бойларга, бутун қишлоққа дарёдан сув чиқарадиган водокачкалар алланима деган князга қарап эди. Дарё бўйида князнинг каттакон бори бўлиб, князъ ҳар йили баҳорда бола-чақаси, ўн саккизта ити билан келиб, кузакда кетар эди. Мана шу

бойларнинг ерларини әкадиган дәҳқонларни капсанчилар дейилар әди. Қишлоқнинг оти ҳам шундан чиққан. Булар очдан ҳам ўлмайдиган, қорни ҳам тўймайдиган қул қатори одамлар әди. Капсанчилар деганинг маъноси шуки, ҳосилдан бойлар ерининг ҳақини, князъ сувининг ҳақини олгандан кейин пешона тери тўккан дәҳқонга капсан қатори бир нарса қолар әди, холос. Ҳўш... Нима дейтган әдим?

— Хотин теккан киши капсанчилардан әкан.

— Ҳа, Фармонқул капсанчилардан әкан. Тўғри уйига боргани истиҳола қилиб, бир болани юбордим. «Мен фалончи бўламан, онамни олиб кетгани келдим» дедим. Такяда ўтириб энди битта чой ичиб бўлган әдим, қотмагина бир йигит келиб: «Қурбон ака сиз бўласизми?» деди. «Ҳа, мен бўламан» деган әдим, сўрашди. Фармонқулнинг ўзи әкан, йўқ деганимга қўймасдан ҳовлисига судради. Ҳовлисига судрашидан, «менинг ким әканлигимни билмас әкан, хотин яширипти» деб ўйлаган әдим. Йўқ, билар әкан: йўлда «энди хафа бўлмайсиз, тақдир шу әкан» деди. Ҳовлиси дарё бўйига яқин Кўғазор маҳалласида әкан. Мени тўғри уйига бошлаб кирди. Волидамиз бетоб ётган әканлар, мени кўриб хушдан кетдилар. Узларига келиб кўзларини очганларидан кейин Фармонқул она-болани холи қўйиб чиқиб кетди. Бўлиб ўтган ҳамма воқиани волидамиз йиғлаб-йиғлаб гапириб бердилар, «энди бўлар иш бўлди, у дунё-бу дунё мени рози қиламан десанг, шу хотинни рози қил» дедилар. Бечора хотиннинг тортган азобларини айтиб берсалар одамнинг юракбағри эзилиб кетади. Хотин шу хилда азоб тортиб, менга уч йил кўз тутипти. Ахир бир куни волидамиз йиғлаб,— юзидан-кўзидан ўпиб, «энди бас, қизим, ҳаммамизниң ҳам иззатимиэни жойига қўйдинг, эрга тег» дептилар. Шундан кейин хотин эрга тегипти. Бирпасдан кейин Фармонқул, унинг кетидан хотин қизини етаклаб кирди. У мендан қочмади. Ҳаммамиз ўтирибмиз, қани энди биронтамиздан садо чиқса!.. Ҳайрият, ҳалиги қиз бор әкан — гапга кавшар бўлди... Кеч кирди. Такяга борай десам Фармонқул қўймади. Шу ерда қолдим. Волидамиз, хотин қизи билан уйда ётишди. Фармонқул икковимиз ташқарида ётдик. Уйқу келмади. Ўтиб кетган, ҳозир ҳаммамизни ҳам хижолатга қўйган иш тўғрисида Фар-

монқул узр тариқасида бўлса ҳам гап очармикин деб хавотирда әдим, йўқ, у ҳам шундай хавотирда әкан шекилли, капсанчилардан сўз очган әдим, дарров илиб кетди. Кейинги йилларда капсанчилар ерни ташлаб кета берган әкан, бойлар ерларини арzon-арzon ижарага беришипти. Шунаقا арzon беришипти, ер талаш бўлиб кетипти. Ижара шартининг яхшилигини айтинг: ер қанча кўп олинса, шунча арzon ва узоқ муҳлатга берилади; ижара ҳақи ҳам нақд әмас, деҳқон бойларга вексель беради ю ерни қанча муҳлат билан олган бўлса қарзни шу муҳлат ичидаги кам-кам узади. Фармонқул ҳам ҳовлиқиб ўн йил муҳлат билан ер олипти, вексель берипти. Уша йили капсанчилар жуда-жуда хурсанд бўлишипти. Бироқ янаги йилга бу мурувватнинг миси чиқипти: бойлар бу ишни князъ билан тил бириттириб қилишган әкан. Князъ сув пулини уч баравар ошириб юборипти. Капсанчилар йўлу кўтаришган әкан, князъ «шаҳардан саллот чақираман» деб босипти. Фармонқул шундан ҳасрат қилди, «илгари ҳам бир нав әкан, энди ерни ташлаб ҳам кета олмайман, Тангиқул ҳожига вексель берганман» деб йиғлагундай бўлди.

Сидиқжон қайнатаси Зуннунхўжанинг «сиз менинг ҳам куёвим, ҳам ўғлимсиз» деганини эслаб, кулиб қўйди.

— Нега куласиз? — деди чол.

— Ҳаммаси бир хил бўлар әкан!.. Гапира беринг, ота!..

Чол давом этди:

— Шунаقا қилиб, уч кун туриб қолдим. Тўртинчи куни жавоб сўрасам, хотин ҳовлининг пулини олдимга қўйиб, «мана бу омонатингиз, онамни бўлса то тузалмагундарича сизга бермайман» деди. Бечора шунча азоб тортиб бўлса ҳам ҳовлининг пулига тегмаган әкан.

Чолнинг товуши ўзгарди, ўпкаси тўлди шекилли, бирпас тек қолиб, кейин гапириди:

— Пулни олмадим, минг марта розиман, сизга она сутидай ҳалол бўлсин, деб ўзига қайтариб бердим. Волидамизнинг майилларини сўрасам, у киши: «мени шу аҳволда қаерга ҳам олиб борасан, аввал бирон бошпана топ; олиб кетганингда ҳам неварамдан узоққа олиб кетмагин» деб кўз ёши қилдилар. Мен, Бувайдага олиб кетсан,— ўз қишлоғимиз,— бирон кавак топилар деб ўйла-

ган әдим. Волидамиз бундоқ деганларидан кейин шу атрофдан бирон иш топишга ҳаракат қилдим. Князниңг уч жойда водокачкаси бор әди, шулардан биронтасига одам керак әмасмикин деб конторига борсам, саркори ўзимизнинг бувайдалик чиқиб қолди, арз-хол қилсангиз князь келади, отларига қарайдиган сиздай бир одам керак» деди. Ўзим отга ишқибоз әдим, хўп дедим. Ўн кун деганда князь хотини, бўйи етган икки қизи, оқсоchlари, ўн саккизта ити билан келди. Учта оти бор әкан, ҳар отларки, юлдузни кўзлайди. Бу отларга ўзим ҳам ишқибоз бўлиб қолдим. Хайр, хизматга кирдим. Қиладиган ишним — отларга қарап, кечқурунлари ҳалиги икки қизни отлиқ саёдат қилдириш. Князь ўзи гоҳ Тошкентга, гоҳ Андижонга кетиб, узоқ-узоқ туриб қолар әди. Князь мени бир ойча ишлатиб кўриб, әнди ойлик тайин қилганда бир куни ярим кечаси Фармонқул келиб «волидангиз сизни ўйқлаётптилар» деди, юрагим жир этиб кетди; борсам, тилдан қолиптилар; калта-калта нафас олиб шипга қараб ётиптилар. Тонг отди. Кун ёйилганда узилдилар... Охирги нафасни олиб бошларини шундай менга буриб, хира кўзлари билан бир қарадилар. Шу қарашнинг маъносини ҳали-ҳали билмайман: хайр дедиларми ё бирон илож қил дедиларми?

— Иккови ҳам әмас,— деди Сидиқжон чуқур хўрсипб,— мен кетдим, әнди сенга ким куяди деганлари! Она ишундоқ бўлар әкан!..

— Ҳа, баракалла, мана бу гап тўғри,— деди чол ва хийла вақт жим қолиб, кейин давом әтди,— шундан кейин бир кўнглим, Авлиётага қайтиб кета берайми дедим; кўргулик экан, яна қолдим. Оқпошшо от олди, князь учта отдан иккитасини бериб юборди, қолган битта отни каляскага ўргатгин деди. Ҳаром ўлгур от ниҳоятда асов әди, бир тарзи ўргатганимда олиб қочдию, каляскани чуқурга тиқди, ўзим калясканинг тагида қолдим. Бир кечаю бир кундуз бехуш бўлиб ётибман. Кўзимни очиб қарасам, Вася Тюминнинг уйида ётибман.

— Ким, кимнинг уйида?— деди Сидиқжон.

— Вася Тюмин. Водокачкаларга қарайдиган, ўшаларни юргизадиган бир рус бор әди. Капсанчиларнинг етти яшардан етмиш яшаригача ҳамма, ҳамма билар әди.

«Олма гули, Вася Тюмин, ёру жўранг омонми» деб унинг номига ашула ҳам чиққан әди. Шунинг уйида уч ҳафта ётдим. Шу йигит менга уч ҳафта қаради, бир бурда нон топса юмшоқ жойини менга бериб боқди... Уч ҳафтадан кейин ўрнимдан турдим. Билмадим нима бўлган әкан, шундан кейин бир қўлим билан бир оёғим буткул ишга ярамайдиган бўлиб қолди. Қарасам ишга ярамай қолдим, саркорга учраб «ишлаган ҳақимни беринглар, мен кетаман» десам, саркор: «хўжайин инсоф қилиб тургандা ҳақ тўғрисида оғиз очманг, коляска анча пул билан тикланди» деди. Нима дейман? «Замона зўрники». Фармонқул билан, хотини билан хайрлашдим, жиянимнинг пешонасидан ўпдим, Вася Тюминга «хайр энди, ука, бу қилган яхшилигинг у дунёю бу дунё әсимдан чиқмайди» дедим... Вася Тюмин: «шу ерда қолинг, ўзим енгил иш топиб бераман» деб кўп қистади. Кўнмадим...

Чол «қилт» әтиб ютинди, бир оз жим қолгандан сўнг давом этди:

— Йўлга нон берди... Олти ярим танга пул берди... Кетдим. Уч кун деганда шаҳарга кириб бордим. Шаҳарда шу караҳт қўл-оёқ билан беш-ён кун ҳаммоллик қилиб Авлиёотага жўнадим. Оқпошшо, ундан кейин бошқаси ҳам тахтдан тушгандан кейин, билмадим нима хаёлга бордиму, қайтиб келдим. Вася Тюминни, Фармонқулни, жиянимни кўрай, волидамизнинг қабрларини зиёрат қиласай деб тўғри Капсанчиларга бордим. Бориб қарасам, уччала водокачка ҳам вайрон-валонгор, эгилган-букилган темир-терсаклари занглаб ётипти. Фармонқулнинг уйин теп-текис! Суриштирсан, Фармонқул ҳам, хотини ҳам урушда ўлган әкан. Вася Тюмин билан жиянимдан дарак тополмадим.

— Қанақа уруш? — деди Сидиқжон.

— Азиэтепа урушини эшитмаганмисиз? Уша уруш мана шу Капсанчилардан бошланган әкан. Асқар қўрбоши деб эшитганингиз борми? Тангиқул ҳожининг куёви оқтовуқлик Асқар понсот шу ерда, шу урушда ўлдирилган әкан. Одамларнинг айтишига қараганда, хотини Фармонқул билан баб-баравар юриб босмачилар билан отишити. Ишонаман! Қирқ йигитга бош бўладиган хотин әди!

— Ҳа, баҳазур ишонса бўлади,— деди Сидиқжон

ўйчан,— ўша замонда әллиқбошини боплаган хотин-да!
Фармонқул қизил аскар бўлган эканми?

— Йўқ, ҳукумат ўзимиэга ўтиб, князъ қочгандан кейин Тангриқул ҳожи водокачкаларга даъвогар бўлипти: «князъ водокачкаларни менга сотиб кетди» деб ҳужжат кўрсатипти. Водокачкадаги рабочийлар бу ҳужжатни тан олишмапти: «князъ сени алдапти, водокачка уники әмас, халқники, пулингни княздан қайтариб ол» дейишипти. Тангриқул ҳожи илоннинг ёенини еган эди-да, қараса бўлмайдиган — ишни катта қиласа, халқ гапнинг тагидан хабардор бўладио, бусиз ҳам меҳри баланд бўлган Вася Тюмин ва унинг ёр-жўраларига әргашади, шунинг учун индамапти, кулиб қўяқолипти; лекин, ўзига ўхшаган мулкдорлар билан бамаслаҳат бошқа йўл тутипти: халқ орасида «халифайи Рум Бухорога келди, Эргаш қўрбоши бориб, мусулмонобод йўлида ғазот қилгани халифадан фотиха ва юз минг сарбоз олиб келди» деб гап тарқатипти, Васяни товушини халққа әшиитирмасдан ўлдириш мақсадида халқни қоракалтак қилиб чиқариш пайига тушипти. Орадан уч кун ўтиб, намозжумадан кейин Абдуваққос әшон ваъз айтипти, ғазотга фатво берипти. Тангриқул ҳожи бошлиқ аламон оққалтак-қоракалтак бўлиб, водокачкага қараб юрипти. Лекин аламон ярим йўлга етмасдан Меликўзи деган бир йигит Тангриқул ҳожининг қорнига пичоқ урипти. Шу ерда аламон иккига бўлинниб, неча ҳисса кўпайиб кечгача ур-йиқит бўлипти. Шом пайтида йигирма учта қизил соқчи етиб келипти, лекин булар тўполонни бартараф қилгунча Тангриқул ҳожининг куёви оқтовуқлик Асқар понсот бир юз саксон йигити билан келиб капсанчиларни ўраб олипти. Йигирма учта қизил соқчи бир юз саксон босмачига қарши саҳаргача отишпти. Қизил соқчилардан ўн бир киши, капсанчилардан саккиз кишининг ўлиги қолиб, қолган қизил соқчилар билан капсанчилар саҳарга яқин тўқайга кириб кетишипти. Асқар понсот эрталаб ўн саккиз әрқагу бир хотиннинг ўлигини дарёга ташлатипти, эгаси қизил соқчилар билан кетган ҳамма уйларга ўт қўйдирипти.

— Отряд чақиришмаган экан-да, отряд! — деди Сидиқжон афсусланиб.

— Отряд ўша куни Тангриқул ҳожига жаноза ўқиляётгандаги етиб келипти. Шу куни намозгаргача Кап-

санчиларда, ундан кейин бир кечаю бир кундуз Азизтепада уруш бўлиб, Асқар поясот оғзидан ўқ еб ўлиши. Авлиётадан келсам шу... Жияним билан Васядан дарак тополмадим. Бир ёри булар, қолаверса волидамизниг қабрларидан кўнгил узолмай, Капсанчиларда қолиб кетдим. Бир-икки йил ямоқчилик, ундан кейин Абдусамад қорининг самоварида самоварчилик қилдим. Шу орада ер ислоҳати бошланиб қолди. Комиссиялар қорининг самоварида ишлади. Қорининг ҳам ери кўп экан, сўроққа ҳаммадан бурун кириб: «ортиқча ҳамма еримни меҳнаткаш чоракорларга, эзилган батракларга бўлиб бериш учун ишчи-дехқон ҳукуматига тутдим» деди.

Сидиқжон таажжубланди.

— Уз ихтиёри билан-а?

— Ҳа.

— Бизнинг қишлоқда катта ер эгалари осонликча жон бергани йўқ, бир иккита одам ҳам ўлди.

— Бу ерда ҳам ҳаммаси ўз ихтиёри билан бериптими дейсиз, битта шу Абдусамад қори шундоқ қилди-да. Шундан кейин қори самоварини ёпиб, менга жавоб берди. Толлиққа бордим. Ундан кейин мана шу ерда МТС ташкил қилиндию бунга ўша пахта заводида ишлайдиган бир йигит каттакон бўлиб келди. Шу йигит мени олиб келиб МТСга қарашлик қизил чойхонага қўйди. Ишимдан курсандман. Энди битта яримта насибаси қўшилган хотин чиқиб қолса уйлансан деган ўйим ҳам йўқ әмас. Ҳар замон Капсанчиларга бориб волидамизниг қабрларини зиёрат қилиб келаман. Капсанчилар ҳозир ҳаммаси битта колхоз бўлган. Дарёдан сув чиқаришга уриниб ётишипти.

— Жиянингизни бошқа қидирмадингизми? — деди Сидиқжон.

— Хўп қидирдим. Заводда қоровул бўлиб юрган вақтларимда уч марта газетага ҳам бердим. «Ҳанифа Усмоновани кўрган-билган одам бўлса, Толлиқдаги пахта заводига хабар қйлсин» деб ёздирдим. Топилмади! Вася Тюмин Ашховот урушида ўлган деб эшигдим.

Шу яқин ўртада хўрөз қанот қоқиб жуда ҳавсала билан қичқирди. Бунга аллақаердаги жўжахўрөз шошибишиб жавоб берди.

— Ана шунақа гаплар,— деди чол,— энди ухласак ҳам бўлар-а?

Сидиқжон бу чоқ қиз боланинг тақдиди тўғрисида ўйлар эди, чолнинг гапини әшифтади. Унинг миясидаги ўй хаёлга, хаёли тушга тулашиб кетди.

Сидиқжон әрталаб нонуштадан кейин жўнамоқчи бўлган әди, Қурбон ота:

— Бирпас сабр қилсангиз машинага тушиб кетасиз, МТСнинг машиналари Найманга қатнаб туради. Наймангача машинада борсангиз, у ёги яқин,— деди.

Сидиқжон умрида автомобилга тушмаган, унга тахтиравон, шоферларга эса қарийб Афлотун деб қарагани учун:

— Йўғел!— деб қулди.

— Нега?

— Энди...

— Бемалол! Ўзимизга қарашли йигитлар, биронтасига айтамиэ...

— Машинага ҳеч тушган әмасман,— деди Сидиқжон кулиб.

Қурбон ота энгавиб самоварнинг остига сим тиқаётган әди, қаддини ростлаб Сидиқжонга қаради.

— Нима?

— Умримда тушган әмасман.

— Шу чоққача қайси бурчакда мөгор босиб ётган әдингиз?

Сидиқжон чолни ўзи сингари умрида автомобилга тушмаган деб ўйлаган ва шунинг учун ундан бундай гап чиқишини кутмаган бўлса керак, қаттиқ изза тортди, нима дейишини билмай, бошидан дўпписини олиб у ёқ-бу ёғига чертди, тиззасига қўйиб жиягини тортди. Бу гапни олтмишга бориб қолган бир чолдан әшифтганлиги унга ниҳоятда наша қилди. Шундан кейин автомобилга тушиб кетиш унинг учун бир ҳавас, Қурбон ота қўзғотган хоҳиш әмас, ўз қадрини билган ҳар бир одам боласи кундалик ҳаётдан талаб қиладиган заруратлардан бирига айланди; шундай зўр заруратга айландики, шу куни Найманга

автомобиль чиқмаган эди, пиёда кетмади, кунни Қурбон отага қарашиб ўтказди: кўмир майдалади, хумга сув тўлдирди, ҳатто, бирон таниш-билиш кўриб қолса Зуннунхўжага етказади ва Зуннунхўжа албатта «ўла» дейди деган андишага ҳам бормай, чой ташиди, самоварнинг саҳнини супурди... Қурбон ота, унинг автомобильда кетишга жазм қилганини кўриб, кечқурун МТСдан әртага қачон автомобиль бўлишини билиб келди. Шу мўносабат билан яна автомобиль тўғрисида гап чиқиб, Сидиқжон «шу ҷоққача қайси бурчакда мөгор босиб ётганлигини» ва эндиги ниятини батафсил сўзлаб берди.

— Э-э-э,— деди Қурбон ота,— Ўрмонжон? Ўрмонжон менинг тутинган ўғлим-ку! Мен Капсанчиларга онамнинг қабрини зиёрат қилгани борганимда ҳамма вақт ўшаникига тушаман. Кунга бу кун нима? Шанбами? Бугун МТСга келган бўлиши керак. Келмаган бўлса, өнди келади. МТСга келганида мени кўрмасдан кетмайди.

Сидиқжон, бир томондан, Ўрмонжонга қандай рўпара бўлишини ва гапни нимадан бошлишини билмай юраги пўкиллаб, иккинчи томондан, унинг хуш қабул қилиши умиди билан әнтикиб кутар эди. Унинг ҳолатини сезган Қурбон ота МТСга уч марта бориб келди ва ниҳоят, охирги боришида «келипти, оти шу ерда» деб келди.

Ўрмонжон тўсатдан келиб қолди. Унинг келганини на Қурбон ота пайқади, на кўз-қулоқ бўлиб турган Сидиқжон. У икки қўлида уттадан олтига чойнак кўтариб ҳовуз бўйидаги чойхўрлар олдига кетаётган Сидиқжонни кўриб, худди кўзига ишонмагандай, туриб қолди. Қурбон ота иккинчи самоварга хумдан сув олиб қўймоқда эди. Сидиқжон ҳовуз бўйидан бўш чойнакларни олиб қайтишда узоқдан Ўрмонжонга бир қарадию, афтидан, танимади. Ўрмонжон соқолини буткул қирдириб ташлагани ва бунинг устига каттакон оқ қалпоқ кийиб олгани учун юзи кичкина ва қоп-қора кўринар әди.

— Янги касб қуллиқ бўлсин, бойвачча! — деди Ўрмонжон.

Сидиқжон Ўрмонжонни товушидан таниди, бир лаҳза гангиб қолди-да, сўнг ўзига келиб, қўлидаги чойнакларни ерга қўясолиб унга томон отилди, лекин унинг қимирламаганини — бир оёғини супанинг четига, бир қўлини белига қўйиб тураверганини кўриб, икки қадам берида

тўхтади. Ўрмонжон қоматини ростлади ва сўрашгани қўл узатар ёкан:

— Нима қилиб юрибсан бу ёқларда? — деди.

Қурбон ота сада остидаги супага жой қилди. Сидиқжон Ўрмонжонга бутун воқиани айтиб берди ва сўзининг охирида:

— Энди сизнинг әтагингизни ушлаганим ушлаган, Ўрмонжон ака,— деб кўзига ёш олгандай бўлди.

Ўрмонжон унга бирон жавоб қилишини хоҳламагандай, ланжроқ бир товуш билан:

— Менинг әтагим сенга нима қилиб берар әди, ўз билганингдан қолма,— деди.

Унинг авзойини кузатиб турган Сидиқжон бошини қўйи солди.

— Мен сизни қора тортиб келдим, Ўрмонжон ака. Сиздан бошқа ҳеч кимга гапира олмайман.

Қурбон ота яна чой келтирди ва Сидиқжоннинг афтидан суҳбатнинг мазмунини Фаҳмлади-да, Ўрмонжоннинг ёнига чўкка тушиб:

— Ўрмонжон, ўғлим, бола бечорага бир ёрдам қилгин, ўтган гапга саловот,— деди.

Ўрмонжон кулди.

— Жоним билан. Ҳозирнинг ўзида ёрдам қилишга тайёрман. Мана, сенга биринчи ёрдамим,— деди у Сидиқжоннинг яктагини ушлаб, этигининг қўнжини ғижимлаб.— Бу яктагинг эскирса янгиси борми? Башарти, колхозга олишса, ҳали-бери янги яктак, янги этик ололмайсан. Бизнинг колхозчилар бунаقا этик киядиган бўлгунча бир-икки қовун пишиғи ўтади... «Қўшчинор»да иш қўп, ош оз. Сен катта охурдан ем еб ўргангансан, чидолмайсан.

Қурбон ота Сидиқжонга қараб «ваҳма қилаётитпи» деган мазмунда кўз қисди, бунга ҳам қаноат қилмай:

— Ўғлим, Ўрмонжон, бола бечорани чўчитмагинда! — деди.

— Йўқ, отахон, билгани яхши. Уй оладиган киши йини минорада туриб кўрмайди. Колхоз илгари икки юз ўн уч хўжаликдан иборат әди, ҳозир бир юз саксон тўрт хўжалик қолди, бошқалари ҳар ёққа кетиб қолди.

— Гапинг тўғри-ку, лекин колхозларинг дуруст бўлиб келаётитпи: дамба қилиб тошқин балосидан қутул-

диларинг, ариқ битай деб қолди. Колхоз яхши бўлиб кетишилиги шундан маълум-да!

— Албатта яхши бўлиб кетади. Бунга ҳамма ишонади. Ҳатто ўша қочиб кетганилар ҳам ишонар әди. Улар ишонмаганидан қочиб кетганий ўқ, оғир меҳнатга чидамади. Одамлар колхоз яхши бўлиб кетишилигига ишонмаса, канал ишида шунаقا ишлармиди? Айниқса қиши кунлари-я!

Қурбон ота қаҳратон қиши кунларини эслади. Қаттиқ совуқ. Дарё томондан эсган изғирин бурунни учирив кетай дейди. Уст-боши юпун йигитлар, чоллар қулоқларини рўмол билан боғлаб олиб кетмон уришади, тупроқ кўчиришади; хотинлар замбил кўтаришади, қоп орқалашади. Буларнинг ичидаги оёғига увада ўраб, сим билан боғлаб олган кишилар ҳам бор әди.

— Рост, ўғлим! Жуда катта бир нарсадан умиди бўлмаган одам бу хилда меҳнат қилмайди. Яхши, йиглаб-ийғлаб марза олсанг, кулиб-кулиб сугорасан.

Ўрмонжон бошқа ҳеч нарса демади, МТСда иши бор экан, кириб кетди.

Сидиқжон ўтирган ерида ўтириб қолди. Қурбон ота, Ўрмонжон ҳали узил-кесил бир гап айтганий ўқ, деб Сидиқжонга тасалли бера бошлиди. Орадан ярим соат ўтгандан кейин Ўрмонжон МТС томондан иккита отетаклаб келди.

— Қани, қайси бирини минасан? — деди у ҳануз сукут қилиб ўтирган Сидиқжонга қараб.

Сидиқжон бирдан бошини кўтарди, аланглаб қолди. Қурбон ота Сидиқжонга «ана, айтмадимми» деган маънода қошини учирди. Сидиқжон югуриб бориб отлардан бирининг жиловини тутди.

Иккови Қурбон ота билан хайрлашиб жўнади.

ИККИНЧИ БОБ

1

Наймандан тортиб то Мирзаоролгача дарё бўйидаги ерларни авваллари чоракор ва батрак бўлиб, кейинчалик катта ер әгаларидан ижарага олиб әккан деҳқонлар

дарё бўйидаги қаторасига кетган катта-кичик бешта ҳав зага ўрнашган бўлиб, бу ҳавзаларнинг ҳар бири бир маҳалла, ҳаммаси Капсанчилар қишлоғи деб аталар эди. Бу ерларга дарёдан сув чиқарадиган водокачкаларни босмачилар бузиб ташлагандан кейин капсанчиларнинг бир қисми аста-секин ҳар ёққа кўчиб кетиб қолди. Ер ислоҳотидан кейин бир йил дарё тошиб әкинларнинг ярмидан кўпинобуд бўлди; яна бир йили қаттиқ қурғоқчилик бўлиб, әкинлар куйиб кетди. Мана шу йиллари, гарчи ҳукумат ёрдам берган бўлса ҳам, капсанчиларнинг яна бир қисми ҳар томонга кўчиб кетди. Шундай қилиб беш маҳаллалик Капсанчилар қишлоғи Қўшчинор, Бақақуруллоқ, Қўғазордан иборат уч маҳалла бўлиб қолди.

Ер ислоҳоти вақтида ва ундан кейин юзага чиқиб қишлоқ совети атрофига тўпланган активлар азим бир дарё бўйида осмондан тушадиган томчига зор бўлиб ўтиришни кулгили бир ҳол ҳисоблаб аввал район ижроия комитетига, ундан кейин область сув хўжалиги бошқармасига ариза беришди.

Қишлоққа район ижроия комитетининг раиси келиб водокачкалардан бирини тиклаш ҳақида мажлис ўтказадиган бўлди. Мажлисга фақат активлар чақирилган бўлса ҳам, сувнинг дарагини әшишиб, бутун қишлоқ келди. Қўғазордаги водокачкадан қолган ҳаробанинг саҳни одамга лиқ тўлди. Раис Капсанчилар қишлоғининг талабига мувофиқ район ҳукумати водокачкалардан бирини тиклашга қарор қилганлигини, асбоб-ускуна келтириш учун Тошкентга одам кетганлигини билдириди. Капсанчилар бу хабарни әшишиб бениҳоя курсанд бўлишиди. Бироқ водокачкалардан қайси бири тикланиши тўғрисига келганда ҳалойиқдан ола чиқди. Капсанчилар уч гуруҳга бўлинди. Ҳар қайси гуруҳ ўз ерига яқин водокачканинг тикланишини хоҳлар, ҳамма ҳам сувнинг бошида бўлишни истар эди.

Тортишув қизиб кетди.

— Бақақуруллоқдаги тикланмайдиган бўлса — ҳеч кераги йўқ!

— Қўшчинордаги водокачка тикланадиган бўлса — тикланмагани яхши!

— Қўғазордаги водокачка тикланадиган бўлса — таги билан қўпориб ташлаймиз!

Раис бошқалардан кўра Бақақуруллоқдаги водокачкани тиклаш мувофиқ ва қулайроқ әканини тушунтиришга кўп овора бўлди. Капсанчилар, сиртдан муросага келган бўлиб, зиммаларига тушган вазифаларни мумкин қадар теэзроқ бажаришга сўз бериб тарқалишиди.

Буларнинг зиммаларига тушадиган вазифалар — хумдондан ғишт, Зарбулоқдан қум ташиш ва Бақақуруллоқдан икки томонга қараб кетган ариқларни тузатиш, кўмилиб кетган шохобчаларни қайтадан қазиши, янги ариқлар чиқариш әди.

Икки кундан кейин қишлоқ советининг раиси Самандаров қишлоқдаги ҳамма от, әшак ва ҳўкизларни навбат билан ишлатиш учун рўйхат қилди. Улов жуда оз әди. Бунинг устига Капсанчилардан улов олиш шу қадар қийин эдикӣ, Самандаров усталар келгунча бу ишлар битмай қолишидан хавфсираб, ҳар кимга алоҳида-алоҳида уқдиришга, ҳатто ялинишга мажбур бўлди. Қўшчинорлик ёки қўғазорлик у ёқда турсин, сувнинг бошида бўладиган бақақуруллоқликлар ҳам ўзи ёки уловининг жонини койитгиси келмас әди. Қўғазорлик Тўлаган ака деган киши ҳатто отининг оёғига мих қоқиб оқсатиб қўйибди. Натижада олти-етти кунлик иш йигирма саккиз кунга чўзилди.

Ниҳоят водокачка қурилишига уста тушди.

Ариқларни тузатиш, қазиши ишида капсанчилар яна ҳам ноаҳилроқ бўлишди. Булардан, айниқса сувнинг бошида бўладиган бақақуруллоқликлардан ҳеч бири ўз еридан сал нарига бирон кетмон уришни хоҳламас, Самандаров хуноб бўлиб бўйилса, «дэҳқоннинг бошини бириктиришдан кўра зофора ундан чап-чап ёпиш осонроқ» деб кулишар әди.

Шундай бўлса ҳам водокачка битгунча ариқлар тайёр бўлди. Водокачканинг очилиш маросими катта тўига, каттакон саийлга айланиб кетди. Бу сув қишлоқнинг бутун дард-фалокатини, бутун қашшоқлигини ювиб кетаётгандай ҳамма шод-хуррам, ҳамма аҳил, орада ўтган паст-баланд гаплар унтилган әди.

Мана шу кунларда колхозчилик ҳаракати бошланиб кетди.

Капсанчилар Баҳрободда собиқ батрак ва чоракордан ташкил топган бир колхоз борлигини, улар ер-сув, от-улов, асбоб-ускуналарини ўртага солиб шериклик дех-қончилик қилишларини эшигтан, лекин бу одамлар нима учун, нима мақсадда шу йўлга кирганларини билишмас, бунга бирор чандон қизиқсан ҳам әмас. Колхозлаштириш ҳақида миш-миш гаплар кўпайгандан кейин бунга ҳамма қизиқди, шунинг учун, район партия комитетининг секретари Аҳмедов шу тўғрида мажлис ўтказгани келганда Бақақуруллоқдаги водокачка майдонига одам сифишимай кетди.

Аҳмедов гапни Капсанчилар қишлоғининг тарихидан бошлади, капсанчиларнинг ўтмишидаги ҳаётларини ба-тафсил гапириб берди; сўнгра, ер ислоҳоти тўғрисида гапириди, ўшанда «худо бермаган ерни бандасининг қўлидан олмайман» деб аввал ер олишдан бош тортган Қамбарали акага тегишиб ҳаммани кулдириди. Қамбарали ака қизариб, ер чизиб ўтирад әди.

— Албатта,— деди Аҳмедов,— ер зарурларнинг зарури, лекин қашшоқликдан чиқиш учун ерининг ўзигина кифоя қилмайди. Буни ўзларинг кўриб турибсизлар.

Орқада ўтирган қўғазорлик Тилла бува луқма ташлади:

— Кўриб турибмиз, биримиз икки бўлаётгани йўқ. Ер бўлгани билан худо баракани кўтарса қийин. Ҳали ҳам ўша «бултурги Эшматмиз».

— Биримиз икки бўлмаётитти деганингиз тўғри, отахон,— деди Аҳмедов,— лекин ҳали ҳам «бултурги Эшматмиз» деганингизга қўшилмайман. «Бултурги Эшмат» ердан тиши билан суғуриб олган ҳосилининг деярлик ярмини бой акасига берар әди. «Бу йилги Эшмат» шуни бермайди.

Ҳамма гуруллаб унинг сўзини тасдиқлади.

— Энди,— деди Аҳмедов давом этиб,— худо баракани кўтарганлиги масаласига келайлик. Дарҳақиқат, Тангриқул ҳожи ҳар гектар еридан қирқ-қирқ беш путта етказиб пахта олар әкан, ҳозир, масалан, бизнинг Қамбарали ака худди ўша ерининг ўзидан ўтган йил йигирма икки пут пахта олипти. Энди иккинчи томонга назар ташлайлик. Ўша вақтларда әкадиган ери ўзига кифоя қиладиган дех-

қонлар ҳам бормиди? Албатта бор әди. Худо баракани кўттармаган ўша вақтларда буларнинг ҳоли қандоқ бўлган әди? А, Гулом ака, ўша вақтларда қанча ҳосил олар әдингиз?

Олдинги сафда ўтирган қоп-қора, озғин, сөн оралаган узун ва жуда сийрак соқоли шабадада ҳиллираб турган Гулом ака бир оқариб, бир қизариб, секин ўрнидан турди.

— Оладиган ҳосилим қарз билан учма-уч келавергандан кейин пахта әкишини ташлаб юборган әдим,— деди ва дарров ўтири.

— Демак,— деди Аҳмедов,— гап худо баракани кўтарғанлиги ё туширганлигига эмас, бараканинг ўзи ерни қандай хўжалик әкканлигига қараб бўлар экан. Тангриқул ҳожи бақувват хўжалик әди. Гулом ака ел келса йиқиладиган бекувват хўжалик әди. Тангриқул ҳожи катта ҳамёнини — узанги, чоракор-батракларни—жилов қилиб ерни маълум даражада миниб олган әди. Гулом ака ерни мина олмас әди. Тангриқул ҳожи қўлидаги бутун воситалар билан ерни қамчилаб кўпроқ ҳосил беришга мажбур қиласр әди, Гулом ака эса ернинг берганини олар әди. Демак, бараканинг сири нимада экан? Бараканинг сири ерни кўпроқ ҳосил беришга мажбур қилишда, уни миниб олишда экан. Кўпчилиги янги, эскилари ҳам нимжон бўлган ҳозирги деҳқон хўжалиги ерни миниб ола оладими? Йўқ! Бунинг учун нима қилиш керак? Икки йўл бор: бири — Тангриқул ҳожининг йўли, иккинчиси — миরзаороллик собиқ батрак ва чоракорлар тутган йўл. Тангриқул ҳожи йўли билан борилганда битта Тангриқул ҳожи чиқиши учун Қамбарали акага, Гулом акага ўхшаганлардан йигирма-ўттизтаси «бултурги Эшмат» бўлиши керак. Бунга партия йўл бермайди, мутлақо йўл бермайди! Мирзаороллик собиқ батрак ва чоракорлар тутган йўлдан борилганда ҳали янги, эскилари ҳам нимжон хўжаликлар бирлашиб катта куч ҳолига, саноатимиз бераетган тракторни узанги, илмни жилов қилиб ерни миниб оладиган зўр хўжалик ҳолига келади. Партия ва ҳукумат буни қўллайди. Мана шунинг оти колхоз бўлади.

Аҳмедов капсанчиларни колхоз тузишга чақириб сўзини тамом қилди. Савол-жавобга ўтилди. Савол ёғилиб кетди. Ҳаммадан кейин, ҳозиргина онасини әмган бузоқ-

дай, лабининг икки бурчи оқариб турган, юзи шишинқи-
раган — заҳил бир йигит худди дон тиқилган товуқдай
бир товуш чиқарип, қўлини кўтарди.

— Савол!.. Ҳукумат ўзи берган ерни ўзи тортиб
олар әкан-да?

— Кимдан тортиб олар әкан? — деди Аҳмедов.—
Тортиб олиб кимга берар әкан? Бойларгами? Сизга шу
гапни ўргатиб юборган одамга бориб айтинг: совет ҳу-
кумати ерни сиздан тортиб олгандан кейин асл әга-
ларига топширган әкан, энди ердан умид қилмас әкан-
сиз, денг!

Кулги кўтарилди, қарсак бўлиб кетди.

Йигит, нима бўлганига тушунолмай, оғзини катта
очиб, киприк қоқмай, баҳрайиб тураф әди.

Олдинги қаторда ўтирган Бўтабой деган ўрта ёшлар-
даги бир киши баланд овоз билан:

— Нишонбой, бу саволинг палағда чиқди, бориб
Оқилхонтўрадан бошқа савол олиб келгин! — деди.

Яна кулги кўтарилди.

Музокара бошланди. Биринчи бўлиб сўзга Рўзимат
деган ёшигина, лекин бўлиқ бир йигит чиқди.

— Менинг сўзим қисқача. Аҳмедов акам трактор
тўғрисида гапирилар. Мен ҳам шу тўғрида гапириб
ўтмоқчиман. Мен баҳорда Қатортолга борган эдим.
Жияним ўша ерга тушган. Шу Қатортолда бундан уч
йил бурун ташкил қилинган уруғчилик совхози бор. Шу
совхознинг директори ислоҳотда ер олган батраклардан
биттасига божа бўлар әкан. Шу батрак директорниң
олдига бориб: «уловим йўқ, божа, шу бу йил трактори-
нгиз билан еримни ҳайдатиб берсангиз, дурустроқ ҳосил
олсам, келаси йил уловлик бўлар эдим» депти. Дируктор
қўнипти, лекин, ерни бориб кўрганидан кейин: «Бу бир
парча ерни трактор билан ҳайдаш замбарак билан қўён
овлашдай гап; қўшниларинг кўнса, ҳаммаларинг ерла-
рингни қўшиб яхлит қилинглар, бир кунда ҳайдатиб бе-
раман» депти. Ўн уч хўжалик ерини қўшипти, шулар
ичида бизнинг куёв ҳам бор экан. Трактор бир ярим кун
ишлаб, тизза бўйи ҳайдаб берипти. Булар бир талай қў-
риқ ҳам очиб олишипти. Тракторнинг ҳақини ўн уч хў-
жаликка сочилганда битта отнинг уч кунлик ем-хашаги-
дан арzon тушипти.

— Мана шу нима? — деди Аҳмедов.

— Тракторнинг фойдаси.

— Бундан ташқари?

— Бундан ташқари... деҳқоннинг фойдаси.

— Куртак! Куртак! — деди Аҳмедов,— мана шундан колхоз кўкариб чиқади. Турмушнинг ўзи деҳқонларни бирлашишга, колхоз бўлишга ундаётитти! Хўш, ундан кейин нима бўлди?

— Ундан кейин мен бу гапни келиб Бўтабой акамга айтдим. Бу киши «иттифоқнома ёздириб районга борсак бўлар экан» дедилар. Шунинг устига Тиллабувам келиб қолдилар, бу киши: «Қиймат беҳикмат эмас, арzon — беиллат эмас, бунниг тагида бир иллат бордир, сабр қиласайлик» деб ланжлик қилдилар.

— Бир мен айтганим йўқ бу гапни! — деди Тиллабува дўнғиллаб.

Бўтабой ўрнидан туриб чолга қўлини шоп қилди:

— Бир сиз айтмаган бўлсангиз ҳам аввал боши сиз айтдингиз!..

— Тўғри,— деди йигит сўзида давом этиб.— Шундан кейин бу ишга қунт қилмадик. Мен нима демоқчиман? Мен шуни айтмоқчиманки, бирлашсак, колхоз бўлсак, ҳукуматимиз трактор берса биримиз икки эмас, ўн бўлади, юз бўлади. Шу билан сўзим тамом... Ҳа, айтгандай, бу орада «трактор ерини куйдириб, жирини қуритиб уч-тўрт йилда гиёҳ унмайдиган қилиб қўяр эмиш», «трактор чўчқанинг ёғи билан юрап эмиш», «гўристондан товуш чиқипти» деган гаплар чиқиб қолди.

— Бунаقا гаплар кимдан чиқади? — деди Аҳмедов мийигида кулиб.

Боласини эмизиб ўтирган бир хотин икки-уч оғиз ростлаганидан кейин әшитилар-әшитилмас:

— «Гўристондан товуш чиқипти» деган гапни мен Нишонбойдан әшитган эдим,— деди.

Аҳмедов буни әшитиб қолди.

— Нишонбойдан әшитган бўлсангиз әшиттандирсиз, лекин бу гап Нишонбойнинг ўзидан чиқсан эмас. Нишонбой курк товуққа ўшаган нарса: әгаси товуқнинг тухумини бостирадими, ўрдакнинг тухумини бостирадими — унга бари бир — очиб чиқараверади.

Қийқириқ кулги бўлиб кетди.

— Бунақа гап трактор келса зиён қиласынан одамдан чиқады,— деди Аҳмедов давом этиб,— трактор келса, ким зиён қиласы? Дәхқон хұжалигининг күчсизлигидан, пулга, от-уловга, асбоб-ускунага муҳтожлигидан Фойдаланиб қимирлаб қолған, ер ислоҳотида қирқилған тирноғи ўсган ва ўсаётган, күчсиз хұжаликтерни илондай авраб дамига тортаёттан одамлар зиён қиласы. Қишлоқда шунақа одамлар борми?

Хар томондан товушлар әшитилди:

— Топилади.

— Бор!

— Ҳа, баракалла,— деди Аҳмедов,— товуш гүристондан әмас, мана шулардан чиқаётитпі. Булар иониміз яримта бўлади деб ҳалитдан, ҳали трактор келмасдан бурун ириллаётитпі.

Рўзиматдан кейин Тиллабува сўз олди. Ҳамма «балаға қолдинг» деган маънода кулиб Рўзиматта қаради.

Тиллабува узун, оппоқ соқолини тутамлаганича энгашиброқ йўргалаб олдинга чиқди-да, қоматини ростлаб Аҳмедовга қаради.

— Гапинг тўғри, ука: мен бурунги капсанчи әмасман, дәхқонман! Нима важдан, бултурги Эшматман дедим. Бу гапни шу важдан айтдимки, Шокиржон бойваччанинг ерини әкиб ёки ундан ерни ижарага олиб юрган вақтларимда бу одам орттираётган туман бойликни кўриб шўр пешоналигимга бирдан-бир сабаб ерсизлик, сувсизлик деб ўйлар әдим; шунинг учун, ислоҳотда ўзимга теккан ерни белгилаб қозиқ қоққанимда, водокачка қурилишига орқалаб ғишт ташиганимда кўп нарсаларни мўлжаллаб қўйған әдим, кўп нарсаларни орзу қилған әдим; лекин, ука, ер олганимдан кейин ҳам ўша мўлжалларим юзага чиқмади, орзуларим ушалмади. Мана шу важдан мен бултурги Эшматман дедим. Бунинг сабабини мана энди билдим. Бундан чиқдик, бизнинг аҳволимизни сен ўзимиздан яхшироқ билар әкансан, бундан чиқдик, бизни рўёбга чиқарадиган йўлни ҳам сен биласан. Агар бизни рўёбга чиқарадиган йўл колхоз йўли бўлса — бошла, ука, әтагингни ушлаганимиз ушлаган! Иккинчи сўзим тирноғи ўсгалар, бизни илондай авраб дамига тортаётганлар тўғрисида. Бу тўғрида ҳам сенга қойилман. Ёғочнинг бўшини қурт ейди. Бизни

илондай авраб дамига тортаётганлар кимлар — Нуъмон ҳожи, Мирҳомидхўжа, Саидносир, Оқилхонтўра, Мирҳайдар...

— Ҳой, имонсиз чол, Мирҳайдар акани нега қўшасан? — деди кимдир орқадан.

— Нега қўшмас эканман? Мирҳайдар бизни Эшмат қилимаётитими?

Бояги товуш яна қичқирди:

— Мирҳайдар ака кимни Эшмат қилиптилар?

Тиллабува бўйини чўзиб товуш чиққан томонга қаради, лекин гапирган кишини кўролмади.

— Ҳой, бундоқ ўрнингдан туриб гапирсанг-чи! Нега қочтан беданадай писиб чурқиллайсан. Мирҳайдарнинг Тўхлимергандаги шолипоясини ким әкади? Бу шолипояни Мирҳайдар Шодиқулдан қанақа қилиб олган, биласанми? Унинг Митондаги боғига ким қарайди? Мирҳайдар Мамадалига қўш ҳўқизини нимага бериб қўйипти? Қани, ҳой, Мамадали, гапирсанг-чи, сенга муруват юзасидан берганми?

Орқада тикка турган ёшгина йигит, Мамадали, ўзини одамларнинг орқасига олди.

— Мирҳайдар одамларни Эшмат қилмаганими бу? — деди Тиллабува давом этиб, — ҳукуматга чап бериб кучсиз ҳўжаликларнинг баданига зулукдай ёпишиб олган мана шунақа одамларнинг танобини тортиш керак.

Тиллабувадан кейин сўзга чиққанларнинг бири камбағалчиликдан иолиб, яна бири ҳукумат деҳқонни яхши йўлга бошлайди деган қаттиқ ишонч билан колхозга хайриҳоҳлик кўрсатди ва ҳаммаси ҳам муштумзўрлар тўррисида Тиллабуванинг сўзини қувватлади.

Капсанчилар колхоз тувишга қарор қилишди.

Мажлисда ҳамма масала ечилгандай, Аҳмедовдан сўралмаган ва тўлиқ жавоб олинмаган савол қолмагандай бўлган әди, бироқ, орадан икки-уч кун ўтар-ўтмас, ечилмаган масалалар, Аҳмедовдан сўралмаган гаплар чиқа бошлади: водокачкани тиклагани гишт ва қум ташища, тайёр сувга ариқ чиқаришда шунчалик ноаҳил бўлган одамлар колхозда аҳил бўлишармикин? Куч-қуввати баравар, бир-бирига жони ачийдиган одамлар бирлашиб колхоз әмас, колхозча бўлишса қандоқ бўлар өкан?

Январнинг бошларида область партия комитетидан вакил келиб қишлоқ совети раиси Самандаровнинг уйига тушди. У қоп-қора, қотма, вужуди пай бир йигит бўлиб, афтидан ёшини чамалаш қийин әди. У, капсанчи-ларнинг кайфиятини райкомнинг иккинчи секретари Шодиевдан аштиб, чеки шу қишлоққа тушганига жуда хурсанд әди. Шодиев унга «колхозга ҳамма бир оғиздан қўл кўтарган, муштумзўрга қўлини бигиз қилиб «думини туг» деб турипти, демак, ҳамма тайёр — қўл тегизилса — палахса-палахса кўчиб чиқа беради» деб ишонтириди.

Эртасига камбағал дехқонларнинг мажлиси чақирилди.

Оппоқ қор. Узоқ-яқинда қарғалар қагиллайди. Қош қорайганда юпун кийинган одамлар қунишиб, дилдирашиб Бақақуруллоқ майдонидаги қизил чойхонага томон кела бошлади. Ёзлик қизил чойхонанинг атрофига чий тутилиб, ҳар ер-ҳар еридан туйнук қўйилган, бу туйнукларга газет қофозлар ёпиширилган.

Ичкари қоронғу, ғовур. Одам кўп. Қаердадир чақалоқ ингаламоқда. Қаердадир чилим қуриллайди. Мана шундай мажлис ва байрам кунларидагина ёқиладиган қирқинчи осма чироқ ҳозиргина ёқилган бўлиб, ҳали пилиги кўтарилган әмас. Унинг хира шуъласида президиум столига ёпилган қизил алвоҳ, унинг устидаги бир тахта оқ қофоз, орқа томондаги деворга ёпиширилган портрет ва плакатлардан баъзисининг бир бурчи, баъзисининг ярми, столга яқин ўтирган кишиларнинг қоп-қора калласи кўринади.

Самандаров чироқнинг пилигини кўтарди, қаламнинг орқаси билан столни қоқиб ғовуруни босди.

— Уртоқлар! Жим!.. Ҳой, Рисолат, болангни йиғлатмагин, ахир, эмизсанг бўлмайдими!.. Чилим чекилмасин, деган таклиф тушди. Уртоқлар, камбағал дехқонларнинг колхоз қурилишига багишланган ялпи мажлисини очиқ деб әълон қиласман, әълон қилиш билан бирга сўз областдан келган вакил ўртоқ Сафаровга...

— Уртоқлар,— деди Сафаров,— мени бу ерга область партия комитети ва темир йўл депосининг ишчи-

лари юборди. Менинг бу ерга келишдан мақсадим меҳнаткаш дәхқонни қашшоқликдан чиқарадиган, дәхқонни тракторга миндириб социализмга олиб борадиган ишда, яъни колхоз тузиша, ҳамма меҳнаткашларнинг қонини сўриб келган муштумзўрни таг-томири билан юлиб ташлашда сиз оға-иниларимга ёрдам беришдир. Мен ҳам дәхқон боласиман. Аслимиз Қудашдан. Отам Одил кўрдеган қўқонлик бойнинг Қудашдаги ерини экар әди. Одил кўрни эшигтан бўлсаларинг керак: Қўқонда бойлар «ҳукумат» тузиб, йўқ аскарга аскарбоши керак бўлиб қолганда бу одам Сибирдан қочган каллакесар Эргашни Бачқирдан оқ кигизга ўтқизиб олиб келган. Унинг шаънига ўша вақтда байт ҳам чиқкан әди.

Кима дод айлайн аҳли ҳукумат бўлса Одил кўр,
Кўп одам қонига зомин бўлиб бу бирла жоҳил кўр,
Урушни бошлабон, қочди ўзи бўлмай муқобил кўр,
Қочиб билмамки, охир кетди Афрон ичра Кобил кўр.

Бу йигитнинг оғзидан байт чиқишини, айниқса буна-қа қизиқ байт чиқишини ҳеч ким кутмаган бўлса керак, ҳамма гуриллаб кулиб юборди.

Мажлисдан расмият руҳи, мажлис аҳлига Сафаровни бегонароқ кўрсатиб турган парда кўтарилди.

Сафаров давом этди:

— Отамни мана шу Одил кўрнинг ювиндихўри Пайгамбарқул қўрбоши отиб ташлаган. Мен бу билан нима демоқчиман. Шуни айтмоқчи бўламанки, камбағал нон деб бosh кўтарса, бой-муштумзор қон деб тош кўтарида. Буни ер ислоҳоти вақтида, ундан илгари ҳам ўзларинг кўргансизлар, айтиб ўтиришнинг ҳожати йўқ. Колхоз нима эканини ўзларинг биласизлар. Райком секретари ўртоқ Аҳмедов бу тўғрида сизлар билан суҳбатлашган әкан.

— Биламиз!

— Ёзиламиз! — деган товушлар әшитилди.

— Хўп,— деди Сафаров,— бу тўғрида әнди гапир-масак ҳам бўлади. Бу масала ҳал. Энди иккинчи масала га ўтайдик.

Энг орқада ўтирган Бўтабой шошиб-пишиб оғзидағи ноенни ташладиую, қулоғини боғлаган қийиқчасининг учи билан мўйловини артиб қўлини кўтарди ва:

— Мумкинми....— деб ўрнидан турди,— мен шундай айтмоқчи бўламанки, ўртоқ Сафаров ҳақ гапни гапирдилар. Камбағал бош кўтарса бой тош кўтаради. Колхоз камбағалнинг фойдаси бўлмаса муштумзўр бунчалик типирчилаб қолмас эди. Ҳўроздан, «тонг отишни нимадан биласан» деб сўралса, «ёрқанотнинг чийиллаганидан биламан» деган экан. Мен колхозга биринчи бўлиб ёзиламан...

Унинг ёнида ўтирган Қамбарали секин қўлини кўтарди.

— Мумкинми... Сўраганнинг айби йўқ... «Колхоз социализмга олиб боради» дедингиз, социализмга ҳаммани олиб борадими ёинки хоҳлаган бориб, хоҳламаган қола берадими?

Бўтабой шовқин солиб ўрнидан турди:

— Вой, беғуворе, социализмни хўп тушунган экансиз! — деди ва социализм нима әканини тушунтира кетди, лекин ўзи ҳам аниқ равшан бир сўз айтолмай, гапни чайнай бошлади. Сафаров тез-тез луқма ташлаб, мисол қистириб унга ёрдам берди.

— Бошқа савол йўқми? — деди Сафаров,— бошқа савол бўлмаса, иккинчи масалага ўтамиз. Биз муштумзўрларнинг ерини, асбоб-ускунасини, иш ҳайвонларини олиб колхозга беришимиз ва ўзини бу ердан бадарга қилишимиз керак.

Мажлис бир лаҳза жим қолдию, кейин, ундан-бундан товушлар чиқа бошлади:

— Отангга раҳмат!

— Ҳайдалсин!

— Мол-мулки ҳам тортиб олинсин!

— Хўп,— деди Сафаров,— бўлмаса шундоқ жазога лойиқ муштумзўрларни номба-ном айтайлик. Қани, ёзинг, ўртоқ Самандаров! Биринчи... ким?

Ҳеч кимдан садо чиқмади. Сафаров яна қайтиб сўрагандан кейин бир неча киши Нуъмон ҳожининг номини айтди.

— Биринчи Нуъмон ҳожи Қаландаров. Кимда ким Нуъмон ҳожи Қаландаровнинг хўжалиги тугатилсин, ўзи бу ердан бадарга қилинсин деса, қўлини кўтарсин.

Ҳамма баравар қўл кўтарди.

— Иккинчи... ким?

Яна жимлик чўкди. Бўтабойнинг зардаси қайнаб кетди.

— Ҳой, халойиқ, нимадан қўрқасан!— деди ўтирган ерида қўлини пахса қилиб.

Орқадан кимдир:

— Кўрқмасангиз ўзингиз айтинг!— деб дўнғиллади. Бўтабой ўрнидан турди.

— Нимадан қўрқаман? Ез! Мирҳомидхўжани ёз! Саидносир, Оқилхонтўра, Мирҳайдар, Абдумалик...

Шу онда чироқ шарақлаганича бориб шипга урилдию, ерга тушиб чил-парчин бўлди ва бирданига иккита ўқ чиқди. Ҳалойиқ бир лаҳза жим қолди, кейин, бирданига ўзини эшикка урди. Эшик қулади, қамиш девор ўпирилди. Чақалоқнинг бигиллагани, хотин кишининг фарёди эшитилди. Нимадир қарсиллаб синди. Кимдир ўкирди. Кимдир сўқинди. Ерга тушган чироқ бир-икки лопилладио аввал кўк, кейин қизғиш аланса кўтарилди. Сафаровнинг кўзи деворнинг тагида бир-бирини пийпалаётган икки кишига тушди. Бунинг бири бояги Бўтабой ака әди. Сафаров югуриб бориб, уни бўғаётган йўғон кишининг елкасига бир тепди. Йўғон киши ўрнидан тура солиб Сафаровга ташланди. Сафаров икки қадам орқага чекинди, кейин гавдасининг бутун оғирлигини олдинга ташлаб, муштининг қирраси билан унинг кекирдагига туширди. Йўғон киши чалқанча йиқилди ва сўйилган товуқдай питирлаб, сувак тиқилган итдай хириллай бошлади. Бўтабой ака ерда ётган қўш тиф миљтиқни олиб қўндоғи билан унинг калласига солмоқчи бўлган әди, Сафаров тутиб қолди.

— Урманг!

Бу орада ташқаридан товушлар әшитила бошлади:

— Ушла!

— Оқилхонтўра!

— Тўхта, отиласан!

Сўнгги товуш Самандаровнинг товуши әди.

Сафаров супадаги кигиэни тортиб аланганинг устини қоплади-да, югуриб ташқарига чиқди. Оппоқ қорда одамларнинг қораси елиб-югурур әди. Самандаров тўппончадан осмонга ўқ узди. Одамлар орасидан чиқиб дарё томонга югуриб кетаётган кимдир қоқиниб йиқилди...

Ҳаял ўтмай бир нечта чироқ пайдо бўлди. Ҳамма қизил чойхонага кирди. Бўтабой ака қўш тиғ миљтиқни кўтариб, худди часовойдай, гоз турар, Мирҳайдар унинг оёғи остида дамба-дам ўқчиб ётар әди. Бир неча киши қўл-оёғи боғланган Оқилхонтўрани судраб олиб кирди. Шу онда кимдир:

— Тиллабува! — деб қичқириб юборди.

Ҳамма ўша томонга юзланди. Чироқ тутилди. Тиллабува мукка тушиб ётар, унинг ўнг томонга қайрилиб чиққан узун, оппоқ соқолига бўйнидан оқиб тушаётган қон бўғланиб турар әди. Оқилхонтўра Бўтабойни мўлжаллаб отган ўқ Тиллабувага теккан экан.

4

Мажлис әртасига кечқурун давом әтди. Мажлисда рўйхатдаги камбағал деҳқонларнинг ҳаммаси ҳозир бўлди. Рўзимат, ҳеч ким буюрмаган бўлса ҳам, эшик олдида узун сўйил кўтариб турар ва чойхонага кирадиган ҳар бир кишини бир тўхтатиб, кейин киргизар әди.

Колхозга кириш тўғрисида мажлисгача йигирма тўқииз камбағалдан ариза тушган әди, мажлис бошланиши олдидан яна ўн саккиз кишидан ариза тушди.

Мажлис жуда тез тугади. Самандаров колхозга кириш учун ариза берганларни номма-ном айтиб мажлисдан ўтказди, кейин, хўжалиги тугатилиши керак бўлған муштумзўрларнинг рўйхатини ўқиди. Булар: Мирҳайдар, Оқилхонтўра, Абдумалиқ, Мирҳомидхўжа, Сайдносир, Шокиржон бойвачча, Нуъмонҳожилардан иборат әди. Мажлис рўйхатни бир оғиздан тасдиқлади ва шу билан бирга, муштумзўрлар мол-мулкини яшираётганини, отуловини сўяётганини айтиб, бу ишни тезроқ ўтказишни қишлоқ советидан талаб қилди. Активлардан учта кўмакчи группа ташкил қилинди.

Эртасига муштумзўр хўжаликларни тугатиш учун кириш бошланди.

Сафаров бошлиқ Рўзимат, Қамбарали акалардан иборат группа Мирҳомидхўжанинг уйига борди. Унинг ҳовлиси, ташқаридан қаралганда Қўшчинордаги бошқа уйлардан чандон фарқ қиласа ҳам, Капсанчиларда шундоқ

ҳовли бўлишини сира кўз олдига келтирмаган Сафаровни ҳайратда қолдирди: баланд ғишт пойdevорлик тўрт уй, даҳлиэ, деворига толгул ва бўйни узун офтобанинг сурати солинган баланд айвон, ошхона; сон-саноқсиз мевалик дарахтлар, ток, бир томонда отхона, бир томонда оғил, омбор... Қишида шундоқ чиройлик кўринган бу ҳовли ёзда қандоқ бўлса экан!

Мирҳомидхўжа уларни кўпдан кутилган азиз меҳмонлардай таъзим-тавозе билан қарши олиб, даҳлизга, ундан чап томондаги уйга бошлиди. Бу уйдаги сандал атрофига шоҳи ва атлас кўрпачалар тўшалган, катта-катта пар-ку ёстиқлар қўйилган, дастурхон турли-туман қанд-қурс, мева-чева, анвои мураббо, гижда, чап-чап, патир, бўғирсоқлар билан зеб берилган, қисқаси мезбон меҳмон кутиш санъатини хўп ўрнига қўйишга зўр берганлиги кўриниб турадар эди.

— Қани, қани ўтирсинлар... Бир пиёла чойимиз бор...

Қамбарали калишини ечаётib Рўзиматга қараган эди, Рўзимат қовоғини солди. Қамбарали ечган бир пой калишини дарров кийиб олди. Рўзимат ер остидан Сафаровга қараб: «қани, бошлайлик» демоқчи бўлди. Сафаров гап бошлишни имо билан унинг ўзига ҳавола қилди. Рўзимат томоғини бир-икки қириб олгандан кейин:

— Биз чой ичгани келганимиз йўқ! — деди.— Бўладиган гап шуки, камбағаллар мажлис қилиб сизнинг хўжалигингизни тугатишга, ўзингизни Капсанчилар қишлоғидан бадарға қилишга қўл кўтаришди.

Бу гап кутилмаган бўлмаса ҳам, Мирҳомидхўжанинг ёшига номуносиб равишда таранг ва тиниқ қизил юзи оқаришди, оқ оралаган чўққи соқоли хиёл титради. У, ҳаяжонини яшириш учун, уйқусизликдан қизарган ва ёшланиб турган кўзларини бош бармоғининг орқаси билан артар экан:

— Шундоқми? — деди ва илжайишга ҳаракат қилди.— Ҳай-ҳай, кўп яхши, кўп яхши! Бурунгилар «юргурганники эмас, буюрганники» дейишган. Биз елдик, юргурдик; уй-жой, рўзгор қилдик; биэга насиб қилмаган экан, буюрганга насиб қилсин. Кўп яхши. Сўзимиз шу... Нима десаларинг, нима қилсаларинг қуллуқ қиласиз. Муштум-зўр десаларинг ҳам қуллуқ, ҳайдаймиз десаларинг ҳам

қуллуқ. Биз шу вақтгача ҳукуматдан фақат адолат кўрдик. Ҳеч қайси замонда ҳукумат бундоқ камбағалпарвар бўлган эмас. Биздан лозимки, бундоқ камбағалпарвар ҳукуматнинг адолатига тан бериб унинг райони қайтармасак... Шундоқ қилдик ҳам: одамлар қасд қилиб қўл кўтарса, биз паст бўлиб қўл қовуштиридик; одамлар молини яширса, биз... мана, кўриб турибсизлар, бир дона гугурт чўпини ҳам остонаядан ташқарига чиқармадик.

Рўзиматга қараб ўзини сипоқ тутишга тиришиб, қоғонини очмаган Қамбарали Мирҳомидхўжанинг сўзига жон-дили билан қулоқ солар экан, сипоҳиликни эсидан чиқариб қўйди, ҳатто Мирҳомидхўжага дилсўёзлик важидан чуқур уф торти. Сафаров ичиде кулдию, Мирҳомидхўжадан:

— Бу иморат отангиздан қолган бўлса керак? — деб сўради.

— Йўқ,— деди Мирҳомидхўжа,— бу ер бир чордевор эди, агар эшитган бўлсалар, Асқар понсон деган қонхўр босмачи ўт қўйган уйлардан эди. Биз ўша вақтда муҳтоҷ бўлган бева-бечораларни йиғиб ош бериш мақсадида бир бостирма солдик.

— Очлик йилими?

— Балли. Ҳукуматимизнинг даврида яхшилик ерда қолмас экан, шу одамлар кейинчалик бизга қарашиб шунчалик жой бўлди...

— Ўша очлик йили солганимисиз?

— Балли.

— Ўша бева-бечораларни ишлатганимисиз?

— Биз ишлатмадик, ўзлари... Отамиэдан қолган унча-мунча харжимиз бор эди.

— Демак, бу иморатни ўша очлик йили солган экан-сиз-да?

— Бева-бечораларга бошпана бўлсин деб солган өдик.

Иморат тўғрисида қайта-қайта савол беришдан ва буни очлик йили солинганлигини таъкидлашдан Сафаровнинг муроди Қамбарали акага: «Кўрдиларингми» дейиш эди. Қамбарали буни дарров фаҳмлаб, яна қоғонини солиб олди.

Мирҳомидхўжа яна гап бошлаган эди, Рўзимат дераза-нинг тубига ўтириб дафтарини очиб:

— Энди иш бошлаймиз, амаки,— деди,— биз бутун хўжалигингизни хатга оламиз. Хатга тушган нарсалари низ колхозга ўтади. Эртага кечгача уйни бўшатиб қўясиэз.

Мирҳомидхўжа таъзим қилди.

— Хўп, хўп, жоним билан.

Бу уйдаги ҳамма нарса хатга олингандан кейин ташқарига чиқилди.

— Отхонага,— деди Сафаров.

Сафаров билан Рӯзимат отхонага кетаётганда Мирҳомидхўжа Қамбаралини секин туртди.

— Сиз оғилни кўриб турасизми?

— Майли.

Иккови оғилга кирди. Оғилда тўрт ҳўкиз, икки сигир, икки бузоқ бор эди. Мирҳомидхўжа оғилнинг эшигини секин ёпди-да, имо билан Қамбаралини бир чеккага чақирди. Қамбарали ҳайрон бўлиб турар эди.

— Берироқ келинг,— деди Мирҳомидхўжа пичирлаб ва рўмолчага тугилган бир нарсани қўйнидан олди.— Ҳи-ҳи... Шуни шаҳарлик меҳмон билан бўлишиб олинглар, лекин сиздан мен яна қарэдор. Яна қарэдор! Ана у бола ҳали ёш, унга билдирамай қўяқолинглар.

Мирҳомид шу гапни айтиб, тугунчани Қамбарали аканинг қўлига тутқизди. Тугунча хийли оғир эди. Қамбарали ака бир тугунчага, бир Мирҳомидхўжага қараб, гаранг бир аҳволда:

— Нима бу?— деб сўради.

— Қўйнинтизга солиб қўя беринг, кейин кўрасиз.

Қамбарали ака тугунни ечди, бир даста нуқул юз сўмлик пулни кўриб кайфи учиб кетди.

— Қўйнингизга солинг, солинг!— деди Мирҳомид пичирлаб.

Шу онда ташқаридан Рӯзиматнинг «жийрон от қани?» деган товуши әшитилди. Афтидан, Сафаров иккови оғилга томон келмоқда эди. Мирҳомидхўжа шошиб Қамбарали аканинг қўлидан пулни олди-да, унинг қўйнига тиқди. Эшик очилиб Сафаров кирди. Мирҳомидхўжа югуриб бориб говмиш сигирни устундан ечарёкан:

— Ҳи-ҳи... Уч маҳал соғилар эди... Ҳи...— деб Сафаровга қаради.

Сафаров Қамбарали аканинг авзойидаги ўзгаришни кўриб:

— Ҳа?— деди.

Қамбарали ака қўйнидан бояги пулни чиқариб унга узатди.

Сафаров дарров фаҳмлади. Мирҳомидхўжа сигирнинг устига қўлини ташлаб, илжайиб турар әди.

— Неча пул бердингиз?— деди Сафаров хиёл табассум қилиб. Унинг табассум қилганини кўриб Мирҳомидхўжанинг жони кирди.

— Бешта, ука, бешта... ҳи-ҳи-ҳи...

— Қамбарали аканинг баҳоси беш минг сўм деб сизга ким айтган әди?

— Ҳи-ҳи-ҳи... Қолганига биз қарэдор...

— Қамбарали акани сотиб олгани кучингиз етмаса керак. Милтиқ билан бўлмади, әнди пул билан раҳна солмоқчимисизлар?

— Э-э, ука,— деди Мирҳомидхўжа ранги ўчиб,— мен... мен пора деб берганим йўқ, наҳотки шундоқ десаңгиз...

— Нима деб бердингиз?

— Ахир... Ҳамма нарсани нима деб хатлаётисизлар, шуларни оласизларми, ахир. Шулар қатори... бисотимда шу пул бор әкан, бераётисман-да.

Қамбаралининг жони чиқиб кетди ва уни чапароста қилиб сўкиб ташлади.

— Икковларинг бўлишиб олинглар демадингизми?— деди бўрилиб.

— Ҳи-ҳи-ҳи... Тушунмапсиз. Мен ундоқ деганим йўқ.

— Ҳўп,— деди Сафаров,— Рўзимат, мана бу пулни ҳам дафтарга ёзиб қўй!

— Езсин, ёзсин,— деди Мирҳомидхўжа,— мен буни ҳам дафтарга ёзиш кераклигини билмабман.

Сафаров пулни Рўзиматга берди.

Мирҳомидхўжа уйнинг зинасига ўтириб хийла вақтгача сукут қилди, кейин бошини кўтариб: «Ҳўп, ҳўп, яхши, кўп яхши» деди, лекин бу гапни ўзига гашидими, буларга айтдими — билиб бўлмас әди. Мирҳомидхўжанинг хўжалигини хатлаш кечгача давом этди.

Сафаров соат бешларда Рўзимат билан Ҷамбарали ақага жавоб бериб, сельсоветга қайтиб келди. У эшикдан кирганда даҳлизда ўтирган уч киши баравар ўрнидан туриб салом берди. Сафаров буларни ҳеч кўрмаган эди. Ичкарида Самандаровнинг олдида яна икки киши ўтирган әкан. Сафаров булар билан ҳам саломлашди-да, ти-тилиб, пружиналари кўриниб ётган диванга ўтириб папирос чекди. Самандаров столнинг тортмасидан бир нечта қофоз олиб, илжайганича, унинг ёнига бориб ўтириди-да, русчалаб:

— Муз кўчди, ўртоқ Сафаров, ўрта дехқон қимирлаб қолди,— деди ва қўлидаги қофозларни унга берди.— Беш кишидан ариза...

— Бу яхши гап,— деди Сафаров ҳам русчалаб ва араб алифбесининг қадимги имлосида ёзилган аризалардан бирини ўқиди.

«Капсанчилар қишлоғининг қишлоқ шўроларига ариза.

Капсанчилар қишлоғига қарашли Қўғазор маҳалласида тургувчи менким Муҳиддин Муҳаммадсолиҳ ўғли дирман, бераман ушбу аризани шул хусусдаким, меҳнаткашлар даврида кўзим очилиб ишчи-дехқон ҳукумати бошлаган колхоз йўлини ихтиёр қилдим ва умид қиламанки, мени бир нафар ҳўқиз ва бир нафар әчки ва бир нафар әшак ва ўн икки нафар товуқ ҳамроҳлигига колхозга олсалар, деб ўз ихтиёrim билан бармоғим босдим Муҳиддин Муҳаммадсолиҳ ўғли ғинвор ойинда».

— Ким ўзи бу? — деди Сафаров энсаси қотиб.

Самандаров жавоб бергунча бўлмай ўтирганлардан бири иргиб ўрнидан турдию даҳлизнинг эшигини очиб қаттиқ шивирлади:

— Муйдин, кир, аризанг чиқди!

Кўса, озғин, кенг гуппи тўн ва қундузсиз телпак кийган бир киши кирди ва бастига ярашмаган йўғон товуш билан:

— Муйдин Мамасолиҳ ўғли мен бўламан,— деди.

Сафаровнинг чеҳраси очилиб кетди.

— Э, сизми? Аризани ким ёзиб берди?

— Корига ёздириган әдим. Нима эди, нобопроқ ёзи-

липтими? Гап аризада әмас, мулла, колхозга кирамиз дедик, кирамиз.

Сафаров кулади.

— Шундоқми? Қани, бу ёққа ўтиринг-чи. Ўзингизга тинч әкансиз-ку, нега колхозга кирадиган бўлиб қолдингиз?

Муҳиддин ака диваннинг бир четига ўтирди.

— Энди, мулла, ўзингга тинч әкансан дейсиз-ку, лекин бунаقا тинчликдан юз тилла қарэ яхши. Жўжабирдай жонман, ҳаммаси «бер, ейман» дейди. Бу ёқда ҳўкиз, эшак... Булар ҳам «бер, ейман» дейди. Ер ўрик әмаски, ўзи гуллаб, ўзи пишса. Ҳосил олиш учун, саломатлик бўлса, билакнинг кучидан ташқари асбоб керак, гўнг керак... Шуларнинг ҳаммаси пул билан бўлади. Кўп ер эккани кучим етмайди, оз ер әксам ўзидан чиққанини ўзига чаплаб қараб тура бераман. Энди ташвишнинг кўплигини айтинг: искартдан ортиқроқ ёғса «әкиндан айрилиб қоламанми» деб жонимни ҳовучлаб нуқул қурбақа ўлдираман; ҳўкиз икки марта устма-уст бўкирса «ўлиб қолса нима қиласман» деб кечаси билан жинчироқ кўтариб чиқаман. Нима, мен дунёга жинчироқ кўтарганию бақа ўлдиргани келганиманми? Касал бўлиб қолсан нима бўлади? Бирон офат келиб қолсан нима бўлади? Бола-чақа пўстакнинг жунини ейдими? Кўлтиғимга ким киради? Акам бўлмаса, укам бўлмаса... Колхознинг йўриғи бошқа әкан, буни райкомимиз ўртоқ Аҳмедов тушунтириб бердилар. Мана шуларни хўп ўйладиму, мен сизга айтсан, ариза ташлашга жазм қилдим, ташладим.

Сафаров завқ билан тиззасига уриб ўрнидан туриб кетди.

— Эртадан кейин бўладиган мажлисимиизда биринчи сўз сизники, Муйдин ака, биринчи сўзни сизга берамиз!

— А?— деди Муҳиддин ака чўчиб.— Нима дейман?

— Мана шу гапларни айтиб берасиз.

— Мен шу ёшга кириб кўпчилик ичиди «самоварчи, чой!» дёёлган одам әмасман. Гапимни сизларга гапирдим, бу ёғини ўзларинг бир нима қиласизлар.

— Ўзингиз гапиринг. Ўрганинг.

— Э, мулла,— деди Муҳиддин ака,— ўрганиб нима қиласман, гап ўрганиб ваъз айтармидим!

— Ҳа, колхозга киргандан кейин унча-мунча ваъз айтиши ҳам билиш керак бўлади. Бусиз иш битмайди.

— Мен ҳамма ишни кетмон билан битираман.

— Шу чоққача ҳамма ишни кетмон билан битира олмапсиз-ку?

Муҳиддин ака нима дейишини билмай туриб-туриб, ниҳоят, Аҳмедовнинг гапини эслади:

— Шу чоққача мен ерга қул әдим,— деди.

Сўзга Самандаров аралашди.

— Энди-чи?

— Энди,— деди Муҳиддин ака илжайиб,— кўп қатори хўжайин бўламан.

— Ҳа, баракалла,— деди Сафаров,— ерга хўжайин бўласиз, колхозга, катта хўжаликка хўжайин бўласиз. Хўжайин бўлгандан кейин киши ўз хўжалигининг камкўсти, унинг ривожи тўғрисида ўйлайди, жон куйдиради; маслаҳат солади, маслаҳат олади, гап уқдиради, ўргатади, ўрганади, тортишади... Шуларнинг ҳаммасига лаб-даҳан керакми? Керак! Зарур! Кетмон чопишу даромад олишдан бошқасини билмайдиган, колхознинг ҳамма ишига куйиб-пишиб бош қўшмайдиган колхозчнинг яхши отдан нима фарқи қолади? Бордию колхознинг бирон раҳбари бирон иш қилмоқчи бўлиб қолдида, бу ишнинг номаъқуллигини, бундан колхозга фойда бўлмаслигини фақат сиз билдингиз, шу нарса кўпчиликнинг ўртасига ташланганда, мажлисга қўйилганда нима қиласиз, гапиришни билмайман деб индамай ўтира берасизми?

Муҳиддин ака, «фақат сиз билдингиз» деган гап хуш ёқиб, илжайди.

— Кам-кам ўрганамиз-да, мулла, кам-кам...

— Қачон?

Муҳиддин ака телпагининг орқасидан қўлини тиқиб бошини қашлади ва илжайиб:

— Майли, гапирсан гапирақолай,— деди.

Муҳиддин ака аризаси «дарров чиққанлиги» ва бундан ташқари яна алланимадан хурсанд бўлиб, кўнгли тўлиб чиқиб кетди. Бошқалар ҳам қўзғалди.

Сафаров уларни кузатиб қайтди ва аризаларни бирма-бир кўздан кечирди.

— Қори дегани ким ўзи?

— Шу ерлик бир дәҳқон,— деди Самандаров.

— Дәҳқонга ўхшамайди-ку?

Самандаров столнинг тортмасидан бир нима қиди-
рар экан:

— Мен шу одам тўғрисида сиз билан гапиришмоқ-
чи әдим,— деди,— у ҳам ариза берган. Мана аризаси.
Ўзи ер ислоҳотидан бурун унча-мунча ери бўлган, унча-
мунча одам ишлатган киши. Ислоҳотда ҳамма ортиқча
ерини ўз ихтиёри билан комиссияларга топширган,
«ортиқча ҳамма еримни меҳнаткаш чоракорларга, эзил-
ган батракларга бўлиб бериш учун ишчи-дәҳқон ҳуку-
матига тутдим» деган, худди шундоқ деган.

Сафаров қулди.

— Ишчи-дәҳқон ҳукуматига тутмасдан бошқа чора-
си ҳам бор эканми?

— Ҳозир шундоқ деймиз-да, бошқа ер әгалари ке-
чалари болта кўтариб одам овлаб юрган бир вақтда бу
одамнинг шундоқ деб чиқиши катта гап әди.

— Ҳозир нима иш қиласди?

— Дәҳқон. Ушандан бери ҳалол дәҳқончилик қила-
ди. Ўртадан кўра пастроқ, пастдан кўра юқорироқ хў-
жалиги бор.

— Колхозга олиш керак демоқчимисиз?

— Олмасликка ҳеч қандай асос йўқ. Мен бошқа
нарса демоқчиман: ишнинг кўзини биладиган одам, пи-
шиқ хат-саводи бор, ҳозир колхозга раис топишдан ҳам
кўра секретарь топиш қийинроқ, шу одамни секретар-
ликка тавсия қилсан демоқчиман. Нима маслаҳат бера-
сиз?

Сафаров ўрнидан турди, нари-бери юрди, папирос
чекди ва Самандаров ҳануз жавоб кутиб турганини кў-
риб:

— Бу тўғрида икковимиздан ҳам кўра колхозчилар-
нинг ўзларидан яхшироқ маслаҳат чиқади,— деди.

— Секретарликка бир саводлик одам керакми,
йўқми?

— Колхозга саводли одам кўп керак. Ўқигани
имконияти бўлган йигитлардан камида беш-олти киши-
ни ўқишга юбориш чорасини кўриш тўғрисида ўйлай-
лик.

Самандаров, бу гап Сафаровга ёқмаганини кўриб, бошқа мавзуга кўчди: әртага қилинадиган ишлар, әртаниндин райондан келадиган агитаторлар тўғрисида гапирди.

6

Шундай қилиб, ўртаҳол деб аталган деҳқонларнинг кўпчилиги — бири «ҳукуматимиз деҳқоннинг зиёнига иш тутмайди» деган ишонч билан, бири-бирига эргашиб, бири таваккал қилиб, баъзи бирлари эса «ҳукуматнинг авзойи шу бўлса бари бир қўймайди» деб колхозга кирди. Ишнинг бундай силлиқ боришидан ўзида йўқ хурсанд бўлган Самандаров елиб-югуриб, Сафаров айтмоқчи, «янги туғилган колхоз хўжалигини йўргак-ламоқда» эди.

Сельсовет Найманга кўчиб, унинг биноси колхозга идора қилинди. Идоранинг бутун жиҳози битта стол, учта скамейка, битта ёғоч сандиқдан иборат эди.

Умумлаштирилган жониворлар Нуъмон ҳожининг каттакон қўрасига жойлаштирилди.

Тугадиган товуқларнинг тухуми, соғин сигир ва эч-киларнинг сути тўғрисидаги майдо-чўйда гапларни эътиборга олинмаганда ҳамма апоқ-чапоқ эди.

Водокачкалардан бирини тиклашда, тайёр сувга ариқ чиқаришда ўшанчалик ноаҳил бўлган капсанчилар ҳозир бунчалик иттифоқ бўлиб қолганларига ўзлари ҳам ҳайрон эди. Колхозга правление сайлаш масаласида уларнинг эски савдолари бир қўзғаган бўлса ҳам, узоққа чўзилмади. Правлениега тавсия қилинган рўйхатга Кўшчинордан уч киши кирган экан, қўғазорликлар булалинг ҳаммасига қарши туришди. Булардан бирининг «акаси, ўлиб кетган бўлса ҳам, Абдувақъос эшоннинг муридларидан бўлган» экан. Булар Кўғазордан одам кўрсатишди. Бақақуруллоқлилар буларга қарши чиқишли. Булар, гарчи ўз номзодларини кўрсатиш маса ҳам, правлениенинг кўпчилиги бақақуруллоқликлардан бўлишини хоҳлаганликлари кўриниб турар эди. Ҳар қалай бу масала ортиқча тортишувга сабаб бўлмади. Раисликка Бўтабой ака сайланди.

Иш шу хилда борса, кайфият шу бўлса, ҳадемай Капсанчиларда биронта ҳам яккахўжалик қолмаслиги муқаррар эди.

Бироқ шу кунларда Хўжақишлоқда колхозга қарши бир тўполон чиқдию бу тўполонда муштумзўрларгина эмас, ҳатто айрим камбағал деҳқонлар ҳам қатнашганлиги колхозга киришдан чўчиб турган одамларнинг юрагига фулгула солиб қўйди. Бунинг устига «бориб-бориб хотинлар ҳам ўртада бўлармиш», «ҳамма дошқозондан овқат еб, бир кўрпада ётармиш», «колхозга кирмаганларнинг мол-ҳоли, бутун рўзғори тортиб олинар эмиш» деган гаплар тарқалди. Шундан кейин якка хўжаликларнинг кўпи бисотида бор жониворлардан кўзи қийганини сўйиб, кўзи қиймаганини шаҳарга ҳайдай бошлади. Хўжақишлоқдаги фитна, хотинлар ва тирикчилик тўғрисидаги миш-мишлар, яккахўжаликларнинг бу қилмиши колхозчилардан бир қисмини ўйлантириб қўйди.

Бир куни кечаси Сафаров, колхоз идорасида агитаторлар билан суҳбат ўтказганидан кейин, Бўтабой ака билан Найманга — сельсоветга борди. Самандаров, қошининг бири паст ва бири баланд, ниманидир диққат билан ўқир, унинг қаршисида курсида Тўлаган ака ерга қараб ўтирад эди. Сафаров кирганда Тўлаган ака ўрнидан туришини ҳам, турмаслигини ҳам билмагандай бир ҳаракат қилди. Самандаров хатдан бошини кўтarmади. Сафаров иккаласининг авзойини кўриб бирон дилсиёҳлик рўй берганини сездию, беихтиёр оёқ учида юриб бориб диванга ўтироди. Бўтабой ака тикка туриб қолди. Самандаров хатни ўқиб бўлди, унинг устига кафтини қўйиб Тўлаган акага қаради-да, сохталиги билиниб турган мулойимлик билан:

— Хўш, Тўлаган ака, нега? — деб сўради.

Тўлаган ака жавоб бермади.

— Мумкинми? — деди Сафаров хатга қўл чўзиб.

Самандаров хатни унга узатди. Бу хат ариза бўлиб, Тўлаган ака колхозга кириш тўғрисида берган аризасининг қайтарилишини сўрар эди. Сафаров аризани икки буклаб столга қўяр экан.

— Хўш, нега? Миш-мишларга ишондингизми? — деди.

Тўлаган ака яна жавоб бермади. Самандаровнинг қони қайнаб кетди.

— Мундай гапирсангиз-чи, забон борми!?

Тўлаган ака бошини қўтариб унга бир ҳўмрайдию, уйнинг бурчагига қараб дўнгиллади:

— Аризадаги гапимдан бўлак гапим йўқ.

— Аввал боши нега ариза бердингиз?

Тўлаган ака бир неча марта оғиз ростлаганидан кеин, ҳамон уйнинг бурчагига қараганича, жавоб берди:

— Муҳиддин «бирга кирайлик» деб қистай берганидан кейин юзидан ўтолмадим.

— Муҳиддин аризасини қайтариб олаётгани йўқ-ку!

— Қайтариб олмаса майли. Ҳар кимнинг гўри бошқа. Мен қайтариб оламан.

Самандаров дўққа ўтди:

— Ҳўжақишлоқда хўжалар, уларнинг думлари колхозни бузишпти, сиз ҳам ўшаларга эргашмоқчимисиз! Ҳўжаларга дум бўлмоқчимисиз?

— Мен хўжа-пўжани билмайман. Дум эмиш, хўжа келиб менга дум бўлсин.

Самандаров кулиб юбормаслик учун лунжини шиширди ва жаҳл билан столнинг тортмасини тортиб уйнинг аризасини қидирган бўлди.

Сафаров «гапиринг» деб Бўтабой акага ишора қилди.

— Менга қара, ҳой, Тўлаган,—деди Бўтабой ака унинг елкасига қўлинни ташлаб,— яхши иш қилмаётибсан. Ифвогарларнинг ифвосига, муштумзўрларнинг қутқусига учмагин. Бир вақти келиб пушаймон бўласан.

Самандаров ҳамон столнинг тортмасини титкилар өкан:

— Буми, бунда калла бўлса әкан, пушаймон бўлса! Бу ўшанда ҳам пушаймон бўлмайди, «пешонам шўр әкан, толиим йўқ әкан» дейди қўяди!— деди ва бир қоғозни олиб унинг олдига ташлади.— Ана, олинг!..

Сафаров кўз ва қош ишораси билан Самандаровга: «эвида! Бу гаплар, бу муомала ортиқча» дегандай қилди. Тўлаган ака ўрнидан турди, қоғозни олиб, у ёқ-бу ёғига қаради-да:

— Шуни олиб борсам отим билан сигиримни берадими? — деди.

— Менга қаранг, Тўлаган ака,— деди Сафаров мулоимлик билан.— Сигирингиз, отингиз туритти, бирор еб кўймайди. Ўйланг, ўйлаб иш қилинг. Етти ўлчаб бир кес деганлар. Кейинги пушаймон асқотмайди.

— Сизга от ҳам йўқ, сигир ҳам йўқ,— деди Самандаров Сафаровга кўз қисиб.

Тўлаган ака унга бақрайиб қараганича секин курсинга ўтириди.

— Ие!, Зўрликми? Зўрлик экан-да!.. Йўқ, ука, меҳнаткашга зўрлик қилинадиган замон аллақачон ўтиб кетган. Ҳозир унақа закун йўқ.

— Меҳнаткаш ўз фойдасини билмаса, зўрлаб билдиришга закун топамиз.

— Мен ўз фойдамни жуда яхши биламан.

— Қачондан бери? — деди Бўтабой ака,— водокачкани тиклагани фишт, қум ташиш керак бўлганида отининг туғрига мих қоқиб, оқсатиб қўйган ким эди? А, ким эди? Сен эдинг! Водокачканинг тикланиши кимга фойда эди? Сенга фойда эди! Шуми ўз фойдангни билганинг? Қани, гапир тилинг бўлса!

Тўлаган ака нима дейишини билмай қолганини кўриб Сафаров беш-олти букланган аризани унинг қўлидан олди.

— Шундоқ бўлсин, Тўлаган ака, яна бир ўйланг. Аризани қайтариб олиш қочмайди. Ҳўпми?

Тўлаган ака индамасдан чиқиб кетди. Унинг бу ҳаракатини зарда қилди деб ҳам бўлмас эди, инсофга келди деб ҳам.

Самандаров унинг орқасидан қараб ўйланиб қолди. Бўтабой ака унинг кетидан чиқди. Сафаров тугаган папироснинг чўғидан иккинчисини тутатиб олиб, нари-бери юрди.

Тўлаган аканинг аризасини, оти билан сигирини қайтариб бериш эртага яна бир неча ариза тушувига йўл очиш, қайтариб бермаслик эса «колхозга берилиган мол қўлдан кетар экан» деган гап тарқалишига сабаб бўлиш деган сўз; бунинг ҳар иккиси ҳам колхозлаштириш ишини орқага суриши, хийлагина орқага суриши мумкин эди. Буни Сафаров ҳам, Самандаров ҳам яхши тушунар, уларнинг ҳар иккаласи ҳам шу тўғрида ўйлар эди.

— Хўш, натижа эътибори билан нима бўлди энди,— деди Самандаров кулумсираб.

Сафаров папирос найчасининг ивиган жойини тиши билан узиб пулаб ташлади-да, ўйчан жавоб берди:

— Натижа эътибори билан... Шундоқ вақтларда қандоқ қилиш кераклигини райондан сўраш керак,— деди.

7

Кейинги уч-тўрт кун ичида колхоздан чиқиши ҳақида яна иккита ариза тушди. Сафаров бу масала ва ишда учраётган бошқа қийинчиликлар тўғрисида гаплашиш, йўл-йўриқ олиш учун районга бормоқчи бўлиб турганда районнинг иккинчи секретари Шодиев келиб қолди. У Капсанчиларда ниҳояти уч-тўрт соатгина турди, бунинг ҳам яромидан кўпини, негадир, дала айланиб ўтказди; кечқурун колхоз идорасида Сафаров, Самандаров ва Бўтабой акалар билан суҳбатлашди, лекин бу суҳбатда аҳвол билан танишиш учун буларнинг сўзини, фикр-мулоҳазаларини тинглашдан кўра кўпроқ ўзи галирди, «кўпи билан бир ой ичида биронта ҳам яккахўжалик қолмаслиги, ҳамма юз процент колхоз бўлиши керак» деди. Самандаров ер остидан Сафаровга қаради. Сафаров бу қарашнинг маъносига дарров тушунию, колхоздан чиқиши ҳақида аризалар тушганини айтиб, уларнинг мол-ҳоллари тўғрисида йўл-йўриқ сўрамоқчи бўлган әди, Шодиев бақириб берди: «Демак, тушунтирумабсизлар! Демак, тушунтириш керак! Колхоздан чиқсан ҳар бир деҳқон учун партия билети билан жавоб берасизлар!» деди.

Шодиев кетди. Сафаров секретарнинг бу келиб кетишидан, хусусан унинг сўзларидан қаттиқ норози бўлса ҳам, руҳи бир оз тушган Самандаровнинг руҳини яна туширмаслик, ҳайрон бўлиб қолган Бўтабой акани гаранг қилмаслик учун ўзининг кайфиятини уларга билдирамади; аксинча, тушунтириш масаласида секретарнинг гапларини қувватлади.

Эртасига яна иккита, индинига яна битта ариза тушди. Бу аризаларни худди бирор йигиб туриб, кол-

хоз нураётганини кўрсатиш учун жўрттага биттадан, иккитадан берәёттанга ўхшар эди.

Ҳар куни бир кўнгилсиз ҳодиса рўй бера бошлади. Бир кечаколхознинг қўрасига иккита ўғри тушиб, қоровулнинг оёқ-қўлини боғлаб, оғзига тўппи тиқиб, учта сигир, иккита от, тўртта қўйни ҳайдаб кетди. Райондан келган терговчи уч кун овора бўлиб жиноятчиларнинг изини тополмади. Яккахўжаликлар ҳадеб мол сўя бергацдан кейин Самандаров, Сафаровдан бемаслаҳат, бунга қарши маъмурий чора кўromoқчи бўлган эди, бу чора ҳали кўрилмасдан туриб акс натижага берди: якка хўжаликлар, «демак, бари бир олар экан» деб яшириқча яна кўпроқ сўядиган бўлишди. Кўғазорлик Маткарим деган кишининг ўғли агитаторларни уйга киргизмаган экан, Рўзимат уни «ҳозир районга олиб бориб тегишли жойга топшираман» деб судрапти, йигит ортиқча қўрслик қилиб қўл кўтарган экан, Рўзимат уни тутиб олиб роса урипти. Бу воқиа катта жанжалга сабаб бўлиб, прокурор аралашди. Гулом ака колхоз туфайли хотини билан қўйди-чиқди бўлипти. Кўшчинорлик Нематуллабува деган бир чол ҷарвогидаги уч туп ток, беш туп ўрик, шу бу йил мевага кирган бир талай шафтоли, олча, беҳини кесиб ўтин қилипти. Бу одамнинг дараҳтга қўл ургани Сафаровни катта ташвишга солди. Сафаров Нематуллабувани чақиртириб аввал яхши гапирди, чол ўжарлик қилгандан кейин пўписа қилди. Чол ҳам бўш келмади: «Кесган бўлсан ўз қўлим билан эккан дараҳтимни кесдим. Колхозга дараҳт керак бўлса ўзи экиб олсин!» деб әшикни қаттиқ ёпиб чиқиб кетди.

Яккахўжаликларнинг бу хилдаги қийиқлиги, колхоздан чиқиш тўғрисида ариза берганларнинг харҳашаси натижасида юзага келган аҳвол колхозчилардан қўпига таъсир қилмай қолмади.

Булар бир-бири билан худди жуда ҷарчаган, тинчи ни ололмагандан жуда ҳам хуноб бўлган одамлардай гаплашар эди.

Буларнинг ҳаммаси, албатта, ёмон, хунук, ҳар бири бир хавф, лекин, Сафаровнинг назарида, булардан ҳам ёмонроқ, хунукроқ нарса, булардан ҳам каттароқ хавф қўкламни қўлдан бериб қўйиш эди. Агар кўклам қўл-

дан берилса, колхозчи қузда иккӣ қўлини бурнига ти-
қиб қола берса...

Сафаров колхозга ўн қўллаб ёпишган активларни йигиб, агар кўклам қўлдан берилса бунинг оқибати нима бўлишини очиқ айтди ва одамларнинг авзойига зеҳн солди. Одамларнинг руҳи тетик әди. Бўтабой ака сўз олди.

— Уртоқ Сафаров айтган гапларни ҳаммамиз уқдик. Тўғри, чоршанба куни далага қўш чиқиши керак. Лекин, ҳақиқатта қараганда, уловимиз кам. Бу ҳам майли, бир әви бўлар, зўр келса бу ёғи ҳукуматчилик—район ёрдам берар; мени хавотирга солган нарса шуки, ҳозир яккахўжаликларгина әмас, ҳатто ўзимизнинг колхозчилар ҳам колхоз әрта-индин бузилса керак деган фикрда бўлиб турипти.

Самандаров луқма ташлади:

— Шу ерда ўтирганлар ҳам колхозчи! Менимча, булардан ҳеч бири бундай фикрда әмас.

Ундан-бундан:

— Тўғри!— деган товушлар чиқди.

— Йўқ, мен ҳаммаси демоқчи әмасман, баъзи бирлари,— деди Бўтабой ака ва гапини йўқотиб қўйди.— Тушунтиришимиз керак. Мана, ахир маслаҳат қиласайлик... ҳар қандай бўлганда ҳам кўкламни қўлдан бермаслитимиз керак. Аввал боши ўзимизнинг колхозчиларга тушунтиришимиз керак. Сўзим шу. Бошқа сўзим бўлса әсимга келгандан кейин айтаман.

Бўтабой ака ўтириди.

Маткарим аканинг ўғлини тутиб олиб урганидан бери ўз қилмишидан хижолат бўлиб мажлисда кўзга кўринмай бир чеккада ерга қараб ўтирадиган бўлиб қолган Рўзимат Бўтабой аканинг сўзи давомида бир неча марта бурнини жийирди. Ҳаммага зеҳн солиб ўтирган Сафаров буни пайқаган әкан, Бўтабой акадан кейин ўшанга сўз берди. Рўзимат, аввал, сўзлашдан бош торти; кейин қизариб, ўрнидан турди-да, ерга қараб:

— Бўтабой акамга қарши гапирсан ҳам майлигами?— деди.

— Мажлисда катта-кичик деган гап бўлмайди, гап келганда отангни ҳам аяма!— деди Сафаров.

— Гапирсам шуки,— деди Рўзимат кулумсираб.— Бўтабой акамнинг лабига учук тошмаганига ҳайронман. Туяни шамол учирса эчкини осмонда кўр... Бизга бош бўлиб турган одам шунаقا деб ўтиру бошқалардан нима деб ўпкалаймиз! Колхозни «бузилади» деб четда қараб турган одамлар туэганимас, тузамиз деб бел боғлаган одамлар туэган. Бу киши «тушунтириш керак» дейдилар, тўғри, лекин «гапни айтгин уқсанга, жонни жонга сукъантага; гапни айтиб нетарсан, онаси бемаҳал туқсанга!» Сиз куйиб-пишиб гапириб турганингизда сигири маъраб қолса сизга әмас, сигирига қарайдиган одамга гап таъсир қиласидими!

Қаҳ-қаҳа кўтарилди. Рўзимат ўзи кулмас, одамларнинг кулганига тушуна олмагандай, ҳайрон бўлиб турар ёди.

— Сенинг ўзинг ҳамма нарсага дарров тушунақолганимисан? — деди Сафаров кулги ёшини артиб.

— Тўғри, ўзим ҳам дарров тушунган әмасман. Мен уқтиришнинг кераги йўқ деётганим йўқ, бу гапни айтмайман. Мен, уқтириш билан бирга, колхозга жон-жаҳдимиз билан ёпишганлигимизни, колхоз бузилмаслигини кўрсатишмиз ҳам керак, демоқчиман. Бўтабой акам «уловимиз кам» дедилар. Тўғри. Лекин бия колхозга жон-жаҳдимиз билан ёпишган бўлсак, колхозни бузилгани қўймаймиз десак, шу оз улов билан далага чиқиб, мана шу оз улов билан кўкламни қойил қилишимиз керак. Шундоқ қилмасак колхозга жон-жаҳдимиз билан ёпишганимиз қаёқда қолди.

Қамбарали ака иргиб ўрнидан турди.

— Камол топ, ука. Кўнглингга келмасин-ку, Бўтабой, ақл ўшда әмас, бошда деган одам билиб айтган... Рўзимат, ука, шу яхши гапингга яна битта гапни қистириб ўткин... Шошма, ўзим айтақолай. Тўғри, бешёнкун қаттиқчиликни устимизга олиб шу оз улов билан кўкламни енгиб олсак, кўп одамларнинг кўзи очилиб кетади. Лекин яна битта гап бор: буларнинг кўзини далага қўш чиққанда очамиш деб қараб ўтирамизми? Далада ҳозир иш йўқми?

— Иш топилади!

— Қиласиди десак иш кўп! — деган товушлар чиқди. Қамбарали ака ўтиреди. Рўзимат ҳам ўтиреди. Сафа-

ров бурчакда пешонаситни тириштириб ўтирган Болтабойга қаради.

— Қани, Болтабой, сиз нима дейсиз?

Болтабой дарров ўрнидан турди, қоп-қора мўйловини бураб, кулумсиради.

— Ўртоқ Сафаров «гап келганда отангни ҳам аяма» дедилар. Агар bemalol бўлса мен ҳам... Бетга айтганинг заҳри йўқ. Биз Бўтабой акани раис қилганимизда, ҳозир колхоз янги кўчиб кирилаётган ҳовли, бу киши эпчил келин бўлиб бу ҳовлини саранжом-саришта қилиб туради деб ўйлаган эдик. Лекин шу шундоқ бўлаётгани йўқ. Муштумзўрлардан олинган ғалланинг ярминдан кўпи Шокиржон бойваччанинг отхонасида захлаб ётипти. Жой йўқми? Бор, Мирҳайдарнинг уйи бўш, кўча эшигини бирор кўчириб кетипти. Қўйлар Қўғазорда, қўй ейдиган янтоқ Бақақуруллоқда — бечоралар баъзан оч қолар экан; ҳаммаси туэсираган бўлса керак, кирсангиз қўлингизни ялади. Жоди йўқ — сигирларга поя бутун ташланади. Отлар бўлса колхоз отхонасига киргандан бери қашлағич кўргани йўқ; таги камдан-кам тозаланади. Колхозга ўтган уйлардан биронтасининг томи куралмайди. Мана, мана шу ерни олайлик, бу ерни колхознинг идораси деб қўйибмиз, ким айтади бу ерни шунча одам кириб чиқадиган жой деб? Қаранг, бу ерда хомут нима қиласди? Ҳум нима қиласди? Қиласман десанг далада ҳам, қишлоқнинг ўзида ҳам иш кўп. Биз қачон саранжомимизни оламиз, колхозга ҳамма киргандан кейинми? Шунга қараб ўтирамизми? Йўқ, бошқаларга қарап керакмас, бошқалар бизга қарасин, кўрсин, ўйласин...

Мажлис қизиб кетди. Қатнашувчиларнинг кўпчилиги озми-кўпми, яхшими-ёмонми, ишқилиб гапирди. Сафаров шунча одам гапиришини сира кутмаган эди. Булардан бири бўғилиб: «Шунча гап-сўз, шунча ҳаракатдан кейин колхоз бузиладиган бўлса қишлоқдан кўчиб кетаман» деб ҳаммани кулдирди. Мажлис эртадан бошлаб далага чиқишга қарор қилди ва колхоз хўжалигидаги камчиликларни тездан бартараф қилишни Бўтабой акага топширди. Бу ерда ҳозир бўлган кишиларнинг ҳар бири ўзи билан бирга бир неча кишини ишга олиб чиқишга сўз берди.

Далага биринчи куни эллик икки, иккинчи куни етмиш түққиз, учинчи куни бир юзу йигирма олти, ундан кейин юз әлилка яқин одам чиқди. Буларнинг ичидан колхоздан чиқмоқчи бўлиб ариза берганлардан ҳам учкиши бўлиб, бири Тўлаган aka әди.

Бу ҳол бир мунча одамларда ҳақиқатан колхозга ишонч пайдо қилди, бир мунча одамларни гангитиб қўйди, баъзиларнинг эса ғашига тегди.

Сал кунда колхоз хўжалиги бир қадар тартибга тушгандай бўлди. Бўтабой аканинг назарида, одамлар кўкламни «миниб олишга» бел боғлагандай кўринди.

Бироқ, далага қўш чиқиб орадан уч-тўрт кун ўтар-ўтмас Бўтабой аканинг бутун умиди пучга чиқадиган кўриниб қолди: одамлар бритадирнинг сўзига қулоқ солмайди, баъзилар далага фақат «хўжа кўрсин» учун чиқади...

Бўтабой дала айланиб юриб Тўлаганни кўриб қолди. У колхознинг әнг яхши қўш ҳўкизи билан ўз ерини ҳайдамоқда әди.

— Ҳа, охун? — деди Бўтабой aka. — Сен Тарновбошидаги ерни ҳайдашинг керак әди-ку, бу ерда нима қилиб турибсан.

Тўлаган aka бошини кўтармасдан:

— Тарновбошида нима қиласман? Тарновбошида мешинг ерим йўқ, — деди.

— Ахир, биз сени ҳали колхоздан чиқарганимиз йўқ-ку!

— Сенинг чиқаришингга қараб қўш маҳалини ўтказиб юборайми?

Бўтабой aka уни чаппа-роста қилиб сўкиб кетди.

— Кимни сўкаётибсан! — деди Тўлаган aka дўғайиб ва ўнг қўлини чопонининг енгидан суғуриб шудгордаи чиқди. — Қани, бу ёққа туш!

Бўтабой дарров отдан тушди.

— Нима дейсан, урасанми?

— Раис бўлсанг колхозинингга раиссан, менга раис әмассан! Нега сўқасан?

— Сен хумпарни ҳар қанча сўксам яна бўйнимда қарз қолади. Сенга ўҳшаган ёт унсурлар бутун қишлоқни... булғатиб юборди.

— Ким ёт унсур? — деди Тўлаган яна дўғайиб.

— Ўзинг ёт унсур бўлмасант ҳам, қилифинг ёт унсурнинг қилиғи.

— Кирмайман колхозингга, осмон қўлингда бўлса устимга ташлаб юбор!

Тўлаган енгини кийиб шудгорга кириб кетди.

— Кўраман кирмаганингни,— деди Бўтабой отлана-ётиб,— шу қилганингга сеними... бошим омон бўлса товуқдай қийқиллатиб олиб кираман! Ҳўкизларни ҳозир жойига әлтиб қўй!

— Отим билан сигиримни бер, ҳўкизингни ол.

Бўтабой сўкиб-сўкиб жўнаб кетди.

8

Сталиннинг «Муваффақиятлар олдида эсанкираш» деган мақоласи чиққанлиги ҳақидаги хабар Капсанчилар қишлоғига шу куни кечқурун етиб келди. Бирпасда бутун қишлоқни миш-миш тутиб кетди. Эшикларнинг олдида, чорраҳаларда, қўшни деворига қўйилган шотиларда, ҳовлиларда дув-дув гап: «Москвадан районга «колхоз керакмас» деб газет келипти»; «Сталин катта-кон газет юбориб «Ғаламисларнинг жазасини бериш керак» деган эмиш», «районда катта мажлис бўлар эмиш»; «моллар әгаларига қайтарилар эмиш»...

Бўтабой даладан қоронғу тушганда қайтди, бу гапларни аввал хотинидан, сўнgra, ҳовлиқиб келган Қамбаралидан эшитиб ишонмади ва икковини ҳам сўкиб берди. Сафаров билан Самандаров бугун өрталаб районга кетган эди, шундоқ бўлса ҳам Бўтабой колхоз идорасига борди. Идоранинг ҳовлисида ўн чоқли одам нима тўғриладир босинқи товуш билан сўзлашиб турар эди. Булар ҳам миш-мишлар тўғрисида сўзлашаётган экан, Бўтабой энди қўрқиб кетди, лекин, буларнинг кўнглига баттар ғулғула солмаслик учун сир бой бермади.

«Бордию рост бўлса! Ҳаммаси эмас, ярми рост бўлганда ҳам жуда хунук гап-ку! Йўқ, буткул ёлғондир. Ёлғон бўлмаса ҳам әртага чатоқ бўлади: бунинг ёлғонлиги маълум бўлгунча далада иш тўхтаб қолади. Е Сафаров билан Самандаров шунинг ҳидини билиб районга кетган эканми?»

Бўтабой ўйлаб ўйига етолмади. Ў «нима бўлса әртага биларман» деб ётди, лекин ухлай олмади — кўкраганинг аллақаерида бир нима чирс-чирс узилаётгандай бўлиб, кўзи очилиб кетар әди; ўрнидан турди, ташқарига чиқди. Ҳамма ёқ жимжит. Аллақаерда мов бўлган мушуклар вағиллаб бутун қишлоқни бошига кўтармоқда. Бўтабой қайтиб ўйига кирди, чироқни ёқмоқчи бўлганда кўнглидан «бордию иккови әртага ҳам келмаса нима бўлади» деган гап ўтди. У ҳар өхтимолга қарши Самандаровнинг уйидан бир хабар олишга, агар келмаган бўлса районга боришга жазм қилиб пиёда Найманга борди. Бемаҳалда әшик тақиллашидан хавотир олган Самандаровнинг хотини «кимсиз, товушиңгиз Бўтабой аканинг товушига ўхшамайди-ку, улар районга эмас, у томонга станцияга кетишган» деган гаплар билан уни қарийб ярим соат овора қилганидан кейин әшикни очди ва «Ҳали келишгани йўқ, ўзим ҳам хавотир олган Самандаровнинг хотини «кимсиз, товуши қайтди ва от олгани отхонага борди. Отбоқар ҳам хийла вақтгача әшикни очмай сўроқ қилди; ниҳоят, фонусни ёқиб әшикни очди ва фонусни, негадир аввал унинг қорнига, кейин юзига тутиб:

— Йўл бўлсин? — деди.

— Районга, районга! — деди Бўтабой шошиб,— бўлақол...

Отбоқар фонусни яна унинг юзига тутди.

— Шунаقا қилиб колхоз синдими әнди?

— Нега синади?

— Нега ҳаммаларинг ташлаб қочаётисизлар бўлмаса?

— Ким қочипти?

— Сафаров билан Самандаров әрталаб қочган экан, мана ҳозир сиз...

Бўтабойнинг жиги-бийрони чиқиб кетди.

— Қайси унсур айтди сенга бу гапни? Ким айтди? Ким айтган бўлса әрталаб менга кўрсатиб берасан! Қани, кўрсатиб бермагин-чи! Сен ҳали унсурларнинг гапни кўтариб юрадиган бўлганмисан!..

Отбоқар фонусини ерга қўйиб юрганича отхонага кирди ва ҳаял ўтмай бир отни етаклаб чиқди-да, ўз гуноҳини шу блан ювмекчи бўлгандай, яхшилаб әгарлаб

берди. Бўтабой индамасдан отни миниб жўнади. Отбоқар фонусини дарров ўчириб унинг кетидан қараб қолди.

Кўройдин. Бўтабой, бироннинг кўзига кўриниб яна бирон миш-мешга сабаб бўлмаслик мақсадида, қишлоқни четлаб, тўқайнинг этагидаги сўқмоқдан юрди; лекин, бир оз юриб Кўшчинорнинг тепасига келганида бу йўлдан юрганига пушаймон бўлди: тўқай томон ниҳоятда қоронғу, ваҳималик — ҳар бир дараҳт, ҳар бир бута остида бирор писиб ётгандай туюлар эди. У узун пичогини қинидан суғуриб, тўқай томонга дамба-дам кўз қирини ташлаб борди; бир оз юргандан кейин ўзининг қўрқоқлигидан ўзи хижолат бўлди: наҳот кап-катта, шунча одамга бош бўлиб турган киши шунчалик қўрқоқ бўлса! У пичогини қинига солди, қоматини ростлади, йўталди, отининг бошини тортиб тўқайга рўйрост қаради. Бута ёки дараҳт остидан писиб ётган шарпа узоқда қолгандай туюлди. Бўтабой яна юрди, хийла ергача тўқайга қараб борди; шундан кейин дадил бўлиб тўқайдан кўзини олган эди, шарпа яна қимирлагандай, кўланка сингари кетидан эргашиб кетаётгандай бўлди. «Ҳаёл мени аҳмоқ қилаётитти,— деди ичиди,— бунинг жаззаси тўқайга буткул қарамаслик». Бироқ тўқайга қарамаслик мумкин эмас, ҳарчанд қилса ҳам кўзининг қири тушар эди. У жаҳл билан бурилиб эгарга чап сонини қўйди-да, қишлоқقا томон қараб ўтириб олди ва ҳеч нарсадан қўрқмаётгандигини кимгадир писанда қилгандай, стни ўз майлита қўйиб берди. От ҳам, эгасининг дилини билгандай, битта-битта қадам ташлаб, сўлигини шиқирлатиб борар эди. Бўтабой бўлмағур хаёлларни бошидан чиқариш учун қишлоққа қараб кимнинг уйи қаерда эканини билишга уринди: «Мана бу Нуъмон ҳожининг айвони; ана, қари тути ҳам кўриниб турипти. Ана у қорайиб турган кимнинг эшиги бўлса экан? Уйнинг эшигими, ўпирилган соғонанинг тешигими? Бу уй мунча ҳам ўпирилган соғонага ўхшамаса! Ундоқ десам, бу уйларнинг қайси бири уйга ўхшайди? Ҳаммаси ҳам эски, ўпирилган, қийшайган, чўккан соғона, гўр... Кечаси узоқдан қишлоқ кўҳна бир қабристонга ўхшаб кўринар экан-ку! Вой-вўй, қишлоғимиз шунақа хароб, шунақа хунукми!..»

Бўтабой қишлоқдан юзини секин ўғирди, эгарга тўғри ўтириб, отга беихтиёр қамчи босди. От йўртди. Ваҳимали мали тўйқай, ундан ҳам ваҳималироқ қишлоқ манзараси орқада қолди. Сўқмоқ катта йўлга туташган жойдан бепоён дала бошланар әди. Бир оздан кейин, кўройдинда қоп-қорайиб ётган даладан илон изи бўлиб кетган сқиши йўлнинг уфқида бир нима «йилт» әтди, сўнгра, бир нечта қора нуқта кўринди. Булар отлиқлар әди. Булардан бир қисми ўнг томонга — Азизтепа томонга бурилди, қолгандари йўлда давом әтди. Бўтабой буларнинг ичидаги Сафаров билан Самандаров борлигига қаттиқ ишонч билан отнинг бошини тортди ва кутиб турди. Анчадан кейин одамларнинг ўзаро нима тўғрисидадир баҳслашиб келаётган товуши әшитилди. Булар ҳам Бўтабойни кўришди шекилли, кимдир: «Ким у?» деб қичқирди. Бўтабой «ошна» деб жавоб берди. Бешта отлиқ етиб келди. Буларнинг ичидаги, дарҳақиқат, Сафаров билан Самандаров ҳам бор экан. Қолган уч кишини Бўтабой танимади. Булардан бири, нимча пўстин, қулоқлик телпак кийган новча, жуда ҳам йўғон бир киши олдинда Сафаров билан ёнма-ён келар әди.

— Ҳа, Бўтабой ака, йўл бўлсин? — деди Самандаров.

— Шундай... Сизларни кутиб олай деб чиққан әдим. Бемаҳалга қолдиларинг.

Бўтабой буларни олдинга ўтказиб орқадан юриди ва Самандаровга ёндашиб ундан секин:

— Тинчликми? — деб сўради.

— Тинчлик, — деди Самандаров.

— Газет чиққани ростми?

— Рост.

— Энди нима бўлади?

— Нима бўлар әди, одамларнинг сараги саракка, ҳозирча пучаги пучакка чиқади, колхоз мустаҳкам бўлади.

Бўтабойга «колхоз мустаҳкам бўлади» деган гапнинг ўзи кифоя қилди. У, эркит нафас олдию, олдинда, бояги йўғон одамга гап уқдириб кетаётган Сафаровга ҳалал бермаслик учун бошқа гап сўрамади. Зотан бошқа гапнинг кераги ҳам йўқ әди.

— Мақола вақтида чиқди, — деди Сафаров, — айни

вақтида чиқди. Энди иккинчи саволингизга жа-
воб берай... Иккита мисол: картошка билан калош
масаласини олайлик... Йўқ, ҳайрон бўлманг, ҳозир
тушунтириб бераман. Картошка янги келган вақтда
одамлар экканми, еганми? Йўқ, узоқ вақт еган әмас.
Картошка масаласида ташвиқот, ифво, синфий кураш
тўғрисида сўз бўлиши мумкинми? Йўқ, чунки кар-
тошка ҳеч кимнинг, ҳеч қайси табақанинг думини
босган әмас. Энди калош масаласини олайлик. Калош
янги келганда одамлар кийганми? Кийган, лекин сал
вақт ўтгандан кейин киймай қўйган. Нега? Калошнинг
тагида «бисмиллоси» бор әмиш! Калош масаласида
ташвиқот, ифво, кураш тўғрисида гапириш мумкинми?
Мумкин, чунки калош ковушдўз косибларнинг ва вофу-
рушларнинг бозорини касод қилган әди.

Бўтабой Самандаровни туртиб секин шивирлади:

— Нега ўртоқ Сафаровга ҳозир картошка билан
калошнинг ғами тушиб қолди?

Самандаров «қулоқ солинг» деб ишора қилди.

— Мана,— деди Сафаров давом этиб,— мана шун-
дан хулоса чиқариб олишингиз мумкин. Биз учун кол-
хоз ҳам янгилик, колхоз масаласида картошка билан
калош бирлашди дейиш мумкин.

Йўғон киши, худди фозга ўхшаб, «fat-fat-fat» қилиб
кулди.

Найманга яқинлашганда, уччала нотаниш отлиқ хайр-
лашиб, Бешсерка томонга бурилди. Булар кетгандан
кейин Бўтабой то Самандаровнинг уйига келгунча, ҳам-
ма миш-мишларни, ҳатто отбоқарнинг шубҳасини ҳам
айтиб берди. Сафаров билан Самандаров қотиб-қотиб
кулишиди.

Самандаровнинг хотини ҳануз ухламаган әкан, бу-
ларнинг кулгисини эшитиб эрининг бегамлигидан, бе-
парволигидан Фигони чиқиб, вайсаб юриб чой қўйди,
дастурхон ёэди. Бўтабой бетоқатлик билан уни овуттан
бўлиб бир неча ғиз сўз айтдию кейин Сафаровга қа-
раб илжайди.

— Қани, эшитайлик...

Сафаров Самандаровга ишора қилди. У, хуржундан
бир даста газетани олиб Бўтабой аканинг ёнига ўтири-
ва ўртоқ Сталиннинг «Муваффақиятлар олдида әсан-

кираш» деган мақоласини ўқишига киришди. Бўтабой тин олмай, гоҳ бош чайқаб, гоҳ қошини кериб, гоҳ «Ана! Ўҳ-ўҳ-ўҳ!» деб қулоқ солди.

— Қалай? — деди Сафаров ўқиши тамом бўлгандан кейин.

Бўтабой ўйлаб туриб:

— Бизнинг қишлоқдан ҳам маълумот борган эканда, а? — деди.

Сафаров кулди ва әртага қилинадиган ишлар тўғрисида гапирди.

Әртага, турган гап, далага одам чиқмайди. Бизнинг вазифамиз бу мақолани халқа, биринчи навбатда колхозчиларнинг қулсигига етказиш, ундан кейин кечроқ бўлса ҳам, кеч бўлса ҳам далага одам чиқариш. Оз бўлса ҳам одам чиқиши шарт! Газеталар кун чиқмасдан агитаторларнинг қўлига тегсин. Ундан кейин соат тўққизга бутун колхозчиларни йиғиш керак. Газетани ўқиймиз, ҳамма гапни очиқчасига гаплашамиз.

Бўтабой газетадан бир неча нусхасини қўйнига тиқиб Капсанчиларга жўнади. У, йўлакай, самоварчини уйғотиб әртага мажлис бўлишини айтди ва чойхонани «гулдай қилиб» қўйишини буюрди; сўнgra, отни қўйгани отхонага борди. Отбоқар уни қўриб ҳайрон бўлдию, лекин, ҳайрон бўлганини билдирумасликка тиришиди.

— Ҳуш,— деди Бўтабой,— сен ҳали ёт унсурларнинг иғвосини тарқатадиган бўлиб қолдингми!.. Ҳўп, мен сен билан кейин гаплашаман. Ҳозир отлан, мана бу газеталарни ҳамма агитаторларга етказ!

Бўтабой қўйнидаги газеталарни олиб отбоқарга берди ва қайтиб кетар экан, дарвоза олдига борганида қайрилиб:

— Бирон кишини уйғот, отхонага қараб турсин! — деди.

Бир неча минутдан кейин отбоқар чиқиб кетди.

(9)

Эртасига кун ёйилгунча газета бутун қишлоқни айланиб чиқди. Ёш-қари, эркак-аёл ҳамма кўчада; ҳамма бу гапларга ўзича, ўзи ёки ўз тўпининг тилини узун қиласидиган бир маъно беришга ҳаракат қилар әди.

Колхозчиларнинг соат тўқизга чақирилган мажлиси соат саккиздан сал ўтгандаёк бошланди. Яккахўжаликлар ва колхоздан чиқиш тўғрисида ариза берганликлари учун мажлисга қатнашишдан ўзларини озод ҳисоблаган кишилар бу мажлис ва унинг белгиланган вақтдан олдин бошланганига ҳам ўзларича маъно беришди. Халқ мажлис бўлаётган қизил чойхона атрофида айланиб қолди.

Қизил чойхонага одам сифишмас эди. Ўртоқ Сталиннинг мақоласини Сафаров ўқиди. Ичкаридаги ташқаридаги одамлар жим туриб қулоқ солишиди. Мақола ўқилиб бўлгандан кейин, қизғин музокара бошланиб кетди: баъзи одамлар «яккахўжалик бўлсанг сенга кун йўқ, деб бизни колхозга киргани мажбур қилишди» деган мазмунда гапириб, колхозни тарқатишни, муштумвўрлардан олинган нарсаларни ҳаммага бўлиб беришни талаб қилишди. Агитаторлар, активлар буларга қарши гапириб, деҳқон колхозга кириб аҳил бўлиб ишлагандагина пешонаси очилди дейишиди.

Сафаров сўзга чиқди. Яна ҳамма унинг сўзига жим туриб қулоқ осди.

Сафаров ниҳоятда осуда, баъзи деҳқонларнинг колхозга қарши гапирган гапларига ҳеч парво қилмагандай кўринар эди. У колективлаштиришда йўл қўйилган хатоларни эътироф қилди, бундан кейин колхозга кириши кирмаслик ҳар кимнинг ўз ихтиёрида эканини айтди-да, деҳқонларни колхозга киришга, уни мустаҳкамлашга, дастлабки қийинчиликлардан кўрқмасликка чақириди.

— Ўртоқ Ленин деҳқонларга қашшоқлик ва жаҳолатдан чиқиши учун бирдан-бир йўлни кўрсатиб берди,— деди у сўзининг охирида,— бу йўл колхоз йўли, социализма олиб борадиган йўл. Колхоз бўлади, ўсади, мустаҳкамланади. Колхозга бугун қия қараган одамлар эртага колхозчи бўлишига аминман.

Мажлис тугагандан кейин ҳамма қизил чойхонадан чиқаётган одамларнинг авзойига зеҳн солди, бироқ буларнинг авзойидан қайсиси колхозда қолмоқчи, қайсиси чиқмоқчи эканини билиш қийин эди. Ҳамма чиқиб бўлгандан кейин Бўтабой баланд овоз билан бригадирларни чақириди, гарчи буларнинг қаерда ва нима иш қилиши маълум бўлса ҳам, ҳаммасига топшириқ берди. Брига-

дирлар ҳам, бу имонинг маъносига дарров тушуниб, қўл остиларидаги одамларни баланд овоз билан чақириб йиғишиди, ҳаял ўтмай уловларини чойхонанинг олдиндан ҳайдаб далага намойишкорона чиқиб кетишиди. Бироқ бу тадбирлар халойиққа Бўтабой кўзда тутганча таъсир қилмади, чунки одам оз, кунда чиқаётган одамларнинг ярмидан ҳам оз эди.

Бўтабой қуни бўйи бригададан-бригадага чопиб, иш устида бирордан хуноб бўлиб ва бирорни хуноб қилиб, ҳориб-толиб кечқурун сельсоветга келди. Сафаров уни хунук бир хабар билан қарши олди: колхоздан чиқиши тўғрисида яна ўттиз саккизта ариза тушибди. Бўтабой, хат билмаса ҳам, столдаги қоғозларга кўз юргутирар экан, секин курсига ўтириди.

Шу чоқ әшик очилиб кимнингдир ғайри-табиий «ҳа-ҳа-үхў!» деб йўталган товуши эшитилдию Тўлаган кириб келди. Бўтабой бу йўталнинг маъносига дарров тушунди, рангги оқариб, йўтални эшиитмаган ва Тўлаганни кўрмаган бўлиб деразадан ташқарига қаради. Бу йўтал Сафаровга ҳам тегиб кетди. Ў, ғаши келиб бир нима демоқчи бўлдию, ниманидир мулоҳаза қилиб айтмади ва хатдан бошини кўтармай:

— Галати йўтал чиқарибсизми, Тўлаган ака? — деди.

— Таъбим-да. Пошшо одам эканман! — деди Тўлаган ва ўзини гурс этиб диванга ташлади, узун кекирди; нос отди, лабида қолган юқини пуфлаб, кафтини тиззасига артди.— Энди, ўттоқ, Шапаюп, шигиймиз билан отимижни бешаларинг ҳам бўлар...

— Хўп берамиз.

Жимлик чўкди. Тўлаган анчадан кейин носни тилининг устига олиб қаттиқ пуркади. Нос сочилиб, унинг бир неча донаси сакраб-сакраб стол тагига кириб кетди. Бўтабой ҳарчанд ўзини босишга тиришса ҳам бўлмади — бошқа бирон қаттиқроқ сўз айтиб юбормаслик учун:

— Бу ерга нос туфланмасин! — деди.

Тўлаган унинг сўзида жавоб беришни ҳам лозим кўрмади.

— Ер тўғрисида янги гаплар чиқиб турипти, бу қанақа бўлди? — деди.

— Қанақа гап экан? — деди Сафаров.

— Бизга бошқа жойдан ер берилар эмиш...

— Тўғри,—деди Сафаров бошини кўтариб,—ерингиз колхоз ерига суқилиб кирган бўлса бошқа жойдан беришга мажбурмиз.

— Мен бошқа жойдан бериладиган ерни хоҳламасам-чи.

— Хоҳлаган жойингиздан берамиз-да.

— Уни ҳам хоҳламасам-чи.

— Ўзингиз ўйлаб кўринг, Тўлаган ака, колхознинг сри парча-парча бўлса...

Бўтабой тоқат қилолмади:

— Ер ҳукуматники, ҳукумат қаердан беришни хоҳласа ўша ердан беради!

Тўлаган ялат әтиб унга қаради.

— Қанақа ҳукумат?

Бўтабой унга тик қаради.

— Ишчи-дехқон ҳукумати!

— Ишчи-дехқон ҳукумати? Ҳукумат ишчи-дехқоннинг кими, ахир? Ҳукумат ишчи-дехқонники бўлса, ўша дехқон мен бўламан! Мен бўламан!

Бўтабой нима дейишини билмай, ёрдам кутиб, Сафаровга кўз қирини ташлади. Сафаров буни фаҳмлаб Тўлаган акага қаради ва жуда совуқлонлик билан:

— Қаерда ўтирибсиз, Тўлаган ака?— деди.

Бўтабойни мот қилганига мағрур бўлган Тўлаган керилиб:

— Сельсоветда ўтирибман, нима әди?— деди.

— Сельсовет ўша ишчи-дехқон ҳукуматининг қишлоқдаги вакилими?

— Вакили бўлса зўрлик қиласидими?

— Йўқ, ундоқ демоқчи эмасман. Сиз «ҳукумат ишчи-дехқонники, ўша дехқон мен бўламан» дедингиз. Тўғри, мен биламан, сиз «ўша дехқон»сиз, лекин сельсоветта кириб келишингизни, қилиқларингизни, ўтиришингизни кўрган, гапларингизни эшитган киши, сизни «ўша дехқон» дермикин?

Тўлаган бирдан ҳовридан тушди, тушдигина әмас, гаранг бўлиб қолди.

— Нима, мен... нима дедим? Нима қилдим?

— Майли, ҳеч нима деганим йўқ, ҳеч нима қилганим йўқ десангиз ўзингиз биласиз... Ёшлик чоғимда мен бир ҳикоя эшитган эдим: Хон бир begunoq одамни, ғазабига

олиб, тошбўрон қилдирипти, «тош отмаган одам қолмасин» деб ўзи тепасида турипти. Оломоннинг ичидаги ўша одамнинг укаси ҳам бор экан. Ука — жигар, тош отай деса жигарчилик, отмай деса хон турипти; ниҳоят, тўнидан увада юлиб олиб отипти. Шунча тош текканда «вой» демаган бояги одам укаси отган увада текканда «дод» деган экан. Шунаقا, Тўлаган ака, душман отган тошдан жигар отган увада қаттиқ тегади!

Тўлаган ерга қараб жим қолди. Унинг чакка томирлари бўртди, бурнининг учи йилтиради.

— Нос чекишни ўрганибсан-у, қаерга туфлашни ўрганмабсан-да? — деди Бўтабой одатдагидан йўғонроқ товуш билан. Сафаров унга «бас, гапирманг» деб ишора қилди.

Тўлаган чурқ этмай хийла вақтгача ерга қараб ўтирганидан кейин бошини кўтариб:

— Жаҳл келганда ақл қочади,— деди.

— Нимага жаҳлингиз келди? — деди Сафаров кулумсираб.

— Бўтабой мени сўқди, «товуқдай қийқиллатиб бўлса ҳам колхозга олиб кираман» деди...

Сафаров Бўтабой акага қаради. У шошиб:

— Тўғри,— деди,— шундоқ деганман, лекин ичимдан чиқариб айтганим йўқ, ўртоқ Шодиев юз процент бўлсин деганлари учун айтганим. Ҳамма қатори мен ҳам хато қилганман...

— Сен хато қилган бўлсанг, мен ҳам хато қилдим, ора очиқ,— деди Тўлаган қистаб келаётган кулгидан лаби пир-пираб.

Бўтабой кулиб юборди ва:

— Ҳўп, ора очиқ... ярашдикми энди? — деб қўл узатди.

Тўлаган иргиб ўринидан туриб уни қучоқлади.

— Ярашдик!.. Мендан кўпроқ ўтди шекилли... Ўртоқ Сафаров, мендан ўтди, сизнинг олдингизда беадабчилик қилдим.

— Ҳўп, узр сўрамай қўяқол,— деди Бўтабой.— Колхозда қоласанми?

— Йўқ энди, ўртоқ, қўй, кирсак кейинроқ киравмиз...

— Кейинроқ кирсанг олмаймиз-да, майлими?

— Оларсан...

— Йўқ олмаймиз!

— Хайр, олмасанг... ота-бобомиз, ахир... умрнинг кўни ўтиб ози қолган, бу ёғини ҳам бир бало қилиб ўтка зарман.

Тўлаган оти билан сигири қачон ва қаердан берилшини сўрамасдан, қўлини кўксига қўйганича ёнбош юриб чиқиб кетди.

Бўтабой колхоздан чиқиши тўғрисида яна ўттиз саккизта ариза тушганидан катта ташвишга қолиб, Тўлаган тўғрисида ортиқ гапирмади.

— Уртоқ Сафаров,— деди анчадан кейин.— Ўттиз саккиз кишининг кўпи от-уловлик ўрта деҳқон бўлса керак, булар уловни қайтариб оладиган бўлса, кўкламни қўлдан бериб қўймасмикинми?

Сафаров кулди.

— Яна ваҳимами?

— Йўқ, мен... шуларнинг от-уловини кузга яқин қайтарсанмикан дейман-да.

Сафаров кулди.

— Биттасининг «ўша деҳқон мен бўламан» деб келгани камлик қилдими? Урта деҳқонни ранжитиб бўлмайди. Ҳа, нега тагин бўشاшиб кетдингиз? Буларнинг уловини қайтариб берадиган бўлсак, муштумзўрларнинг улови қолади-ку, ахир! Демак, ишлаш мумкин. Эҳтимол кетмон билан ер ағдаришга ҳам тўғри келар. Майли,— деди Сафаров бир оз ўйланиб туриб,— ҳукумат ёрдам беради. Янги йилга районда машина-трактор станцияси ташкил қилинади деб эшийтдим. Бу йил қийинчилик бўлса, янаги йил... Ишқилиб бу йил тизгинни қўлдан бермасангиз бўлгани... Ҳўп, бу тўғрида эртага правлениеда гаплашамиз. Бориб ухланг, кўзларингиз қизариб кетипти.

Бўтабой уф тортиб ўрнидан турди.

Ери колхоз ерига суқулиб кирган яккахўжаликлар бошда жириллаб, арзу-дод қилиб у ёқ-бу ёқса югуришган бўлса ҳам кўкламнинг қизғин пайтини ўтказиб юбормаслик учун бошқа жойдан ер олишга рози бўлишди.

Майда жониворларнинг ҳаммаси ва соғим сигирлар эгаларига қайтарилиди, йўқолган ёки ўлган жониворларнинг товони «колхозга пул тушганда» тўланадиган бўлди. Уловнинг бир қисми қайтарилиди, бир қисми «катта мажлисдан» кейин бериладиган бўлди; лекин бу қанақа мажлис эканини, қачон бўлишини, бу гал кимдан чиққанини ҳеч ким билмас әди. Бу ҳақда Бўтабой акздан сўрашса у: «Ҳозир мажлиснинг мавридими, одамлар нима билан банд эканини кўриб турибсизлар-ку», деб жавоб берар әди.

Колхозда кўпроқ қўшчинорликлар қолгани учун колхозга «Қўшчинор» ном бўлиб қолди.

Колхоз тинчишга тинчидию, лекин кўклам иши ниҳоятда судралди. Колхозга улов билан кирган кишиларнинг кўпчилиги нима иш қилиш ёки нима иш қилинганligига эмас, ўз уловининг қаерда ва кимнинг қўлида ишлалётганилигига қизиқар, илож тополса уни ўз қўлига олиб мумкин қадар камроқ ишлатишни хоҳлар әди. Баъзи одамларнинг қўли ишда бўлса ҳам, хаёли ўз ерида. Бригадирларнинг сўзига деярлик ҳеч ким қулоқ солмайди. Баъзи одамлар деҳқончиликда кўпдан ва ҳаммага маълум бўлган нарсалар тўғрисида ҳам маслаҳат қилгани идорага боришида, идорада ҳеч ким бўлмаса, куни бўйи кутиб ўтиришдан ҳам тойишмайди.

Ер бир нав ҳайдалди, экин бир нав экилди, лекин, шундоқ бўлса ҳам, ҳосил экинни ёзда қандоқ парвариши қилинишига ҳам боғлиқ бўлгани учун одамларнинг кўнгли тўқ әди.

Июннинг ўрталарида Сафаров кетадиган бўлди. Шу муносабат билан Бўтабой аканинг уйидаги кичикроқ зиёфат берилиб, Сафаровнинг шаънига кўп яхши гаплар айтилди, бешикдан чиққан колхозни вояга етказиши тўғрисида кўп ваъдалар берилди. Сафаров бундан кейин биринчи навбатда қилинадиган ишлар, ҳозир ишда мавжуд бўлган камчиликлар ва буларнинг сабаблари тўғрисида галириб активлардан кўпининг, шу жумладан Бўтабой аканинг ҳам камчиликларини қаттиқ танқид қилди. Активлар уни зўр миннатдорлик билан кузатиб қўйишиди.

Бу кунларда Бўтабой ота-онаси узоқ сафарга кетиб бутун рўзгор ўзига қолган ёш йигитчадай бўлиб қолди: бир томондан рўзгор масъулиятини сезиб юраги орқасига

урса, иккинчи томондан шундай масъулиятни бўйнига олишга қодир одам бўлганига ғурурланиб оёқ босгани жой тополмас эди. Ҳадемай масъулият ҳиссини ғурур енди: Бўтабой ҳеч кимни ўзига teng кўрмайдиган, агар бирор бирон нотўғри ҳаракатини айтса, бунинг ҳақ эканлигини ўзи билib турса ҳам, обрўни қўлдан бермаслик учун уни сёқ ости қилишга тиришадиган бўлиб қолди. Оқибат правление аъзолари четта чиқиб қола бошлади, бригадирларнинг бригада аъзолари орасида бўлган унчамунча обрўйи ҳам ер билан яксон бўла борди. Натижада раиснинг иши кундан-кун оғирлаша кетди. У кечао-кундуз тинмас, отбоқарнинг ишидан тоhtiб баъзан, адашиб, сельсоветнинг ишигача аралашар, шунча зўр беришига қарамай, экин парваришининг кўнгилдагидай бўлмаётганидан бўғилиб одамлар билан уришар, бақирав, баъзан «менинг ўрнимда бирон бегайратроқ одам бўлганда колхознинг аҳволи нима кечар эди экан?» деб ўзига ўзи савол бериб қўяр эди.

Мана шу кунларнинг бирида районда колхоз раисларининг мажлиси бўлиб, район ижроия комитетнинг раиси Мавлонбеков колхозларни ташкилий-хўжалик жиҳатидан мустаҳкамлашда навбатдаги вазифалар деган мавзуда доклад қилди. У сёққа босиб дадил қадамлар билан олға бораётган колхозларнинг тажрибаларини умумлаштириди, ҳали қаддини ростлай олмаган бир мунча колхозларнинг ишидаги камчиликларни таҳлил қилиб, сабабларини очиб берди. Музокарага чиққанлардан бир-икки киши сўз ҳали қаддини ростлай олмаган колхозлар тўғрисида кетганда «Кўшчинор» колхозини ҳам тилга олди. Бу Бўтабойга жуда-жуда малол келди. У энг кейинда шумшайиб ўтириди, сўзга ҳам чиқмади. Буни Аҳмедов пайқаган экан, мажлисдан кейин уни кабинетга таклиф қилди. Бўтабой бу таклифни «сени ноҳақ танқид қилишди» деган маънода тушунди-да, кабинетга кирасолиб ўзининг қанчалик ҳаракат, гайрат, қанчалик жонкуярлик қилаётганини танқид қилган одамлар «Кўшчинор»даги шароитдан бехабар экани тўғрисида куйиб-пишиб узоқ гапирди. Аҳмедов унинг сўзини бирон марта ҳам бўлмасдан тек ўтириб тинглади. Бўтабой колхоз ишидаги камчиликлар тўғрисида гапириб, учинчи бригада бошлиги Болтабойни бригадирликдан бекор қилмоқчи эканини айтди.

— Тўнг, қайсар одам, менинг обрўймни тўкаётитти!—
деди.

Аҳмедов хиёл табассум қилди ва қора, қалин сочлари-
ни бармоқлари билан секин-секин тарап экан:

— Болтабой Раҳимовми? Илгари дуруст әди шекил-
ли?— деди.

— Дуруст әди, лекин ҳозир бузилди!

— Шундоқми?— деди Аҳмедов ва келиб диванга, Бў-
табойнинг ёнига ўтирди.— Нега бузилди экан, суриштир-
мадингизми?

Бўтабой нима дейишини билмай қолди ва Аҳмедов-
нинг жавоб кутиб турганини кўриб:

— Билмадим...— деди.

Аҳмедов кулди.

— Ана холос... Раис — правлениенинг боши, брига-
дир — правлениенинг қўли; бош қўлининг оғританини
билмаса... бу қандоқ бўлди? Бошқа бригадирлар-чи, бош-
қалари бузилгани йўқмикин?

Бўтабой бошқа ҳамма «қўллар»дан ҳабардор эканини
писанда қилиш учун дадил:

— Бошқалари яхши, ҳаммаси яхши!— деди.

— Хўп, Болтабой обрўйингизни тўкаётган бўлса, уни
бригадирликдан бекор қилиш билан иш ўнгарилса... ўз-
ларинг биласизлар. Лекин, Бўтабой ака, масалага кенг-
роқ, нафсониятга унча берилмай, холисроқ қараваш керак
бўлар. Сиз мажлисда тажанг бўлиб ўтириб кўп нарса-
ларни әшитмаган, әшитган гапларингиздан кўпининг
моҳиятига ақл югуртириб кўрмаган бўлишингиз мумкин.
Жаҳд келганда ақл қочади...

Бўтабой бир оз хижолат бўлиб илжайди.

— Тўғри, баъзи гаплар қаттиқ ботган бўлиши мум-
кин...

Аҳмедов унинг сўзини бўлди:

— Гап бирор яхши, бирор ёмон эканлиги тўғрисида
эмас, колхоз янги даврга кирганлиги, янги давронинг янги
талаблари тўғрисида кетаётитти. Биз мана шуни тушун-
масак, шу талабларни кўрмасак, шунга қараб оёқ олма-
сак обрў ортдира олмаймиз. Обрўмиз бўлмагандан кейин
обрў тўғрисида мана бунақа ташвиш тортиб ўтчишнинг
ҳам маъноси қолмайди. Кўнглингизга келмасин, мен Bol-
taboyni ёқламоқчи эмасман, правлениенинг, колхозчилар-

нинг раъйи шу бўлса бунга на сиз қарши чиқа оласиз, на мен. Шу муносабат билан шуни айтишим керакки, ҳозирги янги шароит биздан одамлар билан ишлашни, яна ҳам кўпроқ ишлашни талаб қилади. Бунинг учун одамларимизнинг ҳаммасини, ҳар бирини ҳар томонлама яхши билишимиз керак. Буларни билмасак, ҳар қайсисини ўзига лойиқ, ўзига муносиб жойга қўя олмаймиз, ўстира олмаймиз, кўтара олмаймиз. Унда ўзимизга зўр келади, ҳамма ишга ўзимиз қўл уришга мажбур бўламиз, баъзан бақирамиз, лекин ишимиш ривож топмайди...

Сукут қилиб ўтирган Бўтабойнинг пешонаси йилтиради, қулсоқлари қизарди. Аҳмедов янги давринг янги талаблари деб айтган нарсаларининг бир муничаси ҳақиқатан янги вазифалар бўлса ҳам, кўпчилиги «Қўшчинор»нинг ишида бўлган кечаги, бугунги ва бугун хаспўшлангани билан эртага қалқиб юзага чиқадиган камчилик ва хатоликлар эди.

— Ҳақиқатда тўғри, ўртоқ Аҳмедов,— деди Бўтабой ҳамон сукут қилганича бош бармоғининг орқаси билан бурнинг икки ёнини артиб,— камчилик ва хатоларимиз кўп. Бир томондан ўқимаганлик бўлса, иккинчи томондан ўзингиз биласиз...

Аҳмедов унинг сўзини бўлди:

— Важ кўрсатмайлик, Бўтабой ака,— деди кулиб,— агар шуларни хато ва камчилик деб билсак важ кўрсатмайлик! Бу хато ва камчиликларнинг сабаблари тўғрисида гапирсангиз йўриғи бошқа эди. Тўғри, саводингиз йўқ, ўқимагансиз. Нега ўқимагансиз деялмайман, лекин нега, нима учун ўқимаётисиз дейишим мумкин. Бунга нима важ кўрсатасиз? Кўрдинги, кўрсатаётган важингизнинг ўзи важга муҳтож...

Бўтабой кулиб юборди.

— Ҳамма гапингиз ҳақ, ўртоқ Аҳмедов...

Аҳмедов ўринидан туриб уйни бир айланиб келди-да, Бўтабойнинг қархисида тўхтади.

— Мана шу тўғриларда сиз ҳам бир ўйланг, одамларингиз билан гаплашинг; мен ҳам ўйлай, одамлар билан гаплашай, ана ундан кейин яна бир гурунглашайлик. Хўпми?

Бўтабой нимадандир таъби очилиб, нимадандир кўнглига ғашлик тушиб чиқиб кетди.

Орадан уч-тўрт кун ўтгач, Бўтабой келиб колхознинг ишини яхшилаш тўғрисида нималар қилмоқчи эканини Аҳмедовга батафсил сўзлаб берди. Аҳмедов бу тадбирларнинг ҳаммасини маъқуллади ва ўзининг ҳам мўлжал ва таклифларини айтди. У, чоралардан бир чора тарзида Бўтабойга ёрдам учун «Қўшчинор»га бир кишини юбориш мўлжали борлигини ҳам яширмади. Бу гапни әшитиб Бўтабой бир оз бўшашиди. Аҳмедов буни пайқаб:

— Бу одамга қандай вазифа беришни ўзларингга ҳавола қиласмиш, лекин ҳосилот кенгашига раис қилсаларинг куймайсизлар,— деди.

Аҳмедов бу гапни чин қўнглидан айтаётганини билса ҳам Бўтабой хотиржам бўлиш учун яна:

— Раис бўлиб борса қандай бўлади? — деб сўради.

Бўтабой бу савонни нима учун берганини билиб Аҳмедов қўшини чимириди ва жавоб беришни лозим кўрмай, бошқа гапга ўтди. У «Қўшчинор»га юбормоқчи бўлган одами ким эканини айтиб, унинг тўғрисида батафсил сўзлаб берди.

Бу одам Баҳрободда ер ислоҳотидан кейиноқ собиқ батраклардан ташкил топган «Қизил қўшчи» колхознинг раиси бўлиб, колхознинг ҳозир «Қўшчинор» бошдан кечираётган гўдаклик чоғларини кўрган, уни балоғатга етказишида аччиқ-чучукни татиб, тажрибалик бўлиб қолган Ўрмонжон Омонов эди.

11

Даромад тақсимотидан кейин Ўрмонжон бола-чақаси билан кўчиб келди ва Қўғазордаги собиқ водокачка харобасини Бўтабойнинг ёрдами билан ўзига уй қилиб олди.

Колхоз правлениеси Ўрмонжонни ҳосилот кенгашиниг раиси қилиб тайинлади, уни правление составига киритди ва бу қарорни колхозчиларнинг умумий мажлисига киритмоқчи бўлди.

Ўрмонжон бир неча кунни дала айланиб, одамлар билан танишиб, идора ишларига разм солиб ўтқазди. Идоранинг бутун иши колхозчиларнинг номлари, қорамол ва уларнинг сони, омбордан кимга нима берилгани ёзилган

битта дафтар, йигирматага яқин турли-туман плакат, ярим қоп ҳар хил китоб ва газеталардан иборат эди. Раис саводсиз бўлгани учун ҳамма ёзув-чизув ишлари унга аввал «холис» қарасиб юрган ва кейинчалик ўз-ўзидан секретарь бўлиб қолган Абдусамадқорининг қўлида эди.

Абдусамадқори әртадан кечгача идорада ўтирас, иш билан келган колхозчиларга кўпинча раис, баъзан правление номидан жавоб-муомала қиласар эди.

Ўрмонжон келиб ишга тушган кундан бошлаб қори унинг пинжига киришга ҳаракат қилди. Ўрмонжон борида бирор бирон тўғрида мурожаат қилса қори илжайиб дарров Ўрмонжонга қарар ва «буни фақат Ўрмонжон акам биладилар» ёки «Ўрмонжон акам турганларида мендан сўрайсизми» дер, бундай вақтларда Ўрмонжон: «Сиз-чи, билмайсизми» деса «ҳи-ҳи, сизни райком юборган, партия аъзосига ҳамма нарса аён бўлади» деб қўяр эди. У секин ва майин товуш билан гапирав, ҳеч ким билан баҳслашмас, мушукка ўхшаб мулсийим қадам босар эди.

Бир куни қори идорада йўқ вақтида Ўрмонжон Бўтабойдан сўради:

— Бу одам колхозга қачондан бери секретарь?

Бўтабой ака кулади.

— Ўзим ҳам билмайман, Ўрмонжон! Колхоз ташкил бўлгандан кейин менга ёзув-чизув ишига қарасиб юрган эди, бориб-бориб ўз-ўзидан секретарь бўлиб қолди. Правлениедан ўтган эмас, шундай бўлса ҳам, ишлаб юритти. Ишchan, жуда-жуда ишchan одам. Ишнинг кўзини билади. Колхознинг бутун ҳисоб-китоб ишларини шу эплаб турипти.

— Шундоқми,— деди Ўрмонжон кулемсираб,— лекин идора ишида унинг ишchanligини кўрмадим. Колхознинг ҳисоб-китоб ишлари ҳам сиз ўйлаганчалик яхшига ўхшамайди. Бундан ташқари қорингиз алланечу... шилқимроқ!

— Ҳали сиз янги одамсиз,— деди Бўтабой ерга қараб,— қорини билмайсиз.

Ўрмонжон индамади, лекин шундан кейин идора ишига аралашадиган бўлди.

Ўрмонжон қариялар билан ўтказган бир суҳбатида алланимадан гап чиқди-ю кимдир ер ислоҳотидан бурун бўлган дарё тошқини ҳақида гапирди. Бу тошқинда олти

минг танобдан ортиқроқ әкинни сув босган, агар Балиқ-чидан ўн саккизта қайиқ ўз вақтида етиб келмаганда тәлай одам ўладиган бўлган әкан. Био чол герман урушидан бурун бўлган тошқинда киязниң чўчқаларидан иккитаси, капсанчилардан саккиз киши ғарқ бўлиб ўлганини ҳикоя қилди. Шу хилдаги тошқинлар вабо йили, оқлошшо Мингтепа қишлоғини тўпга тутган йили ва ундан илгарилари ҳам бўлган әкан. Үрмонжон бу йилларни аниқроқ суриштириб қараса, тошқин тахминан ҳар ўн-ўн икки йилда бир мартаба бўлар әкан. Бу, янги туғиаган қўёчинчоқдай зўрга оёқ узра турган колхоз учун катта хавф түғдирар эди. Үрмонжон бу гапни Бўтабойга айтди. Бўтабой шуни Үрмонжондан бурунроқ билмаганига ичида афсусланди-ю индамади, әртасига қиём вақтигача юриб Қўғазордан Қўшчиноргача бутун дарё бўйини қўздан кечирди. Қўшчинордан бир ярим километр юқорида бири юз әллик, иккинчиси яқин юз қадам келадиган иккита даҳана бўлиб, тошқин суви шу ерлардан ўтар әкан. Бу даҳанааларга дамба қилиш керак эди. Бўтабой бу масалани дарров правлениега қўйди. Тошқин хавфидан қутулиш учун дамба қилиш зарурлигини ҳамма бир оғиздан таъкидлади, лекин бу ишни қачон бошлаш масаласига келганда Үрмонжон Бўтабойнинг бетўхтов бошлаш керак деган фикрига қарши чиқди:

— Ҳозир тошқин, дамба тўғрисида оғиз очиб бўлмайди. Колхоз шу аҳволда кета берса кузда ҳам айтиб бўлмайди. Колхознинг бу йилги даромад тақсимотидан оладигани ҳозирдан маълум. Бу даромад билан колхозчи тўймайди. Қорни тўқ бўлмаган колхозчига узоқдаги думбадан кўра яқиндаги ўпка яхшироқ кўринади. Агар биз ҳозир колхозчига дамбада ишлайсан десак колхозчи бу ишни қўйиб балиқ овлайди. Менимча, биз ҳозир колхозни бир қадар оёққа бостириш тўғрисида ўйлаб, ундан кейин дамба масаласини қўйишимиз керак. Шошиш керакмас, чунки бу йил тошқин хавфи йўқ.

Бўтабой шундай ташаббуси йўққа чиқаётганини кўриб асабийлашди.

— Тошқин ҳавфи бу йил бўлмаса, янаги йил... иш қилиб борми? Дамба қилиш керакми, йўқми?

— Мен бу билан дамба масаласини кун тартибидан чиқарип ташлаш керак демоқчи әмасман. Дамба масала-

си — асосий масала. Мен бу ишни нимадән бошлаш көреклиги түғрисида гапираётибман. Агар лозим кўрсангиз мулоҳазаларимни кенгроқ айтиб бераман.

Ўрмонжон бир дамбагина эмас, умуман шундай ишларни бошлаш учун замин тайёрлаш, бунинг учун эса биринчи навбатда жорий қилиш керак бўлган тадбирлар түғрисида гапирди, колхоз ва колхозчининг иқтисодини кўтариш чораларига кўпроқ аҳамият берди. Бу чоралардан бири водокачкага яқин, сувнинг бошида бўлган Бақақуруллоқнинг ҳамма ерига пахта әкиш эди. Бу таклиф ҳаммага, ҳатто уни бирон гапда илинтириш пайига тушиб ўтирган Бўтабойга ҳам маъқул бўлди. Сўнгра, Ўрмонжон Капсанчилар қишлоғи асосан кўп йиллардан бери пахта әкмагани, капсанчиларнинг кўпчилиги пахтани билмагани учун бу әкинни унча-мунча биладиган одамлардан терма бригадалар тузишли, бу бригадаларга тажрибалик қарияларни бригадир қилиб тайинлашни таклиф қилди ва бригадирликка ярайдиган мўйсафидларни ном-баном айтиб берди.

Ўрмонжоннинг бу гапларини, айниқса тажрибакор чолларни ном-баном айтганини кўриб Бўтабой ичиде зил кетди: «бу чолларни-ку мен бундан яхшироқ билар әдим, иучук шунга Фаросатим етмапти...»

Правление аъзоларининг ҳар бири ҳам шуни кўнглидан ўтказди.

Дамба масаласи кейинга қолди.

Бақақуруллоққа бутқул пахта әкиш масаласи правлениенинг навбатдаги мажлисида атрофлича муҳокама қилингандан кейин колхозчиларнинг умумий мажлисига олиб чиқилди. Колхозчилар бу таклифни жуда хурсанд бўлиб қарши олишди. Бригадирликка мўйсафидлардан Зокир ота правлениенинг бу ташаббусини: «Шу яқин ўртада правлениедан биттаю бирагай гапчиқди» деб таърифлади.

Одамларда файрат ва ташаббус яшнаб кетди.

Карахтроқ бўлиб ётган «Қўшчинор» колхозида ҳаёт қайнай бошлади.

Бўтабой ака бу кунларда ўзини ҳали от минишни дурустроқ билмай туриб жуда учар отда улоқقا кирган кишидай сеза бошлади. Шунинг учун у ҳар ишга ўн қўллаб ёпишадиган, янгидан-янги ишлар бошлашга ва ҳар

бир бошланган ишнинг, ўзи айтмоқчи, ёнбошига олгандан кейин бетўхтөв отишга ҳаракат қиласиган бўлиб қолди. У баъзан, ўнг келиб қолганда, Ўрмонжондан бирон қадам олдинда юришга интилар, шунинг орқасида баъзан ножӯя қадам ҳам босиб қўяр әди.

12

Ўрмонжон бригада ва звено бошлиқларидан хоҳлаган кишиларни ҳар ҳафта икки мартаба қизил чойхонага йиғиб ўқита бешлаган әди. Одамлар ҳарф таниб сал-пал ўқийдиган бўлгандан кейин, Ўрмонжон правлениенинг олдига ҳамма бригада ва ҳамма звено бошлиқларини ўқишга мажбур қилиш масаласини қўйди. Правление унинг таклифини маъқул кўриб қарор чиқарди ва бу қарорнинг обрўсини кўтариш учун ўқишга правлениенинг ҳамма аъзоси, жумладан Бўтабойнинг ўзи ҳам қатнаша бошлади. Бўтабой бригада ва звено бошлиқлари, ўқишга ихтиёрий равишда қатнашаётган баъзи колхозчилар олдида обрўни қўлдан бермаслик учун жуда астойдил ўқиб, баъзан кечалари Ўрмонжоннинг уйига бориб қўшимча дарс ҳам ола бошлади. Кўп ўтмай у дурустгина ўқийдиган ва унча-мунча ёзадиган бўлиб қолди. Ким билади, ўқиш унга жуда ҳам осон кўриндими, ёки, ўқиш-ёзиш жуда маъқул келиб қолиб, бу неъматдан бошқалар маҳрум эканини ҳазм қиломадими, ишқилиб нима бўлдию, ҳеч ким билан кенгашмай, ҳеч кимга айтмай бир куни правлениенинг эшигига шундэй бир әълоннома қоқиб қўйди:

«Колхозчиларга!!!!

Илмисизлик синфий душманларга хизмат қилиб келгани учун ўқимаган колхозчига аванс йўқ. Кузда даромад тақсимоти ҳам қўл қўйишни билмаган колхозчига берилмайди. Қаршиларга умумий мажлисда чора кўрилади. Ўқиш Бақақуруллоқда, қизил чойхонада бўлади. Дафтар, қалам бепул, самоварчидан сўраб олинсин.

Колхоз правление раиси: *Бўтабой Бўронбоев*.

Бу эълоннома кўпчилик ёшлар учун кутилмаган, фавқулодда бир нарса бўлмади-ку, лекин ёши бир жойга борган, айниқса кексаларнинг қаттиқ норозилигига сабаб бўлди. Ўқиш, буларнинг назарида, оппоқ соқолларини силкиллатиб «тутминди» ўйнашдай кўринди. Қўғазорлик Каримқўлбува билан Невматилла акалар икки кун ишга чиқишимади. Бақақуруллоқлик Зокир ота биринчи куни ўқишга ёғоч от миниб, орқасига неварасининг сумкасини осиб келди...

Ўрмонжон районга кетгани учун бу воқиадан бехабар эди, райондан келгач, бу эълонномани ўқиб аввал хит бўлди, кейин кулгиси қистади. У Бўтабойга ҳозир бундай талаб қўйиб бўлмаслигини, бунинг учун аввал замин тайёрлаш кераклигини тушунтироқчи бўлган эди, Бўтабой «менинг ташаббусимни бўғаётисан» деган мазмунда киноя қилиб хафа бўлди.

Бир томондан раиснинг обрўсини сақлаш, иккинчи томондан бу тадбирдан қаттиқ норози бўлган одамларга бунинг моҳиятини ётиги билан тушунтириш керак бўлиб қолди. Ўрмонжон бунга хийлагина вақт ва меҳнат сарф қилди. Бўтабой буни кўриб Ўрмонжон олдида ўз қилмишидан қаттиқ хижолат тортди, унга уэр айтишини кам билиб, бирон иш билан ўзини оқлашни кўнглига туғиб қўйди.

Пахта терими бошланган кунлар эди. Дарсдан кейин Бўтабой пахта теримида яхши ишлаётган хотин-қизлардан бир мунчасини гапга солиб суҳбат ўтказди. Суҳбат хийла кеч тамом бўлди. Бўтабой уйига кетди.

Ойдин кеча. Бўтабой Бақақуруллоқдан чиқиб, Қўшчинорга юқоридан — катта йўлдан кетди. Ҳаво соф, салқин. Сўл томонда Бақақуруллоқнинг паст-баланд уйлари, қоп-корайиб турган якка-дукка дарахтлардан нари азим дарё оқаришиб кўринади. Ўнгда очилган пахтадан чипор бўлиб кетган тўқ-яшил пахтазор. Унинг әтаги тобора қорайиб, узоқдаги тўқайга туташиб кетган. Бугунги ишдан, дарсдан, эпчил теримчилар билан ўтказилган суҳбатдан, қолаверса, мана бу тунги манзарадан вақти хуш бўлган Бўтабой аллақандай шўх бир куйни хиргойи қилиб борар эди.

Қўшчинорга тушиладиган муюлишда Абдусамадқори учраб қолди. У, одатдагича, йўл кенг бўлса ҳам дарров четланди.

— Хўш,— деди Бўтабой,— бугун ўқишга бормадигиз?

Қори битта-иккита оқ оралаган чўққи соқолининг учни ушлаб илжайди.

— Хўп ажойибсиз-да, Бўтабой ака, ажойибсиз! Одам ҳайрон қолади... Дарров пайқабсиз-да. Мен пайқамасмикинсиз деган эдим. Ҳи-ҳи... бугун шундоқ бўлиб қолди,— деди ва тегиши,— аввал менга етиб олишсин, ундан кейин бирга ўқийлик-да. Йўқ-йўқ, ҳазил...

— Бу гапингиз нотўғри, қори, сизнинг илмингиз эскича илм. Колхозга янгича илм керак. Кўнглингизга келмасин-ку, извошга эшак қўшиб бўлмайди.

— Тўғри! Албатта, албатта... Бугун узрлик иш чиқиб қолди. Шаҳардан божамиз совфа-салом билан келган эди, шуни кузатиш лозим бўлиб қолди. Келинойимга ўша совгадан насиба олиб келган эдим.

— Ҳим...— деди Бўтабой ўнғайсизланиб,— шунақами... Қани, юринг, уйга кирайлик.

Қори дарров әргашди. Ҳийла ергача жим боришиди. Бу ўнғайсиз жимликни қори бузди:

— Божамиз сиз билан кўришишни орзу қилган эдилару фурсалари бўлмади. Кўпдан-кўп салом айтдилар.

— Саломат бўлсинлар... У киши шаҳарда нима иш қиласидилар?

— У кишини танийсиз, яхши танисангиз керак. Область ижроия комитетида секретарь. Икки йил бўлди.

— Э-э, Жавдот Наимми?

— Ҳа, баракалла.

— Бундоқ демайсизми! Область ижроия комитетида секретарь денг! Айтмадингизми, колхозимизга қарашиб юборинг демадингизми?

Қори гавдасига номуносиб ингичка бир товуш чиқариб кулди:

— Ҳай-ҳай, мендан гап қоладими, Бўтабой ака... Колхознинг фойдаси деганда осмондаги қушнинг оғзидағи донни оламан!

Бўтабой пастаккина эшикдан энгашиб кирап экан, тандирнинг олдидағи кундага боғлаб қўйилган каттакон бўрдоки қўйни куриб қолди. Қўй унга қараб шикоятомиз маъради.

— Ие,— деди Бўтабой ва қорини айвондаги сўрига тақлиф қилди.— Совғани жуда катта қилиб юборибсизку. Божангиз қўй совға қилиб келган эканми?

— Йўқ, у киши келинингизга икки жуфтатлас олиб келган эканлар. Келинингиз шундан биттасини опам кийсинлар деди. У шундоқ дегандан кейин мен ҳам, «совға деган тоқ бўлмайди» деб шу қўйни... Хўжақишлоқда бир ошнам билан шериклик тўртта қўй боқиб юрган әдик, иттифоқо шу бугун ўша қўйларнинг иккитасини бериб юборипти. Шу, атлас билан жуфт бўлсин деб шунинг биттасини етаклаб кела қолдим.

Қўй яна маъради. Бўтабойнинг назарида, жуда қаттиқ маъради, унинг товушини бутун қишлоқ эшитгандай бўлди. Бўтабой атласни хотинидан сўраб олди, ойдинга солиб унинг у ёқ-бу ёғига қаради.

— Саккиз тепкилилк,— деди қори атласнинг қатига бармоғини тиқиб.

— Ҳўп, бу нарсаларни олсак сиздан неча пул қарздор бўламиз?— деди Бўтабой узоқ жим қолгандан кейин.

Қори бу саволдан қаттиқ ранжиди.

— Ҳа, шуми ҳали, Бўтабой ака, орамиэда пулдан ҳам каттароқ нарса — меҳру оқибат бор әди-ку...

Қўй яна боягидан ҳам қаттиқроқ маъради. Бўтабой ичидан тўлқинланиб келаётган титроқни босишга зўр бериб бир оз жим қолди, сўнг, мумкин қадар мулойимлик билан сўз бошлади:

— Менга қаранг, қори, агар ҳақиқатан шундоқ деб билсангиз мен сизга битта яхшилик қиласай... Ҳа, айтгандай агар ёмонликка олсам ҳозир уриб башарангизни дабдала қиласар әдим! Яхшилик қилақолай. Бу атласни хотинингизга қайтариб беринг, ўзи кийисин, раиснинг хотини умрида атлас киймаган экан, ҳали ҳозир киймоқчи ҳам эмас экан дeng, бу бир. Иккинчидан: бу қўйни олиб бориб шериги билан яна бир икки ой боқинг, йигим-теримни олганимиздан кейин тўй қилмоқчимиз, шунда ўз қўлинигиз билан сўйиб берасиз. Учинчидан, ҳозирдан бошлаб сиз секретарликдан бекор бўлдингиз. Тўртингидан: сизга ўзингизга ўшаган қирови тўкилмаган одамлардан иккитасини қўшиб бераман, уччовларинг Кўғазорнинг юқорисидаги тўқайдан ўтин қиласизлар. Неча саржин

ўтих қилишни кейин айтаман. Тушундигизми? Тушунмаган бўлсангиз эртага идорада тушунириб қўйман! Безбет!..

Қори орага бўлак гап сиғмаслигини сезиб секин ўрнидан турди, атласни бир чеккасидан кўтариб, қўйни етаклаб чиқиб кетди.

— Латта жинниси! — деб бақирди Бўтабой бутун аламини хотинидан олмоқчи бўлиб, — латтанинг учини кўрсатса ўзингни томдан ташлайсан.

Хотини ҳам бўш келмади:

— Мен қаёқдан биламан унинг нима ниятда олиб келганини? Қўрқмай-нетмай, ҳеч нарсани андиша қилмай шунча катта «совға» олиб келган бўлса, бундан чиқдики, кичикроқ «совға»ларни едириб әтингизни ўлдириб юрган әкан-да!

Хотинининг бу гапи Бўтабойнинг жон-жонидан ўтиб кетди, лекин бундаги қучли мантиқ тилини боғладио ҳеч нарса деялмади. У қори билан шу кунгача бўлган бутун муомала ва муносабатларини хаёлидан кечириб, бундан, хотини айтмоқчи «этни ўлдирадиган» бирон нарса тепишга уринди. Бироқ бундай ҳодиса бўлган эмас әди. Модомики шундоқ әкан, қори шундоқ қилишга нучук журъат қилди? Нимага суюнди? Бўтабой бир вақтлар қори хусусида Ўрмонжон билан келиша олмаганини, орада ўтган бу гапларни бир оз бўртдириброқ, мақтаниброқ биринки одамга айтганини, бу гаплар қорининг қулоғига яна ҳам шишиброқ етганини хаёлига ҳам келтирмас әди...

13

Бўтабой диққат бўлиб кўчага чиқди. Ой уфқдан салгина юқорида юпқа булат орасидан хира нур сочмоқда. Ҳамма ёқ жимжит. Тун сукунатини фақат водокачканинг тапиллашигина бузмоқда. Узоқда от кишинади. Ўрмонжон районга кетган әди, ўша келаётитпими? Бўтабой катта йўлга чиқди. Хира ойдинда қоп-кора ҳайкалдай бўлиб бир отлиқ кўринди. Дарҳақиқат Ўрмонжон әкан. У, Бўтабойни кўриб дарров отдан тушди.

— Ҳа, Бўтабой ака, бемаҳалда нима қилиб юрибсиз? Тинчликми?

— Тинчлик,— деди Бўтабой ва отнинг жиловини унинг қўлидан олди,— жуда кечга қолдингиз?

— Ўртоқ Аҳмедовдан салом... хушхабар олиб келдим. Бўтабой уни уйига бошлади.

— Қандоқ хушхабар экан?

Ўрмонжон чўнтағидан бир нухса газета чиқариб унинг қўлига берди. Ҳовлига киришди. Бўтабой Ўрмонжонни сўрига таклиф қилди ва пастлатиб қўйилган осма чирокнинг пилигини кўтариб газетани кўздан кечирди. Унинг диққати қизил қалам билан белги қўйилган «Тошқин» сарлавҳали бир мақолага жалб бўлди.

— Ҳа, мана шу,— деди Ўрмонжон,— ўқинг. Менга беринг, ўзим ўқиб бера қолай.

Бўтабой бермади, туртингасликка тиришиб ўзи ўқиди. Мақола ўн-ўн икки йилда бир бўладиган тошқинда «Қўшчинор» колхозининг қарийб ярим ерини, унга қўшни колхозларнинг еридан анчагина қисмини сув босиб кетиши, бундан келадиган заарлар ҳақида гапириб, бу офатдан қутулиш йўлини кўрсатар ва «Қўшчинор», «Қизил файрат», «Коммуна» колхозларини бу офатга қарши курашга чақирап эди.

Бўтабой суюнганидан Ўрмонжонни қучоқлаб олди.

— Агар шу колхозлар ҳам бош қўшадиган бўлса дамба йигирма-йигирма беş кунлик иш! Йигим-теримни олганимиздан кейин бошласак совуқ тушмай битирамиз.

— Тўғри, лекин ўртоқ Аҳмедов бу неча кунилик иш әкани, буни қачон бошлаш яхшироқ бўлиши тўғрисида бевосита кетмон урадиган, тупроқ орқалайдиган одамлар билан маслаҳат қилинглар,— деди.

— Албатта! Умумий мажлис қиласиз, ўртага соламиз.

— Эртага аввал бу масалани правлениеда бир гаплашиб олсагу индинга умумий мажлис чақира қолсак.

— Яхши, гаплашамиз. Умумий мажлисда кичкинагина бир докладча қилишни ўзингизга топширамиз,— деди Бўтабой «докладни ўзинг қиласан» дермикин деган умидда.

Ўрмонжон ўйлаб туриб жавоб берди:

— Агар доклад қилиш лозим бўлса буни Зокир ота бошлиқ чолларга топширамиз. Ҳўп, эртага гаплашамиз. Мен борай. Чарчаганга ўхшайман.

Бўтабой уни кузатиб чиқар әкан, эшик олдига боришганда, бир неча марта боғиз ростлагандан кейин, ниҳоят:

— Қорини секретарликдан бекор қилдим,— деди.

Ўрмонжон бирдан тўхтаб унга ўгирилди.

— Нега? Нима учун?

Бўтабой бундай саволни кутмаган бўлса керак, ганиб қолди.

— Йлми эски...

— Йлми эски әканлиги шу бугун маълум бўлдими?

Бўтабой бунинг сабабини ҳарчанд айтмоқчи бўлса ҳам, хотинининг гапи қулогидан кетмай, сира тили айланмади.

Ўрмонжон кетди.

Бўтабой бу гапни унга әртасига ҳам айтмади, вақт ўтган сайин айтиш ноқулай бўлаверди.

Абдусамадқори бир неча кун Бўтабой бу гапни ошкора қилишидан хавфсираб юрди, бироқ ҳеч гап чиқмаганидан кейин: «демак Бўтабой Ўрмонжондан хадик олганидан шундоқ қилган әкан» деган қарорга келди. Оғир ишда ўзи озган ва уйидаги икки қўйи семирган сайин унинг Ўрмонжонга қарши юрагидаги адовати ўт ола борди.

Газетадаги мақолага бағишлиланган колхозчиларнинг умумий мажлисида Зокир ота доклад қилди. Унинг доклади ва музокарага тайёрланган чолларнинг сўзларидан тошқин манзараси, бу оғатнинг бутун оқибатлари ҳамманинг кўз олдида гавдаланди қолди. Булардан кейин Ўрмонжон сўзга чиқди. У тошқин, дамба тўғрисида эмас, колхоз олдида турган катта ишлар, колхознинг яқин келажаги тўғрисида гапирди. Унинг сўзидан кейин тошқин балоси колхознинг порлоқ әртасига соя солиб турган бир фалокат, дамба эса колхоз олдида турган катта ишларнинг боши бўлиб қолди. Бутун колхозчилар бир оғиздан «бажарамиз» дейишиди.

Бир неча кундан кейин дамбадан манфаатдор бўлган колхозларнинг вакиллари кенгashiб амалий тадбирлар белгилашди.

Иш сентябрнинг охиорларида бошланиб, даромад тақсимотига яқин тугади. Кўпроқ оғирлик «Қўшчинор» усттига тушди.

Даромад тақсимотида ҳар бир меҳнат кунига яқин бир килодан буғдой, бир сўму қирқ етти тийиндан пул тушди. Ўтган йили меҳнат кунига ярим килога етар-етмас буғдой, йигирма уч тийиндан пул олган капсанчилар бу йилги даромадни кўриб бутун орзулари ушалгандай бўлди.

Бироқ район ижроия комитети билан район партия комитети колхозчиларни бундан ҳам яхшироқ турмуш кечириш йўлига бошлади: шу атрофдаги ўн бир колхознинг сувга муҳтожлигини назарда тутиб, дарёдан канал чиқаришга қарор қилди. Канал ўн етти километр узунликда бўлиб, Яккабоғдан чиқарилиши ва Шўртепанинг пастроғидан яна дарёга ташланиши керак эди.

Каналдан сув ичадиган ўн бир колхоз бу қарорни муҳокама қилиб, кўкламда қийналиб қолмаслик учун объаво имконият берганича бу ишни асосан қишида қилишга қарор қилди. Ўн биринчи январь куни трассага икки минг киши чиқиб, иш бошланиб кетди. Бу иш оғир, ниҳоятда оғир әди. Мана шу кунларда «Қўшчинор»дан бир талай одам кетиб қолди.

Ўрмонжон Қурбон станинг сўзига жавоб бериб: «колхоз илгари икки юзу ўн хўжаликдан иборат эди, ҳозир бир юзу саксон тўрт хўжалик қолди» деганда мана шу кунларни кўзда тутган эди.

УЧИНЧИ БОБ

1

Қурбон ота билан хайрлашиб жўналгандан кейин Сидиқжон хийла ергача, худди тўсатдан уйғонгандай, гаранг бир аҳволда борди.

Ўрмонжон йўл бўйи гапирмади, фақат, бир жойга келганда, қора варақ ва шўр босган ердан илон изи бўлиб ўтиб, тўқайга кириб кетган тупроқтепани қамчинининг сопи билан кўрсатиб:

— Канал! — деди.

Илгари канал тўғрисида гап бўлганда Сидиқжон уни бирон тегирмон сув элтадиган ариқ деб ўйлаган эди, тупроқни кўриб:

— Э-ҳе,— деди,— каттакон анҳор-ку.

Иргай, туронғу, ёввойи жийда, тол, дўлана сингари бута ва дарахтлардан иборат тўқайни оралаб анча юрилгач, ҳеч кутилмаган ерда Үрмонжон:

— Келдик,— деб отдан тушди ва ҳайрон бўлиб турган Сидиқжонга қараб қулумсиради,— келдик!

— Қаерга келдик?

— Қишлоқقا. Колхозга.

— Қишлоқقا? Қишлоқقا ўхшамайди-ку?

— Ҳа, ўхшамайди. Ўзимиз ўхшатамиз-да!

Отни боғлаб каттагина бир майдонга чиқиши. Мэйдоннинг ўртасидан арава йўли ўтган, йўлнинг у юзида кекса қайрағочнинг остида ташландиқ темир йўл бекатининг харобасига ўхшаган кичкина ғиштин иморат турар эди. Унинг ўририлиб тушган жойлари синиқ пишиқ ғишт, гўвалак билан тикланган, олдинга томон нишаб томига йиртиқ-ямоқ толь парчалари ёпилиб, устига тош, ғишт, бостирилиб қўйилган; одатдагидан хийла баланд деразасининг икки кўзида ойна бор, қолганларига қоғоз ёпиширилган, тахта қоқилган.

Үрмонжон Сидиқжонни уйнинг ёнбошига омонатгина ўрнатилган эшикка бошлади. Уйнинг орқаси ҳам бир замонлар шунинг сингари уй бўлса керак, лекин бузилгандан кейин олди деворни олиб ташлаб айвон қилинибди.

— Қани, ўтири,— деди Үрмонжон арқон кроватни узун столга яқинроқ сурниб.

Сидиқжон кроватга ўтирас экан, айвондан пастдаги қамишзорга, унинг нариги томонида оқаришиб турган дарёга, сўнгра, айвоннинг у ёқ-бу ёғига қараб:

— Бу ер илгари нима бўлган экан?— деб сўради.

— Илгари водокачка бўлган экан.

— Ҳа, князининг водокачкасими? Қурбон ота гапириб берган әдилар. Бечора капсанчилар, дейман, ер ўзларига қарашли бўлганда шу ариқни ўша вақтда чиқаришса ҳам бўлар экан.

Үрмонжон Сидиқжоннинг дилига ёруғлик солиб биринчи мартаба кулади.

— Гап ерда эмас, Сидиқжон, гап ерда бўлса ислоҳотдан кейин нега чиқаришмапти? Бир боғ жўхорипоя аравага ўқ бўлмайди, лекин битта қайрағоч бўлади. Бунақа катта ишни фақат катта хўжалик — колхоз қила олади.

Уйдан Ўрмонжоннинг хотини —тўлагина, хийла ҳусндор жувон чиқиб Сидиқжон билан кўришди-да, қайтиб бир лаган тут билан ион олиб чиқди ва буларни столга қўяр экан:

- Меҳмон келган әди,— деди.
- Қанақа меҳмон?
- Шаҳардан. Агроном экан.
- Агроном?— деди Ўрмонжон ўрнидан туриб.—

Қани?

- Бўтабой ака бошлаб келган әди, бирга чиқиб кетишиди. Идорага боришгандир.
- Сидиқжон, айбга буормайсан, ука, мен ҳозир келаман.

Ўрмонжон шошиб чиқиб кетди ва бирон соатдан кейин оғзин, сочи ўнг томонга жуда хафсала билан таралган, оқ шим ва сқ кўйлак кийган ёшгина бир йигит билан кириб келди. Йигит Сидиқжонга: «агроном Иброҳимов» деб қўл берди ва Ўрмонжон суриб берган курсига ўтириб ўзини елпиди. Сидиқжон агроном нима иш қилишини аниқ билмас, лекин, негадир, агроном деганда кўз олдига ўзбекчани чала биладиган хушчақчақ рус-чол келар әди; шунинг учун таажжублангандай, йигитга биринки қараб қўйди. Иброҳимов тутнинг яхши-яххисини, худди нозик бир жониворни ушлаётгандай, эҳтиёт билан териб оғзига солар экан, тўхтаб қолган гапини давом эттириди:

— Шунаقا, Ўрмонжон ака, мақсадим илмим етгансча, қўлимдан келганча сизларга хизмат қилиш, ундан кейин Тошкентга бориб яна ўқиши. Тошкентда зўр олимлар кўп. Менинг дослам Иван Петровични Бутунитти-Фоқ билади. У кишини ўртоқ Аҳмедов жуда яхши билар эканлар.

— Ҳали келмасдан кетиш ғамида сиз-ку,..— деди Ўрмонжон кулемсираб.

— Йўқ, Ўрмонжон ака, менинг гапимни тўғри тушунинг. Колхоз қишлоғи тобора билимдонроқ агрономни талаб қила беради. Мен шу маънода гапираётиман. Мен қаерга келганимни, қандай шароитда, қандай ишлар қилиш кераклигини яхши биламан. Ўртоқ Аҳмедов бу қишлоқнинг тарихини, кейинги бир йил ичida қилинган ишларни, «Қўшчинор»нинг келажагини гапириб берди.

Мен бу ерга очиқ кўз билан келдим. Мен бу ерга фақат агроном сифатида эмас, балки... мен аввал коммунист, ундан кейин агрономман. Ўртоқ Аҳмедов сен борсанг колхозда учта коммунист бўласизлар, деган әди. Учинчи-си ким?

— Эҳсон Каримов. Пахтакор бригаданинг бошлиги. Бу йигит колхоз секретари бўлиб келган әди, ўзи далага чиқаман деди. Секретарликка Зиёдахон деган бир аёлни тайёрлаётубмиз.

— Ҳозир бир центнер пахта неча меҳнат кунига тушади?

Ўрмонжон буни ҳеч қачон ҳисоблаб кўрмаган бўлса керак, жавоб бера олмай илжайди.

— Куч кўп кетади, лекин экинлар ичида бундан сердаромади йўқ,— деди.

— Биламан, сердаромад, лекин меҳнат талаб қиласди. Гап мана шунда. Агар шу сердаромадлигига меҳнатни оз талаб қиласа әди! Ўртоқ Аҳмедов «Иттифоқ» кслхозида ўтган йил бир центнер пахта йигирма бир меҳнат кунига тушди деди. Йигирма бир меҳнат куни! Агар шу колхозда бир центнер пахта бир меҳнат кунига тушса, қандоқ бўлар әди?— деди Иброҳимов Сидиқжонга қараб.

Сидиқжон бу саволга жавоб кутиб Ўрмонжонга қарди.

— Унда одамларнинг итялоғи тилладан бўлар әди,— деди Ўрмонжон.

— Ҳа, тилладан бўлиши керак-да, бўлмаса колхоздан нима фойда? Ҳамма гап шундаки колхоз бир центнер пахтани бир меҳнат кунига тушириши мумкин, мумкингина эмас, партия ва ҳукумат шундай қилмоқчи, шундай қилмоқчигина эмас, қилаётитпи. Сталинграднинг трактори, Чирчиқнинг маъдан ўғити, илмга сарф қилинаётган миллион-миллион пул... шуларнинг ҳаммаси ўша йигирма бирни бирга тушириш учун!

Иброҳимвв оёгини ёзгани ўрнидан турди ва айвоннинг дамига бориб қамишзор ва дарёнинг у томонидаги кўм-кўк далаларга, узоқдаги капитарранг тоғларга қарди. Бир оз жимликдан сўнг, Ўрмонжон чуқур нафас олиб Сидиқжоннинг елкасига қўлини ташлади.

— Ана шунаقا гаплар, Сидиқжон, шунаقا гаплар. Йигирма бирни бир қилишимиз керак, бир!— деди ва

ўрнидан турди.— Энди, меҳмонлар айбга буюрмайсизлар, менинг қиладиган ишим, борадиган ерим кўп. Сизлар овқатгача дам олинглар, қолган гапни овқатдан кейин гаплашамиз.

— Бирга борамиз,— деди Сидиқжон ўрнидан туриб.

— Қаёққа?

— Айланиб келарман.

— Бизнинг қишлоқда айлангулик, томоша қилгулик жой йўқ. Мен билан юришингдан фойда ҳам йўқ. Мана ўртоқ Иброҳимов билан гаплашиб ўтиринглар.

Ўрмонжон чиқиб кетди. У кетгандан кейин Сидиқжон отаси бегона уйга ташлаб кетган ёш боладай мунғайиб қолди. Иброҳимов буни кўриб уни гапга солишга ҳаракат қилди, ундан-бундан гапирди, турли ҳазил мутойиба қилди. Ҳадемай Сидиқжоннинг қулфи-дили очилиб кетди. Ярим соат ўтар-ўтмас орадаги бегоналик пардаси кўтарили-ю Сидиқжон саргузаштини қисқача сўзлаб берди.

— Яхши қилибсиз, лекин болангиз бор экан,— деди Иброҳимов.— Ҳозир қизиқ устида билинмас-ку, кейин чидомассиз. Болангизнинг бир мартаба «дада» деганини эшитсангиз ҳар қанақа кек эсдан чиқади. Ёш боланинг тили ҳар қанақа кўнгилни эритади.

Сидиқжон ўйлаб туриб жавоб берди:

— Отасининг уйидан чиқиб кетса бола туфайли ярашсам эҳтимол әди, лекин шариатда йўл йўқ. Уч талоқ қилганман.

Иброҳимов қулади.

— Ҳали ҳам шариат деб юрибсизми! Ярашадиган бўлсангиз шариат йўл топиб беради. Шариатнинг йўли кўп, биттаси берк бўлса ўнтаси очиқ. «Ҳудонинг арши қимиirlашга қимиirlайди», лекин йиқилмайди» деган латифани эшитганмисиз?

Сидиқжон «худонинг арши» деб эшитган, «арш» деганда ҳеч нарсани тасаввур қилмаса ҳам эти жувиллашиб кетар әди.

— Йўқ, мулла,— деди беихтиёр қўлинни қовуштириб.

— Худо ҳам, ҳамма пошшоларга ўхшаган, тахтда ўтиради. Ўша тахтни арши аъло лейишади... Бир шаҳарда бир бузуқ хотин бор экан. Щу хотин қариганда қиёмат ваҳмига тушиб аъламнинг олдига борипти: «Аълам почча, киши зино қилса нима бўлади?» деб сўрапти.

«Ҳай-ҳай, асти гапирма,— депти аълам,— зино шундоқ ёмон гуноҳки, бир кун зино қилинса уч кун худонинг арши қимиrlайди!»

— Ўхў!— деди Сидиқжон кўзларини катта очиб.

— Бу гапни әшитиб хотин йиғлапти: «Вой, аълам почча, энди нима қиламан, менинг зино қилмаган куним йўқ әди-ку» депти. Хотин шундоқ деган экан, аълам салласитни улоқтириб ташлаб, ҳалиги хостинга тармашипти... Хотин: «Вой, аълам почча, ҳозир ўзингиз худонинг арши қимиrlайди демадингизми?» деса, аълам: «Қимиrlашга қимиrlайдио лекин, бари бир йиқилмайди» деган экан.

Сидиқжон шундай қаттиқ кулдики, бурчакда кулча бўлиб ётган мушук шошиб ўрнидан турди ва Сидиқжонга қараб «миёв» деди.

— Ана шунаقا,— деди Иброҳимов,— шариат ўзи йўл топиб беради. Йўлни хотинингизнинг ўзи топиб келиб, сизни опқочиб кетса нима дейсиз?

— Опқочиб кетади-я, опқочиб кетади!— деди Сидиқжон кўкрагини кериб.— У зангар билан кейинчалик ҳам ярашмайман, мулла. Эҳе... әрнинг юз-хотирини қилмайдиган хотин пирига ҳам дўст бўлмайди. Онам бечора, денг, мулла, ўзи жуда кам борар эди, ҳар боргандা бир нарса олиб борар эди. Бир борганида ҳеч нарса тополмай нима олиб борипти денг — йигирматача эски арава мих! Қаранг, шўрлик... Ўзи ҳам, онаси ҳам бир оғиз гапирмаса, бир мартагина қовоғини очиб қарамаса-я!.. Шуларни ўйласам кўнглим муз-муз бўлиб кетади. Шунга шунча йил чидаганимга ҳайронман. Вой-вўй, ақлимга куйдирги чиқкан эканми дейман-а!

Иброҳимов димоғида кулди.

— Дунё шу, одамлар шунаقا деб ўйлагансиз-да.

— Шунақадир-да,— деди Сидиқжон ўзини ўзи кала-ка қилган бир оҳангда,— одамни ғафлат босса шундоқ ёўлар экан.

Ўрмонжон овқатга келмади. Хотини узр тариқасида зридан нолиб дастурхон ёзди.

— У киши шунаقا... Ишлари чиқиб қолса районга ҳам кетиб қолаверадилар. Бир куни ош буюрдилар. «Бир соатда тайёр бўлсин» дедилар. Ошни дамлаб ҳали ўтирибман, ҳали ўтирибман — қани... Тўғон участкасига кетиб қолган эканлар, эртасига кечқурун келдилар.

— «Қўшчинор» тўғон участкасида ишлаётптими? —
деди Иброҳимов.

— Ҳа. Бирон икки ойлик иш қолган.

Хотин овқатни меҳмонлар билан бирга ўтириб еди.
Бунга Сидиқжон жуда ҳайрон бўлди.

Қоронғу туша бошлади. Хотин чироқ олиб чиқиб
столга қўяр әкан, кулумсираб:

— Энди айбга буюрмайсизлар-да,—деди,—мен ўқиши-
га бораман. Ўқишдан чиқиб қуртга барг кесгани бора-
миз. Жиндай қуртимиз бор. У киши келсалар овқат
ўчоқ бошида.

— Бемалол, bemalol,— деди Иброҳимов.

Узоқдаги адирнинг орқасидан жуда ҳам каттакон,
қип-қизил сий кўтарилиди. Тоғлар, адирлар, узоқ-яқиндаги
дарахтлар қурум босгандай қоп-қора тус олди.

Ўрмонжондан ҳануз дарак йўқ эди.

2

Тонг ёришганда Ўрмонжоннинг хотини Сидиқжонни
уйғотиб унга Ўрмонжон киши юборганигини айтди. Си-
диқжон щошиб ўрнидан турди, айвон ҳали қоронғу бўл-
са ҳам, назарида, тарашадай қотган юзи ва ёшлиниб
турган кўзига хотиннинг назари тушмасин учун, Ўрмон-
жон қаерда эканини ҳам сўрамасдан, ташқарига чиқди.

Ташқарида уни ўн-ўн икки яшар бола кутар эди. Бола
уни кўриши билан, ҳеч нарса демасдан, йўлга тушди. Си-
диқжон яктагининг барига юз-қўлини артди-да, унинг
кетидан эргашди. Булар чап томони бутазор, ўнг томо-
ни тўқай бўлган арава йўлдан боришиди. Бир оз юрилган-
дан кейин чапга қайрилиб пастқамликка тушилди. Бу
пастқамлик хийлагина катта ҳавза бўлиб унинг теварак-
атрофида паст-баланд уйлар, эгри-бугри деворлар, булар
орасида сўппайиб турган якка-дукка дараҳтлар кўринар
эди.

Ўнг томондаги тахланиб қўйилган ёғоч, бордонлар
орқасида от кишинади. Ҳаял ўтмай ўша томондан Ўрмон-
жон чиқиб келди.

— Ҳўш-хўш,— деди Сидиқжонни кўриб,— яхши ух-
лаб турдингми, кечаси келсан ухлаб қолған әкансан,
зерикиб дарров ётиб қолибсизлар-да.

— Йўқ Ўрмонжон ака, зерикканимиз йўқ. Ўртоқ Иброзимов жуда яхши агроном эканлар, чақ-чақлашиб ўтиридик.

— Шунақами? Хўп, яхши. Энди меҳмон бўлганинг бас, озигина қарашмасанг бўлмайди. Ҳамма канал ишида, далада. Одам етишмайди. Тўғон участкасига озиқ-овқат олиб боргин. Мана бу хатни Болтабой деган йигитга бер.

Бояги ёғоч ва бордонлар орқасидан олтмиш ёшлардаги бир чол арава миниб чиқди.

— Қани, мин! — деди Ўрмонжон ҳайрон бўлиб турган Сидиқжонга, — мана шу тепалик орқасида бизнинг Бақақуруллоқ деган маҳалламиз бср, шунинг киравериншида сени бир хотин кутиб турипти. Бу хотин сен билан бирга боради. Эҳтиёт бўл, от асовроқ. Сенга уй топиб қўйдим.

— Уй? — деди Сидиқжон отга минаётиб.

— Ҳа. Энг обод маҳалламиздан — Бақақуруллоқдан уй топиб қўйдим. Бориб келганингдан кейин кўрасан.

Сидиқжон жўнади. У катта йўлга — юқорига чиқиб чапга бурилиши билан пастқамликдаги Бақақуруллоқ яққол кўринди. Дарҳақиқат Бақақуруллоқ сердараҳтилиги, майдондаги бир-иккита оқ уйлари билан Кўғазордан хийла обод кўринар эди. Сидиқжон сал юргандан кейин йўл бўйидаги каттаки тўнкада ўтирган хотинни кўрди. Хотин аравани кўриб ўрнидан турди. У истараси иссиқ-қина, нари борса йигирма беш ёшларда, ўрта бўйлик бир жувон бўлиб, әgnидаги тўқ қизил кўйлаги, унинг устидан кийиб олган қора жилемкаси, бошидаги яшил рўмоли қорачадан келган юзини бўғиброқ қўйған бўлса ҳам, ўзига хўп ярашган, унга шулардан бошқа ранг, бошқа кийим ярашмайдиганга ўхшар эди.

— Бақақуруллоқ шуми, синглим? — деди Сидиқжон отнинг бошини тортиб.

— Сидиқжон ака сиз бўлсангиз, Бақақуруллоқ шу, — деди жувон очиқ чеҳра билан ва келиб араванинг кеганига оёқ қўйди.

Сидиқжон унга тинчроқ жой кўрсатиш баҳонаси билан қайрилиб қаради, жувон қоп ва тугунлар устидан олдинга ўтгандан кейин тизгинни силтади.

Бақақуруллоқдан чиқилгандан кейин йўл бутазор, қумлоқ, қўриқ ер ва экин майдонларини оралаб кетар

эди. Кун тиф тортиб дарёниг у томонидаги адларнинг сирти тўқ-яшил, жилгалари қора тусга кирди. Дарё томондан фириллаб эсиб турган шабада йўл бўйидаги ўт-ўланларни эгар, тебратар, сарғайиб бораётган арпалар мавжурар эди. Сидиқжоннинг диққати ўнг томондаги тўқайнинг очиқ ерига териб қўйилган сон-саноқсиз фиштга жалб бўлди.

— Хумдонми? — деди.

— Мактаб,— деди хотин,— шу ерга мактаб тушади.

Сидиқжон у ёқ-бу ёқса кўз югуртириб:

— Мактаб? — деди,— мактаб деган қишлоққа солинмайдими? Қишлоққа жуда ҳам олис-ку.

— Қишлоқни шу ерга, янги ариқнинг икки юзига кўчирмоқчимиз. Мактаб қишлоқнинг қоқ ўртасида бўлади. Ҳу ана у ерга идора, клуб тушади. Мана бу тўқайнинг ўрни боғ бўлади.

— Янги қишлоқ тушар экан-да? Бунга бирон йигирма йил кетар?

— Ўртоқ Аҳмедов райкомда мажлис қилиб жуда нари борса тўрт-беш йилда бўлади деганлар. У киши мажлисга солган иш бўлмай қолмайди. Мана шу канал ҳам ўшанаقا мажлисга тушган.

Қўшчинор маҳалласи ҳам орқада қолди. Арава тебраниб, ғижирлаб, катта-кичик қумтепалар, юлғунзорлар орасидан ўтиб, бепоён қўриққа чиқди. Қўриқни кўм-кўк ўт қоплаб ётган бўлса ҳам мол кам, онда-сонда битта-иккита сигир, қўй кўринар эди. Йўл қўриқнинг бағрини ёриб ўтган канални ёқалаб, узоқ уфқда ёйилиб ётган туман сингари кўринган дарёга қараб кетар эди.

— Қаранг,— деди жувон,— шу ерга сув чиқарилиб пахта экилса бутун районнинг остонаси тилладан бўлмайдими?

Сидиқжон бир сонини әгарга қўйиб жувонга томон ўгирилиб ўтироди.

— Бу ерлар ҳам Қўшчинорга қарапшлими?

— Йўқ. Қўриқ ер биэда ҳам кўп.

— Ҳозир бор ерларинг етадими?

Жувон қаҳ-қаҳа уриб кулди.

— Нега етар экан, ер ҳар қанча бўлса кам әмасми?

— Нега,— деди Сидиқжон хижолат бўлиб,— ер одамга қараб әкилади-да ахир.

— Ер одамга қараб әкиладиган бўлса колхоздан ни-
ма фойда? Ҳукумат тракторни, машина ўроқни нимага
чиқариб қўйипти? Сизларнинг колхозларинг қанақа
колхоз ўзи, трактор ишлатасизларми? Нима экасизлар?

Сидиқжон бир оздан кейин жавоб берди.

— Арпа, буғдой, шоли...

Жувон яна хандон ташлаб кулди.

Хотин кишини ҳамма вақт ноумид, норози кўриб ўрганган ва буни хотинлик латофати деб билган Сидиқжонга жувоннинг бу гаплари, катта ишонч ва зўр мамнуният билан гапириши учча ботмади, шунинг учун эрдан қолган қари қиз бўлса керак деган хаёлга борди; шу билан бирга, ўзи кўрган бошқа хотинлардай эрекдан тортинмаганини, ёйилиб кулганини кўриб «бирон қамчи йўргаси йўқмикин» деб ҳам қўйди.

Айрилиш келиб қолди.

— Қаёққа юрамиз? — деди Сидиқжон қайрилиб унинг кўзига қараб.

— Ўнг қўлга, — деди хотин.

Айрилишдан ўтгандан кейин чумчуқларнинг чиғиралиши қулоқни қоматга келтирди. Чумчуқлар айрилишдан бирон юз қадам наридаги каттакон балх тутда чиғирамоқда. Сидиқжон тутнинг остида отнинг бошини тортиб:

— Тут емаймизми? — деди.

Кўм-кўк барглар орасида тизилиб, гуч-гуч бўлиб, офтобда садафдек ярқираб турган тутни кўриб жувоннинг ҳам оғзи сув очди.

Сидиқжон ўрнидан туриб каттакон бир шохни эгди. Чумчуқлар зўр бериб чиғиrlар, шохдан-шохга сакрар, тўкилган тут тушган ерида әзилиб, суви тирқираб кетарэди.

Жувон иргиб ўрнидан турди, Сидиқжон эгган шохни ушлагани икки-уч интилиб ушлай олмади. Сидиқжон шохни яна ҳам әгиш учун аравага ўтди. У икки-уч ҳовуч тутни оғзига тиқди-ю, яна бир ҳовуч териб жувонга ўгирилди. Жувон, бошидан рўмоли тушиб кетган, Сидиқжонга орқасини ўгириб зўр иштаҳа билан тут тёриб емоқда әди. Сидиқжон ҳовучидаги тутни унинг қулоги остидан олиб ўтиб оғзига тутди. Жувон елкаси оша Сидиқжонга қараб оппсқ, маржондай тизилган тишларини ярқиратиб илжайди.

Жувоннинг бу ҳаракати Сидиқжонга жуда хуш ёқди, ичиди «бор экансан-ку» деб қўйди-да, уни бошдан оёқ кузатиб чиқди. Ҳозир унинг кўзига жувон бирон совуқлиги билан эркакни ўзидан қочирадиган қари қиз эмас, кўп йигитларни ўзига шайдо қилган, шайдо бўлганлардан битта-иккитасининг кўнглини овлаб юрган бир нозанин бўлиб кўринди. Сидиқжон унинг бўйнига қаради, қулоғи билан бўйни орасидаги сийрак сочи назарига жуда чиройли кўриниб, шу ердан ўпкиси келди, лекин ўпишга журъат қилолмадио сочидан уч-тўрттасини ушлаб тортди:

— Шу бўйнингизни менга беринг, мен сизга иккита бўйин бераман.

Жувон унга қарамасдан жавоб берди:

— Шу бўйнингиз ҳам ортиқчалик қилаётгандир.

Жувон бу гапни ҳазил аралаш айтдими, чин айтдими, Сидиқжон фарқига боролмади. У беихтиёр шошиб-пишиб тут терар экан:

— Ўхў! — деди, — бўйнимизни узадиган жаллодингиз ким экан?

— Эрим!

— Эрингиз борми?

— Сизнинг хотинингиз йўқми?

Сидиқжон «йўқ» демоқчи бўлиб оғиз ростладио боласи кўзига кўриниб:

— Бор эди, — деди.

— Қўйганмисиз?

— Қўйганман.

— Шундоқми? Болангиз борми?

— Бор, ўғлим бор.

— Ундоқ бўлса қайтиб борасиз.

Жувон бу гапи билан гўё унинг хотини борлигини ва ўша хотинни яхши кўришини таъна қилиб ундан ўпка-лаётгандай бўлди. Сидиқжон шошиб-пишиб:

— Борсам жанозасига бораман, жанозасига! — деди.

Жувон ялт әтиб унга қаради ва шу қараши билан «бировга ўлим тилагунча, ўзингга умр тила» деган мазмунда қовоғини солмосқчи эди, лекин, ҳарчанд қилса ҳам, бўлмади — кулиб юборди; унинг топган гапига ва гапни бу қадар шошиб гапирганига шу қадар кулдики, дармони қуриб қопнинг устига ўтириб қолди. Сидиқжон

унинг чап ёнига ўтириди-да, орқасидан қўлини узатиб елкасини ушлади.

Жувон қапчиб ўрнидан турди. Унинг ранги бир оз ўчган, кўзларида ҳайронлик ва қўрқув аломати бор эди.

— Э..., ҳа? — деди.

Сидиқжоннинг юзида илжайишга ўхшаган, лекин ҳеч қандай маънони ифода этмаган бир нарса пайдо бўлди.

Жувон асабий бир ҳаракат билан рўмолини олиб ўради, этакларини йигиштириб ўрнашиб ўтириди.

— Кўщчинорнинг хотинлари шунаقا деб сизга ким айтди? Сиз билан тортинасдан очилиб гаплашганим учун шунаقا қилаётисизми? Шундақадир-да! Шундоқ бўлса сизларнинг колхозларингдаги хотин-қизларнинг тоза шўри қуриган экан! Хотин-қизлар әркакни кўрганда юрғи ёрилиб қимтиниб турса, әркаклар бир-бирига ишонмаса колхоз бўладими!..

Сидиқжон сукут қилганича қимирамай ўтирар экан, қизарған пешонаси билан бурнишнинг уни тердан ялтиради. Узоқ жимлик чўқди. Қаердадир қизилиштон қариллади, попушак «пу-пу-пуп-пишш» деб қўйди. Жувон унинг ўтиришини қўриб бир оз жаҳлидан тушди.

— Тавба,— деди кулумсираб,— инсофингиз борми, йўқми! Менинг эрим сизнинг хотинингизга шу кўз билан қараса нима қиласа эдингиз?

Шу пайт от сўнани қўриб шатта отди. Сидиқжон, худди от олиб қочадигандай, ваҳима билан ўзини эгарга отди. От ҳуркиб юриб кетди.

Анча ергача жим боришиди. Жувон Сидиқжондан пишоқ сўраб олиб иккита бодринг арчили, бирини ўзи тишлиб, иккинчисини пичоқнинг учидаги Сидиқжонга узатди.

— Мана, бодринг енг! — деди.

Жувонниш бутун берган дашноми ҳам бир бўлдию, ҳозир бодринг узатгани ҳам бир бўлди. Сидиқжон, салгина бошқа ёқда қараса арава ағдарилиб кетадигандай йўлдан кўзини олмай:

— Қуллуқ, баҳузур... — деди.

— Олинг, қўлимни қайтарманг!

Сидиқжон уига қарамасдан қўл узатди.

— Үрмонжон акамга яқин одам экансиз,— деди хотин бодрингни карсиллатиб тишлиб,— ёмон одам бўлмасангиз керак. Ёмон одам бўласангиз мени ҳар нима қилиш

қўлингиэдан келар эди: зоғ учмайдиган дала, бақувват йигит әкансиз, белингиэда мана бунақа пичоқ...

— Албатта,— деди Сидиқжон ҳамон йўлдан кўзини олмай.

— Майли, ҳар кимдан ҳам бир хатолик ўтади. Айб сизда ҳам эмас, эски турмушда. Эски турмушда хотинлар ҳар қанақа әркақдан тортинади, әркаклар ҳар қанақа хотинга тегишгуси келади. Билмадим, хотин тортингани учун әркак тегишгуси келадими, әркак тегишадиган бўлгани учун хотин тортинадими? Баъзи хотин киши тегишмайдиган әркакни кўрса кўнглига ҳар хил гаплар келади. Эркак тортингмайдиган хотинни кўрса албатта бузуқ деб ўйлади. Русларда ҳеч, ҳеч ҳам шунақа эмас экан. МТС да рус әркаклар, рус хотинлар бор. Шуларнинг юриштуришини кўриб кишининг бирам ҳаваси келади, бирам кўнглинг суст кетади... Ўтган йил баҳорда қуртга барг кесгани тутга чиқдими қайтиб туша олмай турган эдим, Андрей деган бир тракторчи келиб қолди. Қарасам мени тушурib қўйгани қўлини чўзиб келаяпти. «Вой-ўлай» деб тутдан ўзимни ташлаб юборибман. Оёғим синаёэди. Андрей бирам бўғилади, бирам аччиғи келади. Кўнглида кири йўқ, хотинга хотин деб қарамайди-да, мен майиб бўламан демай тутдан ўзимни ташлаганимга тушунмайди... Бориб-бориб янги турмушда биз ҳам шунақа бўлармиш.

Арава даштга чиққанда дарё бўйидаги капалар, тупроқтепалар, унинг ён-верида юрган одамлар қораси кўрина бошлади. Шу капаларга яқинлашган сайин Сидиқжоннинг юраги така-пука бўла бошлади, назарида, арава бориб тўхташи билан ҳамма югуриб келадиган ва бу жувон дод солиб, йўлда бўлган воқиани шуларга айтадигандай бўлар эди. Узоқдан кичик-кичик, гуч, дарёга яқин кўринган бу капалар катта-катта бостирма бўлиб бир-биридан хийла узоқ ва дарёдан анча берида экан. Сидиқжон аравани жувон кўрсатган бостирма олдида тўхтатди. Бостирманинг уч томони очиқ бўлиб, кун юриш томондаги чий девор остига сопол идиш-тосқ, бир томонига турли рангдаги кўрпа-тўшак, яна алланималар уйиб қўйилган. Бостирмадан бир неча қадам нарида янтоқ гарами ёнига қурилган дошқозон олдида нима биландир машғул бўлган ўрта ёшлардаги бир хотин буларни кўриб ўрнидан турди-да, қўлини Фартуғига арта-арта

югуриб келди. У, Сидиқжон билан кўришгач, юкни тушириб қўйгани бостиромадан жой кўрсатди ва жувон билан нима тўғридадир узоқ гаплашиб қолди. Сидиқжон юкларни аравадан туширас экан, булар нима тўғрида гаплашаётганини авзойидан билиш учун тез-тез икковига қарап, биронтасининг юзида озгина табассум аломати кўриниб қолса, юраги орзиқиб кетар эди. Жувон катта-кон самовардан тунука чойнакка чой дамлаб келди, дастурхон ёзиб Сидиқжонни чақирди.

— Сидиқжон ақа, келинг, чой ҳам ичганингиз йўқ-дир. Аввал отни чиқаринг.

Сидиқжон енги ва әтакларини қоқди, отни чиқарип араванинг тегарчигига боғлади-да, бостирмага кирди. Жувон дастурхонга учта арпа нон, икки-уч ҳовуҷ ўрик ташлади. У, Сидиқжонга чой узатар экан, узоқдан кела-ётган эрига кўзи тушиб:

— Болтабой акангиэ,— деб ўрнидан турди.

— Ким?

— Эрим...

Сидиқжон беихтиёр ўрнидан турди.

— Сиз ўтира беринг, ўтиринг!— деди жувон. Унинг гапи Сидиқжоннинг қулоғига кирмас эди.

Сидиқжон то ҳушини ўнглагунича Болтабой бостирмага кириб келди. У ўрта бўйли, хушқомат, лўлига ўхшаш қоп-қора юзига ҳам бениҳоя қора кўринган мўйлови ўзига жуда ярашган бир одам бўлиб, табиатан хушчақ-чақ ва ҳазилкаш бўлса керак, хотинига тегишиди:

— Энди нос олиб келадиган, айтмасдан ўзи билиб олиб келадиган хотин ҳам олар эканмизда. Ё олиб келдингми?— деди.

У хотинидан жавоб кутмай, Сидиқжон билан кўришиди. Сидиқжон кўришар экан, унинг катта-катта шу қора қўзлари бирпасдан кейин, хотиннинг шикоятини эшитиб газабдан чақнаганда қандай бўлишини тасаввур қилар эди.

Ўтиришиди. Жувон унинг ҳазилига ҳазил билан жавоб бергандан сўнг Сидиқжонни икки оғиз сўз билан унга танишитирди.

— Шундоқми?— деди Болтабой,— жуда соз бўлипти-да. Мана, канал ҳам битай деб қолди. Ўзга чопиги бўлмагандеку, бир сийлик иш қолган эди-я. Энди иш яна ҷўзиладиган бўлди.

Сидиқжон орага қандай гап тушмасин унинг охирин йўлдаги можарога бориб тақаладигандай, шу гапни давом әтдиришга ҳаракат қилди.

— Яна неча ойлик иш қолди?

— Узимизга боғлиқ. Мана шунаقا ўрик еб ўтира берсак узоққа чўзилади, гайрат қилсак, сиз ҳам қарашиб юборсангиз тезроқ битади. Сиз қоласизми?

— Билмадим... Урмонжон акам хат бериб юберган эдилар,— деди Сидиқжон ва хатни Болтабойнинг қўлига берди.

— Қоладилар,— деди жувон әрининг носқовоғига нос солаётисб,— қолинг, Сидиқжон ака!

Жувон бу гапни худди йўига меҳмон бўлиб келган акасини ётиб қолгани қистаётгандай бир тарзда айтди. Шундай бўлса ҳам Сидиқжон, унинг юзида истеҳзоли бир табассум бор гумон қилиб, ер остидан қаради. Бироқ жувоннинг юзида самимият, софдилликдан бошқа ҳеч нарса йўқ әди. У йўлда бўлиб ўтган нарсани тамсм унуганлиги, уни яна хотирлашни ўзига муносиб кўрмаганлиги, унақа гаплардан ўзини юқори тутганлиги кўриниб турар әди. Буни кўриб Сидиқжоннинг қалбида бу жувонга нисбатан ҳар қандай ғараздан холи бир меҳр уйғонди. У ҳозир жувоннинг ҳукмида бўлиб, унинг ҳоҳишига қарши ҳеч нарса дебёлмас әди.

— Нима десангиз шу-да, қоламиз,— деди.

— Бўпти,— деди Болтабой носқовоғини липасига қистираётисб,— бизнинг бригадамизда ўн бир киши қолди, холос. Бизга қарашибинг. Лекин ҳаммаси ҳам омси бўлгурлар, ударник йигитлар.

Сидиқжон кунни бостиримада ошпаз хотинларга қарашиб ўтказди. Жувоннинг оти Зиёдахон экан, Сидиқжон унга мурожаат қилганида, ўзидан кичик бўлса ҳам, «Зиёдахон опа» дер әди.

ТУРТИНЧИ БОБ

1

Сидиқжон кимниигдир қаттиқ кулгисидан уйғониб кетди. Ҳали тонг ёришмаган, лекин теварак-атрофдағовур, ҳайқириқ, кулги. Унинг тепасида оппоқ бир нарсани силкитиб турган кимдир:

— Мана, мана буни кийиб олинг, Сидиқжон! — деди.
Бу — Болтабой әди.

Сидиқжон, худди аллақачон уйғонган-у шунга маҳтал
бўлиб ётгандай, дарров ўрнидан турди ва, унинг нима
эканлигини ҳам суриштиромасдан, Болтабойнинг қўлидан
олди.

— Яктак, лозим,— деди Болтабой, — мана бу чориқ...
Бўлақолинг, чой тайёр!

Сидиқжон бостиurmанинг орқасига ўтиб яктак, лозим
 билан чориқни кийди. Қаердандир пайдо бўлган Эйёда-
хон унинг қўлидаги этигини, қийиққа тугилган яктак,
лозимини олди-да, қўлига каттакон сопол коса тутқазиб,
бостиurmанинг нариги томонида давра олиб ўтирган киши-
ларни кўрсатди.

Сидиқжон бориб Болтабойнинг ёнига чўкка тушди.
Кимдир унинг қўлидаги косани олиб, шопириб чой қўйиб
 берди. Ҳамма жим, пуфлаб чой ҳуплар, ковшанар, ким-
дир дамба-дам қаттиқ пишиллар әди.

— Болтабой ака, шу олмачойни солмаса нима қилар
әди,— деди ёшгина бир йигит,— қайноқ сув ича берай-
лик-да! Буни қаранг, ёмғирда қолган мушукнинг ҳиди
келади!

Ҳамма кулди.

— Айнима, айнима! — деди йўғон бир товуш.— Ём-
ғирда қолган мушукни ҳидлаб кўрганмисан?..

Бу йигит жуда тегишқоқ бўлиб, кўпроқ шу одам
 билан ҳазиллашадиган ва бу гапни ҳам унинг тилини
қичитиш учун айтган бўлса керак, яна:

— Сиз ҳидлаб кўрмаганмисиз? Ҳидлагандирсиз?—
деди.

Сидиқжоннинг ёнида ўтирган киши ҳўплаган чойни
пуркаб юборди, узоқ йўталгандан сўнг, ҳамон ўзини кул-
гидан тўхтата олмай:

— Бу киши ҳидлаб ўтирмайди, тўғри ейди қўяди,—
деди ва қойил қилганига ишониб ҳаммадан баландроқ
қаҳ-қаҳа урди.

Бу одамлар тўрт ишқали бут, дунёни сув босса тўни-
ғига чиқмайдиган, баҳузур ёнбошлаб ётиб фақат хур-
сандлик билан машғул бўлган кишилардай бамайлихотир,
ҳуэзур қилиб қулишар әди.

— Э, ҳали ҳам ўтирибсизми? — деди Болтабой

Сидиқжоннинг ҳануз нонга қўл урмаганини кўриб,— олинг. Ҳаммаси сизнинг тегишингиэ, ҳеч кимга қараманг. Балиқни олинг!.. Бўлинг тезроқ! Ҳозир турамиэ... Сиз нима қиласиз, кетмон чопасизми, тупроқ ташийсизми?

Сидиқжон балиқни ёмон кўрар эди, шунинг учун балиқ ҳиди келиб турган нонни аранг чайнар экан:

— Бизга бари бир,— деди ва яна нимадир демоқчи бўлган эди, тегищоқ йигит сўз қотди:

— Сидиқжон акам тупроқ ташийқолсанлар, ўзим яхши ошқовоқ пўчоққа узун ип боғлаб бераман,— деди.

Бу йигитни тегишигани, отини билгани, айниқса «Сидиқжон акам» деб гапиргани бу ерда бегонасираб ўтирган Сидиқжонга шу қадар хуш ёқдики, қалбига шу қадар иссиқ ва юмшоқ тегдики, она кўкрагини оғзига олган гўдакдай яйраб кетди. Ҳозир бу йигиттинга әмас, унинг сўзига завқ қилиб кулаётган бошқалар ҳам унга яқин, энг камида кўпдан бери таниш одамлардай бўлиб қолди. Бундан бир неча минут бурун Болтабойдан салгина ҳам нари бўлишни истамаган, одамлар ишга тушганда Болтабой қаерда бўлар экан деб ташвиш тортиб ўтирган Сидиқжон ҳозир бу тўғрида ўйламас эди.

— Шундоқми,— деди Болтабой кулги ёшини артиб.— Тупроқ ташийсизми?

Сидиқжон нима бўлса ҳам шу хушчақчақ йигитнинг ёнида ишлашни хоҳлаб Болтабойдан секин:

— Ўзи нима иш қилади?— деб сўради.

— Рўзиматми? Рўзимат кетмондана...

— Мен ҳам кетмон чопа қолай.

— Эшитдингми, Рўзимат,— деди Болтабой,— Сидиқжон аканг сен билан бел ушлашмоқчи.

— Қани, ҳо, йигитлар! Ишга! Ишга, азamatлар!— деган товуш эшитилди.

Ҳамма гуруллаб ўрнидан турди.

Узоқда қоп-қорайиб турган тоғнинг усти ёришди. Бу ёруғлиқ аста-секин қоронгуликни қувиб, узоқдаги адралар, дараҳтлар, бутун саҳро, ҳатто ариқ ва унинг икки томонига чиқарилиб ташланган тупроқ ҳам кўкимтириклиранг тусга кирди.

Болтабой Сидиқжонга кетмон келтириб берди ва унинг қиладиган ишини кўрсатди, ўзи юқорига қараб кетди. Сидиқжон бу одамлар иш вақтида ҳам шундай

бөгөм, хушчақчақ, бир-бирини чандиб кунни билинтири-
масдан ўтказади деб ўйлаган экан шекилли, ҳамма жим-
жит бўлгандан кейин дарров зерикаб қолди. Тушгача
ҳам ҳеч ким, ҳатто Рўзимат ҳам бир оғиз гапирмади. Кет-
мон ураётганларгина эмас, замбиллаб, қоплаб тупроқ
ташиётганлардан ҳам садо чиқмас әди. Сидиқжон кет-
монни қўйиб Рўзиматнинг олдига борди. Рўзимат қорон-
гуда кўзига йигирма беш ёшларда, гавдаликина кўринган
әди, ҳақиқатда әнди мўйлови сабз урган, ориқ, лекин
чайир бир йигит экан. Ҳозирги афтини кўрган киши уни
гап-сўэда йўқ, ўзи тўнггина бир йигит гумон қилар әди.

— Ўхў,— деди Сидиқжон,— жуда ўпириб ташлаб-
сиз-ку!

Рўзимат кетмонни зўғатасигача ботириб урдию
Сидиқжонга қаради.

— Ҳорманг!

— Бор бўлинг, ўзингиз ҳорманг,— деди Сидиқжон
ва ўзи чиқарган тупроққа қараганда қариyb тўрт баравар
келадиган тупроқни ҳар томонда кўрди,— ўпириб таш-
лабсиз-ку!

— Ўпиргани келганимиз-да, ака!

— Бунақада кечгача анча иш қилиб қўярсиз? Кеч-
гача яна уч баравар бўлар?

— Бўлиб қолар, ундан ҳам ортар...

— Бир кунлик шунаقا ишингиз неча пулга тушади?
Рўзимат кулди.

— Бизга ҳозир пул керакмас, сув керак. Пул керак
дейдиган одамлар аллақачон колхозни ташлаб кетган.
Ундоқ демаганлар, мана кўриб турибсиз, жонини жаббор-
га бериб ишләтипти. Майли, менга деса бу йил меҳнат
кунимиз бир миридан тушсин!

— Ҳа, албатта,— деди Сидиқжон, гўё бу ҳақиқатни
қўпдан бери билгандай,— турган гапки... йиғлаб-йиғлаб
марза олсанг, кулиб-кулиб сугорасан.

— Ҳа, баракалла,— деди Рўзимат яна кетмонга қўл
узатиб,— Аҳмедов акам ҳамиша шундай дейдилар. Ўртоқ
Аҳмедовни биларсиз-а, бизнинг райком... Билмайсизми?
Шу киши бориб-бориб ҳамма ишни машина қиласди дей-
дилар. Трактор ер ҳайдар экан, трактор чигит тикар
экан, трактор чопиқ қилар, пахта терар, фўзапоя юклар
экан... Соч олмас экан холос-да!

Сидиқжон, бунга мутлақо ишонмаса ҳам, Рўзиматнинг кўнгли учун ёқасини ушлади.

— Е, қудратингдан! Одам нима иш қиласар экан?

Рўзимат икки-уч тупроқ отдию, яна кетмонни қўйди.

— Э, Сидиқжон ака, бизга иш топилади, ота-боболаримиз қилмай, қилолмай бизга ташлаб кетган иш кўп! Мана, шу канални айтинг, шу ота-боболаримиз қиладиган иш эди.

Рўзимат яна кетмонни қўлига олди, худди бу ишни битириб, ўша кўп ишлардан яна бирига ўтиши зарур бўлгандай, гайрат билан ура кетди. Теварак-атрофда кетмон ураётган, замбиллаб, қоплаб тупроқ ташиётган қанчадан-қанча одамлар ҳам, худди Рўзиматдай, жадаллаб ишлар эди. Сидиқжон бурилиб кетар экан, фақат бир нима дейиш учунгина:

— Трактор пахта терса-я,— деди.

— Ҳа,— деди Рўзимат,— ана шунга ҳайрон қолади киши. Олимлар бирон йўлини топаётгандир-да, топмайдиган бўлса Аҳмедов акам айтмас эдилар. Олимлар ҳам колхоз бўлиб ишласа... Кўпдан қуён қутулмайди!

Сидиқжон бориб ишга тушди.

Тушки овқат вақтида Рўзимат яна, әрталабдагидай унга-бунга тегишиб кушандаларининг тилини қичитиб, баъзан мот бўлиб, баъзан мот қилиб ҳаммани кулдириб ўтириди, сўз ўрни келганда Сидиқжонга ҳам нишини ботириб олди.

— Болтабой ака,— деди,— Сидиқжон акам билан бел ушлашадиган бўлсан зиён қиласман. Бу кишининг кетмон уриши қорни тўқ қўзининг хашак титишига ўхшайди.

Сидиқжон қаттиқ изза тортиди. Болтабой буни кўриб «ҳазилни кўтаролмас экан» деб ўйлади-да, Рўзиматга кўз қисиб, қошини чимириди. Буни ҳамма пайқади. Бирлаҳза, лекин Сидиқжонга жуда узоқ туйилган жимликдан сўнг, ўрта ёшлардаги бир киши қўлидаги қошиқ билан Рўзиматнинг пешонасига бир уриб:

— Ўзингчи, сенинг кетмон уришинг, биласанми, нимага ўхшайди?— деди, лекин нимага ўхшаганини айтмаса ҳам қизиқ нарсага ўхшаганлиги ҳаммага маълумдай, ҳамма баравар қийқириқ кўтарди.

Сидиқжон тушки дам олишдан кейин кечгача хийла дуруст ишлади. Кечки овқатдан кейин табелчи ҳар бир киши, ҳар бир бригада ва бутун колхознинг бир кунлик иши тўғрисида мャълумотларни эълон қилди. Рўйхатда Сидиқжон йўқ эди. Сидиқжон, гарчи ўзини буларнинг бири ҳисобламаса ҳам, нучукдир оғринди. Унинг номи чиқмаганлигига ҳеч ким эътибор қилмаган бўлса ҳам, назарида, ҳамма унга «хафа бўлманг, ахир, бир куни қаторга кириб қоласиз» деяётгандай бўлар эди.

Сидиқжон эртасига куни бўйи астойдил ишладио, бугун ҳам номи чиқмаганидан кейин Болтабойни ҳоли топиб, мумкин қадар мулоиймлик билан:

— Болтабой ака, такбирчингиз бизни эсидан чиқариб қўяётитпти-ку, майлигами? — деди.

Болтабой, икки кун ишлаб дарров табелчидан шикоят қилаётитпти деб ўйлади шекилли, унга тик қараб:

— Нима қилди? Ҳеч кимнинг ҳақи қуймайди!.. — деди.

— Мен ҳақ тўғрисида гапираётганим йўқ, Болтабой ака, ҳақ ёзмаса ҳам майли. Кечқурун ҳамманинг отини айтганда... одам ўқсиб қолар экан.

Болтабойнинг чеҳраси очилиб кетди.

— Отим чиқсин десангиз мусобақага қўшилинг бўлмаса.

— Майли, нимага қўшил десангиз қўшиламан. Нима қиласам бўлади?

— Ҳар куни энг камида бир ярим меҳнат куни ишласангиз бўлади.

— Энг кўпи қанча бўлади?

— У ёғи ўз ихтиёргизда. Маллавой деганимиз уч ярим меҳнатга етказиб ишлайди.

— Уч ярим меҳнат? — деди Сидиқжон ҳайрон қолиб ва ўша одамни тасаввур қилмоқчи бўлган эди, кўз олдига жуда новча, йўғон, билак ва кўкракларини қсп-қора жун босган, қовоғи солиқ ва ниҳоятда баджаҳл бир киши келди. — Уч ярим меҳнат куни?

— Ҳа, «Ишчи» колхозида Аширмат деган йигит ҳар куни сал кам тўрт меҳнат ишлайди.

— Тўрт меҳнат куни? — деди Сидиқжон ҳарчанд қиласа ҳам у йигитни кўз олдига келтира олмади. — Қанча овқат ейди?

Сидиқжон сөзини, кўзларини катта очиб, киприк қоқмай фавқулодда бир жавоб кутиб турганини кўриб Болтабойнинг кулгиси қистаб кетди.

— Қанча овқат ер эди... Уни-ку билмайман, ўзимизнинг Маллавой ака бир ўтирганида битта қўйни калла-почаси билан еб, терисини нонуштага қўяди.

— Йўғе! Терисини... терисини емас!

Бу гапга Сидиқжон чиппа-чин ишонганлигига Болтабой қотиб-қотиб кулди-да, бостиридада чоригини дамбадам чироққа солиб кўриб ямоқчилик қилаётган Маллавой акани кўрсатди. Бу одам кеча тушки овқат вақтида Рўзиматнинг пешонасига қошиқ билан урган ва унинг кетмон чопишини алланимага ўхшатган киши әканлигини кўриб Сидиқжон донг қотиб қолди. Ўшанда хийла жуссалик кўринган бу одам ҳозир кўзига пачоқ, жуда пачоқ кўринди. Сидиқжон унга жуда узоқ тикилиб қолганини кўриб Болтабой:

— Ҳа, уч ярим меҳнат ишлайдиган одамга ўхшамайдими? — деди.

— Жуссага қарамас әкан-да.

— Нега, жуссага ҳам қарайди. Жуссаси ёмонми?

— Йўқ, жуссаси ҳам жойида-ку... кетмон чопишини бир кўриш керак.

Болтабой Сидиқжоннинг унга ҳаваси келаётганини билиб:

— Шогирд тушасиэми? — деди.

Маллавой ака ўз ҳунарини бирорга ўргатиш әмас, бирор қараб турганда кетмон чопишга ҳам рози бўлмас деб ўйлагани учун Сидиқжон кулиб:

— Ўргатармиди! — деди.

Болтабой қаҳ-қаҳа уриб қулдию, Маллавой акани чақирди. Маллавой ака ипни тиши билан узди, чоригини яна чироққа солиб қўрди-да, қўлтиғига қисиб, бостиридада чўзилиб ўзаро гаплашиб ётган, ухлаб қолган одамлар орасидан ўтиб келди.

• — Чориғ битдими? — деди Болтабой унга ёнидан жай кўрсатиб, — Рўзимат қани?

— Ухлаб қолди, — деди Маллавой ака, — бола пақиро бугун жуда тер тўқди. Ёш-да, ғайратига чидомлай бошда ўзини уринтириб қўяди. Кетмон деганини бир қиёмда чопади киши. Ундан кейин чарчагунингча чопма, айни

қизишган вақтингда, ғайратинг келиб тонни талқон қила-
ман деганингда дам ол, бирпасгина дам ол!

Болтабой «кўрдингми, яширмайди» деган маэмунда
Сидиқжоннинг тизвасини босиб қўйди.

— Сидиқжон сизга шогирд тушмоқчи.

Маллавой кулди.

— Мен билан бел ушлашмоқчи денг. Бу ишда уста-ю
шогирд бўлар эканми? Ударникликни менга ким таълим
берипти? Кимнинг билагида кучи бўлса, ким ишнинг
ҳавосини олса, кимнинг камбағаллик жонига теккан бўлса,
айниқса жонига теккан бўлсаю, шу ишдан бир нима чиқи-
шига ишонса, ўша ударник бўлаверади. Мушук болага
сувда юзишни бирор ўргатитими? Дарёнинг ўртасига
элтиб ташланг, юзишини томоша қиласиз... Қирғоқ кў-
риндими, шу қирғоқ эканлигига ишондими — бас!

Сидиқжон, гарчи сўзга аралашмоқчи бўлмаса ҳам,
Маллавой аканинг камбағаллик тўғрисидаги гапи эриш
туйилиб сўради:

— Камбағаллик жонга тегмаган вақт, жонига тегма-
ган одам бўлганмикин?

Маллавой ака чорифини бир чеккага қўйиб Болтабой-
нинг ёнига ўтириди.

— Бўлган эмас! Камбағаллик ҳамма вақт, ҳамма
одамнинг жонига теккан нарса. Лекин, одамзод жонига
теккан нарсадан қутулиш йўлини билмаса осмон йироқ,
ер қаттиқ бўлади, унга кўникади, шунчалик кўникадики,
бу нарса жонига текканини ҳам пайқамай қўяди. Энди
биз камбағалликдан қутулиш йўлини биламиз, кўриб
туримиз. Бизни уста қиладиган ҳам, ударник қиладиган
ҳам, бизга осмонни яқин, ерни юмшоқ қиладиган ҳам
мана шу.

Маллавой ака камбағалликдан қутулиш йўлига туш-
ган кишилар ҳозир қай аҳволда ва қай ҳолда ишлаётган-
ликлари ҳақида гапирди. Кейин сўз канал битгандан
сўнг қайси колхоз қанча пахта экиши, машина-трактор
станцияси, Чирчиқ чиқарадиган «оқ кунжара» ва бу нар-
санинг ерга қандай куч бериши, бир пуд пахтадан қанча
газлама, қанча ёғ, қанча кунжара, қанча чигит пўчоқ,
лентир чиқиши ва ғўзапоядан нималар қилиниши, «рай-
комимиз ўтоқ Аҳмедов» колхозларнинг истиқболи ҳақи-
да нималар дегани тўғрисида кетди.

Орага мана шу хилдаги гаплар тусиб сүхбат шу билан тугадио Сидиқжон табелчидан қылган шикоятини охирiga етказа олмади, әртасига яна ҳам астайдилроқ бел боғлаб ишга тушдию, ҳеч тўғрида ўйламай, ҳеч кимга қарамай, кетмонни қай хилда чопиш тўғрисида Маллавой aka берган таълимга ҳам риоя қилмай куйиб-пишиб ишлади; икки кун шу хилда ишлаганидан кейин, гарчи табелчи ҳақида Болтабойга қайтиб оғиз очмаган бўлса ҳам, учинчи куни табелчи беҳосдан унинг номини айтди. Ҳеч қачон кўпчилик ичида ўз номини эшишмаган Сидиқжон қўрқиб кетди. Унинг назарида, табелчи номини бошқаларнинг номидан кўра қаттиқроқ ва равшанроқ айтгандай, бу ном чиққанда ҳамма бирпас жим қолгандай бўлди. Эртаси, учинчи куни ҳам шундай бўлди; бунга анча кўнинкандан кейин ҳам рўйхат кўтариб келаётган табелчини кўрганида юраги гуп-гуп уриб, нима қилишини билмай қолар эди. Табелчи ҳам, худди жўрттага қилгандай, унинг номини ё тутилиб айтар, ёки чатоқ ўқиб, яна такрорлар эди. Сидиқжон, гарчи шу ҳаяжон пайтида «менинг номимни айтмаса ҳам майли эди» деб кўнглидан ўтказса-да, табелчи айтиб бўлгандан кейин яна айтишини хоҳлар, шу ҳаяжон билан бутун ҳордиги чиққандай бўлиб, әртаги ишга ўзида зўр иштиёқ сезар эди. У шундай иштиёқ билан шу қадар қаттиқ ишлар, шунинг учун овқаттагча шу қадар очиқар эдики, ҳатто балиқни, айниқса сувда пиширилган балиқни жинидан баттар ёмон кўришига қарамай, зўр иштаҳа билан ер, баъзан Рўзиматга «яхши балиқ товуқ гўштидан қолишмайди» деб мақтаб ҳам қўяр эди.

2

У бир куни, тушки дам олиш вақтида, Зиёдахоннинг сўровига кўра, эшак аравани қўшиб дарёдан сув келтиргани борди; қайтиб келганида қараса ҳамма бостирма ёнига тўпланиб ўтириптию, ўттиз ёшлардаги пачаққина бир киши сўзлаётитти. Сидиқжон аравани ғижирлатиб ўтиши билан гапга ҳалал бериш, ундан ҳам кўра шунча одамнинг ичидан ўтишдан истиҳола қилиб нарироқда тўхтади. Шу онда қаттиқ қарсак чалиндио ҳамма гуриллаб ўридан турди. Ора-сира «Бажарамиз!» «Бажарамиз!» деган товушлар эшитилди. Одамлар бир зумда

тарқалиб ишга тушиб кетди. Йигин бўлган жойда ўша гапирган одаму яна бир неча киши қолди. Буларнинг орасида Болтабой ҳам кўриниб қолди. Сидиқжон эшакни стаклаб ўчоқ бошига томон кетаётib бостиrmада турган Зиёдахондан имо билан «бу киши ким?» деб сўради. Зиёдахон ҳовучини оғзиининг бир томонига қўйиб «сельсоветимиз ўртоқ Самандаров» деди. Самандаров, ҳамма колхозчиларни таниса керак, шу пайт ёнидагилардан Сидиқжон ким эканлигини сўраган ва ҳамма Сидиқжонга қараб турган эди. Орқада турган Болтабой уни имо билан чақирди. Сидиқжон, юраги «шув» этиб, қўлинни қовуштирганича оёқ учida югуриб борди.

— Қаерликсиэ? — деди Самандаров хиёл жилмайиб, — қўлингизни туширинг!

— Баҳрободлик...

— Қўлингизни туширинг! Нега қўл қовуштирасиэ?

Сидиқжон қўлинни туширди, лекин қаерга қўйишини билмай яна қорнига қўйди.

— Ўрганиб қолганмиз, муллака...

Самандаров кулди.

— Ўрганиб қолганмиз? Кимга қўл қовуштириб ўргангансиз?.. Баҳрободда колхоздамидингиз?

— Йўқ, муллака, колхозга кирган әмас эдим.

Самандаров бирпас жим қолгандан кейин:

— Ўрмонжон кимингиз бўлади? — деб сўради.

— Ҳеч кимим бўлмайдилар.

Самандаров унга бошдан-оёқ разм солдию бошқа гап сўрамади; қўлидаги қофозни Болтабойга бериб унга алланимани тушунтира кетди.

Сидиқжон бочкани ўчоқ бешига туширди, қайтиб ишига борди. Нарироқда кетмон ураётган Рўзимат уни кўриб алланималар деб кулди, лекин гапи Сидиқжоннинг қулогига кирмади. Самандаров отланди, қамчи дастаси билан канал томонни кўрсатиб Болтабойга бир нималар дедиую жўнаб кетди. Бостиrmада Болтабой нима биландир машғул эди. Сидиқжон, кўнгли ғаш бўлиб, Болтабой билан гаплашгани келди, лекин нима тўғрида гаплашмоқчи эканини ўзи ҳам аниқ билмас эди. Бироқ Сидиқжон боргунча Болтабой эшакни миниб қаёққадир жўнади. Бостиrmада Зиёдахон супра ёзиб, ун элаб ўтирас эди.

Сидиқжон, гүё сув ичгани келгандай, қўзани қимирлатиб кўрар экан:

— Эйёдахон опа, ун әлашингиздан бугун кечқурун чучвара қилиб берадиганга ўхшаб қолдингиз,— деди.

Эйёдахон дарров жавоб бермади, әлакдаги кепакни оғзи тор халтачага эҳтиёт билан солди, әлакни қоқди, қопнинг оғзини аста очиб әлакка ҳовучлаб ун солди, қопнинг оғзини яна буриб қўйди. Унинг қандай чеҳра билан жавоб беришини юраги орзиқиб кутиб турган Сидиқжон «ҳатто жавоб ҳам бергуси келмаётитти» деб ўйлашига сал қолганда Эйёдахон очиқ чеҳра билан жавоб берди:

— Чучвара нима экан, Сидиқжон ака, ёғлиқ манти қилиб бераман. Ҳамири юпқароқ бўлсинми, қалинроқ?

Вужудини қақшатиб турган тиш оғриғи бирдан тўхтагандай Сидиқжоннинг кўзи ялт әтиб очилиб кетди. У шундай бир ҳолатда эдики, Эйёдахоннинг сўзига кулиш керак экани кейин әсига келди ва шунинг учун кечикиброқ кулди.

— Яшанг, опа, яшанг,— деди анчадан кейин,— Болтабой акам қаёққа кетдилар?

— Станцияга.

— Қачон келадилар?

— Цементни тушириб бўлиб келадилар-да. Ҳа, айтгандай, ўртоқ Самандаровнинг гапларида сиз йўқ эдингиз. Цемент келипти, тўғонга.

— Цементлик тўғон бўлар экан-да?

— Бўлмаса баҳорги тошқинда ҳамма ёқни сув олиб кетмайдими? Ҳали ўртоқ Самандаров сизни чақириб нима дедилар?

Сидиқжон қандай қилиб шундай гап очишни билмай турган эди, Эйёдахоннинг бу саволи айни муддә бўлди.

— Қаерликсан дедилар, Ўрмонжон киминг бўлади дедилар... Болтабой акамга ҳеч нарса деганлари йўкми?

— Нима тўғрида?

— Менинг тўғримда.

— Нима дейишлари керак эди?

— Мени суриштириб қолганларига айтаяпман-да.

Эйёдахон қумғондан тоғарачага сув қўйди, бир сиқим туз ташлаб чайқади, бармоғи билан татиб қўрдию ҳовучлаб ун солар экан:

— Сизни танимаганликлари учун суриштиргандирлар да. К'инглингизга келмасин-ку, ҳар хил одам бўлади. Қишида «Ишчи» колхозидан бир одам ҳайдалди. Бу одам Мирзаороллик бир ёт унсур экан.

Ёт унсур деганда негадир Сидиқжоннинг кўз олдига етти пуштидан қолган васиқаларни кўтариб титраб-қақшаб турган қайнанаси келди. «Наинки шу кампир эри Зуннунхўжанинг колхозга киришига рози бўлса!»

— Ёт унсур колхозга кирадими? — деди Сидиқжон.

Энёдахон, хамир қорар әкан, унга кўз қирини ташлаб кулемсиради.

— Йўлини топса киради.

— Узи колхозга қарши бўлса ҳам-а?

— Қарши бўлгани учун киради-да! Энди «ҳамма бир қозондан овқат ейди, битта кўрпада ётади, хотинлар ҳам ўртада бўлади» деган гаплар кетмай қолди. Колхоз бўлди, ҳамма ўз қозонидан овқат еб, ўз кўрпасида ётиб юрипти; бироннинг хотинига бирор ола қараётгани йўқ... Шунақами?

Сидиқжон қип-қизариб, худди фавқулодда бир нарса кўргандай, кўзанинг ичига қаради.

— Шундоқ бўлгандан кейин,— деди Энёдахон давом этиб,— колхоз кўп нарсадан маҳрум қиласин? Иложини топса ўз қишлоғида, иложини топмаса бошқа қишлоқга бориб колхозга киради, мулоҳим супурги бўлиб юрадию колхознинг расvosини чиқаришга ҳаракат қиласи. Буларга колхоз ҳам, бизнинг ҳукуматимиз ҳам бўлмаса, бурунги замон келса, ер-сув қўлида бўлса, әшигига хизматкорлар, даласида чоракорлар, батраклар ишласа, Аҳмедов акам айтмоқчи, кузда ҳосил олиб кирганию баҳорда гўнг олиб чиққани дарвазасини ҳам бирор очиб берса...

— Ундоқ бўлса, албатта, ўртоқ Самандаровнинг суриштирганлари ўринлиқ. Болтабой акам айтгандирлар. Унақа одам әмас дегандирлар?

Энёдахон, зувала узар әкан, ҳазиломиз жавоб берди:

— Унақа одам әмаслигингизни ҳали ўзлари ҳам билмайдилар.

Сидиқжон унинг ҳазиломиз гапирганини пайқамай Энёдахонга мунгғайиб қаради.

— Нега, Энёдахон опа, нега билмас эканлар?

Энёдахон ҳам унинг руҳи тушиб кетганини пайқамади.

— Қаёқдан биладилар?

Сидиқжон узоқ сукут қилиб қолганидан кейин бош чайқади.

— Болалигимда эшикма-эшик юрар әдиму қаерга борсам ўша ерга келгинди бўлиб, болаларнинг ўйинига қўшила олмас әдим. Бориб-бориб ўз маҳалламизниң болалари ҳам мени келгинди деб ўйинга қўшмайдиган бўлишган эди. Дарбадарлигим ана шунда билинар әдио жуда-жуда хўрлигим келар эди. Ҳозир ҳам худди шундай бўладигангта ўхшаб қолди. Йўқ, Энёдахан опа, мен унсур эмасман! Агар мени бирор унсур деса ҳақимга жуда-жуда жабр қиласди.

Энёдахон шитоб билан угра кесар экан унга бир қараб қўйди:

— Сизни ҳеч ким унсур дегани йўқ-ку.

— Жуда жабр қиласди,— деди Сидиқжон чуқур олган нафасини гап билан бўшатиб.

Сидиқжон бутун саргузаштини — онаси нима учун аравасозга шогирд берганини, нима бўлиб Зуннунхўжага ичкуёв бўлиб қолганини, ўз тўпидан айрилиб кечирган ўн йиллик ҳаётини, бола-чақасини ташлаб чиқиб кетишига нималар сабаб ва нималар туртки бўлганини, ўз қишлоғида нима учун колхозга кирмаганини, онасининг олдидан қандай ният билан чиқиб кетганини, эндиги ниятини батафсил гапириб берди.

Энёдахон унинг сўзига шунчалик қизиқиб қулоқ солдики, шунча хамирни қандай қилиб угра кесганини билмай қолди.

Сидиқжон сўзиниңг охирида жуда ҳам маъюслик билан деди:

— Энди, опа, мен Ўрмонжон, Болтабой акамларнинг, шу ерда пешонасини очаётган ҳамманинг этагини ушлаганим ушлаган. Шулар қайси йўлга бошласа юраман, қаёқка олиб борса бораман...

Сидиқжоннинг товуши ўзгарди. Энёдахон, худди унинг шундай кунлар кўрганига ўзи сабаб бўлгандай, нима қилишини билмай қолди.

— Тегишдим, Сидиқжон ака, тегишдим. Ўтоқ Самандаров ҳеч нарса демаган бўлсалар керак. Десалар

ҳам Болтабой акангиэ тушунтирмай қўярмидилар!— деди.

— Мен омади гапни айтаётибман. Ўртоқ Самандаров, албатта, мени билмайдилар. Болтабой акам, буёғи мана сиз... Ўрни келиб қолганда айтсаларинг... Биз ҳам одам боласи... Бироннинг яхшилигини ерда қолдирмай-миз.

Зиёдахоннинг кўзларига ёш келди, унга тасалли бериб чеҳрасини очгунча ўлиб бўлди.

Сидиқжон, гарчи Зиёдахоннинг сўзларидан кейин бир қадар таскин топган бўлса ҳам, ҳар қалай, Болтабай билан иккى оғиз гаплашиб, Самандаровнинг Болтабойга нималар деганини аниқ билгиси келди. Болтабой кечки овқатдан кейин келди. У, жуда катта ишни битириб келгандай оғзи қулоғида бўлиб, нуқул цемент тўғрисида — унинг бир хуржунини эшак зўрга кўтариши, у билан том шувалса қандоқ бўлиши ҳақидаги ўзининг тахминларини, цементлаб қилинган тўғон қанчалик пишиқ бўлиши ва ҳоказолар тўғрисида гапирав, шу қадар шавқу-завқ билан гапирав эдики, Сидиқжон унинг қулоғига ҳозир бошқа гап кирмаслигини билиб гаплашгани ҳаракат ҳам қилмади. Эртасига ҳам маврид бўлмади. Учинчи куни райондан артистлар келиб дарё бўйида катта концерт берди. Шу концерtdан қайтишда Сидиқжон гапни нимадан бошлашни билмай турган эди, Болтабойнинг ўзи гап очди:

— Ўртоқ Самандаров сизни хўп ташвишга солиб қўйиптилар-да?— деди кулиб,— у киши биронни колхозга ол, биронни олма демайдилар, бу ишга аралашмайдилар. Кимни колхозга олиш, кимни колхоздан чиқариш колхозчиларнинг ўз ихтиёрида. Бунинг ўз йўл-йўриғи бор. Ўртоқ Самандаров ана шу йўл-йўриқни бузманглар дейдилар, холос.

Сидиқжон камоли суюнганидан нима дейишни билмай:

— Қуллуқ, Болтабой ака, қуллуқ,— деди лекин шимага қуллуқ деяётганини ўзи билмас эди.

— Йўл-йўриғи шуки,— деди Болтабой,— правление-га ариза берасиз. Аризангизни правление кўради, кейин колхозчиларнинг ўртасига солади. Колхозчилар нима деса шу бўлади.

— Бу ерда мени ҳеч ким билмайди-ку? Буёғи нима бўлди?

— Мана ҳозир билдириб юрибсиз-ку. Ҳозирданоқ кўриб турибмиз: дангасалик, айёрликни билмайдиган йигитга ўхшайсиз.

— Бу одамларнинг ичидаги дангаса киши ўғрига ўхшаб қолмайдими, Болтабой ака! Мен у томонини айтаман... Кимлигимни ҳеч ким билмайди...

— Ўзингиз айтиб берасиз-да.

— Ўрмонжон акам яхши биладилар. Яна кимга айтсанам бўлди?

— Ҳаммага айтасиз-да, мажлисга айтасиз.

— Ўша мажлисга ўзим ҳам кираманми?

Болтабой унинг қўрқиб кетганини кўриб кулди.

— Бўлмаса-чи!

— Йўқ, ростини айтинг, Болтабой ака. Ҳазиллашманг...

— Ҳазили йўқ. Колхозчи қўл кўтаргандан кейин кимни олаётганини билиши керакми, йўқми? Мажлисда ўрнингиздан турасиз, аввал саволларга жавоб берасиз; кейин бир бошдан гапирасиз: кимсиэ, қаерликсиэ, нима иш қилгансиз...

Сидиқжон юзларча киши оғзиға қараб турган мажлисни кўз олдига келтириб жуда катта ташвишга қолдио дами ичига тушиб кетди. Болтабой буни пайқамади, то бостирмага келгунча ўз ўйи билан бўлиб, сўз қотмади. Бостирмада чироқ пастлатилган, теварак-атрофда ҳамма ётиш тараддуудида, кимдир аллақачон хуррак отмоқда.

Сидиқжон шу кундан бошлаб, ҳар замон, мажлис эсига тушиб қолганда юраги «шув» этишини ва шундай кезларда ким кўз олдида бўлса «ўша мажлисда бу ҳам гапи-рармикин» деб ўйлашини өътиборга олмаганда, ҳар жиҳатдан хотиржам ва руҳи енгил бўлиб қолди. У энди, дастлабки кунлардаги сингари, бегонасирамас, гаплашгани ва ҳамтовоқ бўлгани одам танламас, истироҳат чоқларида рўпара келган тўпга қўшилиб хурсандчилик қилас, асқия ва афанди айтишар, ишга доир гапларга аралашиб, бирорнинг фикрини қувватлар ёки рад қилас, ўз фикрини айтар әди.

Ғўза чопифига кетган кишилар қайтиб келгандан кейин ҳамма участкада иш жуда қизиб кетди. Ҳамма

колхозчилар гўза чопигига кетган вақтни чиқариб олишга уриниб басма-басига ҳаракат қилди. Район газетаси ишнинг бориши ва айрим колхоз, бригада, ҳатто айрим одамларнинг қандай ишлаётгани тўғрисида тез-тез ёзиб туарар әди. Область газетаси «Бешийиллик» колхозининг аъзоларидан Тўрақул Мамажонов деган ударникнинг суратини босиб чиқарди. Райондан тез-тез ҳар хил одамлар келиб туарди. Сидиқжоннинг назарида, бу иш учун фақат шу ердаги одамларгина әмас, бутун район ҳалқи жон кўйдираётган, қимиirlаган ҳар бир жон унинг олға босиши учун нимадир қилаётгандай кўринар әди. Сидиқжон ишга шу қадар берилиб, шу қадар зўр бериб ишлар әдики, битта одамнинг қўлидан шунча иш келишига баъзан ўзи ҳайрон қолар әди.

Навбатдаги чопиқ маҳалигача колхозчиларнинг кўпчилиги мўлжалдан ортиқроқ иш қилиб қўйди. Тўғон участкасида ер иши асосан битди. Тўғонга кераклик харсанг тошлар уйиб қўйилган, қизил темир дарвоза бутун лаш-лушлари билан ўт-ўланлар ичida ётар әди.

Навбатдаги чопиқка одам кетишидан уч кун бурун кечки пайт иккита медсестра келиб алланимага қарши ҳаммага укол қилди. Уколдан кейин Сидиқжон жуда ланж бўлиб, ишдан барвақт қайтди; кечки овқатни кўнгли тортмай зўрга едию ҳеч кимга ҳеч нарса демай ётди. Эртасига иситмаси жуда кўтарилиб кетди. Уколдан ҳеч кимга ҳеч нарса бўлмагани ҳолда Сидиқжоннинг иситмаси бу қадар кўтарилганидан ташвиш торған Болтабой доктор олиб келди. Умрида докторга кўринмаган Сидиқжон мўисафид, жуда нуроний, вужуди ҳамма дардга шифодай кўринган докторнинг жуда ҳам ағдар-тўнтар, қилиб кўришини, минг хил иллат топишини ва бир әмас, бир неча хил дори беришини кутган әди. Бироқ доктор уни қўл учидагина кўрди, дори бермади, тайинлик бир гап ҳам айтмади. Докторнинг бу ҳаракатлари, айниқса дори бермагани Сидиқжонга «кўришнинг, дори беришнинг фойдаси йўқ, бари бир ўлади» дегандай бўлиб кўринди. У, кўзигаmall жойномоз билан олача тўн ёпилган тобут ва сочини юлиб фарёд чекаётган онаси кўриниб, йиглаб юборди.

Кечқурун Болтабой уни аравада Капсанчиларга жўнатди.

Ўрмонжон уйида йўқ әкан, хотини Тўпанисо Сидиқжоннинг аҳволини кўриб дарров кроватга ётқизди, чой дамлаб келди. Сидиқжон бир пиёла чойни худди угра ош ичгандай узун-узун ҳўплаб ичди-да, чой оғзиға ёқмаса ҳам, бир ғоз таъби очилгандай бўлди.

Ташқаридан кимдир «Ўрмонжон ака» деб чақирди, ҳаял ўтмай әшикдан илжайган калла намоён бўлди.

— Келинг, қори ака,— деди Тўпанисо ва ўрнидан турди.— Қани, бу ёққа.

Абдусамадқори йўғон гавдасига номуносиб тарзда мушукдай мулоим қадам босиб стол ёнига келди; қўлидаги тугунчани столга қўйди-да, Сидиқжонга қараб кўзлари олайиб кетди.

— Ийе!— деди худди ҳозир унинг устига ўзини ташлагудай бўлиб.— Нима қилди? Ўрмонжон акаммилар?

— Йўқ, меҳмон,— деди Тўпанисо совуққина.

— Бундоқ денг-да. Кайфим учиб кетди-я!— деди қори ва ёқасини катта очиб кўкрагига уч марта туфлади.— Бугун кўрган эдим, ҳайрон бўлдим... Худо кўрсатмасин... Меҳмон дедингизми?

— Сидиқжон. Тоблари қочипти.

Қори дарров энгашиб Сидиқжоннинг юзига бир қардию, худди унинг афти маъқул бўлмагандай, совуққина.

— Э, ошна, нима қилди?— деди ва ундан жавоб кутмасдан, Тўпанисога мурожаат қилди:— Анзират холанинг уйига шу киши борадими?

— Ҳа, шу киши.

Абдусамадқори курсига ўтираётисб, худди қишиқ бир нарса тўсатдан эсиға тушгандай, пиқ әтиб қулиб юборди.

— Ўрмонжон акам хўй аломатлар-да, жуда-жуда аломатлар,— деди, лекин унинг нимаси аломат әканлигини айтиш ўрнига Ўрмонжоннинг иш билармон ва файратли әкани, «Қўщчинор» колхозига унинг пойқадами ёққани, у келгандан бери Капсанчилар қишлоғининг ҳатто оби-ҳавоси ҳам ўзгаргани, правление шундай одамни ҳосилотликдан олиб чорвачилик фермасига қўйганлиги ва унинг ўрнига паҳтани фақат китобда кўрган Йброҳимовни

тайинлагани чакки бўлганлиги тўғрисида гапирди; сўнгра, унга куч-кувват, ғайрат берган нарса унинг оилас-
вий хушбахтлиги деган мазмунда гапириб, бу гапдан «Қўшчинор»ни «Қўшчинор» қилаётган Урмонжон бўлса,
Урмонжонни Урмонжон қилаётган унинг хотини деган
холоса чиқарди. Сўз Урмонжон ҳақида кетаётганда, бу
Тўпанисо ўзи ҳақидаги мақтовга келганда оғзининг тано-
би қочиб:

— Мен нима қилибман?.. Менда нима гап?.. Ҳеч-
да,— деди.

— Хотин, яхши хотин эркак кишининг бўйни,—
деди қори бу гапларга зўр мароқ билан қулоқ солиб
ёғган Сидиқжонга юзланиб.— Яхшиликка бурадиган
ҳам бўйин, ёмонликка бурадиган ҳам бўйин, шундоқ
эмасми?

Сидиқжон, ёмон хотиннинг жафосини торта-торта
жонида жон қолмагандай, «Нимасини айтасиз» деган маз-
мунда бош қимирантди.

— Қани ҳамма хотин ҳам сиздай бўлса!— деди қори
Тўпанисога зўр ҳавас билан қараб.

Тўпанисо хижолат тортиб ерга қаради:

— Менга нима қипти?..

— Қандингизни уринг-да! Урмонжон акам чизган
чизифингиздан чиқмайдиларми? Чиқмайдилар! Ё чиқа-
диларми?

Тўпанисо ёлғондан қовоғини солди.

— Нега? Ихтиёр ўзларида.

— Тўғри, ихтиёр ўзларида, лекин сизга маслаҳат
соладилар, маслаҳатингизга юрадилар-да, яхши маслаҳат
берсангиз юрмайдиларми? Йўлингизга юрганлари, чизган
чизифингиздан чиқмаганлари шу-да!

— Яхши маслаҳатга ҳамма ҳам юради,— деди Тўпа-
нисо.

— Тўғри, лекин яхши маслаҳат ҳаммадан чиқавер-
майди-да. Бизнинг хотинлардан ҳам чиқса-чи! Яхши мас-
лаҳат эмас, бир оғиз бамаъни гап — анқора шафे!

Қори ўзининг хотинини ёмонлаб кетди: шолини соч-
масдан туялмайди, сув қайнатса ҳам тагига олдириб қўя-
ди, боласининг бурни ҳамма вақт оқиб туради, насиҳат
қилинса эснайди...

— Үзига ҳам қийин, менга ҳам қийин! Қийин, жуда жуда қийин! — деди қори, — сиздай синглимиш бўлсаю биз шунаقا қийналиб юрсак...

Тўпанисо кулгидан лабини йиғиштиrolмай ерга қаради.

— Мен нима... мен нима қиламан...

— Шуни қолипга солиб бермасангиз бўлмайди, синглим. Бир сингиллик қилинг! Ҳа, айтгандай, келинингиз сизга ўрик бериб юборган эди.— Қори тугунчани очиб ўрикдан иккитасини Сидикжонга узатди.— Заб ўрик экан-да. Канал битиб, сув сероб бўлиб боғ-роғ қилганимизда албатта шунинг данагидан экамиш... Шундай қилинг, синглим, келинингизни рўёбга чиқаринг. Сизга, сиздай хотинга бу ҳеч гап эмас. Унинг сизга ҳеч оғирлиги тушмайди. Сиз билан бирга бўлса бас. Одамнинг одамга акси уради. Ҳамма гап мана шунда. Буни келинингизнинг ўзи ҳам билади. «Тўпанисо опам билан бирга бўлсан иш билар эдим, гап билар эдим, тушунган хотин бўлар эдим» дейди. Сиз билан бир бригадада бўлса бас. Мен шу тўғрида Бўтабой акамга гапирмоқчи эдим, менга «йўқ» десалар... йўқ демайдилар-ку! Мабодо йўқ десалар, сизнинг айтишингиз нокулай бўлиб қолади деб индаганим йўқ. Буни сиз айтисангиз яхши бўларди. Шундоқ қилинг, секин айтинг...

Қорининг бу гапларидан кейин Тўпанисо бунаقا ишларга ҳеч қачон аралашмаганини айтишга номус қилдию «хўп» деди, лекин шу билан кўнглига жуда катта ғашлик тушди.

Қори, гўё хўп деса-демаса шу ишни қилишидан кўнгли тўқ бўлгандаидай, унинг жавобини кутмасдан Сидикжонга юзланди.

— Тобингиз қочгани ёмон бўлипти-ку, ошнам, Анзират ҳоланинг уйига қачон борасиз? Борасизми?

Сидикжон бошини яна ёстиққа қўйиб жавоб берди:

— Қишлоққа кетиб, тузалганимдан кейин қайтиб келмоқчиман.

Қори, худди фавқулодда бир ҳикмат әшитгандаидай, оғзини ва кўзларини катта очиб Тўпанисога қаради. Тўпанисо Сидикжоннинг сўзини әшитмаган ва ўз ўйи билан бўлиб бошқа ёққа қараб ўтирган эди, шундоқ бўлса ҳам қори «бу гапнинг фаҳмига етдингизми?» деган

мазмунда унга бош ирғитиб қўйди. Сидиқжон бу гапнинг нимаси қорини бу қадар ҳайратта солганини билолмай қолди.

— Шундоқми? — деди қори яна шунаقا зўр гап кутгандай катта ихлос билан унинг юзига тикилиб. — Қишлоқда кимингиз бор?

— Онам бор, укам бор.

Қори дарҳол маъюс қиёфага кирди.

— Үҳ-үҳ-үҳ! Ҳа она-я! Онаи зор! Шўрлик она ҳозир қандай тушлар кўраётган әкан! Уй-жойингиз борми?

Сидиқжон, кўзига ёш келиб, зўрга жавоб берди:

— Бор...

— Ие, онангиз бўлса, уй-жойингиз бўлса... давлатку! Нима қиласиз мусофиричиликда? Ўзингизни мусофири қилиб, онангизни мусофиридай қилиби... Ҳозир ҳам унча билинмайди — янги келгансиз, ўзингиз якка, битта уйда турсангиз, бошингиз мана бунаقا ёстиққа тегса... бир қултум сувга зор бўлиб «вой» деганингизда «қаеринг оғрийди?» дегудай киши бўлмасдан ётсангиз... Бундан ёмони борми! Анзират хола ҳам юраги торгина бир кампир, бўлар-бўлмасга ҳархаша қиладиган... уйи ҳам гўрга ўхшайди.

Шундан кейин қори мусофиричилик қандай ёмон эканлиги, бу тўғрида кимлар нималар дегани, ҳозирги замон одамларида гўё бир-бирига меҳр-муҳаббат қолмаганлиги, Анзират холанинг феъл-атвори ва ким билан уришганию унга нималар дегани, аллақаердаги гариб гўристонлик тўғриларида гапирди. Бу гапларнинг ҳаммасини Сидиқжонга жуда хайрҳоқ бўлиб, дамба-дам унинг пешонасини ушлаб кўриб, қўлинни силаб гапирди. Сидиқжоннинг кўзига қабр сингари қоп-қоронғу ва тор уй, қайнанаси сингари ўлгундай баджаҳл ва шанги кампир, ўзининг бемор ётгани, ўлгани, фақат бўйра солинган ва усти очиқ тобутда тўрт киши кўтариб гариб гўристонга олиб кетаётгани кўриниб кетди.

Сидиқжон шу ётганича уйқуга кетган әкан, бир вақт кўзини очиб қараса тепасида Ўрмонжон турипти. У кўзларини катта очиб, Ўрмонжоннинг юзига тикилганича ўрнидан турмоқчи бўлган эди, Ўрмонжон елкасидан босди.

— Қимирлама, қимирлама! Ҳўш, нима қилди? — деди унинг ёнига ўтириб, — укол ёқмапти-да. Ҳеч нима қилмайди, бир сен әмас, яна етти киши шунаقا ётипти... Жуда қўрқоқ әкансан-ку!

— Қишлоққа борсам, бир-икки кун туриб, тузалганимдан кейин келсам деган эдим.

— Нега, бу ерда тузалиб бўлмас әканми? Фақат шунинг учун қишлоққа бормоқчимисан?

— Бошқа нима бўлар эди?

— Ростини айтавер, агар...

Сидиқжон туриб ёнбошлади.

— Сўранг, Ўрмонжон ака, ҳаммадан, ҳаммадан сўранг... Болтабой акамдан, Рўзиматдан, Зиёдахон опамдан сўранг... Бўтабой акамдан сўрасангиз ҳам бўлади.

— Биламан, биламан,— деди Ўрмонжон кулемсираб.— Дуруст, яхши ишлабсан, кўнглингда кетиш бўлса бунаقا ишламас эдинг.

— Сиз менинг кўнглимни билмайсиз, Ўрмонжон ака.

— Кўнглингни билиб қолармиз. Колхоз нима әканлигини сен ҳам билиб оларсан. Гап шу: ҳеч қаёққа бормайсан.

— Узоқ ётиб қолсам...

— Аввали шуки эртага отдай бўлиб кетасан. Ундан кейин, узоқ ётиб қолсанг нима эмиш? Бирорга сғирлигинг тушмайди. Колхозчилик, битта одамнинг оғирлиги шунча одамга биро мисқолдан ҳам тушмайди.

Сидиқжон илжайди.

— Эртага ўрнимдан туриб кетадиганга ўхшайман, ҳозир ҳам анча енгил тортдим.

Ўрмонжон турди. Сидиқжон Анзират холанинг уйидан бошқа уй топилмасмикин деб сўрагани оғиз очдию сўрамади. Ўрмонжон унинг бир нима демоқчи бўлганини пайқаб:

— Ҳа, нима демоқчисан? — деди.

— Анзират хола билан гаплашиб қўйғанмисиз?

Ўрмонжон ялат этиб унга қаради.

— Отини ҳам билиб олибсан-ку. Гаплашганман, Анзират холанг мени ҳар кўрганида сени сўрайди. Ҳўп, ухла эртага гаплашамиз.

Ўрманжон чиқди. Кўчада от кишинади.

Анзират холанинг эри Капсанчилардан бўлиб ер ислоҳотида ер олдию енгини шимаришга улгурулмай қазо қилди. Анзират хола ундан икки яшар ўғли Мадрайим, ўн беш яшар қизи Кимсаной билан қолди. Нёне умидлар билан олинган ер, болалар еш ва Анзират холанинг ўзи дардчил бўлгани учун, әкувсиз қолиб қўриққа қўшилиб кетди.

Мадрайимни сельсоветнинг ўша вақтдаги раиси районга олиб бориб исполкомга югурдак қилиб қўйди. Анзират хола унинг ҳар замон беш-тўрт танга пул юбориши ёки бирон нарса қўтариб келишидан ҳам кўра «худо ғазаб қилган шу Капсанчилар қишлоғидан» чиқиб кетганига, ўша ёқларда юрса пешонаси очилишига хурсанд әди.

Кимсаной бўйга етди. Анзират хола уни шу ердан чиққан одамларга бермай Чирик жийдага узатди — хотини ўлган, ўрта ёшлардаги ўзига тўқ бир кишига берди. Анзират хола шу ишни қилганида куёвнинг ўзига тўқлигидан ҳам кўра Кимсанойнинг «худо ғазаб қилган шу қишлоқдан» чиқиб кетса баҳти очилишини, хотини ўлган ва ўрта ёшлик кишига тегса тили узун бўлишини кўзда тутган әди. Бироқ у одам, хотини бор экан, бир йил ўтар-ўтмас Кимсанойнинг устига кўчириб келди. Кимсаной кундош азобига бир йилча чидадио охири бўлмади: қўлида ўғилчаси Ҳошимжон билан қайтиб келди. У, бир ярим йилча ўтгандан кейин, шу ерлик Абдували деган бир кишига тегди. Бу одам ичкӯёв бўлди. Эр-хотин колхозга киришди. Анзират хола эндигина ёруғ кун қўришга умид боғлаганида дамба ва ундан кейин канал иши бошландио куёв, эвази нақд бўлмаган оғир меҳнатга тоб бера олмай, Кимсанойни олиб шаҳарга кетиб қолди. У Ҳошимжонни ҳам олиб кетиш тўғрисида оғиз очмагани учун бу ҳақда на Кимсаной бир нима дея олди, на Анзират хола. Ҳошимжон Анзират холанинг қўлида қолди.

Мадрайим ўша кунлари аскарликка кетди. Аниқ билган одамларнинг айтишига қараганда, Мадрайим аскарликка ўзи ариза берган ва ҳатто бунинг кетидан хийла овора бўлган экан.

Шундай қилиб Анзират хола набираси Ҳошимжон ва кейинчалик Үрмонжон келтириб қўйган Кайназак деган бир жувон билан бирга туарә әди.

Унинг ҳовлиси одам бўйи келар-келмас гувалак девор билан ўралган, деворнинг баъзи жойлари ичкарига, баъзи жойлари ташқарига қийшайган бўлиб, ҳар ер-ҳар еридан қизил сопол парчалари, тош, яна алланима балолар кўриниб турар эди. Ҳовлининг тўридаги айвончанинг икки томонида биттадан уй бўлиб, Анзират хола бунинг бирини ўша жувонга берган, лекин жувон бу уйда эмас, Анзират холанинг ўзи билан турар эди. Сидиқжон мана шу уйда туриши керак эди. Уй, айниқса Анзират хола қори айтганича бўлиб чиқмади. У олтмишларга бориб қолган, нимжон, юзи жуда буришган бўлса ҳам қизил, товуши майнин ва ёқимли бир кампир эди. У Сидиқжонни ўз боласидай қарши олиб, ўзи турадиган уйга олиб кирди; дастурхон ёзиб олдига нон, бир шокоса әзилганроқ ўрик, бир ликобчада шакар қўйди; чой қайнагунча Сидиқжоннинг нимадан қасал бўлганини, кимлари борлигини сўради; чой маҳалида гоҳ кулиб, гоҳ йигламсираб ўзи, болалари, невараси, Ўрмонжон тўғрисида гапирди.

— Дуруст, худо хайрини берсин,— деди Ўрмонжон тўғрисида,— биздан тез-тез хабар олиб туради, ҳар байрамда Ҳошимжонни бирон нарса билан йўқлади. Умрини берсин. Ҳаммадан ҳам кўра мана бу Канизакни обкелиб қўйганига суюнаман. Бу бечоранинг ҳам ҳеч кими йўқ экан. Она-боладай бўлиб қолдик. Менга, айниқса Ҳошимжонга жуда меҳрибон, топганини шу ерга олиб келади. Мен ҳам, албатта, тек ўтиромай кучим етганча қимирлаб турман. Қурт тутамиз. Бу йил колхозга тўққизта якандоз, ўн тўртта кўрпа қоплаб бердим. Ўтган йил бир юз ўн саккиз меҳнат куни ишладим. Қимирлаган қир ошар экан-да, шунча иш қўлимдан келар деб ҳеч ўйламаган эдим. Меҳнат кунига дон дуруст тушди-ку, пахтамиз оз-да, пул жуда кам тушди. Майли, мана бу канал битса, янги ер очилса пахта ҳам кўпаяди. Ўшанда ҳамманинг егани олдида, емагани кетида бўлиб қолади. Ишқилиб худо Ўрмонжоннинг умрини берсин. Ўзи унча гапдон ҳам эмас, мажлисларда кўп гапирмайди; кўп гапирган одамга «гапнинг пўсткалласини айт» деб туради.

Анзират хола йиртиқ-ямоқ ва ҳар хил икир-чикир ишлар билан машғул бўлиб кечгача Сидиқжоннинг ол-

дидан жилмади. Сидиқжон бошда унинг хуш қабул қиласланганини Ўрмонжон кўп писандада қилиб тайинлаганидан деб ўйлаган эди; бироқ кампир у билан куни бўйи шу хилда гаплашиб ўтириди ва унга шундай меҳр-муҳаббат кўрсатдики, бошда ўшандай ўйга борганидан хижолат бўлиб қолди ва қачон бўлса ҳам бу кампирга сира эсдан чиқмайдиган бир яхшилик қилишни қўнглига туғиб қўйди.

Кечки пайт соя қайтганда Анзират хола даричанинг олдидаги супага жой қилиб берди. Сидиқжон, гарчи ҳануз оғзи bemaza ва боши оғиррсқ бўлса ҳам, иситмаси тушганиданми, ёки кампирнинг меҳрибончиллариданми, қўнгли кўтарилиб таъби очилганиданми, жуда енгил тортди.

Кечқурун кўча эшиги тақилладио кампирнинг «вой ўргилай! Вой, гиргиттон» деган товуши эшитилди. Ҳаял ўтмай эшиқдан Самандаров кирди. У, бўйнига осилиб олган Ҳошимжоннинг оғирлигидан ўзини бир оз орқага ташлаб, кампирнинг тинмай ёғдираётган саволларига гоҳ бош иргатиб ва гоҳ сўз билан жавоб бериб супага томон келар эди. Сидиқжон уни кўриб ҳаддан ташқари қўрқди ва иргиб ўриндан турдию супадан түшишини ҳам, тушмаслигини ҳам билмай туриб қолди. Самандаров келиб болани супага чиқариб қўйди, сўрашгани Сидиқжонга қўл узатди, Сидиқжон, ҳануз эс-ҳушини ўнглаб ололмаганидан, унинг нима учун қўл узатганини дарҳол фахмалмай ҳаяллаброқ қўл берди.

— Утиринг, ўтиринг,— деди Самандаров ва чўнтағидан иккита хўроз қанд чиқариб болага берди. Бола супадан сакраб тушдию чопқиллаганича кўчага чиқиб кетди.

Сидиқжон Самандаровга бақрайиб қараб турар, афтидан, унинг бу ерга нима учун келганини юзидан билишга ҳаракат қиласар эди. Кампир ҳануз гоҳ кулиб, гоҳ кўзига ёш олиб тинмай гапираётгани, дам-бадам савол бераётгани учун Самандаров унинг ҳолатини пайкамади.

— Ойма-ойига икки ой бўлди, болам,— деди кампир яна кўзига ёш олиб,— наинки икки ойда бир йўқласангиз... Менинг сизлардан бошқа кимим бор? Кимсаной у ёқда, куёв бўлмай қора ер бўлгур на ўлигини

кўрсатади, на тиригини. Мана, дамба битди, канал битай деб қолди, энди қизгинамни олиб келса ўладими! Кўришипти, бозорда мурч, қалампир сотиб ўтирган эмиш. Ўл бу кунингдан!

Самандаров қулди.

— Ундоқ бўлса бу ерга қайси юзи билан келади?

— Ҳа, шуни айтаман-да, бу ерга қайси юзи билан келади? Ўроқда йўқ, машоқда йўқ, хирмонда ҳозир... Бошқаларнинг жони жон эмас әканми! Бу орада қизим шўрлик унинг касофатига қолди. Кимсаной бўлганда ҳозир бригада бўлар әди. Гайратлик, ориятлик жувон әди. Мана, Канизак звено бўлар эмиш, Кимсанойнинг Канизакдан нимаси кам әди! Ҳа, айтгандай, ғалати туш... билмайман қаер әкан... ёнимда ким ҳам бор әкан... Ой иккита чиққан эмиш! Мен айтаман:вой худо... Шу ерда Мадрайим пайдо бўлипти... Ҳа, йўқ, Мадрайим ҳам шу ерда әкан. Мадрайим: «Ана, кўрдингизми?» дейди. Билмайман кейин нима бўлди. Садақа бердим.

— Яхши, жуда яхши туш кўрибсиз,— деди Самандаров,— ойнинг биттаси ўғлингиз-у, биттаси келин: ўғлингиз ўша ейдан ойдай бир хотин олиб келади.

Кампир, худди ҳозир ўғли келин билан қўл ушлабишиб кириб келаётгандай, эшикка қаради.

— Вой оғзингизга ёғ, ўғлим! Келин кўрадиган куним ҳам бормикин!

— Келин қилгани бисотда ҳеч нарса борми?

— Колхоздан нима теса шуни сандиққа ташлаб қўяётибман. Бисот дейсиз, менинг бисотим сизлар-да, ўғлим! Менинг сизлардан кўрганимни, кўраётганимни ҳеч ким ўз фарзандидан ҳам кўрган эмас.

— Биздан хурсандмисиз, ахир? Нега бўлмаса биздан нолибсиз?

Кампир, унинг саволига тушунмади шекилли, анграбийб туриб:

— Нима? — деди.

— Ўғлингизга нима деб хат ёздириб юбордингиз?

— Ҳеч нима... нима қилди?

— Ўғлингиз район ижроия комитетига ўртоқ Мавлонбековга хат ёзипти, хатида: «Онам жуда абгор бўлиб, куни гадойчиликка қолган эмиш» депти. Бу қандоқ бўлди?

Кампир ўғлига дарҳақиқат шу мазмунда хат ёздириб юборган, лекин унинг бу тўғрида район ҳукуматларига хат ёзишини сира хаёлига келтиргмаган әди, гангиб қолди.

— Вой, ўлай, бу нима дегани?

Самандаров әтигининг қўнжидан тунука қутича чиқариб маҳорка ўради.

— Билмайсизми? Нима дегани бўлар әди, совет ҳукумати райондан кўчиб кетганми дегани-да!

Кампир ўғлига ёзган хатидан бундай маъно чиқишини ҳеч ўйламаган әкан.

— Мен ундоқ деганим йўқ...

— Ким айтди бўлмаса? Хат ёзиб берган киши ўзидан қўшиштими? Хатни кимга ёздирган әдингиз! Тайинлик одаммиди?

— Жон ўғлим, Мақсадали, у ёғини суриштиромай қўяқол. Менгина ўлай! Шундоқ деб хат қиласам Мадрашим келақолармикан дебман... Согинганимдан...

— Шунга ишонсан бўладими?

— Ниятимга етмайин... у бўйниг узилмагур ҳам дарров сизларга хат ёзақолмаса нима бўлар әкан!

— Ҳа, кимга ёзсан бўлмаса, Охунбобсевга ёки Калининга ёза бўлармиди? Уша мирзангизга яна битта хат ёздириб бор гапни айтинг. Нега ўшандоқ хат ёздирганингизни ўғлингиз билсин. Бола бечорани ташвишга қўйганингизни қаранг! Ўйламабсиз-да!..

Шом вақтида малла ранг кенг кўйлак кийган ва гуллик сариқ дурра боғлаган ўрта бўйли, озғингина, йигирма-йигирма бир ўшлардаги бир жувон келди. Жувон эшикдан кириши билан буларни кўриб бир тўхтадию, дуррасини қайта боғлаб, тўғри супа томонга келди; Самандаров билан қўл бериб сўрашди; Сидикжон билан қўл бермасдан, лекин кўпдан таниш одамдек кўришди; ҳол-аҳвол сўради; сўнгра, бирдан лаби пир-пираб, ҳўнграб юборди-да, дуррасининг учи билан юзини бекитиб тескари ўгирилди.

— Э-ә-ә, хўш, Канизакхон, нима, нима бўлди, ким уришди? — деди Самандаров.

Канизак иккι-уч ҳиқиллаб:

— Бўтабой акам масалангни мажлисга соламан дедилар,— деди.

— Қанақа масала әкан?

Канизак, енги билан бурнининг икки ёнини тез-тез артар әкан, Самандаровга кўз қири билан қаради.

— Сиз айтгандирсиз-да... Үзингиз айтгансиз!

Унинг ўтириши, қараши, ўпкараб гапириши, бутун ҳаракати Сидикжонга жуда чиройли кўринди, «Иглаши ҳам чиройлик-а, кулиши қанақа бўлса әкан» деб кўнглидан ўтказиб қўйди.

— Нима гап ўзи? — деди Самандаров,— аввал нима әканини билай, айтган бўлсан айтдим дейман.

— Айтмаган бўлсангиз... айтинг, мажлисга солмасинлар... майли, меҳнат кунимдан қирқсинлар... Бўлган иш шуки, ўша куни тушлик маҳалида Холмурод аканнинг звеносида учта кетмон йўқолди. Бу кетмонлар жўхори поя ичидан топилди, дарров топилди, ҳеч ким ишдан қолгани йўқ. Шуни бизнинг звенога тўнкашипти, ростдан ҳам бу ишни бизнинг звенодагилардан биронтаси қилғанлиги аниқ әди. Ҳеч ким бўйнига олмади. Қарасам, бутун звено қора бўладиган, мен бўйнимга ола қолдим. Олмай ҳам ўлай...

Самандаров ўйлаб туриб:

— Ўша звено билан мусобақа қилғанмидиларинг? — деб сўради.

Канизак, афтидан, шуни айтмоқчи әмас әди шекили, ноилож:

— Ҳа...— деди.

Самандаров заҳарханда қилди.

— Кетмон яшириб ўтирасизларми, кечаси чиқиб зўзасини юлсаларинг бўлмасмиди?

Канизак яна йиғламсиради.

— Вой, мени нега қўшасиэ! Айтдим-ку...

— Ҳайр, ана сизлар мусобақада ютиб чиқдиларинг, бу ютишдан нима фойда? Колхозга нима фойда? Бунақа ишни бир-биридан харидорини қизғанадиган, бирининг дўкони бирпас ёпилса бошқаси кўпроқ фойда кўрадиган, шунинг учун бир-бирини ғажиб ташлашга тайёр турган дўкондорлар қилса бўлади! Бу қанақа мусобақа бўлди? Мусобақанинг маъносини биласанми ўзинг?

Канизак, кампир келтирган чироқни олиб ўртага қўяётиб, Ўрмонжондан эшитган гапини қайтарди:

— Биламан, мусобақадош икки кишидан бирининг ютуғи иккинчисининг рашигини эмас, ҳавасини, ғайратини келтириши керак,— деди.

— Бу гапни яхши ёд олибсан-у маъносига тушунмабсан-да. Шу қилган ишларинг мусобақадош звено-нинг ҳавасини, ғайратини келтирар әмишми?

— Вой, тағин мени қўшасиз-а...

Канизак қуйиб-пишиб яна тушунтиromoқчи бўлган әди, Самандаров сўзини бўлди:

— Хўп, агар кетмон эмас, пул йўқолганда бўйнингга олармидинг?

— Йўқ, албаттa...

— Ҳа, баракалла! Уялар әдинг-а? Бунга нега уялмадинг? Чунки «ҳа, нима қипти, кетмон яширган бечора звенона яхшилик қилмоқчи бўлиб, звено ютиб чиқсин деб шу ишни қилган-да» деб ўйлагансан. Эҳтимол бу ишни бўйнингга олганингда тантлиик қилдим деб звено олдида қанча керилган бўлсанг! Агар звено ҳам шуни тантлиик деб билган бўлса кетмон яширган кишигини эмас, бутун звено социалистик мусобақанинг маъносини билмас экан... Қачон бўлган иш бу?

Канизак әшитилар-әшитилмас жавоб берди:

— Анча бўлди...

— Бўтабой энди әшитиптими?

— Йўқ, ўшанда әшитганлар.

Самандаров бир қоши паст ва бир қоши баланд бўлиб, ўчиб қолган маҳоркасини чироқдан тутатиб олди. Сидиқжоннинг гумонича, у ҳозир Канизакка қаттиқроқ ботадиган бирон гап айтиши керак әди. Бироқ унинг чеҳрасидаги бу тундлик дарров йўқолди. У Канизакка очиқ чехра, ҳатто хиёл табассум билан қараб:

— Қўрқма, шу чоққача мажлисга қўймаган одам энди қўймайди,— деди.

Канизак билолмай қолди: бу Самандаровнинг тасалли берганими, Бўтабойни қоралаганими? Канизак унинг яна бир нима дейишини ва шундан кейин маълум бўлишини кутди. Самандаров боядан бери Канизакнинг кетида қўлини орқасига қилиб тикка турган болага қаради.

— Хўш, Ҳошимжон, худди сурат олдираётган кишига ўхшаб турибсан? Бери кел.

Ҳошимжон, худди тийғаниб йиқиладигандай, бир қўли билан Канизакнинг елкасини ушлаганича икки қадам олдинга босдию латтага ўралган бир нимани унинг қўлига берди ва дарҳол Канизакнинг орқасига бекинди. Самандаров латтани олиб икки дона гайка, бир дона тишлик мис парракни кўрди ва бола бу нарсаларни нима учун берганини англай олмай:

— Ўҳў, буларни қаёқдан топдинг? Буни нима қиласак бўлади? — деди.

Ҳошимжон дарров ўрнидан туриб Канизакнинг қулогига пичирлади. Канизак оғзини ва кўзларини катта очиб унга қулоқ солдни бирдан пиқирлаб кулиб:

— Трактор ясаганингизда ишлатар әмишсиз,— деди.

Самандаров завқ қилиб кулди ва болани қўлидан тортиб олиб бағрига босди.

— Баракалла, баракалла! — деди.

Сидиқжон куни бўйи бу болага бирон оғиз гапирмаганидан, уни ҳатто пайқамаганидан хижолат тортиб ҳозир сўзга аралashiши лозим томди.

— Бу киши трактор ясашни биладиларми-а, Ҳошимжон? — деди болага яқин әнгашиб.

Бола, Самандаровнинг тракторсоз уста эканига жуда амин бўлса керак, қаттиқ бош иргитди.

Шундан кейин сўз трактор, канал, янги очиладиган ерлар, пахта тўғрисида кетди. Анзират хола келиб яна қизи, куёви тўғрисида гапири; Мадрайимга юборган хати ҳақида гапириб яна ўзининг ёмон қариганидан, анчайин нарсаларга фаҳми етмайдиган бўлиб қолганидан нолиди. Шундай қилиб Самандаров Канизакнинг қилмиши тўғрисида бошқа гап очмади.

Канизак дастурхон ёзиб овқат келтирди. У бир коса ошни Самандаровнинг олдига қўяр экан:

— Айб қилмайсиз-да, Мақсудали ака, холам сўқ оши қилиптилар,— деди.

Самандаров сопи узун, оғир ёғоч қошиқ билан ошни шопирар экан, жилмайиб:

— Майли, ҳозирча айби йўқ. Айб қиладиган вақт ҳам келади. Лекин,— деди Самандаров қошиқни салмоқлаб,— ҳали ҳам мана бунаقا қошиқ тутиш айб. Бунга йўқчиликни, камбағалчиликни важ қилиб бўлмайди.

Самандаров ошни тез ичди ва бошқалар ҳам ичиб бўлгандан кейин кетгани қўзғалди.

У кетгандан кейин, худди бутун ҳовлини тўлдириб хандон-хушон суҳбат қилиб ўтирган бир талай меҳмон бирдан чиқиб кетгандай, ҳовли ҳувиллаб қолди. Анзират хола ўша хатни нима учун юборганлиги, юбориб чакки қилганлиги, бунга Мақсудали ҳар қанча хафа бўлса ва уришса ҳам арзиши, лекин у бечора уришмагани тўғрисида ўзидан-ўзи жовраб қоронғуда ивирсиб юрар эди.

Сидиқжон эртасига қушдай бўлиб турди.

У, тўғон бошига боришини эртага қўйиб, кунни шу ерда ўтказди, лекин куни бўйи тинмади: айвончани, ҳар иккала уйни, ҳовлини тозалади; тўлиб қолган кир ўрани кўмиб ташлаб бошқа ўра қазиди; кўча эшигининг турмини тузатди; Ҳошимжонга камон, қамишдан бир талай ўқ ясад берди. Кечки пайт кўчага чиқмоқчи бўлган эди, Анзират хола, унинг пули йўқлигини билгандай, соч олдиргани пул берди. Сидиқжон ҳам, худди бирон жойдан улгуржи пул кутиб тургану шу пул келиши биланоқ унинг пулини бир неча ҳисса кўпайтириб берадиган ва буни кампир ҳам яхши биладигандай, ҳеч тортинасадан олиб чўнтағига солди.

Кечқурун Канизак әшиқдан кириши билан: «Сидиқжон ака, бизнинг звенода ишлар эмишсиз» деди. Сидиқжон, буни ўзи билгандай, бу звено қаерда ва нима иш қилишини ҳам сўрамасдан эртасига аzonда Канизак билан бирга ишга борди.

Звено пахтакор бригадалар звеноларидан бўлиб унинг бошлиғи олтмишларга бориб қолган, савод чиқариш борасида Бўтабойнинг қалтис тадбирига қарши исён кўтарган чоллардан бири, унинг олдидан ёғоч от миниб ўтган ўша Зокир ота эди. Зокир ота Сидиқжонни бир оз гўза чоптириб кўрдию чопиққа ниҳоятда чечан эканини кўриб «отангга раҳмат» деди, сўнгра, ёзib олмаса бу йигит қочиб кетадигандай, узоқ овора бўлиб унинг отини дафтарчасига ёзив қўйди.

Сидиқжон ишга Эокир ота ўйлагандан ҳам чечанроқ, ғайратлироқ чиқиб сал кунда бутун звенонинг диққатини ўзига тортди.

У, куни бўйи ва ҳатто дам олиш чоғларида ҳам тинмаслигига қарамай, улоқчи отдай ҳамиша ўйноқлаб турар, бутун звенони гуллатиб ашула айтар, одамларга тегишар, кулар, кулдирап эди. У нимага бунчалик хушвақт ва нимадан бу қадар хушбахт әканлиги тўғрисида ўйламас, мабодо ўйлагудай бўлса ҳам кўз олдига Самандаров, Үрмонжон, Эйёдахон, Болтабой, Тўпанисо, Анизират хола ва бошқалар, шулар билан бир қаторда Канизак ҳам келар эди. Бу одамларнинг бири меҳроқибат кўрсатган, бири, мартабаси улуғ бўлишига қарамай, бир улфатдай гаплашган ва энг яқин дўстдай ғамхўрлик қилган, бири шу ерда юриб пешонаси очилиб кетишига ишонч туғдирган, бири ҳақоратга қарши интиқом қўлини кўтармай ҳамширалик қўлини чўзган, бири оналиқ меҳро-муҳаббати билан бошинни сидаган... Канизак нима қилган? Сидиқжон ўзига бундоқ савол бермас ва бундоқ савол хаёлига ҳам келмас эди.

Бу кунларда Сидиқжон нақадар хурсанд бўлса Канизак шу қадар хафа ва унинг хафалигига «районда колхозни уриб чиқсан газета» сабаб эди. Район газетасида район партия комитетининг колхозларда оммавий-сиёсий ишларни кучайтириш тўғрисида чиқарган қарори өълон қилинган бўлиб, шу муносабат билан бош мақола ҳам босилган. Бош мақолада бу иш яхши йўлга қўйилган «Зарбдор», «Қизил омоч» сингари илфор колхозларнинг иш тажрибалари умумластирилган, «Нек қадам» колхозида йўл қўйилган хатолар ва бошқа бир мунча колхозлардаги камчиликларнинг сабаблари очиб ташланган, булардан холоса чиқарилиб оммавий-сиёсий ишни ривожлантириш йўллари кўрсатилган эди. Бош мақолада бир мунча колхозлар қатори «Кўшчинор» колхозининг ишидаги камчиликлар ҳам кўрсатилган бўлиб, бу колхозларда партия ташкилотлари етарли равишда ишламасликлари натижасида социалистик мусобақа ва ударниклик қоидалари бузилаётганлиги, баъзи звенолар социалистик мусобақа ўрнига рақобат қилишиб,

бир-бирларининг ишларига халал берадётганликлари алоҳида қайд қилинган. Канизак буни ўз звеносида бўлиб ўтган кетмон воқиаси кўзда тутилиб айтилган гап деб ўйлади. У минут сайин юрагини кемириб кетаётган бу дардни ҳеч кимга айтолмас, лекин айтиб, ҳасрат қилиб, ўзини қарғаб, йиғлаб юрагини бўшатгиси, бирон оғиз бўлса ҳам тасалли берадиган гап әшигиси келар әди.

Сидиқжон унинг сўлиброқ юрганини пайқадио пайт топиб сабабини сўради. Канизак райкомнинг қарори колхоз активлари мажлисида муҳокама қилинишини әшитиб юраги сиқилиб турган әди, Сидиқжонни қаттиқ жеркиб ташлади. Шундай қаттиқ жеркидикি, Сидиқжон нима гап бўлганини билмай гаранг бўлиб қолди. Канизак буни кўриб ўз қилмишидан қаттиқ хижолат бўлди ва уэр айтмоқчи бўлиб оғиз ростлаган әди, кўзи жиққа ёшга тўлдию, уэр у ёқда қолиб ҳасратга тушиб кетди.

— Боринг, Ўрмонжон акамга ростини айтинг,— деди Сидиқжон,— шундай бўлган әди, билмабман денг. Кунда-кунда ўлгандан бир кунда ўлган яхшироқ. Лекин Ўрмонжон акам уришмайдилар, мана кўрасиз, уришмайдилар.

Сидиқжон бу гапларни бир нав маслаҳат тарзида әмас, куйиб-пишиб гапириди ва Канизак кўнмагунча қўймади. Дарҳақиқат Канизак Ўрмонжоннинг олдига юраги пўкиллаб бордию гул-гул очилиб қайтди. Райкомнинг ўша қарор чиқарилган мажлисида Ўрмонжоннинг ўзи ҳам қатнашган, кетмон яшириш ҳодисаси бошқа бир колхознинг бир звеносида ҳам бўлган әкан. Ўрмонжон Канизакнинг сўзини әшитиб хўп кулипти, сўнгра, бу қарорнинг маъносини, активлар иштироки билан бўладиган очиқ партия мажлисининг вазифасини тушунтириб берипти.

Шундан кейин Канизак Сидиқжонни ўзига жуда яқин кўриб, ҳатто унга бир қадар суюниб қолди. Бу Канизакнинг унга қиладиган ҳар бир муомаласидан очиқ-ойдин кўриниб турса ҳам, Абдусамадқорини эътиборга олмаганда, бунга ҳеч ким аҳамият бермас әди. Дарҳақиқат Сидиқжон ҳамма вақт ва ҳар қандай шароитда ҳам унга ҳаддан ташқари, ҳатто баъзан хотин кишига малол келадиган даражада оқ кўнгиллик билан

муомала қилас, лекин бундай муомала қилганда бир марта хотин кишига ола қараб сизи куйганлиги кўнглиниг кўчасидан ҳам ўтмас эди. У, афтидан, ғаразлик мусомаланинг ҳар қандай лаззатлик иатижасидан ҳам кўра содда, қувноқ, ширин сўз, ёш, чиройлик бир жувоннинг шу хилдаги яқиналигини, ўри келганда қила-диган бирон меҳрибончилигини афзалроқ кўрар эди.

Шундай қилиб Сидиқжон, худди зўр баҳтга эришган ёки ўшаандай баҳтнинг бўсағасида тургандай, тери-сига сифмай, қулоғига ҳар бир товуш ёқимли әшитилиб, кўзига бутун олам ўн саккиз яшар қишлоқ қизининг юзидаи кўриниб, ёски ҳаётини өслагуси ҳам келмай юарар эди.

Мана шу кунларнинг бири, иш жуда қизғин бора-ётган бир вақтда звенога Ўрмонжон келди. У ерни айланниб ғўзаларни кўрди, қурт еган битта баргни узиб Зокир отага кўрсатди, кейин чопилган ғўзаларни кўздан кечирдию қорининг қўлидан кетмонни олди, солини тутга уриб синдириб ташлади-да, индамай нариги звенога ўтиб кетди. Нима ҳодиса рўй бергани Зокир ота бориб кетмонни қўлига олганда маълум бўлди: кетмон кичкина, пойтешадаккина келар эди. Зокир ота гоҳ кетмонга, гоҳ қорига қараб нима дейишини билмай туриб-туриб бирдан соқоли силкиниб, «ҳез, ҳезалак!» деди-да, кетмонни унинг оёғи остига кўтариб урди. Кимдир «пик» этиб қулди.

Анзират хола, унинг уйи, мусоғирчилик тўғрисида гапириб таъбини хира қилгани ва кейинчалик бу гапларнинг ҳаммаси ёлғон чиққанидан бери Сидиқжон қорини хушламас, унинг ҳар бир ҳаракати, бастига номуносиб ингичка товуши, мушукка ўхшаб юмшиқ қадам босиши, ҳамма вақт сохта табассум қилиб туриши, гапирганда одамнинг юзига әмас, кўкрагига ёки қорнига қараб гапириши, ҳатто ош ичганда косанинг устига әнгашиб, ҳали қошиқ яқин келмасдан оғзини катта очиши ҳам ғашига тегар эди.

Шу кун кечқурун даладан қайтишда қори Сидиқжонга ҳамроҳ бўлиб қолди. Хийла ергача жим боришди. Ниҳоят қори:

— Ўрмонжон ажамнинг жаҳллари хўп тез-да,— деди ва товуш чиқармай қорини силкитиб кулади,— раис-

нинг ўнг қўли бўлгандан кейин шу билиниб турмаса бўладими... Айниқса хотин важига келганда, ҳай-ҳай, худо ўз паноҳида сақласин! Битта-яримта одам хотинига, ё бўлмаса ўйнашига кўз олайтиро борми, ҳай-ҳай... ўзини тополмаса, эшагининг қорнига пичоқ уради!

Сидиқжон кулди.

— Урмонжон акамнинг ўйнаши борми?

— Энди, ука, иссиқ жон... бир томони ферма мудири... унинг ўрнида сиз бўлсангиз-у кўз олдингизда боши очиқ бир жувон қилпиллаб юрса... Э, содда экансиз, ука!

Сидиқжон тўғон йўлида Эиёдахонга тегишгани ёдига тушиб, нима дейишини билмади. Қори қийқириб унинг елкасига осилди.

— Содда экансиз, ука! Бундоқ иш сизу бизга ҳаром, буларга ҳалол!.. Майли, ош бўлсин... лекин яхши одам, худога қараб айтганда баҳоси йўқ одам! Баҳрободдаги уй-жойини, қавм-қариндошини, ёр-дўстини ташлаб келиб биз билан жафо чекиб ўтириптими, баракалла! Шундоқ бўлгандан кейин майли, хурсандчилигини қиласин. У-бу дейдиган одамнинг оғзига уриш керак. Ким нима деса мен ҳамма вақт оғзига ураман.

— Бирон гал борми ўзи? Ким экан у боши очиқ жувон?

Қори кафтини оғзига қўйиб, худди ағдарилган шишадай, кул-куллаб кулди.

— Гап ўлсин!.. Қўя беринг...

Қори бирдан ўзига жиддий тус бериб бошқа мавзуга ўтди, Бақақуруллоққа келинганда тўсатдан бурилдию Қўшчинорга қараб кетди.

Сидиқжон йўл бўйи ўйлаб кетди. «Урмонжон наҳот шундоқ бўлса... У хотин, у «боши очиқ» жувон ким бўлса экан?» Шу савол бошига келганда кўзига тўсатдан Канизак кўриниб, Сидиқжоннинг юраги ўйнаб кетди: «Бордию шу бўлса-чи?»

Сидиқжон кейинчалик ҳарчанд уринса ҳам бу тўғрида қоридан бошқа гап ололмади. Қори бу мавзуда гаплашишни ҳам хоҳламас әди. Канизак билан бир ҳовлида туриш кундан-кун Сидиқжоннинг кўнглига ғашлик сола бошлади.

Чиспиқ тугай деб қўлган кунлар әди. Сидиқжон Анзи-

рат холанинг уйида турмасликка қарор бериб, бошқа жой сўрагани бир куни кечқурун Бўтабойнинг уйига борди.

Сидиқжон келганида кўча эшиги олдида турган бир хотин четланиб унга йўл берди. Ҳсвлида яна икки хотин бор эди: бири — ўрта ёшлардаги чўтири хотин — тикка туриб Бўтабойга бир нима деяётган экан, Сидиқжонни кўриб гапдан тўхтади, иккинчиси ёшгина жувсн, ундан берида чўнқайиб ўтирар эди.

— Хўп, хўп,— деди Бўтабой Сидиқжонга айвондаги сўридан жой кўрсатиб,— хўп, қани ўтиринглар бўлмаса... Яна ким бор? Ҷақиринг.

Эшикдаги хотин ҳам кириб ёш жувоннинг ёнига чўнқайди. Бу йигирма икки ёшларда бўлиб, бир кўзи ғилай эди.

— Хўп, қани, қулогим сизларда,— деди Бўтабой.

Хотинлар бир-бирларига қарашибди. Ҳануз тикка турган чўтири хотин шошиб ҳалигиларнинг қаторига бориб ўтириди. Ҳеч ким гап бошламади.

— Хўш, гапиринглар,— деди Бўтабой.

Шу чақ Урмонжон келиб қолди.

— Гапирысан шуки,— деди чўтири хотин Урмонжонга кўз қирини ташлаб,— аввал боши әчки тўғрисида... Ориф ҳозир чорвага яхши қарайди. Урмонжон акам шуни ҳам ишга солдилар, одам қилдилар. Урмонжон акам ферма бўлгандаридан бери молларнинг ранг-рўйи кириб қслди. Маърашга дармони етмаган бузоқлар ҳозир одамга тутқич бермайди... Лекин әчкilarга ҳамма ҳайрон: иега Орифнинг әчкиси бир түққанда иккита туғар экану колхознинг әчкilarи нуқул биттадан туғар экан! Орифнинг әчкиси иккита туққани ёлғон! Битта туққан! Қолган биттаси колхозники!

Урмонжон ҳайрон бўлди: бу ҳақда бир марта гап бўлган, текширилган, бу даъво пуч чиқкан эди-ку, нега бу ҳақда яна гап қўзғалиптию бир әмас, бирданига уч киши даъвогар бўлиб келипти.

— Бу бир марта текширилган эди-ку, яна текширилсинми?— деди Бўтабой.

— Яна текширилсан!— деди чўтири хотин. Иккала жувон индамади. Урмонжон, буларнинг индамаганига ҳайрон бўлиб, сўради:

— Текширилсинми? Сизлар ҳам шу әчки тўғрисида келганимисизлар?

Чўтири хотин улардан бурун жавоб берди:

— Ҳа, ҳаммамиз ҳам аввал боши әчки тўғрисида, ундан кейин Канизак, Канизакхон тўғриларида келганимиз,— деди «хон» деганда бошини иргитиб.

Сидиқжон ялт әтиб бу хотинга, сўнгра Ўрмонжонга, ундан кейин иккала жувонга қаради. Иккала жувон, фат шундан гап очилишини кутиб турган әкан шекилли, бир-бирига навбат бермай бидирлаб кетди:

— Канизак звено бўлар әмиш...

— Бошқа одам қуриб қолиптими?!.

— Ӯзи нотайин бир келгинди бўлса...

— Қийшангламай ўлсин!..

— Шошманглар, шошманглар!— деди Бўтабой қўлини кўтариб.— Аввал әчкини бир ёқлик қиласайлик. Бошқатдан текширилсинми?

— Текширилсин!— деди чўтири хотин.

Иккала жувон яна бараварига жовраб кетди:

— Текширилсин!

— Әчки ҳам текширилсин, Канизак ҳам текширилсин.

— Аввал боши Канизак текширилсин! Худо кўтарсин...

— Текширилиб ундан кейин звено қилинсин!

Бўтабой гап асосан Канизак устида әканини фаҳмлаб:

— Ҳўп, әчки масаласи яна текширилади, гумёнларинг бўлса айтасизлар,— деди,— хўш, энди Канизак тўғрисида нима дейсизлар. Канизак звено бошлиғи бўлар әмиш деб сизларга ким айтди? Лекин навбат билан битта-битта гапиринглар.

— Биламиз,— деди уччала хотин бараварига.— У звеноликка ярамайди. У нимага звено бўлар экан! Вой!..

— Аввали шуки,— деди Бўтабой,— уни звено бошлиғи қилиш тўғрисида ҳеч қанаقا гап бўлгани йўқ. Лекин звено бошлиғи бўлса әплайди, арзайди! Мана, Сидиқжон айтсин. Зокир отадан сўранглар... Анзират хола билан қурт тутиб ҳар қутидан неча килограммдан пилла берди. Шу колхознинг нафими? Шунча қуртга баргни бошида ташиди! Бирон марта мендан от ёки әшак сўрагани йўқ. Шу ҳам колхознинг нафими? Шунчалиги билан янада дала ишида биринчи! Ӯзи йигначидаккина бўлса ҳам

қўтасга ўхшаган баъзи одамлардан иккитасининг ишини қилади. Пахтанинг тилини билиб олди. У ҳозир Зокир отанинг ўнг қўли! Колхозимиздаги ҳамма аёллар ҳам шунаقا бўлганда, эҳе...

Ҳамма жим қолди. Айчадан кейин гилай жувон ерга қараб мулоийимлик билан сўз бошлади:

— Бу гапларингиз тўғри, Бўтабой ака, Канизакнинг кўп ишларига одамнинг ҳаваси келади. Ўтган йили даромад олишда кўп әркаклар ундан уялиб қолганлиги ҳам рост. Ҳамманинг ҳаваси келди, лекин ёш, шўх! Айчагина шўх... ёш!

— Тўғри, ёш, шўх, бунинг устига босши очиқ,— деди Урмонжон,— лекин бузуқ эмас. Буни ўzlаринг ҳам биласизлар. Ким бузуқ деса бекор айттипи. Ота-онаси болалигида ўлиб кетган экан, асли шу ерлик экан. Намангандан ўсипти. Намангандан нима қилганини, қандай кунлар кўрганини билмайман, суриштириб кўрган эмасман. Ҳар қалай ёмон йўлга кириб кетган бўлса, бу ерга келмас эди, келганда ҳам меҳнатга, бу хилда меҳнат қилишга бўйни ёр бермас әди. Ота-онасининг арвоҳини паноҳ тортиб шу ерга келипти. Ҳаммамиэни ота-она, ака-ука, опасингил ўрнида кўриб шу ерда қолипти... Нима қилиш керак? Нотайинсан, кеча бузуқ эдинг ёки эртага бузилиб кетасан деб звеноликка йўл бермаслик, иложи бўлса, колхоздан ҳайдаш керакми? Кўчада битта занглаган мих тушиб ётган бўлса-ку, керак бўлади деб, дарров оламиз, занглаган бўлса ҳам чўнтағимизга соламиз, нега бутун бошлиқ одамни кўчага чиқариб ташлаймиз? Наинки бутун бошлиқ одамнинг қадри-киммати битта занглаган михча бўлмаса!

— Биз Канизак колхоздан ҳайдалсин деяётганимиз йўқ,— деди гилай жувон хийла бўшашиб,— айб ўзида: бизга ҳеч қўшилмайди, нуқул водокачкадаги рус хотинлар билан гаплашади. Биз қаёқдан билайлик...

— Нега сизларга қўшилмайди? Нега тил билмаса ҳам рус хотинларга қўшилади? Одам ҳам, ғўзага ўхшаб, офтобга интилади, лекин унинг офтоби — одамдан кўрадиган меҳроқибати. Одам одамдан баҳра олади. Канизак, тил билмаса ҳам, рус хотинларга интилса бундан маълум бўладики, ўшалардан меҳроқибат кўрар экан, баҳра олар экан.

Бирдан Бўтабойнинг жаҳли чиқиб кетди.

— Бунаقا ифво гапларни сизларга қайси унсур айтди.. Ким айтди? Эчкини баҳона қилиб бир ҳалол аёлни қоралагани келдиларингми? Ҳаммангни мажлисга соламан! «Ёш, шўх» эмиш! Қани әнди ҳамманг шунақа ёш, шунақа шўх бўлсанг! Боринглар, Үрмонжон акам айтган гапларнинг мағзини чақиб, хўп ўйлаб кўринглар. Одамнинг қадрига етиш керак, одамни қадрлаш керак! Үртоқ Ленин айтган бу гапни!

Аёллар жуда ноқулай аҳволда ва жуда ҳам қаттиҳ кижолатда қолишли. Үрмонжон буни билиб гапни чалгитди.

— Хўп, әнди асосий масалага келайлик, эчки масаласини яна текширамиз.

Булар кетгани қўзғалгандан Сидиқжон ҳам ўрнидан турди.

— Хўш, сен нега турдинг? — деди Бўтабой. Сидиқжон тўхтаб, аёлларга йўл берди. Аёллар чиқиб кетишиди.— Бирон иш билан келганимидинг?

— Үрмонжон ака, бу хотин тўғрисида бунаقا гаплар бўлса менинг ўша ерда туришим қандоқ бўлар экан? Мен-ку қўл узатмайман, лекин... иложи бўлса менга бошқа жой топиб берсангиз.

Үрмонжон кулади.

— Ҳа, қўрқиб кетгингми? Ҳалол бўлсанг хавотир қилма.

Сидиқжон Абдусамадқоридан әшитган гапини айтгани журъат қилолмади.

— Ҳар қалай яхши әмас...

— Нимаси яхши әмас,— деди Бўтабой бўғилиб,— чумчук пир өтса, юрагинг шир өтади. Қўй бу гапни! Болтабой билан Рўзимат сени соғинишишти, каналга боргин.

— Бораман,— деди Сидиқжон,— ўзим ҳам шуни айтмоқчи әдим.

Сидиқжон чиқиб кетди.

Шу-шу бўлдию, Сидиқжон Канизакдан ўзини мумкин қадар олиб қочишга, ишдан ва ишга у билан бирга кетмасликка, гаплашмасликка, гаплашганда ҳам қовоғини очмасликка ҳаракат қилди.

МТС ёзи билан ҳар хил бостирмалар, бинолар солди. Шу бинокорликларда ва МТСнинг ўзида ишлагани ҳар ёқдан турли-туман одамлар келди. Бу одамларнинг кўпчилиги то ишга кириб уй-жой топгунича Қурбон отанинг қизил чойхонасида турар, ундан кейин ҳам эрталабу кечқурун топган-тутганини кўтариб чой ичгани шу ерга келар эди. Бу йил ёз қизил чойхона умуман гавжум бўлди.

Қурбон отанинг қўли-қўлига тегмас эди. У ёрдамчи сўраб икки марта директорга ариза берди. Директор бақувват, абжир бир йигитни ёрдамчи қилиб берган эди, бу йигит бир ой ишлар-ишламас тракторчиликка ўқигани кетиб қолди. Шундай қилиб Қурбон ота онасининг қабрини зиёрат қилгани Капсанчилар қишлоғига май байрамида келганича бошқа келолмаган эди. Бу йил куз яхши келиб чойхона октябрнинг охирида ётди. Катталарнинг буйруғига кўра, чойхона октябрь байрамигача янги солинган қишки бинога кўчиб кириши ва байрамга очилиши керак эди. Бироқ янги қишки бинонинг ички пардоузандозлари битмади. Чойхона байрамдан кейин очиладиган бўлиб қолди. Қурбон ота мана шу пайтдан фойдаланиб онасининг қабрини зиёрат қилиб келадиган бўлди.

Қурбон ота Капсанчиларга жўнагани тайёрлик кўраётганида Фиёсиддин маҳсум келиб қолди. У отага қарашибган бўлди, сўнгра, Капсанчилар қишлоғини мақтаб, кўпдан бери ўша ерга бориш орзусида юрганлигини айтди.

Фиёсиддин маҳсум шу Бешсерка қишлоғининг руҳонийларидан бўлиб, бундан икки-уч йил бурун Садалик мачитда сўфилик қиласр эди. Намозхон йилдан-йилга камайиб, мачит ўз-ўзидан ёпилиб қолгандан кейин махсум ўликлар «хизматига» ўтди ва баъзан битта-яримтага ром очиш билан тириклар «хизматини» ҳам қилиб юрас эди. Қурбон ота у билан ўтган йили танишган. Маҳсум Қурбон отанинг бедом-дарак йўқолган жияни тўғрисида ўзининг тахминларини, ўша урушда ўлган ёки жонини олиб қочган одамлар ҳақида билган ва эшитганларини айтиб берди, кейинчалик, Қурбон отанинг илтимосига кўра, у ёқ-бу ёққа дарак ҳам солди. Мана шундан кейин икки

срода муносабат пайдо бўлиб, маҳсум самоварга баъзан келиб турадиган бўлиб қолди. Қурбон ота унинг суҳбатини хушламаса ҳам одамнинг юзи иссиқ — ҳамсафар бўлиш тўғрисидаги сазасини ўлдиролмади.

Иккови кечки пайт йўлга чиқди. Улар қош қорайганда Капсанчиларга етиб келишиди. Маҳсум, ўзи айтишича, эски қадрдан ошнаси Абдусамадқориникига қўнди; Қурбон отанинг мўлжали эса кечани Ўрмонжонникида ўткашиб, эртаси кечга қолмай қайтиш эди.

Қурбон ста кечки пайт қайтмоқчи бўлганда Ўрмонжон «Эрта байрамни шу ерда ўтказинг, эртага каналимиз очилади, тўғон бошида катта сайил бўлади, томоша қилиб кетасиз» деди ва қари-қартангларни олиб кетадиган машинага солиб юборишни ваъда қилди. Бу таклиф Қурбон отага маъқул тушди, бундан ташқари Сидиқжонни кўриши лозим бўлгани учун бу кеча ҳам қолишига қарор берди. Сидиқжон тўғон бошнiga кетган экан.

Каналнинг очилиш маросими байрам куни соат тўртга белгиланган эди.

Эртасига қиём вақтигача жимжит бўлган Қўғазор қиёмдан кейин жиснана бошлади. Кўчалаода, майдонларда, тепаликларда одамлар пайдо бўлди. Ёш-яланг елиб-югуар, ҳайқирав, болалар у ёқдан-бу ёққа чопар, шовқин солар ва лунжларини шишириб қамиш сурнай чалишар, бир тўп қариялар майдоннинг кираверишида офтобшувоқда ўтиришиб, афтидан, автомобиль кутишар эди. Ҳадемай экинзор ва тўқайларни оралаб ўтган сўқмоқ ва арава йўлларидан қатнов бошланди. Қурбон ота ўша қариялар тўпига томон тушиб бораётганда Бақақуруллоқ томондан каттакон оқ әшак миниб келаётган Ўрмонжон кўринди. Уни қариялар ўраб олишди. Қурбон ста етиб келганда Ўрмонжон қарияларга йўл ёмон бўлгани учун автомобиль бу ерга келолмаганини, буларни кўприк бошида кутиб турганини, у ергача олиб бориши учун ҳозир арава келишини айтди. Шу ерда турган маҳсум унинг сўзига чандон қулоқ солмай, әшакнинг бўйнидан ушлаб силтаб, найдай диккайиб турган узун қулоғини негадир қайириб кўрди-да, «Азизларнинг хизматини қилган жонивор» деб сағрисига шаппалаб қўйди. Қурбон ота шундан билдики, әшак маҳсумга жуда-жуда ёқди, шу әшакни миниб боришга кўнгли суст кетди. Ўрмонжон

ҳам унинг эшакда боргиси келаётганиши билиб нўхтани қўлига тутқазди. Маҳсум эшакни дўнгликнинг олдига етаклаб келди-да, бир ирғиб миниб, Қурбон отани имлади. Қурбон ота кулиб унинг орқасига мингашти.

Жўнашди.

Эшак, устида икки қиши борлигини писанд қилмай, гоҳ йўргалар, гоҳ йўртар, маҳсум узун сеёқларини саланглатиб, қоматини тик тутиб бораар эди. Қурбон ота бу жойлар тўғрисида билган, эшитган ва кўрганларини сўзлаб берди: водожачкалардан бирининг ва водожачкалар конторасининг харобасини, князнинг қизларини кечкурунлари отлиқ саёҳат қилдирган жойларини; коляска тиқилиб ўзи майиб бўлган чуқурликни, князъ ўзининг қизлари ва ўн саккиз ити билан ёзлаб кетадиган боғини ва Абдуваққос эшоннинг боғини кўрсатди. Бу боғлар Қўшчинорнинг чиқаверишида эди. Эшон боғининг йўл томонини хийлагина катта гиштин иморатнинг харобаси энлаб ёттипти. Харобанинг атрофини, устини янтоқ, қуроқ, шўра, ажриқ, какра босиб кетган, унинг ўнг томонидаги каттакон ҳовузнинг ичини ва бўйларини қуриб қолган супурги, сассиқ капа, тўзғоқ мия қоплаган. Бу харобани кўриб Қурбон отанинг кўз олдига Фармонқул ва ўшанга ўхшаган дунёга надомат билан келиб, захмат чекиб, ҳасрат билан ўтган кишилар келди, бу хароба назарига ўшандай кишиларни қон-қора қақшатган аждаҳонинг емирилган уясидай кўринди.

Кўприкнинг нариги ёридаги чорраҳада турган юккаш машинанинг атрофини ёш-қари, әркак-аёл юз чоқли қиши ўраб олган. Ғовур. Хотинлардан кимдир шоферга «жон ука, мен машинага ҳеч тушган эмасман, ҳеч бўлмаса Қақиргача олиб бор» деб ялинар, йўғон бир товуш қарияларга жой бермай ўтириб олган Абдуҳолиқ деган бир кишини сўкар эди. Шофер машинага чиқмоқчи бўлгіб тармашган әркак-аёллардан сочи, соқоли оқарғанларнигина қўлидан тортиб машинага чиқарар, бошқаларнинг эса дўп-писини, рўмолини бошидан олиб узоққа улоқтириб ташлар ади. Машина ҳадемай тўлди, гулдиради, қарс-қурс қилдию, орқасидан одамларга кўк тутуни пуллаб жўнади. Унинг ён ва орқа бортларига осилган ёш-яланг бири ўзини ташлаб, бири йиқилиб қолди; битта-иккитасини машинада ўтирганлар тортиб олишди. Қолган халойиқ ав-

томобиль тўзитиб кетган чанг йўлдан ҳайқириб, бир-бирини чақириб пиёда йўлга тушди. Қўриқни оралаб ўтгани илон-билинг йўлдан гизиллаб, кетида чанг қолдириб бораётган автомобиль ҳадемай уфқда кўздан фойиб бўлди.

Машинага сифмай қолган чоллар унинг қайтиб келишини кутиб йўл бўйига, кампирлар эса нарироқдаги тупроқ тепанинг устига чиқиб ўтиришди. Маҳсум эшакни кўприкнинг панжарасига боғлаб олдига ўт юлиб солди ва ўша ерда, афтидан, таниш чиқиб қолган бир одам билан гаплаша кетди. Қурбон ота чолларнинг олдига келиб бир чеккада ўтириди. Чоллар машина тўғон бошига неча пиёла чой ичилгунча бориб келиши, бир кўтаришда неча туюк кўтара олиши, унинг чироғи баландроқ жойга ўрнатилса неча маҳаллани ёритиши ҳақида сўзлашар, мунозара қилишар эди.

Бу орада йўловчилар тобора кўпайди. Оқтовуқ томондан келган бир гурӯҳ ўсмирлар, йигитлар ҳайқириб-қичқириб, бир-бирини қувалашиб, ўйнашиб ўтиб кетди. Буларнинг кетидан ҳўқиз қўшилган аравада бир талай болалар қий-чув қилиб ўтди. Ундан кейин бир трактор тариллаганича иккита бричкани тортиб ўтди. Ҳар иккала бричкада ҳам тўла хотин-халаж, ҳамма чапак чалиб ашула айтар, олдинги бричкада ўрта ёшлардаги семиз бир хстин ўтирган ерида ўйинга тушар эди. У кампирларнинг рўпарасига келганда чўккалаб, икки қўлини биқининга қўйиб муқом қилди, чолларнинг рўпарасига келганида эса қўлларини —«соябон» қилиб қошини «ажувоз-ажувоз» қилди. Қийқириқ кулги кўтариlldи. Чоллардан кимдир «дўст, кам бўлма!» деб қичқирди. Капсанчилар томондан бир арава қиз-жувон чилдирма чалиб ёр-ёр айтиб ўтиши. Булар ва будардан кейин от, әшак, ҳўқиз қўшилган араваларда, пиёда ўтиб кетган ва ўтиб бораётган сон-саноқсиз ёш-қари әркак-аёлларни кўриб Қурбон ота бедом-дарак йўқолиб кетган жиянини әслади: «Ушанда неча яшар эди. Боши омон бўлса ҳозир йигирма бир йигирма иккига кирди. Қаерда экан? Нима қилиб юрипти экан? Дурустроқ одамга тушдими ё етимлик, гариблик бахтини қора қилдими? Агар онасига тортган бўлса, ўшандай қирқ йигитга бош бўладиган аёл чиқсан бўлса бу замонда, әлликбошиносив, князсиш замонда

қандоқ бўлди экан? Бу замонда унинг онаси қандоқ бўлар әди экан? Фармонқул-чи...» Қурбон отанинг кўзига Фармонқул кўриниб кетди. У ҳали Қўғазорда арава кутмай пиёда йўлга чиқсан қариялар орасидан чиқиб йўлнинг четидан илжайиб келаётгандай бўлди. Унинг бошида ўша, гули кўринмай кетган қора дўппи, устида ўша яктак, сёқ яланг... Қурбон ота, худди Фармонқул ростдан ҳам шу қариялар орасидан чиқиб қолиши мумкин бўлгандай, бўйини чўзиб қаради. Бу чоқ маҳсум унинг қулоғи остида пишиллаб, хириллаб: «Ё алҳазар! Ё девонаи Баҳоваддин! Ё Ғавсулаъзам! Ҳали аравада ўйнаб ўтган аёлни кўрдингизми?» деди. Қурбон ота шундай дарғазаб бўлдики, ўзини тутолмай: «Қўйинг, тақсир! Қўйинг, ўйнасин, кулсин!» деб ўрнидан туриб кетди.

Қўғазордан пиёда йўлга чиқсан қариялардан кейин арава кутганлар ҳам етиб келишди. Бир оздан кейин автомобиль гувуллаганича қайтиб келди ва аста бурилдида, гийт этиб тўхтади. Унинг кетидан эргашган чанг буралиб елиб юқорига кўтарилди. Уни кутиб турганлар, ўтиб бораётган йўловчилар чангда энтишиб, бир-бирини итариб яна автомобилга ёпирилди. Яна шовқицсурон кўтарилди, шоферга ялиниш-ёлвориш бошланди. Маҳсум биронвинг елкасини ушлаб, биронвинг оёғини босиб олдинга ўтди ва қулайроқ жойга ўрнашиб олганидан кейин ўтирган ерида бор товуши билан Қурбон отани чақирди. Еши хийлагина ўтиб қолган бир кампир ўзидан ҳам қарироқ чолига «Юрганда мендан бехабар қолманг» деб қайта-қайта тайнинлар әди. Автомобиль қўзғалганда бир ғовур кўтарилию кейин жимлик чўкди. Машина гоҳ тезлаб ва гоҳ секинлаб, чайқалиб, фижирлаб, кўтариб-кўтариб ташлаб, мўр-малаҳдай ўрмалаб кетаётган пиёда йўловчиларни ва ўнг-сўлга бурилиб шофернинг гашига тегаётган араваларни пўшт-пўштлаб гудок бериб борар; йўлнинг икки четига тизилган йўловчилар уни қийқириб кузатишар, болалар чангда кўзга гоҳ кўриниб, гоҳ кўринмай унинг кетидан югуришар әди.

Иргайзорлар, қўриқлар орқада қолиб бепоён яйловга чиқилгач, олдинда тикка туриб кетаётганлардан бирин узоқ уфқни кўрсатиб «Ху ана тўғон боши» деди. Уфқда

бир неча жойдан сқиши тутун күтарилиб күм-күк осмонга аста-секин тарқалмоқда әди. Яна бироз юрилгандан кейин узоқда, сап-сариқ адр әтагида оппосө бўлиб узала тушиб ётган дарё, сўнgra, сарғимтил кулранг саҳро юзини ва ундаги паст-баланд дўнгликлар устини тутиб кетган одамлар, онда-сонда ўргимчакдай ўрмалаб юрган аравалар кўринди.

Машина сайргоҳга кириб борди ва дудулаганича одамларни, отлари чиқарилиб қўйилган қатор-қатор араваларни оралаб дарё томонга йўналди. Аравалардаги четанлардан, ялпиз, мия, похоллар орасидан кечки қовун, тарвуз, хазанаклар кўриниб туар; қопларда, катта-кичик халталарда, сават ва қажаваларда ўрик, жийда, маъиз, беҳи, узум, ёнғоқ, тутмайиз, нок, олма, қовунқоқи, баргак, бодом ва бошқа нову неъматлар очилиб-сочилиб ётилти. Фовурда автомобилнинг гудоги аранг эши билар әди. Қаердадир чилдирма гижбангламоқда, бир томонда майда ва шўх, иккинчи томонда кишининг қалбии тирнайдиган катта ашула бўлмоқда. Аллақаерда кимдир баланд овоз билан гапирмоқдаю одамлар гур-гур кулмоқда. Ора-сра «кеңқолинг!», «емаган армонда, еган дармонда», «стангга раҳмат!» алланиманинг «сараси бу!» деган товушлар эши билар әди. Машина дарёдан анча беридаги паст-баланд тепаликлар олдида тўхтади. Бу тепаликларнинг устига, ёнбағрига солинган кигиз, шолча, бўйра ва бошқа полосларда одамлар тиқилишиб ўтирад, абжир йигитлар югуриб-елиб чой, даста-даста нон, патнусларда мева-чева, бошқа нарсалар ташир әди.

Қарияларни икки жувон ва бир норгул йигит кутиб олишди. Кампирларни ёнбағирда ғуж бўлиб ўтирган аёллар тўпига, чолларни юқорига бошлаб чиқишли. Юқорида ўн-ўн беш чоқли мўйсафид бу ердан яққол кўриниб турган сайргоҳни томоша қилиб чақ-чақлашиб ўтирад әди. Махсум бир чеккадаги бўш жойга чўкка тушиб Қурбон отанинг әтагидан торти. Шу чоқ ёнбағирдан кимнингдир баланд қувнисқ товуши эши билди:

— Ассалому алайкўм, Қурбон ота! Салом, ота-хон!

Қурбон ота бурилиб қараб ёнбағирдан кийикдай сакраб чиқиб келаётган Сидиқжон ва унинг кетидан кулиб қараб турган Ўрмонжонни кўрди. Ўрмонжон Қурбон

отага қараб бир нима деб ишора қилди, афтидан: «унинг суюнганини қаранг» деди ю тушаб кетди. Сидиқжон дарҳақиқат, худди отаси тирилиб келгандай, ниҳоят хурсанд бўлиб қучогини ёзаб келар эди. У кела солиб Қурбон отани даст кўтарди, икки айлантириб ерга қўйди, ҳол-аҳвол сўради, яна қучоқлади.

— Баракалла, ўғлим, баракалла,— деди Қурбон ота кулиб.— Ўрмонжон ҳар боргандা сўрайман... Юринти, вақти чоғ дейди... Кеча йўқлаган әдим, бу ёқда экансиз. Хўп ўйнаб-кулиб юрибсизми?

— Шукур, отахон, шукур...

Боя қарияларни кутиб олган норгул йигит чой, бир патнусда ион, қовунқоқи, бир қийиқчада ошқовоқ сомса келтириб қўйди.

Сидиқжон мана шу канал ишида биринчи кун ва ундан кейин қандоқ ишлаганини, кимлардан қандоқ меҳру оқибат кўрганини, «райкомимиз ўртоқ Аҳмедов» қандоқ одам эканини сўзлаб берди. Қурбон ота ёш боладай қувончдан энтикиб гапираётган Сидиқжоннинг сўзларига жуда хурсанд бўлиб қулоқ солар эди.

— Айтмадимми,— деди Қурбон ота кулиб,— оппоқ соқолим билан ёлғон гапираманми! Ўрмонжон ўшанда бизнинг колхозда иш кўпу ош оз, ҳали-бери янги этик киялмайсан деганда бу гаплардан чўчиманг демадимми! Бу замонда меҳнат қиласидиган киши хор бўлмайди, албатта, лекин ҳар гиёҳнинг ўзи севган тупроғи бор.

— Буниси тўғри, отахон, лекин Ўрмонжон акам у гапларни мени синаб кўриш учун айтмаган әканлар. Ростдан ҳам иш кўп әкан.

— Дамлаб қўйилган ош ҳеч қаерда ҳам йўқ. Сабр қиласанг гўрадан ҳалво битар...

— Биламан, мен нолиётганим йўқ, отахон, нолимайман. Бу ерда ҳеч ким ҳам нолимайди. Нолийдиганлар нолимасдан бурунроқ колхозни ташлаб жўнаб қолган әкан.

— Қаттиқчиликнинг қирқи кетиб бири қолгандир энди?

— Ҳа, отахон, қирқи кетиб бири қолган, лекин бирағайи қолган. Йигим-теримни олганимиздан кейин баҳоргача икки юз йигирма гектар янги ер очишимиш кепрак.

- Қанча? — деди Қурбон ота ҳайрон бўлиб.
- Икки юз йигирма гектар.
- Икки юз йигирма танобдир?
- Йўқ, отахон, гектар. Бу ерларнинг кўпи тўқай.
Қиши билан арракашлик қилиб, тўнка қавладиган бўлиб турибмиз.
- Бу бир гапдир? Шунча ер, яна бунинг кўпи тўқай бўлса... Йўғ-е, маҳовотдир... Бўладиган иш әмас. Айниқса тўқайнин бузиб ер қилиш...

— Йўқ, отахон, яқинда райкомимиз ўртоқ Аҳмедов ўша очиладиган кўриқларни, бузиладиган тўқайларни айланиб кўриб, план қилиб районда мажлисга солиптилар. У қиши план қилган иш бўлмай қолмайди. Бўлмайдиган ишни мажлисга солмайдилар. Лекин қийинчилик тортамиз, бусиз бўлмайди. Ўрмонжон акам шундоқ дейдилар.

Сидиқжон бутун саҳрони тутиб кетган, тепаликларда, канал ва дарё бўйларида, қизил темир дарвозаси офтобда чўғдай ёлқинланиб турган тўғон бошида юрган одамларга қараб жим қолди. Тўғон бошидаги тепаликдан бирдан дўм-дўм әтган товуш эшитилдию тўрт карнайнинг оғзи баравар осмонга кўтарилиди. Тўрт карнайчи, гавдаларини орқага ташлаб, қоринларини чиқариб бараварига чалишди. Тўрт кағнайнинг «ваҳа, ваҳа, ваҳу-ваҳа» деган товуши бошқа ҳамма товушларни босиб, қулоқларни қоматга келтира бошлади. Бунинг орасидан узилиб-узилиб эшитилаётган сурнай товуши эчкининг маърашига ўхшар әди. Қурбон ота ҳамон жияни, Фармонқул тўғрисида ўйлаб сукутга кетди.

Бир чойнак чой кўтариб Ўрмонжон келди. Унинг келганини на Сидиқжон пайқади ва на Қурбон ота.

— Ҳа, нимага қараб қолдинг? — деди Ўрмонжон Сидиқжоннинг ёнига ўтириб, — отани зериктириб қўйибсан-ку.

Сидиқжон ўрнидан туриб уни тўрга таклиф қилди.

— Зерикканлари йўқ, Ўрмонжон ака, гаплашиб ўтирибмиз. Отамга қишида қиласидиган ишимизни айтиб бердим.

— Шу аниқ гапми, ўғлим? — деди Қурбон ота, — икки юз йигирма гектар, яна бунинг кўпи тўқай бўлса.. Жуда қийин бўлар?

— Ҳа, секинроқ айтасизми,— деди Ўрмонжон ва Сидиқжонга имо қилиб кўз қисди.— Бу йил қиш колхоз яна эланадиган бўлиб турипти. Шу әлакдан Сидиқжониниз тушиб кетмаса деб қўрқаман.

— Энди катта бўлиб қолганмиз, Ўрмонжон ака,— деди Сидиқжон керилиб.— Элагингиз йиртилиб кетса ҳам тушиб кетмаймиз. Дамба вақтида кетиб қолганлар ҳам атрофимизда айланиб, ҳид олиб юрган әмиш-ку.

— Ким әкан?— деди Ўрмонжон қизиқиб.

— Рўзиматнинг тогаси.

— Ҳўш?

— Келиб Рўзиматнида уч кун турипти. Нуқул колхозни суршитиар әмиш. Рўзимат боплапти...

Ўрмонжон пастга қараб, йигитлар даврасида тарвуз еб ўтирган Рўзиматни чақирди. Рўзимат югуриб чиқди.

— Лаббай, Ўрмонжон ака,— деди ва Қурбон ота билан икки букилиб сўрашди.— Айёмлари мубсрак!

Қурбон ота қаттиқ хижолат торти: бу каналнинг очилиши булар учун ҳақиқатан катта байрам әди-ку, нечук бу байрам билан на Ўрмонжонни қутладиу на Сидиқжонни?

— Ўтир,— деди Ўрмонжон.— Тоганг келиб кетиптими?

Рўзимат Сидиқжонга бир қараб қўйди.

— Ҳа...

— Нима дейди?

— Э, Ўрмонжон ака, нима дер әди. Нуқул колхозни суршитиради: нима бўлди, қанақа... Каналнинг дарагини әшигитти. Буғдойкорликлар әнди пахтага айлантирилса керак дейди. Жуда ғашим келиб кетди.

— Нима иш қилар әкан?

— Сўрамадим.

— Нима дединг?

— Нима дер әдим... Э, тога, пахта қаёқда, заб кетиб олган экансиз-да, мана әнди біз кетолмай ўтирибмиз дедим... Афтимга қараб бақрайиб турипти... Канал қазиған әдик, сув чиқмади, әнди дарёга тўғон солмоқчи бўлиб турибмиз. Дарёга оқиб ўлсам мендан рози бўлинг дедим.

— Чакки қилибсан, бор гапни айтиб, қолинг дейиш керак әди.

Рўзиматнинг рангги ўзгарди, кўзларида ҳамиша ўйнаб турдиган табассум ифодаси тўсатдан йўқолди. Сидиқжон уни ҳеч қачон бундай қиёфада кўрмаган, шундай қиёфага киришини хаёлига ҳам келтирмаган эди.

Рўзимат икки-уч оғиз ростлаганидан кейин ниҳоят, жуда ўзгарган бир товуш билан:

— Нега, нега қолинг дер эканман? — деди.

— Йиқитган полвон йиқилганни кўтариб қўяди, — деди Ўрмонжон Қурбон отага кўз қисиб.

— Менинг тоғам бўлгани учун, менинг кўнглим учун шундай деяётпизми? У ҳали тоғам экан-ку, отам тирилиб келмайдими! Мен қаҳратон қишда оёғимга пўстак боғлаб, атала ичиб тупроқ орқалаганман. Шундай вақтда колхозни ташлаб кетса у кўтарадиган тупроқ ҳам менинг елкамга тушишини билмасмиди? Билар эди! Номардлик қилди, Ўрмонжон ака, ҳажи қиззик қилди! Полвон йиқилганни кўтариб қўяди дейсиз, у мен билан бел ушлashingib йиқилгани йўқ.

Ўрмонжон унинг сўзларига қўшилмаганини, фақат ранжитмаслик учунгина унга қарши бирон нарса демагани кўриниб турар эди.

— Билмаган-да, ўғлим тушунмаган, — деди Қурбон ота, — бу ишларнинг охири баҳайр бўлишига кўзи етмаган.

— Нимани билмапти, нимани тушунмапти? Сидиқжон акам келгандарида ҳам биз ҳалво еб, пашибамизни қўриб ўтирган эдик. Бу киши нега дарров била қолди, бу киши нега дарров тушуна қолди?

Самоварчи дастурхон ёзиб, каттакон сопол товоқда ош келтириб қўйди. Рўзимат иргиб туриб сопол обдастадан ҳамманинг қўлига сув қўйди.

Овқатдан кейин Ўрмонжон устма-уст икки пиёла чой ичдию, Сидиқжонга меҳмонларни томоша қилдиришни тайинлаб, тушиб кетди.

Маҳсум, ошни кўп еб қўйиб, «лоҳас бўлиб кетаётиман» деб томошага бормади.

Сидиқжонлар пастга тушиб сал юрар-юрмас халойиқ гувиллаб тўғон бошига томон оқа бошлади. Ҳадемай бутун тепаликлар, оралиқлар бўшади. Орқаларига от боғланган қатор-қатор аравалар, катта-кичик буталар, пайхон бўлган янтсқлар, қораварақалар очилиб қолди. Минг-

лаб халойиқ тўрт карнай бараварига ваҳа-ҳалаб турган тўғон бошига интилар, тиқилишар, итар-итар, сур-сур билан каналнинг оқимига томон силжиб борар эди. Рўзимат йўқолиб қолди, Қурбон отани авайлаб Сидиқжон олга интилмади, шунинг учун иккови орқада қолиб кетди. Булар турган жойдан тўғоннинг қизил дарвозаси устида турган бир гуруҳ одамни тусмол билангина таниш мумкин эди. Сидиқжон буларнинг ичида ўзининг йўғон гавдаси, новча бўйи билан таниқлик бўлган ижроия комитетнинг раиси Мавлонбековни таниди. У дарвозанинг ўнг томонига тикка ўрнатилган узун ёғочнинг одам бўйи келадиган ерида пир-пираб турган қизиа байроқнинг ёнида каналнинг оқимига қараб турар эди. Карнай товуши тинди. Шу билан бирга бутун халойиқ ҳам жим бўлди. Қаердадир от кишинади. Даشت шабадаси дам-бадам пуфлаб қулоқларда гувуллар эди.

Мавлонбеков тўғснинг ўртасига келиб бир лаҳза қотиб турди-да, бошини хиёл силкиди, шунинг кетидан «ўртоқлар!» деган товуш зўрга етиб келди. Раис ўн ми-нутча нутқ сўзлади. Бир неча марта қаттиқ қарсак, ҳай-қириқ кўтарилди. Раис қаттиқ олқиши ва ура садолари остида салгина энгашиб, олдидан ўтган қизил лентани кесиб юборди. Лентанинг бир учи юқорига кўтарилди, пир-пиради, икки-уч айланди-да, кўздан фойиб бўлди. Бу онда бояги ёғочдан байроқ шувиллаганича юқорига кўта-рилди-да, ёғочнинг учига етгач яна ҳам кенгроқ ёзилиб қаттиқ пирпиради. Яна ҳам кучлироқ олқиши ва ура садолари янгради. Шу пайт тўғоннинг устига колхозчилардан бир неча киши югуриб чиқди. Булардан бири бошқалардан эпчиллик қилиб бир сакрашда тўғоннинг парраги олдига келди-да, унинг қабзасидан ушлаб шитоб билан бурай кетди. Сидиқжон уни таниб қичқириб юборди:

— Ие, Рўзимат-ку! Оббо ҳумпарей, маза қилди!

Рўзимат дарвозани катта очиб, дарҳақиқат маза қил-гандай, қўлинин орқасига қилиб керилиб турар эди.

Раис қўлинин баланд кўтарди. Бир лаҳза чўйкан жим-лика унинг товуши эштилди:

— Оналар, оталар, опа-сингиллар, акалар-укалар, ҳорманглар! Ҳорманглар энди!

Унга бир неча минг товуш бараварига жавоб қайтарди:

— Бор бўлинг! Саломат бўлинг!

— Раҳбарларимизга минг раҳмат!

Талай вақтгача бутун саҳро гуриллаб турди!

Бир мунча вақтдан кейин тўғоннинг тепаси бўшаб қолди. Унинг икки томонида тўрттадан саккизта чилдирма «така тум-так, така-тум-так» деб бараварига мақом бошлади. Икки томондан учтадан олтида оқ кийинган қиз чилдирма мақомига оёқ уриб, кифт қоқиб чиқди. Шу билан область ва район театрларининг бирлашган кучи томонидан бериладиган концерт бошланиб кетди. Буларга колхозчи ҳаваскор ашулачилар, ўйинчилар, қизиқчилар, ичқоят тарафма-тараф асқиячилар қўшилиб концерт қоронғу тушгунча давом этди.

Қеронғу тушгандан кейин олти жойга қунжара ёқилди. Ёшу қари, эркак-аёл аралаш-қуралаш бўлиб олти даврага бўлинди. Бир ярим одам бўйи келадиган сепсяларга ўрнатилиб ёқилган қунжараларнинг сарғимтил-қизғич алангаси шабадада бир томонга салгина қийшайиб гурира, буларнинг ёруғи бир-бирига қўшилиб, ҳамма ёқ ёриган эди.

Ўрмонжон Қурбон ота билан Сидиқжонни созандалар ялла қилаётган даврадан топди. Иккови олдинги қаторда ўтиар, Сидиқжон дамба-дам тиззасига уриб «дўст!» ёки «кам бўлма!» деб қўяр эди. Ўрмонжон бориб Қурбон отанинг ёнига чўкка тушди. Қурбон ота ёш боладай талпинар, ўзи кўрган томошаларни негадир ўрмонжон кўрмаган гумон қилиб, нуқул унга таърифлар, қайта-қайта мақтар эди.

Созандалар бир тўхтаб уфор чалишди. Давранинг бир чеккасидан беқасам тўн кийиб устидан кўк қарга шоҳи белбоғ боғлаган, чуст нусха дўпписини чеккасига қўйиб узун ва йўғон кокилларининг бирини олдига, иккеничисини орқасига ташлаган бир жувон чиқиб қулочини ёздида, гавдасини бир оз слдинга ташлаб, соз мақомига бoshини хиёл-хиёл чайқаб, давра бўйлаб йўргалай кетди. Жувон даврани уч айланганидан кейин ўзи сингари кийинган бир йигитни тортди. Йигит новча, соқоли елпуғичга ўҳшаган бир кишини тортди. Бу одам аввал уятчан қизларга тақлидан ноз қилиб, кейин ҳалиги беқасам тўн кийинган жувонга тақлидан ўйинга тушиб ҳаммани куадирди; сўнгра Мавлонбековнинг олдига бориб муқом қилиб туриб олди. Қийқириқ бўлиб кетди. Раис дэрров ўрнидан

турди, бир қўлини орқасига қўйиб, иккинчи қўлини боши уэра камалак қилиб икки-уч елка қоқди-да, шундай йўғон гавдали бўлишига қарамасдан, беданадай йўргала-ди. Аста-секин бошланган чапак тобора авж олиб соз овозини босиб кетди. Раис шавқ-завқ билан ўйнаб даврани бир неча марта кезиб чиққач пилдираб бир айлан-дию, беҳосдан Ўрмонжонга ташланди. Ўрмонжон ундан гўжирилик қилиб ўзини орқага, одамларнинг ичига олди. Раиснинг қўлига Қурбон ота тушиб қолди. Қурбон ота ўрнидан турди, қўлини кўксига қўйиб бир нималар деди, майиб сёғини кўрсатди. Раис уни даст кўтариб қўйди. Қурбон ота бир лаҳза гангиди. У ловиллаб ёнаётган аланга ва қаршисида муқом қилиб турган раисдан бошқа ҳеч нарсани, ҳеч кимни кўрмас, қулоғига ҳеч қандай товуш кирмас эди.

У икки қўлини икки томонга чўэди, майиб сёғини соз мақомида аста-аста ерга уриб, умрида биринчи марта ўйинга тушди...

Ўйин-кулги яrim кечагача давом этди.

Одамлар тарқала бослади. Онда-сонда аравалар рижирлаб «пўшт-пўшт» деган товушлар, қичқириқлар эшитилди.

Кунжара ёқилган сепоялар тахтага ўрнатилган экан, слотовини ҳам аста кўтариб бориб каналга оқизишиди. Алангалаар тебраниб-қалқиб каналнинг икки томонини ёритиб оқиб кетди. Унинг кетидан сон-саноқсиз одамлар әргашди.

Ўрмонжон Қурбон отани арава олдига бошлаб келди. Маҳсум аллақаҷон аравага чиқиб олган, қўнишиб, дилдираб ўтирас әди. Аравада ундан бошқа яна икки киши бор әди, Қурбон отадан кейин яна тўрт киши чиқди. Отни Сидиқжон минди. Жўнар олдида Ўрмонжон Сидиқжоннинг қулоғига «Меҳмонларни бизникига олиб бор, мен орқаларингдан етиб бораман» деди.

Саҳро аста-секин бўшади. Узсқ адрининг орқасидан кўтарилган каттакон ойнинг дастлабки шуъласи тўғоннинг тепасида пирпириб турган байроққа тушди. Арава жўна-ди. Олдинда оқиб бораётган кунжараларнинг алангаси гоҳ кўриниб, гоҳ кўздан ғойиб бўлиб теварак-атрофга ёрду сочиб борар әди. Булар кўприкдан ўтишда ажойиб

манзарани кўришди: каналдан бояги олтита машъаладан бошқа яна сон-саноқсиз кичик машъаллачалар, чироқлар оқиб келар эди.

— Бу болаларнинг иши,— деди кимдир.

Бу чироқлар билан бирга канал бўйлаб қувноқ ғовур, қаҳ-қаҳа, ашула оқиб келар эди.

Ўрмонжон қўшни колхозлардан келган меҳмонларни кузатиш билан бўлиб, уйига хийла кеч келди. Ў келганда Қурбон ота ёрнида ёнбошлаб ётар, маҳсум ухлаб қолган эди. Сидикжон янгитта чиқиб кетипти.

— Отахон, дейман, ўйинга уста экансиз-ку,— деди Ўрмонжон кулиб.

Қурбон ота чуқур хўрсинди.

— Шуни айтгин, ўғлим, ўйинга уста эканман... Бир менми? Капсанчиларингни кўрдингми? Шу одамлар ҳам ўйин-кулгини билар экан, шу одамларга ҳам ўйин-кулги ярашар экан-ку!

— Бу одамлар жуда кўп нарсани билади, буларга жуда-жуда кўп нарсалар ярашади, отахон! Булар хориштолишин билмайдио, буларга камбағаллик, мана бунаقا уйлар, бунақа қишлоқ ярашмайди холос. Буларга ярашадиган уйларни, булар боп қишлоқни кўрсатайми?

Ўрмонжон токчага суюб қўйилган бир ўрам қофоз ичидан бир тахтасини олиб Қурбон отанинг олдига ўйди. Бу янги Капсанчилар қишлоғининг плани эди. Қурбон ота план деган нарсани умрида кўрмагани учун қоғоздаги турли шакл ва рангдаги катта-кичик доғларга, ҳар хил чизиқ ва аломатларга мароқ билан тикилса ҳам, кўз олдига ҳеч нарса келмади. Ўрмонжон қоғознинг ўртасидаги яшил-чипор доирага йўғон кўрсатгич бармоғини қўйди. Бу яшил-чипор доира қишлоқнинг ўртасида бўладиган беш ярим гектарлик маданият ва истироҳат боғи бўлиб, бугун очилган канал унинг ўртасидан кесиб ўтар эди. Боғнинг юқориги ва пастки палласидан ҳар томонга тортилган қизил чизиқлар қишлоқ кўчалари бўлиб, булар туташган доирада боққа қаратиб иморатлар солинар экан: мактаб, кино-театр, клуб, ҳаммом, магазин, меҳмонхона, радиоузел, коммутатор, қироатхона, кутубхона, колхоз идораси... Ўрмонжон Қурбон отага бўлажак қишлоқ кўчаларидан бирининг суратини кўрсатди. Яшил уфқа туташган тўппа-тўғри ва ниҳоятда озода тош йўл.

Унинг икки томонидаги ариқлар бўйига экилган ёш дарахтлар орасидан боғча оралатиб солинган бир хилдаги оппоқ иморатлар кўриниб турипти.

— Шу қишлоқни кўриш менга ҳам насиб бўлармикин,— деди Қурбон ота суратга узоқ тикилиб,— шу қишлоқни кўрсам, мана шу кўчалардан бирига қоровул бўлиб сув сепсан беармон кетар эдим. Афсус, минг афсуски, дунёга жуда әрта келган эканман... Жуда-жуда әрта кетаман. Бу ерлар ўн йилдан кейин, йигирма, ўттиз, әллик йилдан кейин қандоқ бўлса экан? А, ўғлим, әллик йилдан кейин қандоқ бўлади?

Ўрмонжон қулди.

— Ўн, йигирма йилдан кейин қандоқ бўлишини биламиз, бу ўзимизга, бизнинг дидимизга, орзумизга боғлиқ. Лекин әллик йилдан кейин қандоқ бўлишини билмаймиз, чунки бу мана шу уйларда туғиладиган, шу қишлоқда ўсадиган болаларнинг дидига, орзусига боғлиқ. Буларнинг дидини, орзусини ўлчагани бизнинг газимиз эскилиқ қилади. Капсанчилар бир вақтлар шундай азим дарё бўйида осмондан тушадиган томчига кўз тутиб ўтиришар эди, каналга сув қўйганимиздан кейин бу кулгили бир ҳол бўлиб қолди. Шундоқ эмасми? Кулги! Куламиз! Бу қишлоқда туғилиб ўсадиган болалар бир вақти келиб әҳтимол бизнинг кўп ишларимиздан кулишар. Кулишади, бунга шубҳа йўқ, отахон! Мана, мен сизга бир нарсанни айтиб берай. Қишлоқнинг планини, кўчаларини, уйларини кўрдингиз. Мана бу кўча ҳозирги гўристоннинг бир чеккасидан ўтади. Шундай кўчанинг бўйида, шундай уйлар, шундай чарвоғларнинг ёнида гўристон бўлиши тўғрими? Албатта нотўғри. Лекин ҳозир шу гўристонни бошқа ёққа кўчирамиз дессангиз сочини юлиб дод соладиган хотинлар топилади. Хотинларгина эмас, әркаклар ҳам топилади. Ўн йил олдинроқقا ўтиб қаралса шу кулгими, йўқми? Менга қолса ҳозир ҳам кулги. Нима дедингиз?

Қурбон ота, соқолини остидан бармоги билан тез-тез тарап экан, ўйланиб қолди-да, анчадан кейин кулемсираб:

— Ҳа, әркаклардан ҳам... топилиб қолар,— деди.

— Албатта топилади,— деди Ўрмонжон ҳам кулемсираб,— ҳамма Қурбон отага ўхшаган эмас. Баъзи одам-

лар бунақа масалада бизнинг гапимиздан кўра битта-яримта руҳонийнинг гапига кўпроқ қулоқ солади.

Қурбон ота қизариб кетди.

— Майли, ўғлим, шу ишни ўзим бошлаб бераман,— деди кулиб.— Мен ҳеч кимнинг гапига қулоқ солмайман. Қачон керак бўлсам айт, югуриб келаман.

Бу нарса ҳозир зарур эмас әкан шекилли, Ўрмонжон бошқа мавзуга кўчди:

— Шундай қишлоқни кўрсам деган орзунгиз яхши, лекин шу қишлоқни бунёдга келтиришда қатнашсангиз ундан ҳам яхшироқ бўлар эди.

— Жон дер эдим, лекин,— деди Қурбон ота ўнг қўлини кўрсатиб,— бу карахт қўлдан нима иш келади?

— Топган бир даста гул, топмаган бир бор пиёз... Келаман десангиз шу қўлга ҳам иш топилади. Келасизми?

— Келаман!

Қурбон ота тонг қоронғусида маҳсумни уйғотди. Йўлга чиқишиди. Сидиқжон уларни канал бўйигача кузатиб қўйди. Канал кўпригидан Бақақуруллоқнинг юқори-сидаги бўлажак қишлоқнинг маркази — тўқайдан қад кўтариб чиқсан икки қаватлик бино оқаришиб кўриниб турар эди. Қурбон ота унга қараб қолганини кўриб Сидиқжон:

— Мактаб,— деди.

— Мактаб!— деди Қурбон ота ҳам беихтиёр,— мактаб!

Сидиқжон хайрлашиб кетди.

Қурбон ота хийла ергача хаёл суриб кетди. Янги қишлоқ, унинг кўчалари, уйлари, одамлари унинг кўз олдидан ўтар эди.

— Қурбонбой,— деди маҳсум,— бомдод намози қазо бўлди-да. Яхши бўлмади.

— Капсанчиларда мачит йўқ,— деди Қурбон ота.

— Сабаб?

— Сабабки намоз ўқийдиган одам йўқ.

Маҳсум чақонроқ юриб унинг олдига ўтди.

— Мачит бўлса намозхон бўлади-да.

Қурбон отанинг аччиғи келди.

— Ажаб бетамиз одамнинг гапини гапирасиз, маҳсум!

Одамларни мачит намозхон қилганми, намозхон одамлар мачит солганми?

Маҳсум чўчиган товуқдай бўйини чўзиб, юмалоқ кўзларини катта очиб секинлади ва орқада қолди.

Қурбон ота икки қўлини белига қўйиб, битта-битта қадам ташлаб борар, унинг кўз олдидан янги қишлоқ манзараси кетмас әди.

8

Сидиқжон кўкрагини сандалга бериб хат машқ қилас, Канизак унинг рўпарасида китоб ўқиб ўтирас әди. Деворга орқасини бериб дарчадан ташқарига, тушиб келаётган қорни тили билан олмоқчи бўлиб у ёқдан-бу ёққа югуриб юрган Ҳошимжонга қараб ўтирган Анзират хола ҳўплаган чойини ютмасдан пиқ әтиб кулиб юборган әди, бурнида пуфак ёрилди. Буни ҳеч ким пайқамаган бўлса ҳам кампир қаттиқ хижолат тортди ва шошиб-пишиб бурнини артар экан:

— Бўлди-да, Сидиқжон, болам...— деди.

Канизак Сидиқжонга кўз қирини ташлаб кулумсиради.

— Кўйинг, хола, алақситманг, дарсларини қилсинлар. Сидиқжон акам бугун мажлисдан ўтадилар. Битта-яримта одам дарсдан сўраб қолса... Ҳеч ким сўрамаса ҳам Ўрмонжон акам сўрайдилар.

— Ҳа-я, бугун мажлисдан ўтасан... майли, ёз, каттакатта ёз... Майли, гапирмайман. Ма, бир пиёла чой ичиб ол. Айтдим-а, уч кундан бери хатдан бош кўтармай қўйди деб... Ёз, ёз, болам... Мажлисдан қўрқиш керак эмас, ҳаммамиз ҳам мажлисдан ўтганмиз. Сени ҳамма билади, бирпасда ўтасан кетасан. Бўлди, гапирмайман, ёза бер... Сенга ким тўсқинлик қилас? Бир-икки оғиз гап сўрашар...

Сидиқжон кулиб қаламини давотга суюб қўйди.

— Мен мажлисдан ўтишимга бирор тўсқинлик қилишидан, бирор гап сўрашию жавоб беролмай гаранг бўлиб қолишимдан илгари, бундан беш-олти ой бурун қўрқар әдим. Ҳозир мен ҳеч нарсадан чўчимайман. Мажлисдан ўтказишмаса хафа ҳам бўлмайман, сабабки, колхозга

аъзо бўлиш — колхозга хўжайин бўлиш деган гап. Мен нима қилибманки, колхозни опичлаб катта қилган одамлар қатори «Қўшчинор»нинг хўжайини бўламан? Ҳали эрта... Башарти мажлисдан ўтказишса бўйнимга катта қарз тушади, бу қарзни узиш учун кўп тер тўкишим керак бўлади. Ўтказишмаса, ҳали аъзоликка муносиб эмассан дейишса ўша терни муносиб бўлиш учун тўкаман. Гапимни йўқотиб қўйишидан ҳеч чўчимайман. Мен адашсам ўнглайдиган одам кўп, ҳамма ўнглайди.

— Юрагинг сал увишгандай бўлганига айтәтибманда, болам.

— Юрагим увишаётганлиги рост, лекин бир нимадан қўрққанимдан, чўчиганимдан эмас.

— Бўлмаса нимадан?

— Нимадан әканлигини айтольмайман, тилимнинг учида турганга ўхшайдио лекин айтольмайман,— деди Сидиқжон ва бирпас жим қолганидан кейин Канизакка қараб давом этди:— шу ёшимгача бирон киши менинг афтиимга қараган эмас, бирон киши менинг номимни тилга олган ё бўлмаса менинг тўғримда бирпасгина ўйлаган эмас. Бирон киши, ҳаттоқи, бир ёстиққа бош қўйган хотиним ҳам мендан кимсан, дунёга нима деб келгансан, нима қилиб юрибсан, нима қилмоқчисан, ҳандай орзу-армонларинг бўр деб сўрагани, шу ҳам одам-ку деб гапимга қулоқ солгани йўқ. Ўйлаб қарасам орзу-армонларим бўлмаган әкан ҳам. Мана энди, ҳали бир эмас, ўн эмас, юздан ортиқ киши менинг юзимга қарайди; кимсан, нима қилиб юрибсан, муродинг нима дейди! Шунча одам менинг номимни тилга олади, менинг тўғримда ўйлаб юрган гапини гапиради, мени гапга солади, кулмасдан, мени калака қилмасдан, мени ўзига тенг кўриб гапимга қулоқ солади... Мана шуни ўйласам аллақандай бўлиб кетаман, юрагим увишади. Йўқ, буни юрагим увишади деб бўлмайди, бунинг бошқа оти бўлса керак... Мен бу срга келганимда қорним тўқ, устим бутун, чўнтагимда беш-ўн танга беминнат харжим бўлишини кўзлаган әдим, кейинчалик булардан ҳам каттароқ менга, айниқса менга булардан ҳам зарурроқ нарса чиқиб қолди. Бунинг слудида янги тўну чўнтакдаги бир тутам шалдироқ қоғоз жуда майда, жуда ҳам арзимас бир орзу бўлиб қолди. Мени мажлисдан ўтказишадими, ўтказишмайдими гап

бунда әмас, гап шундаки, шунча одамга, бутун бошлиқ бир мажлисга масала бўлиб турибман.

Анзират хола, унинг сўзига унча қулоқ солмаган бўлса керак, оғзини катта очиб әснади, инқиллаб ўрнидан турар экан:

— Майли, болам, майли, ҳар нима бўлса ҳам мажлисдан ўтасан,— деди ва Ҳошимжонни тергагани ташқариға чиқди.

Сидиқжон, Анзират хола гапга тушумаганидан шикоят қилгандай Канизакка қаради. Канизак китобни ёпиб чуқур хўрсинди.

— Шунаقا, Сидиқжон ака, одам ўзини-ўзи танимай қоладиган вақт ҳам бўлар экан.

— Лаббай?— деди Сидиқжон.

— Бу ерга келганимда менинг ҳам ҳеч нарсадан умидим, ҳеч қанақа орзу-армоним йўқ эди. Бир кун келиб мен ҳам мана шунаقا, худди сизга ўхшаб, ўзимни танимай қолган әдим.

Сидиқжон қувониб кетди.

— Мана, мана шу! Мана шуни айтмоқчи әдим! Тилимнинг учида турган нарса шу эди! Мен сизга эскидан қолган бир әртакни айтиб берай. Худо бутун жониворларни яратиб бўлиб ҳар қайсисига умр улашадиган бўлипти. Умр олгани ҳаммадан бурун ит борипти. «Ҳўш, сизга қанча умр берсак бўлади, қирқ йил етадими?» депти худо. Ит ўйлаб, туриб: «Бу қирқ йилни нима қилиб ўтказаман?» депти; Худо: «Одамларнинг эшигига юрасан, суяқ ташласа ейсан» депти. Худо шундоқ деган экан, ит: «ундоқ бўлса менга йигирма йил бас» депти. Худо унга йигирма йил бериб, қолган йигирма йилини ҳалтасига солиб қўйипти. Ундан кейин эшак борипти. «Сизга қанча, умр керак, қирқ йил етадими?» депти худо. Эшак: «Бу қирқ йилни нима қилиб ўтказаман?» деган экан, худо: «одамлар устингга юк ортади, ўзи ҳам минади, ҳалачўп тиқади» депти. Эшак ҳам умрнинг йигирма йилини олиб, қолган йигирма йилини қайтариб берипти. Булардан кейин одам борипти. «Ҳўш, сизга қанча умр керак, қирқ йил етадими?» депти худо. «Қирқ йилни нима қилиб ўтказаман?»,— «Хотин оласан, майшат қидасан, бутун дунё сеники» депти худо. Одам шошиб қолипти: «Ундоқ бўлса,— депти,— бизга саксон йил умр бера-

сан, саксон йилдан ками кам!» Ҳудо кўништи, лекин яна қирқ ўйлини ёнидан бермаптию ҳали ит билан эшакдан қолган йигирма йилдан қирқ йил умрни қўшиб берипти. Шунинг учун одам аввал бошлаб қирқ йил ўз умрини, ундан кейин қирқ йил ит билан эшакнинг умрини кўтарар əкан. Ўйлаб қарасам мен умрни ит билан эшакнинг умридан бошлаган əканман: аввал бирорларнинг эшигига юриб улар ташлайдиган суюкка зор бўлганман, ундан кейин бирорларнинг юкини, ўзини кўтарғанман. Энди бу ёғида ўз умрим бошланди, ўз умримни, одам умрини кўраман.

Канизак өзгә қилиб қулади.

— Мажлисда гап сўрашса худди шу гапни айтинг, Сидиқжон ака! Айтасизми?

— Айтаман.

— Айтсангиэ ҳўп кулги бўлар əди. Мондалаб айтолмайсиз. Одам шошиб қолади.

— Шошиб қолмайман.

— Шошасиз.

— Ҳеч!

— Қани, қанақа қилиб бошлайсиз?

— Қанақа қилиб бошлар əдим? Ўрнимдан тураман, мана...— Сидиқжон ўрнидан турди.— Мана шундоқ туриб: «Ўртоқлар» дейман...

Шу пайт одамларни мажлисга чақираётган жарчининг товуши эшитилди.

Сидиқжон беихтиёр дарров ўтириди.

9

Мажлис қишлоқнинг планига мувофиқ маданият ва истироҳат боғининг ўртасига — канал бўйига солинган қизил чойхонанинг қишлоқ биносида бўлиши керак əди. Бинонинг ички пардози ҳали унча битмагани, ундан ҳам кўра ҳали бузилмаган тўқай ичида бўлиб, одамлар кечалари бу томонга ўтгани бўридан қўрқани учун чойхона ҳали бу ерга кўчмаган, бино ҳозирча клуб вазифасини ўтаб туар əди.

Уч маҳалладан чиққан одамлар Бақақуруллоқнинг юқорисига — булдуруқдан оппоқ оқариб ётган тўқайга томон оқа бошлади. Ерни юмшатиб баҳорда тўқайнни бузиш мақсадида қайта-қайта қўйилган сув энди ерга сингмай музлаб қолган.

Сидиқжон билан Канизак келганда залга одам тўлган, лекин президиум столи атрофида ҳеч ким йўқ әди. Қаердадир чақалоқ ингаламоқда. Шу яқин ўртада чилим қуриллади. Кимдир Канизакни чақирди. Канизак ўтирган одамларни оралаб нариги томонга ўтиб кетди. У кетгандан кейин Сидиқжон шу ернинг ўзида чўкка тушди. Бу ерда Болтабой, Зокир ота, Абдусамадқори ва яна уч-тўрт аёл бир тўп бўлиб ўтиришар әди. Кимдир Сидиқжонни туртди. Сидиқжон орқасига қараб, Тўлаган акани кўрди. У тикандай қаттиқ соқолини Сидиқжоннинг юзиға ишқаб: «Ошна, бугун икковимизнинг тўйимиз эканда» деб пичирлади. Сидиқжон унинг гапига яхши тушунмаган бўлса ҳам бош иргитиб илжайиб қўйди.

Президиумга правление аъзолари чиқди. Булар ўзаронима тўғридадир сўзлашиб олгандан кейин мажлисни Иброҳимов очди ва кун тартибини өзлон қилди. Биринчи масала давлатдан олинган узоқ муддатлик қарздан фойдаланиш ва колхознинг келаси йилги хўжалик ва қурилиш плани ҳақида Бўтабойнинг доклади, навбатдаги масала правлениенинг қарорини тасдиқлаш әди. Иброҳимов яна қандай таклифлар борлигини сўраган әди, олдинда ўтирган Зокир ота ўрнидан туриб: «Кун тартибига мактаб масаласи ҳам киритилсан» деди. Бу таклифни кўпчилик қувватлагани учун овозга қўйилмасдан кун тартибига иккинчи масала қилиб ёзилди.

Биринчи масала юзасидан Бўтабой акага сўз берилди. У, Сидиқжоннинг назарида, сўзни чўэмаслик ва тезроқ правлениенинг қарорини тасдиқлаш масаласига ўтиш учун гапни ўртасидан бошлади: ҳатто одатдагича «ўртоқлар» ҳам демасдан, тўғридан-тўғри: «Биз бу хўжалик йи-лида колхозимизни каттакон бақувват пахтакор колхозга айлантиришимиз, ўзимиз каламуш инидан ёруғ дунёга қадам қўйишимиз керак» деди-да, бу икки вазифани бажариш юзасидан правление тузган планни батафсил сўзлаб берди. Бу колхоз бўйича тузилган беш йиллик планнинг биринчи йили плани бўлиб, правление бутун эътиборни пахта майдонини кенгайтиришга, бинокорлик, биринчи навбатда хўжаликка кераклик бинокорлик ишини яна ҳам ривожлантиришга, механизация ва агротехникага суюниб пахтанинг таннархини камайтиришга берган әди.

Сидиқжон бунга диққат билан қулоқ солиб ўтирган бўлса ҳам одамлар тез-тез чапак чалганда «сўзи тамом бўлди, энди бошқа масалага ўтилади» деган ваҳм билан қулоғига гап кирмас эди. Бўтабой сўзининг охирида келаси йилги хўжалик плани ҳар бир колхозчининг зиммасига қандай ва қанча оғир меҳнат юклашини айтиб колхозчиларни яна ҳам фидокорона меҳнат қилишга чақирганда, мажлис аҳли гулдурос олқиши билан бу чақириққа ўзининг тайёр эканлигини билдириди.

Докладдан кейин қизғин музокара бошланиб кетди. Музокараға чиққан одамларнинг ҳаммаси правлениенинг тадбирларини маъқуллаб гапирди. Бу масала юзасидан қарор қабул қилингандан кейин иккинчи масалага ўтилди.

Зокир ота ўрнидан туриб гап бошламоқчи бўлган эди, Үрмонжон уни минбарга таклиф қилди. Зокир ота минбарга чиқди.

— Яхшилар! Мен боя музокараға чиқиб правление ва унинг раиси Бўтабойнинг ишларидаги камчиликларни танқид қилганимда мактаб масаласини ҳам қистириб ўтсам бўлар эди, лекин бу масала алоҳида қўйилганлиги учун қистирмадим. Правление хўжалик, қурилиш ишларига берилиб кетиб мактабга унча қарамай қўйди; қарайди, қараётитпи, шундай чиройлик, райондаги мактаб бинолари билан бўй ўлчашадиган мактаб биноси солдик, лекин бу билан иш битмайди. Чинни товоқ яхши, лекин қазиси билан бўлса яна яхшироқ бўлади. Раҳматилла Обидий домлаликка ярамаслиги кўп ўртоқларга маълум бўлса керак.

Ўрмонжон луқма солди:

— Нима жиҳатдан ярамайди, илми етмайдими?

Зокир ота нима дейишини билмай бир оз туриб қолгач давом әтди:

— Илми болаларни ўқитишига етса етар, лекин катталарни ўқитишига етмайди. Тўғри, Иброҳимов келгандан бери Раҳматилла домла катталарни ўқитмайдиган бўлди, фақат болаларни ўқитади, лекин катталарни ўқитишига ярамайдиган одам болаларни ўқитишига ярайдими, йўқми? Шундоқ экан, нима учун шу чоққача бирон чора кўрилмайди? Мен мажлисдан талаб қиласар эдим: бу масала тўғрисида тегишли қарор чиқарип район маорифидан бошқа муаллим сўралсин.

Зокир ота минбардан тушиб кетмоқчи бўлган эди,
Ўрмонжон сўз қотди:

— Шундай фикрга келишингизга нима сабаб бўлди? Нималар сабаб бўлди?

Зокир ота тўхтади.

— Мен бу ерда ўз фикримзи айтаётибман...

Пастдан Ўрмонжоннинг саволини маъқуллаган то-
вушлар эшитилди. Иброҳимов ғовурни босиш учун қўн-
гироқ чалиб ўрнидан турди.

— Бунга шубҳа йўқ, Зокир ота,— деди у,— далили-
нгизни айтинг демоқчи Ўрмонжон акам.

Зокир ота қайтиб минбарнинг олдига борди, дўппи-
сини бошидан олиб унинг устига қўйди-да, бошининг
орқасини силаб ўйланиб қолди.

— Уdda қила олсангиз сўзга чиқинг-да! — деди ол-
динги бурчакда ўтирган кимдир.

— Раҳматилла областдан юборилган, осонми...— де-
ди яна кимдир заҳарханда қилиб.

— Областдан юборилган бўлса нима! — деди Зокир
ота бирдан бошини кўтариб,— Мен сизга айтсан катта
кўрмаганин кичик кўради, кичик кўрмаганин катта кўра-
ди, иккаласи биргалашиб қараса ҳеч нарса кўздан қоч-
майди дейди халқ.. Раҳматилла домла катталарни ўқита
олмаса, болаларни ҳам ўқитаолмайди демоқчи бўлдим.
Сабаб? Сабабки менга бирон нотўғри гапни айтсаю бу
гапнинг тўғрилигига гумонсирасам бошқалардан сурин-
тириб тўғрисини билиб оламан. Мана, Ўрмонжон бор,
Рауфжон бор... Лекин ўша нотўғри гап болага айтилса ни-
ма бўлади? Бола домланинг гапига ишонади, суринтири-
ди... Энди гапирсам гапира қолай. Мен чоршанба куни кам-
пирим билан уришиб қолдим. Аввали уриш бўлмасин,
уриш бўлгандан кейин тил ўлгуронинг сяяги йўқ. Биттани
у айтди, биттани мен айтдим. Бундан Раҳматилла домла
хабардор бўлиб орага тушдилар, яратириб қўйдилар.
Бунисига қуллиқ, нимага десангиз, уришишга уришиб
қўйиб, икковимиз ҳам яратгани баҳона тополмай турган
эдик. Шундан кейин у киши мени ҳужраларига олиб
кирдилар. Гаплашиб ўтирик. Шунда домла «Хотинлар-
га озодлик бериш яхши-ку, лекин мана шуниси ёмон-да»
деб қолдилар. Бу гап менга унча ўтирмади, нимага деса-
нгиз, кампирим озодликка чиққани учун мен билан уриш-

гани йўқ. Хотинлар озодликка чиқмаган вақтда әри билан уришмабдими? Домланинг катталарни ўқитишига илми етмаганингига биринчи далил қилиб шуни кўрсатаман. Эҳтимол бу нарса илмга кирмас, лекин одамлар катта илмлардан бебаҳра қолган қишлоқ жойда мана шунаقا нарсалар ҳам илмга кириши керак. Ундан кейин гап озодлик тўғрисида кетди. Озодлик ўзи нима? Бу киши озодлик тўғрисида ҳам ғалати гаплар гапирдилар. Бу гапларни әшитганимда дарров бригадам кўз олдимга келди. Агар бригада аъзолари шу кишининг гапларини әшитса-ю шунга амал қиласа нима бўлар әди? Хоҳласа ишга чиқади, хоҳламаса чиқмайди; хоҳласа кетмон чопади, хоҳламаса бозорга бориб балиқ сотади... Бу қанақа озодлик бўлди? Йўқ, оғзида илми бўлса ҳам бу одам озодлик нима эканини билмас экан. Лекин бу тўғрида у кишидан ўпқаламадим, сабабки, озодлик нима эканини озодликдан маҳрум бўлган одам билади. Катакда семириб ётган товуқ учининг фойда-зиёнини қаёқдан билсин? Биз князъ, эшон ва бойлар замонида әзилиб, янчилиб юрган вақтларимида домла эҳтимол катакда семириб ётган бўлса.

Қийқириқ кулги кўтарилди. Зокир ота минбардан шошмай тушди, бориб жойига ўтириди. Иброҳимов ўрнидан туриб қўл ишораси билан ғовурни босди; «Яна ким гапиради?» деган әди бир неча киши баравар қўл кўтарди. Олдинда ўтирган Рӯзимат минбарга чиқди.

— Масала равшан... Зокир отам «Нима учун шу чоққача бирон чора кўрилмади?» дедилар. Бу саволга аввал боши Бўтабой акам жавоб беришлари керак. Эҳтимол, бунинг сабаби кўпdir. Агар беадабгарчилик бўлмаса шу сабаблардан биттасини айтиб бермоқчиман. Станциядан фанер олиб келаётган әдим. Қоронгу тушган, ой энди чиқиб келаётган әди. Кўприкдан ўтганимда «ҳай-ҳай-ҳай, ой ҳеч бир колхозда бундай чиройлик чиқмайди» деган товушни әшишиб қолдим. Қарасам Раҳматилла домла. Аравага чиқариб олдим, «Домла, ой бошқа колхозларда бунақа чиройлик чиқмайдими?» дедим. Шундоқ десам, «чиқади, қачонки Бўтабойдай раис бўлса» деб жавоб бердилар. Бўтабой акам тўғрисида орқаворатдан шундоқ деб юрган одам бу кишининг ўзларига нималар дер әкан? Лаганбардор одамлар бўлади, лекин бунақа лаганбардорни энди кўришим!..

Ҳамма гуриллаб кулди. Бўтабой, қип-қизарганича илжайиб бош чайқар әди. Кулги босилмасдан Рўзимат давом әтди:

— Зокир отам тўғри айтдилар, ҳақиқатан бизни мактабдагина эмас, чойхонада, кўчада, далада, ҳамма ерда ўқитишга илми етадиган муаллим керак. Масалан, мана, ўртоқ Иброҳимовни олайлик. Бу киши ўзлари ҳосилот, касблари агроном, кечки мактабда муаллимлик ҳам қиласидилар. Бу киши бизга ҳар томондан устод бўлиб қолдилар. Ой куядими, фашистлар ўз уясига ўзи ўт қўйиб, ўзи дод соладими — нима ҳодиса бўлса бизга тушунтириб берадилар. Ўртоқ Иброҳимовнинг уйлари ҳам бир мактаб бўлиб қолди. Деҳқончилик бундай катта илм экан, бу илмнинг қўлидан шунча иш келар экан, партия, ҳукуматимиз мамлакатни бундоқ йўлдан олиб бораётган экан... Қани энди қишлоғимизда шунаقا муаллимдан иккита бўлса! Мен Зокир отанинг таклифига қўшиламан... Шу билан бирга яна бир нарсани айтмоқчиман. Зокир ота нуқул «илми етмайди» дедилар. Йўқ, отахон, домла бу гапларни илми камлигидан айтган эмасдир. Илмда ҳам илм бор. Эҳтимол, унинг илми шунаقا илмдир. Мана, ўртоқ Иброҳимов бир дарсда айтиб берган әдилар: ўртоқ Лениндай донишманд одамга қарши чиққан одамлар бўлган экан. Ушалар илми камлигидан қарши чиқишиптими? Мен Зокир отанинг бошқа муаллим сўраш тўғрисидаги фикрига қўшилиш билан бирга Раҳматилла домлани текшириш керак деб таклиф қиласман.

Рўзимат сўзини тамом қилас-қилмас Абдусамадқори иргиб ўрнидан турди ва сўз берилишини ҳам кутмасдан минбарга чиқди.

— Бу масала жуда тўғри ва ўз вақтида қўйилди. Бу тўғрида раисимизни танқид қилиш бир томондан тўғри бўлса, иккинчи томондан тўғри эмас. Биз, раисимиз айтмоқчи, энди эсини таниган боладаймиз: кўп нарсага қизиқамиз, кўп нарсани билгимиз келади... Раҳматилла домладан куйганларнинг бири ўзимман. Сабаб? Мен бир оз әскича ўқиганман, янгичага ҳали машқим роса бўлган эмас. Раисимиз Бўтабой aka мени ўз вақтида қаттиқ танқид қилиб кўзимни очганларидан кейин... Бўтабой акага чин кўнгилдан ташаккур билдираман... Бўтабой aka кў-

зимни очганларидан кейин янгичасига ҳам машқимни роса қилиш мақсадида астойидил ўқидим. Дарсга ҳам қаноат қилмай домлага яқин бўлдим, уйига қатнадим, уйимга чақирдим... Лекин домладан етарлик баҳра өлдимми? Етарлик баҳра олганим йўқ. Тўғри, Зокир ота айтмоқчи, ҳақиқатан илми кам, камгина әмас, йўқ ҳисоби. Иккинчи томондан эрта қариган. Лекин гап бунда әмас. Рўзимат айтмоқчи, гап бошқа ерда бўлиши ҳам мумкин. Мен Ўрмонжон акамдан, Бўтабой акамдан, қолаверса бутун правлениедан талаб қиласр әдим, бу ишга, бу масалага жиддийрақ қараб тегишли чора кўришлари керак. Мен бу ерда Зокир отани танқид қилмоқчи әдим, лекин, ўйлаб қарасам, танқидни ўзимдан бошлашим керак экан. Нима учун? Чунки Раҳматилла озодлик тўғрисида гапирган гапини менга ҳам гапирган әди. Мендан ўтган хатолик шу бўлдики, бу гапни дарров раҳбарларимизга етказиб, чора кўрилишини талаб қилмадим. Бундай жиноятко-rona бепарволик қилишимга нима сабаб бўлди? Ўзимнинг гўллигим, бефаҳмлигим сабаб бўлди! Домла бу гапни менга айтганида дарров унинг ёқасидан ушлагундай бўлибман. Ана шу чакки бўлган экан. Шундан кейин дома-ла нима қилди? Ҳазилга ўтди: «Э, қори, қирқ тўққиз йилдан бери бирон оғиз бамаъни гап гапирган әмасман—аввалари ёш әдим, кейин бирданига қариб қолдим» деди. Мен кулиб қўя қолибман. Менинг ўрнимда бошқа одам бўлса, албатта, кулиб қўя қолмас әди. Хўп, мени-ку ҳазил билан чалғитипти, Зокир отага нима жин урган әди? Уни ҳазил ёки бошқа бирон нарса билан чалғитмаган экан-ку! Нима учун Зокир ота бу гапни дарров раҳбарларимизга маълум қилмапти? Нима учун мажлис бўлишини кутиб юрипти? Ҳудди шу гапни Рўзимат тўғрисида ҳам айтиш мумкин. Лекин бу билан мен Зокир ота билан Рўзиматни қоралаб ўзимни оқламоқчи әмасман. Шулар қатори мен ҳам гуноҳкорман. Ўзини билган одам бу гуноҳни катта жиноят деб баҳолайди. Шу билан бирга мен Раҳматилла Обидийни бетўхтов ҳайдаш керак деб таклиф қи-ламан.

Қори жойига ўтирди. Иброҳимов яна ким сўзга чиқмоқчи эканини сўраган әди, ҳечким қўл кўтармади. Ундан-бундан: «Ҳайдалсин! Бошқа таклиф йўқ!» деган товушлар эшитилди.

Бу ҳақда бошқа фикр бўлмагани учун маорифдан бошига муаллим сўрашга қарор қилинди.

Иброҳимов навбатдаги масалага ўтиб, бу тўғрида сўзни правление секретари Зиёдахонга берар экан, Сидиқжонга қараб кулемсираб қўйди. Сидиқжоннинг юраги жиг этиб кетди: «Наҳот балхтут остида бўлган ўша гапни шу мажлисга асраб юрган бўлса...»

Зиёдахон Тўлаган Сулаймонов билан Сидиқжон Соҳибжоновларни колхозга олиш тўғрисида правленинг қарорини ўқиб берди.

Тўлаган деворнинг остидан юриб бориб Бўтабойниг рўпарасида тўхтади.

— Энди, Бўтабой, ўзингдан ўтар гап йўқ... Ўтган гапга салавот...

Бўтабой мўйловини икки бармоги билан силаб кулемсиради.

— Қайси гапга?

— Нима қиласан эсимга солиб? Колхозга кирмайман деб мен хато қилган эканман, товуқдай қийқиллатиб олиб кираман деб сен ҳам хато қилган экансан...

— Менга нега гапирасан, ҳалойиққа гапир!

Тўлаган aka ҳалойиққа юзланди.

— У вақтда от, сигир... тушунмаслик оёғимга кишан бўлган экан... Ўзларингдан ўтар гап йўқ... Ҳеч ким ишга чиқ деган бўлмаса ҳам каналда ишладим. Мана, Үрмонжон айтсин.. Отхона, оғил солган усталарга доим қарашдим, лекин бирордан бироча сўраганим йўқ, сўрамайман ҳам. Тўқай бузилади, қўриқ очилади, мана шунча қурилиш кетаётитти, саломатлик бўлса, ишда кўрасизлар... Үқиётибман, мана, ёзиб тўққизта дафтарни тўлдиридим.

Шу пайт Канизак келиб Сидиқжонни секин туртди ва «Гапирасизми? Зиёдахон опам ҳам гапирысин деяптилар, гапиринг» деди. Сидиқжон Зиёдахонга қаради. Зиёдахон унга қараб жилмайиб турар эди. Бу орада Үрмонжон сўзлади, правленинг қарорини тасдиқлаш тўғрисида таклиф киргизди шекилли, «Тўғри, олинсин» деган товушлар әшитилди.

— Сидиқжон Соҳибжонов! — деди Иброҳимов бирдан, — қани ўзингизни кўрсатинг!

Сидиқжон, тўсатдан уйқудан уйғонгандай, гаранг бир

аҳволда ўрнидан турди. Ҳар томондан товушлар әши-
тилди:

— Кўрганим! Биламиз! Сидиқжонни биламиз.

— Қани, гапиринг,— деди Иброҳимов

— Мен нима дейман?..

Канизак уни секин туртди.

— Гапиринг... Ҳа, худо жонворлағни яратиб бўлиб...

Сидиқжон унинг туртганини пайқамас, гапи қулоғига
кирмас әди.

— Нима дейман?.. мен илгари колхоз деганда одам-
лар кўплашиб ишлайди ёсилини бўлишиб олади, кол-
хоз шу деб уйлар әдим. Йўқ, колхоз бошқача бўлар
әкан...

— Қанақа бўлар әкан?— деди Үрмонжон.

— Колхозда одам ўз қадрини билар әкан... Одам ҳам
колхознинг қадрини билиши керак. Мен умримда гапир-
ган әмасман... кечирасиэлар.

Сидиқжон бошқа сўз тополмай қолгандан кейин
Иброҳимов «ўтиринг» деб ишора қилди.

Правлениенинг қарори тасдиқ қилинди.

Мажлис тугар-тугамас Сидиқжон лип әтиб чиқиб кет-
ди, унинг чиқиб кетганини ҳатто Канизак ҳам пайқамай
қолди. Уни «қуллуқ бўлсин» қўлмоқчи бўлган ёр-жўра-
лари қидиришар, чақиришар әди.

10

Рахматилла Обидий таги қўқонлик бўлиб, Қўқон
мухторияти вақтида «Урдада ўн олтида большевик қол-
ган, шуларни ўлдирсан ҳукумат ўзимизники бўлади» деб
жар соглан газетхон бойваччалардан бири әди. Уруш
бошланди. Бироқ большевик ўн олтида әмас, кўпроқ,
фақат ўрдада әмас бутун шаҳарда, ҳар бир маҳаллада,
ҳар бир уйда бор әкан. Унинг отаси Обидхўжа вофуруш-
ни дегрезлик уста Турдиали деган бир маҳсидўз белча
билан чавақлаб ўлдирди. Бир зарбадан муҳторият ҳу-
кумати тирқираб кетди: бири муҳторият байроғини
қўйнига тиқиб чет элга қочди, бири «Амиралмусслимин»
— босмачи Эргашнинг отига мингашиб Бачқирга қоч-
ди, бири оқгвардиячилар паноҳига сиғинди, бири қўл қў-

173

тариб таслим бўлди... Раҳматилла Обидий ҳайрон эди: «Нима бўлди, нега мухторият палағда тухумдек оқиб кетди; бирон тасодиф, англашилмовчилик рўй бердими?» Йўқ, тасодиф ҳам әмас, англашилмовчилик ҳам; революция бўрони унинг бутун умид ва ишончини куз хазонидай учирив алганга бағрига урган эди. Раҳматилла, қути ўчиб, бекингани ковак излаб қолди. Ундан ақллироқ, ундан эпчилроқ ёр-дўстлари шундай ковакни аллақачон топишган эди, уни ҳам тортишди. Ҳали ҳаробаларнинг чангти, ёнгинларнинг тутуни босилмасдан вужудга келган ва жуда тез тармоқ ёймоқда бўлган маориф — сонсаноқсиз мактаблар, интернатлар, катталар учун кечки курслар бир оз бўлса ҳам ўқиган одамларга муҳтож эди. Раҳматилла Обидий интернатга муаллим ва мураббий бўлди. У, ўзига келиб, кўзини очиб атрофга қараса ҳали «чиқмаган жондан умид» қилиш мумкин: турли мавқуда туриб бир мақсад билан совет ҳукуматига қарши қўл кўтарган, лекин қўли қайрилган одамлар топишиб бир куч ҳолига келаётитти ва бу одамлаонинг бир кўзи Бачқирда бўлса бир кўзи Истамбулда, Лондонда... У янги умид, янги ишонч, зўр гайрат билан «жўжуқларни саодати абадия» йўлига бошлаб тарбия қилишга кириши: кечасию қундузи мактабдан, ётоқхонадан чиқмай қўйди, ҳадемай интернатга мудир бўлиб олди.

Йиллар ўтди. Раҳматилла Обидийнинг жушқин фаолияти авжига чиқиб ўз самарасини бера бошлаган бир вақтда фалокат рўй берди.

Шарқий Бухорода Анвар бандасини тугатишда қатнашиб қайтган бир қизил аскар уйига келиб қараса қизил фас кийган, ўнг елкасидан чап биқинига кўк лента тортиб олган бир одамнинг каттакон портрети тўрдаги токчада унга, чўчиган каламушга ўхшаб, бақрайиб қараб турибди. Бунга отасининг диққати жалб бўлганидан суюниб, ўз қилмишига гердайиб турган бола бирдан: «Анварбек афанди! Турк ўғли-турк! деб қичқирди ва «Турк ўғли, тур, ёвга югур» деб шарқий айтиб юборди. Қизил аскар портретни девордан юлиб олди, ўғлини етаклаб мактабга борди-да, тўғри «мудир афандимиз» Раҳматилла Обидийнинг олдига кирди.

Бу учрашувнинг натижаси шу бўлдики, Раҳматилла Обидийни касалхонага олиб кетишиди. Унинг қўрқиб

кетган ёр-дўстлари, пир ва устодлари галаёнга келган жамоатчиликни босиш, унинг дикқатини фақат Раҳматиллаға қаратиш учун шаҳар маорифи ходимларининг мажлисида уни маориф соҳасидан ҳайдашди. У, бирон ҳафта касалхонада ётиб чиққандан кейин, бир неча кун лунжини боғлаб юрди-да, ёр-жўралари тўплаб берган пулни белига туғиб бир шўнғиди; шу шўнғиганича хийла вақт бедом-дарак бўлиб кетдию, ниҳоят, Бухордан чиқди. Бу ерда уни жуда яхши қарши олишди, маориф назоратидан каттагина бир вазифани беришди. У ўз ишидан, машнатидан мамнун эди: обрў жойида, пул кўп, улфатлар сара... жиндаккина табъи наэм пайдо қилиб, «бир кечак ёнимда ётсанг на бўлур?» қабилидаги шеърлар ҳам ёзадиган бўлиб қолди. Бироқ бу ерда ҳам бир фалокат рўй берди. Раҳматилла Бухорога янги келган кунларида давлат арбобларидан бирининг уйида ётиб юргач, бу одам билан қиёматлик дўст тутунган бўлиб, бири бўлмаса бирининг томоғидан бир қултум май ўтмас эди. Бу одамнинг чиройликкина хотини бўлиб, Раҳматилла кўпдан шунга ҳиқиллаб юрар эди. Ниҳоят хотин рўйхуш бергандай бўлди: бир ичкилик мажлисида буларнинг олдига қабоб келтириб қўйиб, Раҳматиллаға ғамза қилди. Тамом! Раҳматилла унинг әрини учирив қўйишга ҳаракат қилди ва шунга муваффақ ҳам бўлди. Бироқ бу одам Раҳматилланинг ниятини билиб ўзини жўрттага мастлика соглан экан...

Раҳматилла қиёматлик дўстининг уйидан ярим кечаси сарпойчанг қочиб чиққанича тўғри станцияга борди ва поездга чиқиб Жалолободга йўл солди; бу ерда бир оз турганидан кейин Андижонга, ундан Наманганга ўтиб, шу ерда туриб қолди. Намангандаги унинг ота томондан қариндошлари бор эди. Раҳматилла бу ерда бир мунча вақт хуфия савдогарчилик қилиб юрганидан кейин, шаҳар маориф бўлимига инспектор бўлиб кирди; аста-секин ўзини ўнггарди, уй-жой қилди, хотин олди. Бу ерда учинчи мартаба фалокат рўй берди: Раҳматилла Обидий ҳеч кимнинг хаёлига келмаган, жуда-жуда хунук бир шаҳвоний жиноят қилиб қўйиб беш йилга кесилиб кетди.

У қамоқдан совет ҳукуматига қарши ғазаб ва нафрат заҳрига тўлиб, нақд ўлим хавфида қолган мушукдай, ўнг келиши биланоқ ҳамла қилишга тайёр бўлиб чиқди.

Бироқ, қарасаки, шароит ҳамладан кўра кўпроқ мудо-фаани талаб қиласди: у айтган катта толлар қулапти; боштиқмоқчи бўлган мактаб — маориф соҳасига тамоман янги одамлар, олов нафасли ёшлар келипти, матбуот мамлакат янги даврга, муттасил зўр курашлар даврига киргани тўғрисида ёзаётитпи ва бу даврда катта қийинчилклар рўй беришини очиқдан-очиқ айтиб, халқни кураш ва галабага сафарбар қилаётитпи...

У тақдирга тан берди: заҳрини дилига солиб, асалини тилига чиқариб китоб магазинига ишга кирди; кунларни китоб сотиш, бўш вақтларини ўзи таниган ва танимаган масъул ходимларга шеърий мадҳиялар ёзиш ва бу мадҳияларни учраган одамга ўқиб бериш билан ўтказа бошлади. У, бир мунча вақт шундай шеър машқ қилиб юрганидан кейин, бир гуруҳ суд ходимлари устидан бўлаётган судга бағишлиб ёзган шеърини бир журналга юборди. Бу шеър бошдан-оёқ совет ҳукуматига мадҳия бўлиб ҳар тўрт сатрдан кейин шу икки сатр қайтарилар әди:

Бўлди шўро барқарору ҳосил ўлди орзу
Давр меҳнаткашни давринда жиноят яхшиму?

Орадан икки кун ўтгач унинг ҳужрасига озрин, рангги заҳил, ўзи ёш бўлса ҳам кўз атрофини ажин босган бир йигит кириб келди. У, салом йўқ, алик йўқ, дабдурустдан: «Нима қиласиз юзага чиққани интилиб, юзада пишириб қўйиптими? Бунаقا шеърлар ҳеч кимнинг кўзини бўямайди. Кетинг бу ердан. Область ижрокомиининг секретарига учранг, сизга иш топиб беради» деди; шундоқ дедиую чиқди кетди.

Раҳматилла гаранг бўлиб қолди: бу одам ким ва нима мақсадда келди? Бу гапларни айтишдан муроди нима?

Раҳматилла, бир томондан юрагига гулғула тушиб ва бир томондан кўнглининг бир бурчидаги алланимадан бир умид пайдо бўлиб, областга борди. Секретарь ўзининг «саодати абадия» ўйлига бошлаб тарбия қилган жўжуқларидан бири Жавдот Наим бўлиб чиқди. Раҳматилла унинг хуш қабул қилишидан, муомилаларидан кўп саволларига жавоб топди, дунёси равшан бўлди, лекин сухбатидан унча рози бўлмади. «Жўжуқ» ўз устодидан асосий гапни яширас, юпқа лабидан аримайдиган табассум, думи куржунда гаплари билан гўё: «Билиб нима қиласан? Сен

кўрган елкан аллақачонлар ғарқ бўлган. Бизнинг қайиқда моҳир эшкакчи бўлмаган одам ортиқча юк. Бундан ташқари сен пистони чақилган одамсан, бизнинг қўлимиизда узун косов бўлиб хизмат қилишдан бошқа ишга ярамайсан» демоқчи бўлар әди.

Устод йигирма кунча ўз «жўжуғидан» янги алифбени ўргангандан кейин қишлоқ муалими бўлиб Хўжақишлиқка жўнади. «Жўжуқ» уни кузатаркан, «қўрқманг, ҳар қанча калтак бўлса хўжаларнинг бошидан ортмайди, лекин бўри бўлгандан безгакпашша бўлган яхшироқ, чунки уни қопқон билан тутиб бўлмайди» деди.

Раҳматилла, марказда хужрасига келган одамнинг сўзига ва шогирдининг таълимотига амал қилиб, юзага чиққани интилмасдан безгакпашшадай гингиллаб юрди. Ойлао ўтди. Дастребки кунларда қишлоқ аҳолисининг дикқати жалб бўлган янги домла бора-бора назардан тушиб қолди. У кўп вақтини хужрасида ўтказар, аҳёnda қизил чойхонага чиқиб қолса рўпара келган одамга касаллигидан, умри оз қолганидан ҳасрат қилар әди. Ҳақиқатан ҳам, бўйинни боғлаб ва битта-битта қадам босиб ҳужрасига кириб кетаётган Раҳматиллани кўрган киши «шу кирганича тобутда чиқса керак» деб ўйлар, бирпас ёнида ўтирган киши, дорининг ҳидидан кўнгли озиб, бутун бошлиқ бир касалхонани ютиб юборгандай бўлар әди.

Аҳолининг ғашига тегадиган турли миш-мишлар тарқатища, Жавдот Наим кўзлаган «Жиҳоди ақбар»¹ кунида иш берадиган одамларни таниб олишда, ўргимчакдай буларнинг орасига тўр тортишда Раҳматилла катта иш қилдию лекин воқиаларнинг моҳиятини англамасдан, буларнинг бир-бирига муносабатини, сабаб ва натижаларини яхши билмасдан фақат узун косов бўлиб хизмат қилгани учун Хўжақишилсқода колхозга қарши чиққан тўполон кўзига жуда катта кўринидики, назарида совет ҳукуматининг тақдирни шу ерда, хўжалар қўлида ҳал бўлаёттандай бўлдию, бир-икки ножӯя қадам қўйди. Сталиннинг «Мувваффақиятлар олдида әсанкираш» мақолоси чиқиб сув тингандан кейин ўша босган ножӯя қадами бошига бало бўладиган кўриниб қолди. Агар бунинг

¹ Катта жант, уруш.

олді олинмаса узун косов ҳам қўлни куйдириши мумкин эди. Жавдот Наим уни дарров чақиририб олди.

Раҳматилла бир мунча вақт шаҳар маорифи бўлимида, бу ер нотинчроқ бўлгандан кейин музейда ишлади; бироқ, разм солиб қараса, энди унга шаҳарда ишлаш тўғри келмай қолипти: нотинч, жуда ҳам нотинч! Унинг бу мулоҳазаси Жавдот Наимга ҳам маъқул тушди. Жавдот уни чуқуроққа қўмиш мақсадида узоқ Капсанчилар қишлоғига юборар әкан, шундай деди: «Қиличингиз синди, қалқонингиз тешилди, домла, сичқон бўлиб кавакка кириб кетаётисиз. Лекин болалигимда айтган бир ганингиз эсимга тушди: «Сичқон ожиз махлуқ, лекин Ҳазрати Нуҳнинг қайиқларини тешганилиги тарихда машҳурdir» деган әдингиз. Ҳар бир колхоз бир қайиқ, домла, лекин темир қайиқ! Темир қайиқни тиш билан кемириб бўлмайди. Уни занг бўлиб ейиш керак. Капсанчиларда Абдуса-мадқори деган одам бор, менинг божам. Ўша билан бирга иш кўрасиз. Қорига мендан салом айтинг. Шу ойнинг охириларида бир келиб кетсин».

Раҳматилла Қўшчинорга жўнади.

Колхоз «областдан келган кекса, тажрибали ўқитувчи»ни қулоч ёзиб қарши олди. Бўтабой aka унга яхши ҳужра қилиб берди, иши ва майшати учун айрим шароит туғдирди.

Раҳматилланинг бу ерга келиши қолхозда Жавдот Наимнинг қули бўлиб турган қорининг фаолияти учун кенгроқ имконият туғдириши керак эди, бироқ бугун мажлисда бўлган ва бундан кейин яна ҳам жиддийроқ бўладиган гаплар қорининг юрагига ғулгула солиб қўйди: Раҳматилла ҳақида бўлган ва бундан кейин бўладиган гаплар Жавдотнинг ёқасига узатилган қўл демакди, бу қўлга Раҳматилланинг әтагини тутқазиб қутулиш муяс-сан бўладими, йўқми?

Қори мажлисдан чиқиб уйига, тунни яримлатиб Раҳматилланинг ҳужрасига борди.

Раҳматилла қоридан бу гапларни әшитиб ҳанг-манг бўлиб қолди.

— Кетинг, домла, кетинг! — деди қори аввал ёлвор-ган, кейин сабри тугаган бир оҳангда, — бетўхтов кетинг!

Раҳматилла бирдан бошини кўтариб қорига қаради.

— Қечинг демоқчимисиз? Йўқ!

Эртасига Раҳматиллани қўли синган, боши ёрилган ва ҳушсиз бир ҳолатда мактаб ёнидаги бир чуқурликдан топиб касалхонага жўнатиши. Ўша куни кечаси Раҳматилла Обидий оламдан ўтди.

11

Февралнинг ўрталарида ҳаво юмшаб дала-тошни, тўқайларни босиб ётган қалин қор ёпиги тешила бошлиди.

Баҳор ҳидидан бесаранжом бўлган қаргалар қагиллаб, қатиқ тўкилгандай ола-чибор бўлиб, бугланиб турган далалар устида у ёқдан-бу ёқقا учар, қор кетганидан бехабар ҳануз қўнишиб ётган тўқай устида айланар эди.

Об-ҳавонинг бундай келиши, кузда қайта-қайта сув тоширилган тўқайлик ернинг кўпчиб, батьзи жойларда кекса толларнинг анчайин шамолдан ағнаши Капсанчиларни типирчилатиб қўйди: булар бўлажак қишлоқ марказини яққол кўришга, ҳозирча бирдан-бир қад кўтариб турган мактаб биноси қаторига ярим доира ташкил этиб тушадиган иморатларни, марказдан ҳар томонга кетадиган кўчаларни тасаввур қилишга ҳалал бериб турган тўқайнин тезроқ ўриб, юлиб ташлашга шошилар эди.

Тўқай бузиш иши мўлжалдан ўн беш кун бурун бошлиниб кетди. Тўқайдай ишлагани хилланган одамлардан маҳсус бригадалар тузилди ва бу бригадаларнинг ҳар бирiga биттадан гусенициали трактор берилди. Бу бригадаларга қарашибани ёшу қари, эркак-аёл бутун қишлоқ кўчиб чиқди. Тракторлар гуриллаб-вариллаб ёввойи жийда, чангл, туронғу, тол, дўлана сингари бута ва майдадарахтларни таг-томири билан қўпориб ташлар, кесилган катта дараҳтларнинг тўнкасига занжир боғлаб тортар, арра, болта кўтарган одамлар буларни кесиб-қирқиб араваларга юклашар эди. Ҳаш-паш дегунча уччала маҳалланинг майдонида ўтин тоғ-тоғ бўлиб кетди.

Мана шу кунларнинг бироротанинг бригадасига чимматсиз қизил паранжи ёпинган, хонатлас кўйлак ва амиркон ковуш-маҳси кийган, болали бир жувон келиб

Сидиқжонни сўради. Сидиқжон ҳали бузилмаган тўқайнинг нариги томонида арракашлик қиласр әди. Шу ерда аравага шох юклаетган Абдусамадқори дарров йўргалаб чиқиб жувонни гапга солди. Канизак Сидиқжоннинг хотини билан қўйди-чиқди бўлганини эшитган әди, шунинг учун бу хабарни эшитса хурсанд бўлади деган хаёл билан чопқиллаганича Сидиқжоннинг олдига борди. Сидиқжон бу хабарни эшитиб ҳайрон бўлди, кейин Зуннунхўжанинг уйидан ўғлини бағрига босиб чиқиб кетганини, хотини кўчада болани қўлидан тортиб олганида бола инграганини ёслади; шу инграпаш қулогига эшитилиб кетдию тўсатдан кўнгли юмшади.

— **Хўш, Канизакхон, энди нима қиласиз?**

— **Нима қиласр әдингиз,— деди Канизак куулумсираб,— ўз оёғи билан келганидан кейин... гаплашасиздал! Этилган бошни қилич кесмайди.**

— **Йўқ, мен бошқа тўғрида... Буларни қаёққа олиб борамиз?**

— **Ховлига олиб борасиз!**

— **Бошқа жой йўқми, Канизакхон? Дурустроқ жой бўлса деган әдим...**

— **Ҳа, бу уйга нима қипти? — деди Канизак ва бирдан аччиғи келди.— Ҳа, мунча!.. Хотинингиз осмондан тушшитими? Биз ҳам одам боласи, турибмиз. Одамлар бутун умрини ўтказган жойда у киши бир кеча ётсалар ҳеч нима қилмас! Оббо! Унақа олифта бўлса келмасин әди! Ярашгани келганими, уй кўргани келганими?**

Канизак лабини буриб Сидиқжондан юзини ўтириди ва яна нимадир демоқчи бўлиб икки-уч кўз қирини ташладио айтмади.

— **Йўқ Канизакхон, сиз тушунмаётибсиз,— деди Сидиқжон шошиб,— гап унда әмас, унинг олифталити ўзига... Ростини айтами? Менинг сиздан яширадиган сирим йўқ. Менинг туриш-турмушимни кўриб; «Ула, аҳволинг шу экан-ку» деб кетмасин дейман. Шу гапни юзимга айтишдан тоймайди. Мен буларни биламан.**

Канизак унга ялат этиб қаради.

— **Ярашгани келган әмасми?**

— **Йўқ. Билмайман, нима учун келганини билмайман, лекин, ҳар қалай, ярашгани келган әмас. Е болани ташлаб кетгани, ё нафақа сўрагани келган.**

Канизак Сидиқжоннинг юзидағи зўр ташвиш ифодасини кўриб унга раҳми, атлас кўйлак кийган олифта жувснга ғазаби келди.

— Хафа бўлманг, Сидиқжон ака! — деди. — Болани ташлаб кетса бир гап бўлар. Кундуз куни яслида бўлади, кечқурун холам қарайдилар, мен бор...

— Энди Анзират ҳсланинг бир қилмагани менинг боламга қараш эди!

— Қандоқ қиласиз, ташлаб кетса қараймиз-да. Ташлаб кетмас...

— Менинг туриш-турмушимни кўрса жўрттага ташлаб кетади.

Канизак, худди шу ташвиш ўз бошига тушгандай, тиширчилақ қолди.

— Ўрмонжон акамнинг уйларига олиб борсакмикин а? Пишиқ ғиштдан, томи унча-мунча тунука, дераваси бор... Мен бориб Тўпанисо опамга айтай, у ёқ-бу ёқдан нарса топиб уйини ясатайлик.

— Ўзингиз биласиз, — деди Сидиқжон унга маъюс назар ташлаб. Унинг бу қарашида чексиз миннатдорчиллик ифодаси бор эди.

Канизак чопқиллаганича тўқайга кириб кўздан ғойиб бўлди. Сидиқжон бошқа яктак-лоэм кийгани ғизиллаганича уйга қараб кетди.

У, йўлни қисқа қилиш учун тўқайдан ўтиб, ўтини ғарамларини оралаб, катта йўлга тушганида кимнингдир:

— Ҳа, нима қилиб юрибсан? — деган товушини әшиитди.

Сидиқжон орқасига қараб бир неча қадам нарида жадаллаб келаётган Ўрмонжонни кўрди-да, бутун мушкули осон бўлгандай, қувониб кетди.

— Арава бордими? — деди Ўрмонжон каттакон рўмолчаси билан юзини, бўйинини артиб. — Нечта арава борди?

— Учта...

— Тентак бўлдингми, нега яктакчан юрибсан? Бор, тўнингни кий!

— Хотиним келган экан...

— А? Нимага келипти? — деди Ўрмонжон ўзини йўл бўйидаги каттакон саданинг соясига олиб, — қани, бери келчи. Ярашгани келиптими.

— Йўқ. Билмадим. Ҳали кўрганим йўқ.

Ўрмонжон рўмолчаси билан бўйинни аста-секин артиб, ўйланиб қолди да, бирдан:

— Ярашасанми? — деди, — ярашаман деб келган бўлса ярашгинг келса яраш. Лекин хотин бўладиган бўлса шу ерда бўлсин. Шуни бўйнига қўй. Туриш турмушингни кўрсат, айт, лекин юрагини ёриб юбормагин, ҳозир бундоқ бўлса йилдан-йилга қанақа бўлишини ҳам қўзига кўрсат. Мана, канал битди, мана бу тўқайларни бузиб янги ер очаётимиз... Ё ярашсанг кетишинг керак бўладими? Агар кетишинг керак бўлса... кўнглинг шунга мойил бўлса, тўғрисини айта бер.

— Ҳали ҳам шунақа дейсизми, Ўрмонжон ака, — деди Сидиқжон оғриниб, — қўйинг энди шунақа гапларни!

Ўрмонжон унинг ранжиганини кўриб изоҳ беришга шошилди:

— Йўқ, йўқ мен бошқа нарса демоқчи әдим. Менинг гапимни нотўғри тушунма демоқчиман. Менинг гапимдан «Агар бу ердан кетадиган бўлсанг ярашма» деган маъно чиқмасин. Эр-хотиннинг орасига тушишни ёман кўраман. Эр-хотиннинг орасига тушган киши баъзан ўша тобда, аксари кейинчалик сўкиш эшитади. Бу тўғрида ўз ақлинг билан иш қил демоқчиман.

— Ярашгани келгани маълум әмас, Ўрмонжон ака.

— Нега келипти бўлмаса? Болангни кўрсатганими? Ҳеч!

— Мен шундоқ гумон қиласманки, ё болани ташлаб кетгани келган ё нафақа сўрагани.

— Йў-йў-йўқ! Сен берадиган нафақага зор әмас. Болани ташлаб кетгани ҳам келган әмас! Она.. Яна бу ёғини назарга ол: сенинг қаерда эканлигингни сўроқлаган, билган хотининг әмас, қайнатанг... Отни нима әди.. Зуннунхўжа! Шундай әмасми?

— Ҳа, шундай.

— Ҳа, баракалла! Ундан кейин, хотининг ўзича келганмикин? Йўқ! Бундан чиқдикни, Зуннунхўжа сени сўроқлаб топган, ундан кейин қизини юборган. Бу аниқ. Ҳўш, нафақа ундириш, ё болани ташлаб кетиш учун юборганмикин? Йўқ! Мана шуларни ўйлагандан хотинингни нима учун келган деса бўлади? Ярашиш тўғрисида қўйинингга қўл солиб кўргани келган. Жуда яхши! Кўнгил-

дагидек! Битиша олсаларинг соз бўлар эди. Туриш-тур-мушингни кўрсат, яширма! Шу билан бирга қўйинини пуч ёнгоқقا ҳам тўлдирма!

— Мен ҳам шундоқ деб ўйлаган эдим, — деди Си-диқжон хийла қизариб, — лекин Канизак ҳеч қўнмади: қўйинг, ўша уйга олиб бормайлик деб сизнинг уйингизни ясатгани кетди.

Ўрмонжон кулди.

— Сўқир кўзга сурма... Нима қиласиэлар, нима қи-ласан алдаб? Айтдим-ку...

— Йўқ, алдаш важидан эмас, «ўла, аҳволинг шу экан-ку» деб кетмасин деб... Ким билади, хотин кишининг ти-лига хотин киши тушунади...

— Аҳволингга нима қилипти? Деса дея берсин. Гува-лак қўяётганимизни кўрмасдан қўлимизнинг лойлигини кўриб куладиган бўлса кулаверсин. Хўп, бор, кечаси қў-ришамиз:

Ўрмонжон жадаллаганича кетди.

Сидиқжон юрганича Ўрмонжоннинг уйига бориб Канизакни огоҳлантириди, ундан уйга ўтиб бошқа яктак-лоэм кўйди-да, туқайга қараб кетди. Ўрмонжонта учраш-масдан бурун, сордан қочган жўждадай бошини қаерга тиқишини билмай қолган Сидиқжон энди даканг хўроздай мағрур қадам ташлаб борар эди; шундоқ бўлса ҳам узоқ-дан ўзига маълум қизил паранжини кўрганида юраги гуп-гуп урдию қадами сусайди. У ҳозир хотинига қандай рўпара бўлишини, рўпара бўлганида нима дейишини, у нима дейишини тасаввур қилолмас эди. Узоқ кутиб зе-риккан ва толиқсан бир вазиятда турган Шарофат эри келаётганини кўриб дарров болани қўлига олди ва у яқин келганида яна ерга қўйди-да, ундан қочишни ҳам, қочмас-ликни ҳам билмагандай, тараффудланиб, юзини паранжи-си билан салгина тўсди. Сидиқжон ариқдан хатлаб ўтар экан:

— Келинглар, яхшимисизлар? — деганини ўзи ҳам билмай қолди ва хотинидан бир неча қадам берида чўн-қайиб болага қучогини очди.

— Келдик дегин, ўзингиздан сўрасак дегин, сиз йўқ-ламасангиз ҳам мен йўқлаб келдим дегин, — деди Шаро-фат әтагига маҳкам тармашиб олган болани отасига йўл-лаб. — Ана даданг, бор энди! Дада-дада деб қулоқ-ми-

ямни еган әдинг-ку, жувонмарг, әнди нега ўшшайиб турибсан? Танимаётисанми? Даданг озиб қолиптиларми?

Сидиқжон худди туш кўраётгандай, унинг гапини барада эшишиб турган бўлса ҳам, лекин нима деяётганини англамас әди. У ўғлининг ётсираётганини кўриб икки қадам олға босдию, бундан ортиқ яқин борса худди бир нарса портлаб кетадигандай, энгашиб боланинг кўкрагига чиқиб кетган қийиқчасидан ушлаб торти ва кўтариб олди. Бола инградиу йиғламади, ҳайрон бўлиб отасининг оғзига, бурнига, иягида, яна оғзига қаради-да, шириншўртак бармогини унинг оғзига тиқди.

— Қани, юринглар... — деди Сидиқжон, — қалай... юришиптими?

Сидиқжон бирор гап гапирса эшийтмай қолишдан хавотир тортгандай бир қадам ҳам кейинда қолмасликка тиришиб бораётган Шарофат шуни кутиб турган экан шекиали, дарров:

— Кўпдан-кўп сўраб қўйишиди, — деди.

Шу билан гап тамом бўлди. Бола Сидиқжоннинг елкасига бошини қўйиб ухлаб қолди. Шундан кейин жуда ўнгайсиз жимлик чўқди. Сидиқжон гапирмаётганига сабаб гўё бутун эс-ҳуши болада, йўлда эканини кўрсатиш учун дам-бадам оёқ остига, йўл бўйидаги буталарга қараб, болани авайлаган бўлиб баланд шохлар остидан ҳам энгашиб, эҳтиёт бўлиш керак бўлмаган жойлардан ҳам минг эҳтиёт билан ўтар әди. Катта йўлга чиқиб олингандан кейин Сидиқжон бир нима дейишга мажбур бўлиб:

— Қалай, қишлоқлар қалай? — деди.

— Собиржонқори ўлди, — деди Шарофат ва бу гапни шундай ғамгин товуш билан айтдики, Сидиқжон беихтиёр тўхтади ва унга қайрилиб қаради. Кўз-кўзга тушди. Шарофат бошини бир томонга қийшайтириб маъюс бир қиёфада илжайиб турар әди.

— Ким? — деди Сидиқжон нима дейишни билмай.

— Собиржонқори... Эсингиэдан чиқдими? Дарров эсингиэдан чиқипти-да.

Унинг афти «Собиржонқорининг чорвоғида ўтказган дамларимиз қандай дамлар әди, ноҳотки ўша кунлар, ўша чорвоғ, ўша жингуллар әсингиэдан чиқсан бўлса» деб турар әди. Сидиқжон буни фаҳмлаб жилмайди-да, унинг шамасига шама билан жавоб берди:

— Эсимдан чиққани йўқ... Раҳматлик яхши одам әди,— деди.

Шарофат дамни совутмай яна шама қилди:

— Дунё шу экан-да, шу экан дунё! — деди.

Сидиқжон бу шамага жавоб қилмади. Зотан қандай жавоб қилишни билмас ҳам әди.

Йўлда давом этишиди. Яна жимлик чўкди, лекин бу жимлик боягидай ўнғайсиз, толиқтирадиган жимлик әмас әди: Шарофат Сидиқжондан шамасига жавоб ёки ҳар иккаласининг ҳам тилини боғлаб турган андишага барҳам берадиган бирон нарса кутар; Сидиқжон эса хотини ярашгани келганлигига амин бўлиб, унга ўзининг туриштurmушини кўрсатишдан бурун колхознинг келажагини кўрсатиш учун нималар дейишини ва гапни нимадан бошлишни ўйлар әди.

Сидиқжон ниҳоят гап бошламоқчи бўлиб:

— Қалай,— деди ва сап сариқ қамишзорнинг у томонида оқаришиб турган дарёни кўрсатди,— баҳаво жойлар эканми?

Шарофат бу гапни Сидиқжон бирон бошқа маънода айтди деган хаёлда ўйланиб тўхтаб қолди ва бунинг тагида бошқа ҳеч гап йўқлигини билганидан кейин бир оз бўшашиб:

— Ҳа, жуда ҳам... қаранг, дарё... бирам чиройлик, оппоқ,— деди ва бирдан жонланиб кетди,— мен ёшлигимда дарёда сут оқади дейишича ишонар әдим. Кап-кatta қизлигимда ҳам ишонар әдим. Ўша йиллари ҳам ишонар әдим...

Шарофат «Ўша йиллари» деб Собиржонқорининг чорвоғига девор ошиб тушиб юрган чоғларини айтмоқчи ва шу билан Сидиқжонга яна ўша дамларни эслатмоқчи бўлди. Бироқ Сидиқжон ўзи билан ўзи овора бўлиб бунга өътибор қилмади. Ўзинг томондаги қалин тўқайнинг очиқ ерида қорайиб турган тупроқ тепани кўрсатиб:

— Ҳу... кўраяпсизми?— деди. — Канал! Катъа канал... Ўтган йил чиқардик. Ҳозир тўқайни бузиб ер очаётубмиз, қўриқ ҳам очамиз...

Шарофат Сидиқжон кўрсатган томонга бир қарадию тупроқ тепага өътибор қилмасдан, яна ўзининг гапини гапирди:

— Кап-кatta қиз шунга ишонар әканман-а! Собир-

жонқорининг катта хотини бир йили бизни қумга олиб борган эди. Дарёни шунда кўрган әдим. Туз конига борганимизда ҳам кўрган әдим. Үшанда ҳам сут оқади дейишса ишонибман. Гўл эканманми? Ҳеч-да! Гўл әмас әдим. Үртөқларимнинг ичидан мендан шайтон қиз йўқ әди...

Яна йўлда давом этишиди. Шарофат ҳамон дарё, сут, ўзининг ўша вақтларида, «ўшанда» гўл әмаслиги тўғрисида гапириб борар, афтидан, ўша маъсум чоқларини Сидиқжонга эслатмоқчи ва унинг қўлига тушувига гўллик әмас, муҳаббат сабаб бўлганини айтмоқчи әди.

«Йўқ, канал, тўқай тўғрисида мен гапни мондалаб гапиролмадим, — деди Сидиқжон ичидан, — одам ёқасини ушлайдиган шундай катта иш менинг оғзимдам кичкинагина бўлиб чиқди. Бу қандоқ бўлди, тайёр турган шундай катта нарсани уддалаб айтолмәтибману, ҳали йўқ нарсаларни бунинг кўзига қандоқ кўрсатаман?»

Сидиқжон йўлни қисқа қилиш учун қалин тўқайнини оралаб ўтган сўқмоқча бурилганда, Шарофат тўхтади.

— Қаёққа бораётимиш?

Сидиқжон болани иккинчи елкасига олиб унга ўғирилди ва бораётган ерини нима деб аташини билмасдан:

— Дам олинглар, — деди.

— Қаерда? Ким бор?

— Бир кампир... онамиз борлар.

— Яна ким бор?

— Яна бир хотин киши... У ҳозир ишда.

— Канизакхонми? — деди Шарофат кулумсираб Унинг юзида «борсам балога қолмайманми?» деган маъноётар әди.

Сидиқжон негадир, худди бир сири фош бўлгандай, гангид қолди.

— Сизга ким айтди? У хотин... мен... ҳеч... ким айтди сизга?

Шарофатнинг юраги шув әтиб кетди: «Э, ўзини оқлаётитпи-ку. Бундан чиқдикни мендан буткул кўнгил узмаган экан-да. Кўнгил узган бўлса тўғрисини айтиб, шу жувонни оламан ёки сенинг нима ишинг бор демасмиди?» Шу гап кўнглидан ўтди-ю тўсатдан қовоғини солиб:

— Нима қиласиз бизни у ерга олиб бариб? — деди ва болага қўл узатди.

Сидиқжон болани бермади.

—Худо урсин агар,— деди Сидиқжон кўзларини катта очиб,—ким айтди сизга?

— Битта киши айтди... Нега қасам ичасиз, ҳар кимнинг майли ўзида,— деди Шарофат ва лабини буриб четга қаради. —Биз бормаймиз. Бир оғиз гапимиз бор, шуни сизга айтгани келган эдик. Исомиддин акам бизни бу ерга ташлаб Хўжақишлоққа ўтиб кетдилар, қайтища олиб кетадилар. Биз ўша ерга бориб туришимиз керак.

Унинг мўлжалига кўра Сидиқжон яна қасам ичиши, юр деб қисташи, ҳол-жонига қўймаслиги керак эди. Бироқ Сидиқжон унинг гапига чиппа-чин ишонди, ярашиш учун келганлиги ҳақидаги ўзининг тахмини нотўғри чиққанини кўриб бўшгина:

— Ўша ерга бориб гаплашсак ҳам бўлар эди-ку,— деди.

Унинг бундай дейиши Шарофатга жуда қаттиқ тегди, ҳатто ғашини келтирди, шундоқ бўлса ҳам Сидиқжоннинг кўкрагига, сўнгра юзига қараб илжайди-да, қийшанглаб:

— Йўқ, шу ерда, шу ерда гаплаша қолайлик,— деди.

— Бу ер йўл усти-ку.

Шарофат ерга қараб ковушининг учи билан ер чизар әкан, әшитилар-әшитилмас:

— Ичкарироққа кириб бўлмайдими?— деди.

Сидиқжон, болани бағрига босганича, бир-бирига киришиб кетган буталар, шохлар орасидан оёғи ва елкаси билан йўл очиб тўқайнинг ичкарисига бошлиди. Шарофат дам-бадам «вой» ёки «вой ўлай» деб унинг кетидан юди. Сидиқжон каттакон ёввойи жийда тагида тўхтаб Шарофатни кутди. Шарофат етиб келгач унинг бошидан паранжисини бир қўли билан олди, тиззасидан келадиган қуруқ ўт-ўлан устига ташлади-да, болани ётқизмоқчи бўлди. Бироқ Шарофат дарров болани унинг қўлидан олди, бағрига босиб паранжининг устига ўтириди-да, жилмайиб, Сидиқжонга ўзидан икки-уч қадам наридан жой кўрсатди.

— Номаҳрамсиз... Уч талоқ деб ўзимга айтмаган бўлсангиз ҳам номаҳрамсиз...

— Биламан,— деди Сидиқжон ундан икки-уч қадам нарига ўтириб,— яхши биламан. Эслатишнинг ҳожати йўқ...

Шарофат ундан бошқа гап кутган әди, дами ичига тушиб кетди-да, бир оздан кейин:

— Менга бегона бўлсангиз ўрлингизга бегона әмас-сиз-ку,— деди.

— Буни ҳам биламан,— деди Сидиқжон.

— Шуми билганингиз?

— Нима қилсам бўлар әди?

— Нима қилсам бўлар әди әмиш! Ҳамма ишни мендан сўраб қиласмидингиз? Сўрамаган әдингиз-ку. Сў-рашлик у ёқда турсин бир оғиз гапирмаган әдингиз-ку. Кўнглингизда шунчалик гапингиз бор әкан, ота-снам шунчалик жонингизга теккан әкан бир оғизгина «ҳой, хотин, мен сиқилиб кетдим, уй ажратиб чиқиб кетайлик» десангиз бўлмасмиди? Ўтиб кетган гап, энди гапириб ўтиришнинг ҳожати йўғу, сирасини айтаман. Кўнгли-нгизда қўйиш бор әкан ўзим билан уришсангиз бўлмасмиди? Е мен одам әмасмидим? Ўзим билан уришинг, уч талоқ деб ўзимга айтинг әди. Мен у уч талоқ ўринга ўт-майди деяётганим йўқ, ўтса-ўтмаса майли... Сирасини айтаман.

— Ўзингиз йўлинг очиқ, кета бер, мен ота-онамни дей-ман летан әдингиз-ку.

Шарофат кўзларини катта очиб ёқасини ушлади.

— Е қудратингдан! Қачон? Қачон мен кета беринг дедим? Бунақа ёлғон гапирадиган одатингиз йўқ әди-ку! Уй ажратамиз дедингизу мен йўқ дедимми?

— Сизга у вақтда бунақа гапириб бўлармиди?

— Ҳа, нега гапириб бўлмас өкан? Сиз өр әдингиз, мен хотин, хотин әдим, холос.

Сидиқжон кулди.

— Билмабмизда бўлмаса. Гапириб бўлса ҳали ҳам гапирсак бўлади... Колхозимиз сал оёққа босгандан кейин ўзим бориб сизни олиб келмоқчи әдим.

Шарофат ёлғондан қийқириб кулди.

— Қаёққа? Вой-ей, мунча яхши! Шунча ер-сув, шундай ҳовли-жойни ташлаб келар әмишманми? Ўша қилган қилингизга ҳеч ҳам ярашмайману, сирасини айтаман-да. Отам қариб қолдилар, онам дардчил, буларнинг љека кунлиги қолганини ким билади? Улардан ер-сув, ўй-жой кимга қолади? Мен сизга ўшаган әмасман: ер-сув ўзимга керак бўлмаса ташлаб кета бермайман, боламни

ўйлайман. Ер-сув, уй-жой менга керак бўлмаса боламга керак. Шу бечора ҳам умид билан дунёга келган, ҳа демай катта бўлади, бола-чақа қиласи... Ўзингиз отангиздан ҳеч нарса қолмай, қаттиқчилик кўриб ўсгансиз, қаттиқчилик нима әканлигини яхши биласиз. Отангиздан бир парча ер қолганда ўша қаттиқчиликни кўрмас әдингиз. Нажот ўғлимга ўшандоқ қаттиқчиликни раво кўрсан! Сиз раво кўрасиз, сизга ўхшаган меҳри қаттиқ оталар раво кўрар! Мен ўғлимни ўйлайман, болагинамнинг пешонасини ўйлайман.

Ерга қараб чўп синдириб, унинг сўзларига жимгиж қулоқ солиб ўтирган Сидиқжон ер остидан унга бир кўз ташладию жилмайиб:

— Бу тўғрида мен сиздан кўпроқ ўйлаб юрган бўлсам нима дейсиз? — деди ва шу билан «Мен ҳозир нима қилиб юрган бўлсам ҳаммасини ўғлим учун қилиб юрибман» демоқчи эди. Бироқ Шарофат буни ўзинча тушунди: «Аччиқ устида шундоқ бўлиб кетдии ўшандан бери нима қилишимни билмай юрибман» демоқчи деб ўйлади. У, сипоҳгарчиликни қўлдан бериб қўймаслик учун бирпаст жим қолди-да, кейин қошини бир оз чимириб, сўз бошлиди:

— Чол-кампирнинг шу боладан бошқа миросхўри йўқ, ҳозирги замонда ерни сотиб бўлмаса... Е сотиб бўладими? Удда қилсангиз сотинг; агар шунча йил туз ичган қишлоғингизнинг суви энди сизга ҳаром бўлса сотингу қўнглинигиз тортган жойдан ўғлингизга атаб бошқа ер олиб қўйинг. Ихтиёр ўзингизда... Дадамни ўзингиз биласиз: оғир ишга ярамайдилар. Замонни кўриб турибсиз: бирор учун бирор тўртдан бирга әмас, шерикликка ҳам бир кетмон урмайди. Колхоз ҳозирданоқ шоликорликка кўз тиккан. Дадамни икки марта жамоа чақиртириди. Дадам: «Куёвимнинг ўзи жавоб қиласи, менинг ҳаддим сифмайди» деб жавоб бериптилар. Жамоа сизнинг бу ёқларда юрганингизни ҳали билмайди... Янаги йилга ер әкувсиз қолса колхоз ҳеч кимдан сўраб ҳам ўтирмасдан қўш солиб юборади. Бечора болагинам ерсиз қолади...

Сидиқжон ҳамон ерга қараб чўп синдирар әкан:

— Бечора болагина-ку ерсиз қолмайди, лекин... бечора отагинангизни қулоқ қилишаётган бўлмасин тағин? Қулоқ қилишмоқчими? — деди.

— Вой, нега, нега қулоқ қилишар әкан? Ҳеч-да...

— Ҳўш, нима қиласиз бўлмаса?— деди Сидиқжон бир оз жим қолганидан кейин.

— Ўзингиз биласиз... Менга бари бир... Ишқилиб шу бола...

— Боришим керакми, ахир?

Шарофат ранги бўзариб, Сидиқжоннинг юзига бақ-райганича қараб қолдию анчадан кейин:

— Билмасам...— деди.

— Сиз билмасангиз, мен билмасам...

— Борсангиз... майли, бошқа хотин оласизми, бошқа иш қиласизми... Ерни сотиб бўлса жон кошки эди!

Сидиқжон яна кулумсиради.

— Борсам ер учун бораманми?

— Болангиз учун борасиз.

— Мен болам учун борадиган бўлсам сиз болангиз учун шу ерга келиб қўя қолсангиз қалай бўлади? Лекин мен сизнинг қўйнингизни пуч ёнғоққа тўлғизмайман... Борини кўрасиз... лекин менинг ҳозирги туриш-турмушими кўриб юрагингиз ёримасин... Биз гувалак қўяётганимизда келдингиз... Кўлимиз лой... Бу гувалакдан иморат бино бўлгунча мана бунақа атлас қўйлагу амиркон махси-ковуш кия олмайсиз. Баланд охурдан ем еб ўрганган киши аввал боши қўрқиб кетади...

— Вой, ғалатисиз-а, мен сиз билан ярашаман деяётибманми? Безорман...

— Йўқ, мен ҳам сирасини айтиғибман-да. Сиз ҳам «сирасини» кўп айтдингиз-ку. Кўраман десангиз туриш-турмушими кўрсатаман. Лекин ҳозир шундоқ бўлса йилдан-йилга қандоқ бўлишини ҳам айтиб бераман. Мана, янги ер очаётимиз...

Шарофат билагини кўзига қўйиб беҳосдан йиглаб юборди.

— Шўргинам қурсин... Ўғлимни беватан қилар әкан-сиз-да. Ўзингизга ўхшаган беватан бўлар әкан-да... Ота ҳам шундоқ бағри тош бўладими?.. Тайёр ерни, тайёр уй-жойни ташлаб... Одамлар фарзандини деб йўқни бор қилади-ю сиз бўлсангиз борни ҳам йўқ қиласман дей-сиз!

— Йўқ, бундоқ деялмайсиз. Мен ҳозир нима қилаётган бўлсам ҳаммасини ўғлим учун қилаётиман; ўғлим

менга ўхшамасин деб қилаётibман. Сиз болангизни кўргани, менинг онамга ўхшаб жийда, беҳи, арава мих кўтариб қелманг деб қилаётibман.

Шарофат Сидиқжоннинг пичингига тушунмади шекилли:

— Нима қилибсиз, нима қилдингиз? — деди.

— Энди қилаётibман. Ўғлимга ер-сув керакми? Ер-сув тайёр. Ўғлимга уй-жой керакми?..

Шарофат унинг сўзини бўлди:

— Мунча яхши, ҳукуматнинг хазинасини ҳам инъом қила қолинг!.. Ҳукуматнинг ерига мунча бино қўйишлик! Қачондан бери ҳукуматга суюниб қолдингиз?

— Ақлим киргандан бери...

— Беришнинг олиши ҳам бўлади...

— Нимани, ерними? Ерни тортиб олади демоқчими-сиз? — деди Сидиқжон заҳарханда қилиб, — нима қила-ди тортиб олиб, темир сандиқقا солиб қўядими? Биздан тортиб олиб кимга беради? Мана шу жойлар бурун Абдуваққос деган бир эшонга карашлик әкан, ҳукумат биздан тортиб олиб ўшанга берадими? Аммо Охунбо-боевнинг ўрнига Собиржонқорига ўхшаган одам ўтириб қолса шундоқ қиласр әди. Сизнинг дадангиз ўтириб қолса ҳам шундоқ қиласр әди. Е қилмасмиди?

Шарофат яна кўзига ёш олди.

— Сизга қолса дадамни ёт унсур ҳам дейсиз. Билмадим дадам бечора сизга нима ёмонлик қилган әканлар. Сизни деб шунча куяди, шунча куяди... Ўғлим йўқ әди, худо ўғил берди дер әди. Аччиқ устида сизга ўша гапларни айтиб кейин нима аҳволга тушганинни билмай-сиз. Йиғлаб, ўзларини уриб... әслари кетди. Сиз нуқул ёмонлайсиз... Ҳеч инсофингиз йўқ. Бағри тош! Сизнинг ўрнингизда бўлак одам бўлганда, минг ёмон кўрса ҳам, аччиғидан тушганидан кейин бир бориб ўша бечорани юпатиб, кўз ёшини тиндириб келар әди. Нуқул «қанотим синди» деб йиглайдилар... Ўшандан бери бир кун сор бўлсалар уч кун касал... Ҳар куни аямни уришадилар, икки марта ўласи қилиб урдилар. Мен билан келмоқчи әдилар, дармонлари етмади, йиғлаб қолдилар...

— Менинг бу ерда әканлигимни ким айтди? — деди Сидиқжон бирпас жимлиқдан сўнг, — ўзингиз сўроқлаб билдингизми? Кимдан сўрадингиз?

Шарофат Сидиқжон рашк қилаётитти детан хаёлда ўзини жуда қўрқсанга солди.

— Мен ҳеч қаерга борганим йўқ. Сиз кетганингиздан бери остонаядан хатлаган бўлсам оёғим синсин. Сизга бари-бирку, сирасини айтаман-да... Дадам билиб келдилар.

Унинг ҳамма гапи ва муомаласидан Ўрмонжоннинг тахмини тўғри чиққанлиги очик-ойдин кўриниб турса ҳам Сидиқжон яна:

— Дадангиз бориб олиб келгин деб юбордиларми? — деди ва бу гапни жуда қўпол тарзда айтганини сезиб сенин Шарофатга қаради. Шарофат, паранжининг попуги-ни эшиб, ерга қараганича ўтирас, афтидан, бу саволга жавоб бермоқчи әмас эди.— Дадангиз шунчалик деган бўлсалар худо хайр берсин,— деди Сидиқжон қўпол равишда айтган гапини силлиқлаш учун,— у киши менга қандай бўлсалар, мен ҳам у кишига шундай... Онангиздан ҳам хафа әмасман. Лекин орага бир совуқчилик тушгандан кейин менинг ўша уйга қайтиб боришим тўғри келмайди. Гап совуқчиликда ҳам әмас.

— Нимада бўлмаса? — деди Шарофат бирдан бошини кўтариб.

— Нимада? Ҳар нарса қилсангиз ҳам ўзингизни гўлликка солманг, хафа бўламан. Ҳалигина мен қизлигимда гўл әмас әдим, ўртоқларим ичидан мендан шайтон қиз йўқ әди демадингизми? Энди гўл бўлиб қолдингизми? Нимага бўлар әди, мен ўзимга ўхшаган одамлар ичига тушиб қолдим. Мен шударни кўриб ўзимни танидим. Кўр хассасини бир марта йўқотади. Мен бу ердан кетмайман. Шуни бориб дадангизга айтинг. Агар ота-онангиз мен билан шу ерда умр қилишингизга рози бўлишса, ўзингиз ҳам шуни хоҳласангиз шариат-тариқат деб ўтирмаймиз... Шариатнинг йўли кўп әкан, биттаси берк бўлса тўрттаси очик...

Шарофатнинг юпқа лаблари кўкариб пир-пиради, бурни оқариб, катаклари керилди. Сидиқжоннинг назарида, у ҳозир ҳеч оғизга слиб бўлмайдиган бир гап айтиши, бақириши, сўнгра болани олиб жўнаб кетиши керак әди. Бироқ Шарофат ундаи қилмади. У ўзини ерга отиб урдию, худди илон чаққандай, тўлғониб йиги бошлиди.

— Мен кўчада қолганимдан бу ерга келибманми?.. Шу болам тирик етим бўлмасин, шу боламнинг пешонасига ер битсин деб келганман... Мен әрсираб келибманми?.. Эрсираган бўлсан бўйни йўғон сон мингта! Болам тирик етим бўлмасин деб келдим... Болам дарбадар бўлмасин деб келдим.

— Ҳарқанча дарбадарлик бўлса мен кўрганман, ўғлимга қолгани йўқ,— деди Сидиқжон.

Шарофат бирдан бошини кўтариб Сидиқжонга қарди ва туриб ўтироди. Унинг рангги ўчиб, кўзлари қизарган, лекин қуруқ әди.

— Бормайсизми?— деди худди ҳозир юладиган бир важоҳатда,— бормайсизми?!!

— Шовқин солманг, бирор әшитса нима дейди! Айтдим-ку...

— Шу гапингиз гапми? Шу гапингиздан қайтмайсизми?

— Уй қиладиган бўлсангиз менинг кўнглимга ҳам қаранг-да.

— Қайтмайсизми? Уч марта айтаман: қайтмайсизми? Қайтмайсизми?...а Қайтмайсизми! Ҳўп, бўпти! Менга нима, бола бир меникими! Мен қўлидан келганини қилдим, энди уволи сизнинг бўйнингизга... Ерсиз қоладими, етим бўладими... Етим бўлганда ҳам шундай етим бўлсин, шундай ҳам етимча қилайки қон йиғласин! Бошига бир мушт уриб, бир бурда қаттиқ нон берадиган бир бўйни йўғонга тегмасам мен ҳам юрган эканман!.

Шарофат шу гапни айтдию иргиб ўрнидан турди ва болани худди ердан юлиб олгандай, силтаб кўтарди. Бола қўрқиб уйғонди ва чинқириб йиғлади. Сидиқжоннинг унга айтадиган бошқа гапи йўқ әди, бироқ шу кайфиятда кетишини хоҳламади; назариди, агар шу кайфиятда кетса, шу ердан борибоқ жўрттага бир бўйни йўғонга тегадиган, у бўйни йўғон дарров боланинг босига бир мушт уриб қўлига бир бурда қаттиқ нон тутқазадигандай бўлди; шунинг учун, юпатиш баҳонаси билан болани унинг кўлидан олар экан, (Шарофат болани дарров берди) мумкин қадар мулоимлик билан:

— Бугун қолинг, кун кечкирди, әртага ўзим арава топиб жўнатаман. Йисомиддин амакингиз аллақачон кетиб қолгандир,— деди.

— Вой ўлай! — деди Шарофат кунга қараб,—албатта кетиб қолдилар-да, менга қараб ўтиармидилар! Вой, ўлганим яхши... Вой шўргинам...

Шарофат отаси ўргатган, ўзи билган ҳамма гап, ҳамма йўлларни ишлатиб натижага чиқара олмаганидан кейин бу кечага шу ерда қолиб Сидиқжонни бу ерга боғлаган, унинг димоғини шиширган нарсани яхшилаб билмоқчи ва шунга қараб тош қўймоқчи бўлди. У, Анзират холанинг уйига етгунча, аравадан қолгани учун ўзини дамбадам товуш чиқариб қарғаб борган бўлса ҳам, хўп ўйлади ва турли-туман тахминлар қилди. Унинг назарида бу тахминлардан ҳақиқатга яқинроғи Сидиқжоннинг «шу жувон ўлгур» Канизакка айланишиб қолганлиги әди. «Бояги семиз одам айтган гаплар рост экан,— деди ичиди,— лекин буни маҳлиё қилган унинг қора кўзигина эмасдир. Яна нимаси экан? Қўмиб қўйиган тилласи йўқдир, кўмиб қўйиган тилласи бўйдоқ йигитга тегар әди. Бўлса уй-жой, илгариги әридан қолган рўзгори бордир. Бу безотнинг димоғини шиширган шу нарса! Бу безотку укинг уй-жойига учипти, у манжалақи бунинг нимасига учди экан? У ҳам бунинг қуруқ ҳуснагагина учмагандир. Нимасига учди экан? Бу безот унга нима деб мақтанди экан? Аввали шуки, ҳеч кимим йўқ, ёлғиз бошим дегандир; шум укаси, илоннинг ёғини еган мўлтони онаси борлигини яширгандир...»

Шарофат Анзират холанинг остонасидан ичкарига қадам босгандага заҳарга тўлган чаёндай ўз заҳаридан ўзи қарахт әди; бироқ ҳовли ва уйларининг аҳволини, ҳовлида ошқовоқ пўчоқ судраб ўйнаб юрган бола ва қўришгани қучоқ ёзиб келаётган кампирнинг устбошини кўриб заҳри бир оз тарқалди; Анзират хола Сидиқжонга «Вой, садақайи одам кетинг, наҳот киши шундай хотинни, шундай болани қўйиб бу ёқларда юрса!» деганидан кейин ҳатто чеҳраси очилди. Анзират хола уни нариги уйга олиб кирди. Шарофат, мезбонни назари илмаган меҳмондайдай ҳеч кимнинг таклифини кутмасдан, тўғри тўрга ўтиб, якандознинг ўртасига ўтироди-да, рўмолини қайта боғлар экан, уйнинг у ёқ-бу ёғига қаради. Сидиқжон бўсағадан бир қадам ичкарида чўнқайди-да, болани ерга қўйиб онасига йўллади ва болага қараб у-бу деб турган бўлса ҳам, кўзи ва бутун диққати Шарофатда әди. У Шарофатнинг

қўйини пуч ёнгоқча тўлғазмаслиги, туриш-турмушини кўрсатиши керак экани тўғрисида ўйлаганида бу туриш-турмуши туфайли оз бўлса-да хижолат тортишни хаёлига ҳам келтиргмаган эди. Бироқ энди, Шарофат уйнинг у ёқ-бу ёғига қараб ўтирганида хижолатлик сеза бошлади. Унинг назарида, ҳовли илгариgidан ҳам хароброқ, уй ва ундаги ҳар бир нарса қўзига абадий қашшоқлик нишонаси бўлиб кўринар эди. Анзират хола дастурхон олиб кирди. Сидиқжон чойни кутмай ишга кетди.

Шарофат кечгача Анзират холани гапга солиб ҳамма нарсани батафсил билиб олди, лекин бу гаплардан Сидиқжонни бу ерга нима учун бунчалик борланганига жавоб тополмади. У ўйлаб-ўйлаб Канизакка ёпишди: «Бу имонсиз кампир ёлғон айтаттандир. Бунинг ҳам ҳеч кими йўқ экан, икковининг орқасидан кун кўриб юрган бўлса, буларнинг сирини менга албатта айтмайди-да. Мен содда шунинг гапига ишониб ўтирибман. Худо ургани йўқки, бир ҳовлида туриб у қўзини суэмасаю, бу ипини узмаса! Бу жувон ўлгур қўзини сузган! Бу безот хуштор бўлиб қолган! Наҳот шунчалик хуштор бўлсаки, қўзига мол-дунё ҳам кўринмаса-я! Шунаقا хушторлик ҳам бўлармикин? Бунаقا хушторлик-ку бўлмайди, бу манжалаки бир бало қилган, ўзига иситиб олган бўлса ажаб әмас. Рост, бу гапни худо қўнглимга солди, ўзига иситиб олган. Эссиизгина, буни билганимда ўша ердан қайтарма қилдириб келар эканман... Э, энди билдим: онаси ўлгур ҳам бир илм-амал қилган, уни мендан совутган; совутмаган бўлса шундай ювош одам бирданига бунаقا бўлиб қолмас эди. Онаси ўлгур ўша келишида беҳи олиб келган эди, шу беҳида бир гап бор экан. Бу гапни ҳам худо қўнглимга солди... Шу ерга келадиган бўлсанг ярашаман дегани ҳам бир хийла: Канизакни олар экан деб ўйламасин, ўча-кишиб болани ташлаб кетмасин деб айтди. Бу — иккови бамаслаҳат қилган иш. Бамаслаҳат бўлмаса мени бу ерга олиб келмас эди. Биладики, мен бунаقا юзта эрнинг баҳридан ўтаман, лекин бу ерга келмайман...»

Шарофат мана шундай фикр-хаёллар билан бўлиб, кечқурун Канизак келганида яна заҳарга тўлиб ўтирган эди; бироқ уни чўчитмаслик, ғафлатга солиб туриб бирдан қўлга тушириш учун авзойини сира билдирамасликка ҳаракат қилди: у билан ўрнидан туриб, қучоқлашиб,

ҳатто «опангиза ўргилсинг» деб кўришди. Канизак, унинг бундай қарши олишини қутмагам бўлса ҳам, ҳайрон бўлмади, у билан хандон-хушдон гаплашди, боласини сўйди. Шарофат Капсанчилар қишлоғининг бод-ҳавоси, «бирам чиройлик» тўқайлари, дарёси тўғрисида гапириб туриб тўсатдан:

— Мен ҳам шу ерлик бўлмоқчиман,— деди ю Канизак-нинг кўзига қаради.

Шу пайт Сидиқжон келиб айвондаги ўчоқ бошига — Анзират холанинг олдига ўтиб кетди. Канизак ўша томонга қараб паришон ҳолда:

— Жуда яхши бўлади, аяча, яхши бўлади... Бу ерлар ҳам обод бўлиб кетади,— деди ю ўрнидан туриб, югурганича Сидиқжоннинг олдига борди ва пичирлаб, звенонинг бир арава пахтаси пахта пунктидан қайтганинги айтди. Сидиқжон бир нима деб дўнгиллади. Анзират хола кулди.

Шарофатга шунинг ўзи кифоя қилган әди, бунинг устуга, Канизак: «ўлсин» деди. Бу гап Шарофатнинг қулоғига эркараб, йиғламсираб айтилгандаи бўлиб кирди. Ғазабдан вужуди қақшаб ақли қочган Шарофат «наинки Канизак Сидиқжонга хотининг қоламан деяётити деб ҳозирнинг ўзидаёқ арз қилақолса» деган нарсани ўйламади. Канизак қайтиб келганда у, ўлим хавфи остида қолган мушукдай, кўзлари ҷаңнаб тикка унинг юзига чанг соладиган бир важоҳатда ўтирас әди. У чироққа ёнбош ўтиргани учун Канизак буни пайқамади.

— Ким ўлсин? — деди Шарофат энтикиб.

— Вой, аяча, сизга нима бўлди?... — деди Канизак ва унинг афтига қарашга улгурмади: Шарофат олдида турган чойнак билан унинг башарасига туширди. Канизак бир қичқирдию ағдарилиб тушди, лекин дарров ўрнидан туриб ўзини четга олди. У ўнг кўзини юзи аралаш ушлаб, нима бўлганини ва яна нима бўлишини билмай, гаранг бўлиб қолди.

Шарофат ҳай-ҳайлаб югуриб келган Анзират холанинг бошига шокоса билан урди; Сидиқжонга пиёла, ковуш, обдаста отди; яна Канизакка ҳамла қилди. Канизак нариги уйга кириб кетди. Нариги уйда Канизак, ўчоқ бошида Анзират холавой-войлар, бола чинқириб йиғлар әди. Ҳаял ўтмай Канизак оқ тугун кўтариб, юз-кўзини-

ушлаганича йиглаб, күчага чиқиб кетді. Шарофат ҳамон шоекин солар, Сидиқжонга отгани нарса излаб у ёқ-бу ёққа югурап, топганини отар, лекин әнді газабидан әмас, отилаётган нарсаларга чап бермай тахт турған Сидиқжоннинг олов сочайтган кўзларини кўриб қўрққанидан отар эди. Сидиқжон номусга ўлиб, газабидан кўзига қон тўлиб, нима қилишини билмай хийла турриб қолдию, охири ўзини тутолмай, «Хе отангни..» деб Шарофатга томон иктилган эди, кимдир орқасидан тутиб қолди. Сидиқжон қайрилиб қараб Зиёдахонни кўрди.

— Бу нимаси, урмоқчимисиз? Хотин кишини-я? — деди Зиёдахон.

Сидиқжон бошини қуий солиб:

— Келинг, Зиёдахон опа,— деб четланди.

Шарофат бидирлаб кетди:

— Мен у ёқда итвачча боқиб ўтирибману бу киши бу ерда мегажинларнинг әтагини ўпид юрадилар! Аввал битта хотинни әплаб ундан кейин бошқасига қўл чўз! Озодлик душмани! Ет унсур! Руҳоний! Мени хотин қилмайдиган бўлсанг жавобимни бер!

— Жавобингни берганим йўқми?— деди Сидиқжон илжайишга ҳаракат қилиб.

— Берганимасссан!

— Ҳа, ҳўп, бошқатдан: роса, роса уч талоқ қўйдим! Кутулдимми?

— Нега қутулар әкансан! Дадамнинг ҳақларини бериб ундан кейин қутуласан?

— Дадангизнинг менда яна ҳақлари қолган вакни?

— Эшигимизга увада тўну чилвири белбоғ билан келган эдинг!

— Нима билан чиқиб кетдим?

— Кўйинглар бунақа гапларни!— деди Зиёдахон,— қани юринг, ўртоқ, бугун бизникида ётинг, әртага икковларинг ҳам жаҳлдан тушганларингдан кейин гаплашасизлар. Олинг болангизни.

— Олмайман! Олсин ўзи итваччасини!

Бола ҳануз чирқираб йиглар эди.

Шарофат паранжисини ёпиниб уйдан чиқди. Сидиқжон Зиёдахонни секин туртди.

— Зиёдахон опа, бир нима қилинг, болани олиб кетсин. Жон опа! Мен нима қиласман, қандай қиласман?

— Колхозчилик, Сидиқжон, битта бола бўлса юмалаб-сумалаб ўсади, ҳеч ташвиш тортманг, колхознинг бағри кенг.

Зиёдахон йигидан хириллаб қолган болани олиб Шарофатнинг кетидан югурди ва бўсағада етиб олди.

— Ўртоқ, ўртоқжон, манг бола бечорада нима гуноҳ! Слинг.

— Итвачасини ўзи боқсин!— деди Шарофат ва Зиёдахонни итариб ташлади. Бола унинг қўлидан тушиб кетаёди.

Зиёдахон Анзират холани чақириб болани берди. Кампир бир қўли билан бошини ушлаб, иккинчи қўли билан болани бағрига босди ва юзини-юзига қўйди. Шарофат унга жуда яқин келиб ўшқирди:

— Қўшмачи! Қўшмачиликнинг нонини еганингдан кейин бунаقا ишини ҳам қилгин!

— Майли, болам, майли,— деди Анзират хола болани олиб кетар экан.— Ҳар нима десанг ҳам умринг узоқ бўлсин, шу боланинг катта бўлганини кўргин... Илоҳим кўргин!..

Зиёдахон Шарофатни анча ергача суреб олиб кетди. Ичкаридан боланинг ҳиқиллаши, Анзират холанинг болани аллалаган товуши ва ора-сира инқиллаши эшитилар әди.

Сидиқжон ичкарига киришни ҳам, кўчага чиқиб кетишини ҳам билмай остононда туриб қолди. Ичкарига кириб кампирга қайси юзи билан қарайдию қайси тили билан унга бир нима дейди ва нима дейди? Зиёдахон нима деб ўйлади? Шарофат ҳозир унга нималар деб кетаётган экан? унинг гапига ҳеч ким ишонмаганда ҳам Зиёдахон ишонади. Эртага бу можаро бутун колхозга маълум бўлганда одамлар нима дейди? Бунинг тұхмат эканлигига бу одамларнинг қайси бирини ишонтиради, нима деб ишонтиради? Бечора Канизак одамларнинг кўзига қандай қилиб кўринади? Нима дейди?

Сидиқжон остононда ўтириб қолди. Хийла вақтдан кейин Анзират холанинг оёқ шарпаси эшитилди. Сидиқжон дарров ўрнидан турди. Анзират хола эшикка томон келар әди. Сидиқжон йўталиб ичкарига кирди ва икки қадам босмасдан Анзират холага тўқнаш келди.

— Ҳа, болам, қаёқда қолдинг?— деди кампир,— юр овқатингни еб олгин, эсинг кетди.

‘Анзират хола ўчоқ бошига кетди. Сидиқжон уйга кирди. Бола ухлаб ётар әди. Анзират хола бир шокоса ширгурунч келтириб Сидиқжоннинг олдига қўйди.

— Егин, болам, егин... Майли, хафа бўлма, шунаقا бўлади.. Енгилроқ жувон әкан...

— Хола,— деди Сидиқжон товуши хиёл титраб,— әнди мен буни сизнинг кўнглинги здан қандай қилиб чиқараман? Мен туфайли шунча... умрингизда әшитмаган гапларни әшитдингиз...

— Майли, болам, майли, әшитсан сен туфайли әшибтиман, у туфайли әшитганим йўқ... Боланг уч-тўрт кун қийналади, кейин ўрганиб кетади. Мен Канизакдан бир хабар олиб келай. Марусянинг уйида бўлса керак.

Қалтис йиқилиб бирон жойи майиб бўлган киши бунинг оғригини ўша тобда әмас, кейин билганидек, Сидиқжон бу можаронинг бутун даҳшатини шу кечаси кўрпага кирганидан кейин билди. Унинг назарида ҳозир бутун қишлоқ фақат шу тўғрида,— бирор кулиб ва бирор тажанг бўлиб, бирор Шарофатни ва бирор Канизакни қоралаб, бирор «ҳамма иллат шу йигитнинг ўзида» деб шу можаро тўғрисидагина гапираётгандай бўлар әди. Унинг кўз олдига Эйёдахон келди. Шарофат унга нималар деди әкан? Унинг сўзларига ҳеч ким ишонмаса ҳам Эйёдахон ишонади. Баҳорда балхтут остида бўлган ҳодиса ҳеч қачон унинг эсидан чиқмайди.

Сидиқжон бундан ҳам кўра ҳозир боласини қўйнида олиб ётган Анзират холадан, бирорвнинг уйида инқиллаб ётган Канизакдан хижолат тортар әди.

Анзират холанинг қўйнида ётган бола тўсатдан қичқириб юборди. Сидиқжон уни албатта бир нима чақди деган хаёлда ўрнидан тура солиб югорди. То у етиб боргунча Анзират хола туриб болани қучоғига олди ва силкитиб юпата бошлади:

— Йў-йў-йўк... Вой, болагинам. Йў-йў йўк... Болам бечора тушида қўрқди, тушида қўрқди болагинам.. Аллў аллау-алла...

Бола дарров жим бўлди. Сидиқжон нима қилишини билмай, Анзират холанинг орқасида бирорас туриб қолдюю ниҳоят:

— Хола, менга берақолинг, сизни ухлатмайди,— деди.

— Вой, нима қилиб юрибсан, болам? — деди Анзират хола болани ётқизиб, — бор ухла. Эрта саҳарда ишга чиқадиган одамсан, бор, бор! Мен болани әнди кўрибманми.. Бола бечора ўшанда қўрққан әккан-да, қўрқса шунаقا бўлади. Бераҳмлар, наҳотки болани шунчалик қўрқитсаларинг! Сен ҳам шунинг товушига уйғондингми?

— Уйғоқ әдим... Эртага олиб кетар, ҳар нима бўлганда ҳам кўкрагида оналик меҳри бордир.

— Олиб кетса олиб кетар, олиб кетмаса бу тўғрида ҳеч ташвиш тортма, ўғлим. Умрини берса Ҳошимжон билан ака-ука бўлиб ўсади.

Сидиқжон Анзират холанинг фақат шу мазмунда бир нима дейишини кутган бўлса ҳам, бу гап қалбита иссиққина тегди. Унинг бутун вужуди әригандай бўлди; кўкрагининг аллақаеридан шув этиб қўтарилган бир нима гомоғида лип-лип әтдию қўзига ёш келди.

— Куллуқ, онажон! — деди әшитилар-әшитилмас.

— Хотининг, бунақа феъли тез экан, олиб кетмагани ҳам дуруст. Еш нарса шундоқ баджаҳл бўлса-я! Хайрият ҳам Эйёдахон келиб қолди, бўлмаса ҳамма ёқни остинустун қиласар экан. Мен Эйёдахонни ҳам урармикин деган әдим. Хайрият урмади. Иккикарат нарса... Эридан балога қолар эдик... Эри қандоқ яхши қўрадики... Бечора бола кўрмай юриб-юриб әнди кўрди. Ўтган йил қиши билан районга докторга қатнади. Эсон-омон қутулсин. Яхши жувон, ўқиган... У келганда Канизак чиқиб кетганими? Эсимда ҳам йўқ...

— Ҳа, Канизак чиқиб кетгандан кейин келди... Хола, Канизак Марусяникида ётиши чакки бўлади-да: билмаган одам айби бўйнида экан дейди. Шуни азонда бориб олиб келинса, ишга шу ердан чиқса, билган билиб, билмаган билмай қўя қолса яхши бўлармиди дейман... Мен борсам гап қўпаярмикин. Бундан ташқари ҳозир мен унга бир нима дейишими ҳам қийин, мендан хафадир. Кўнглидан чиқарарман...

Анзират хола анчадан кейин жавоб берди:

— Ҳарқалай хотининг кетгандан кейин келгани яхши, болам.

Сидиқжон, гарчи Канизак қайтиб келмас деган ўйга бормаган бўлса ҳам, Анзират холанинг бу гапидан кейин

у можаронинг әнг ҳунук оқибати барҳам топғандай сиғил тортди.

— Рост айтасиз, хола,— деди ва бориб жойига чўзилди.

Дарҳақиқат бу можаронинг бошқа оқибатлари ҳозир унинг кўзинга ўзидан-ўзи барҳам топған ва топадигандай кўринар эди: «Анзират хола мендан хафа эмас,— дер эди, ўзича.— Нимага ҳам хафа бўлади? Ўзи кўриб билиб турипти; бундан ташқари ўз онамдай бўлиб қолган одам. Болани Шарофат әртага албатта олиб кетади, олиб кетмай иложи йўқ — боласидан айрилса чумчуқ чирқирайдию! Лекин қайтиб кетишида у яна бир тўполон қилади, нафақа берасан деб тўполнон қилади; мен кўп десам, қўлига бор йўғимни тутқазсам ҳам тўполнон қилади!»

Унинг кўз олдига шу жанжал манзараси келди: ранги, кўз жияклари оқарган, юпқа лаблари кўкариб кетган Шарофат оғзига келган гапни қайтармай шовқин солмоқда; ўртага тушмоқчи бўлган кимнидир юлади; ҳамма әркакларни ҳамиятсиз, ҳамма хотинларни бузуқ дейди. Бирор кулади, бирор тажанг бўлади... Шунда Зиёдахон келиб секин: «Сидиқжон, оғир бўлинг, ҳамма кўриб, билиб турипти; бундай шаллақи, бундай тухматчи, бунингдай юэсиз хотинни умримда кўрганим йўқ» дейди. Шунда Канизак, «Вой, Сидиқжон ака, ўлмаган жонингиз, шундай хотин билан ўн ийл қандай умр қилдингиз!» дейди...

Сидиқжон жиндак мизғигандай бўлдию кўзини очиб қараса тонг отиб қолипти; бет-қўлини ҳам ювмасдан тўқайга чопди.

Ҳамма аллақачон ишга тушган. Тўлаган ака билан арра тортаётган Зокир ота Сидиқжонга ҳўмрайиб қарди. Сидиқжон, худди кеч қолганимнинг ҳиссасини чиқараман дегандай, дарров ишга тушди ва шитоб билан дараҳт бутао экан, Канизакни излаб атрофга кўз ташлади. Зокир ота ундан Канизакни сўради. Сидиқжон шундан билдики, Канизак ишга чиқмалти ва кечаги можародан бу ердагиларнинг хабари йўқ экан, шунинг учун «Келиб қолар» деб жавоб берди. У, бир томондан Канизакка нима бўлди, кўз-пўзига зиён етмадимикин деб ташвиш тортса, иккинчи томондан, Шарофат келиб яна жан-

жал бошлашини минут сайин кутгани учун, унинг ишга чиқмаганидан хурсанд әди.

Тушликка занг урилганда Зокир ота нон халтасини кўтариб, одатдагича, қўшни бригададаги ўртоғининг олдига ўтиб кетдию ишга занг урилганда ўзидан-ўзи жовраб, сўкиниб келди. Унинг авзойини кўриб Сидиқжоннинг юраги шув этиб кетди: «Ҳа, эшигитти, Канизак нега ишга чиқмаганини билипти. Кимни сўкаётитти — меними, Шарофатними? Мени сўкаётитти. Ҳозир келиб шовқин солади, дилимни сиёҳ қиласди. Ҳозир мен бунга қандоқ қилиб тушунираман? Гапимга қулоқ солармикин?..»

Зокир ота нон халтасини тўнининг устига қўйиб, болтани қўлига олар экан:

— Канизакни кейин кўрдингми, дурустми; кўзига зиён қилмантими? — деди.

Сидиқжон унинг бу хилда мулоийимлик билан гапиришини кутмагани учун дафъатан тушунолмади.

— Лаббай? — дедиую кейин тушуниб жавоб берди:— Дуруст, ҳеч нима қилгани йўқ... бети салгина...

— Бўлар иш бўлипти, энди ҳеч кимга оғзингдан чиқарма. Бости-бости... У фалокатдан билиб қочган экансанда: Болага, ўз боласига меҳри шу бўлса, ундан нима умид қиласди киши? Майли, болага меҳри шу бўлса ташлаб кетгани яхши бўлипти. Ташлаб кетгани кўнгли бўлган онанинг борию-йғи! Шундоқ эмасми?

— Менинг туриш-турмушимни кўрмасдан бурун «айланай-ўргилай» деб ўлаётган әди, кўрганидан кейин газак олиб шишиб кетди. Энди ташлаб кетаман деб мени кўрқитмоқчи.

— Ташлаб кетипти-ку, тағин нима?

— Ҳали кетгани йўқ, кечаси Зиёдахон опам олиб кетган әдилар.

— Ие, ҳали хабаринг йўқми? Хотининг аzonда жўнапти. Болтабой кузатиб қўйилти. Бола тўғрисида шунча гапиришипти, уч-тўрт киши шунча ўртага тушилти...— унамапти. Нуқул итвачча дер эмиш. Астағфирулло, ўз боласини, ўзи туқсан болани итвачча деса-я!

Зокир ота сўкиниб дараҳт бутай кетди. Сидиқжон гаранг бир аҳволда туриб қолди. Унинг кўз олдига йиғлаб-йиғлаб ҳолдан тойган ва уйнинг бир бурчагида

ҳиқиллаб, мунғайиб ўтирган ўғли еа хуноб бўлиб жовраб, дам-бадам кўча эшигига бориб келаётган Аңзират хола келди. Бу манзара кечгача унинг кўз ўнгидан кетмади; кечгача ўйлаб ўғлини Баҳрободга — онасига ташлаб келишга қарор бердию шу тўғрида гаплашгани ишдан тўғри Ўрмонжоннинг уйига борди. Ўрмонжон унинг сўзини эшитиб кулди.

— Жуда эрка ўсан қиз болага ўхшайсан: сал бир нима бўлса дарров она деб қоласан! Салгина иситма чиқарсанг Баҳробод — она, хотининг болангни ташлаб кетса ҳам Баҳробод — она! Ким айтади сени қаттиқчилик кўриб ўсан йигит деб! Онанг бечорага отангдан иккита сағир билан қолиб кўрган қунлари ҳам етади. Ўн йил онангга қарамабсан-у энди бола боқиш керак бўлганда Баҳробод — онами? Қўлингдан ёрдам қилиш келгандა ёрдам қилишинг керак эди, ҳозирча ёрдам қиломас экансан, ҳеч бўлмаса қўй, бечоралигини қилсин.

— Нима қиласман бўлмаса, Аңзират холага ташлаб қўйиш ҳам инсофдан әмас. Мен у кишидан жуда хижлатда.

— Нега Аңзират холага ташлаб қўясан? Унинг ҳам иши бор, невараси бор. Боғчани нимага очиб қўйибмиз? Мен Марусяга тайинлаб қўйдим, эртадан бошлаб боғчага бер. Ҳар куни эрталаб ишга кетаёттанингда әлтиб қўясан, қайтишда олиб кетасан. Шундоқ қилсанг ўзингдан бошқа ҳеч кимга оғирлиги тушмайди.

Сидиқжон Ўрмонжоннинг олдидан таъби очилиб чиқиб кетди. У биринчи навбатда Канизакка узр айтиш учун йўлакай Марусянинг уйига томон бурилди. Уйнинг эшиги очиқ, ичкаридан хотин кишининг дам-бадам кулган товуши эшитилар эди. Сидиқжон орқа томонга ўтиб тепаликка чиқди ва ойна ўрнатилган туйнукдан ичкарига қаради. Маруся китоб ўқир, Канизак унга қулоқ солар әкан ҳадеб кулар, кимдир унинг сочини ўрар эди. Сидиқжон синчиклаб қараб бу хотинни таниди. У — Канизакнинг звено бошлиги бўлишига норози бўлиб Бўтабойнинг олдига арзга борган аёллардан бири — дўнг пешона жувон эди. Сидиқжон буни кўриб «ҳа, шу хотин кўргани келган бўлса Канизак тухматга қолганини ҳамма билар әкан» деб қўйди ва ҳозир унинг олдига киришни лозим кўрмай уйига кетди.

Бола ухлаб ётар әди. Аңзират хола Сидиқжоннинг бемаҳәл юришидан жиндай койиди, кейин боланинг бугун қилган шўхликлари, айтган гаплари тўғрисида кула-кула сўзлади. Унинг юзида ҳеч қандай малол аломати кўринмас, аксинча, ҳар кунгидан хуррамроқ әди.

— У қасофат кетиб қолипти-ку,— деди Сидиқжон.

— Ҳа, эшитдим, болам, ҳамманинг лаънатига қолди.

— Кимдан эшитдингиз?

— Канизакни кўргани борган әдим. Эйёдахон ўша ерда экан.

— Канизак мендан қаттиқ хафадир?

— Ҳа, хафа бўлган экан, қайтиб бормайман деган экан. Эйёдахон уришипти.

— Энди хафа әмасми?

— Билмасам, нуқул кулади. Ҳўп кулишдик. Ўзи ҳам жуда қизиқ ишлар бўлди-да, болам.

— Канизак қачон келади?

— Келадиган әди, билмадим... Уяламан дейди. Эртага сен ишга кетганингдан кейин келар-да. Ҳа, болангни сўради, йиғламай ўтириптими, дейди. Кўнглим алланувчук бўлиб кетди. Ҳудо умрини берсин, ҳўп жувон-да, баҳоси йўқ жувон!

Сидиқжон бола тўғрисидаги ўзининг аввалги мўлжалини ва Ўрмонжоннинг маслаҳатини айтиб берди. Аңзират хола нима учун Ўрмонжон шундай маслаҳат бергани тўғрисида гапириб боғчага кимларнинг боласи қатнашини, болалар кунни қандай ўтказишини, Маруся болаларга қандай қарашини сўзлаб берди. Сидиқжон бола тўғрисида жуда хотиржам бўлди, шундоқ қўнгли тинчидики, Шарофат уни ташлаб кетмоқчи бўлганда қўрққанига ва бутун куни бўйи бу қадәр ташвиш тортганига кулгиси қистади. Бироқ, эрталаб Аңзират хола кийинтираётганда боланинг фашлик қилиб йиғлаганини, онасини йўқлаганини кўриб қўнгли бузилиб кетди: назарида боласининг бутун умри бундан кейин мана шу хилда йиғлаш, онаси ни қўймасаш билан ўтадигандай бўлар әди. Унинг кўзига ҳозир йиғлаб ўзини у ёқдан-бу ёққа ташлаётган боладан бошқа ҳеч нарса кўринмас әди.

У болани кўтариб қизил чойхонанинг муюлишидан ўтганида рўпарадан келаётган Канизакни кўриб қолди. Канизак кўк рўмolini томонининг тагидан боғлақ олган,

қўлида оқ тугун, ерга қараганича жадаллаб келар эди. Сидиқжон тўхтади ва Канизак ўн қадамча яқин келгандা:

— Канизакхон! — деди Канизак бошини кўтариб уни кўрдию секин тўхтади ва яна бошини қўйин солди. — Канизакхон, мендан ҳар қанча ўтган бўлса... ўзингиз кўрдигиз... ҳамма билади... Энди мен сизга нима ҳам дейман... бир ғарибингизман...

Канизак унга ер остидан қаради. Тонг қоронғусида унинг юзи оппоқ, чўзиқ ва кўзлари ичига ботиб кетгандай кўринди Бола унинг елкасига бошини қўйиб инграр эди. Канизак, у билан бу яқин ўртада гаплашмоқчи бўлмаса ҳам, ранги-рўйини кўриб ва «ғарибингизман» деганида ўзагарган товушини әшитиб кўнгли юмшаб кетди.

- Қаёққа олиб кетаётисиз?
- Бсқчага...
- Докторга кўрсатдингизми?
- Йўқ.

— Аевал доктор кўриши керак, доктор кўриб қофоз бермаса олмайди. Доктор чоршанба куни келар әмиш.

Канизак шу гапни айтдию йўлга тушди. Сидиқжон унинг кетидан қараб қолди. Канизак пастликка тушиб кетганида орқасига бир қайрилиб қаради. Сидиқжон болани қайтариб олиб кетди.

Чоршанба куни Сидиқжон керосин олиб келгани МТСга кетдию болани докторга Канизак олиб бориши керак бўлиб қолди. У болани кўтариб чиқиб кетаётганида Анзират холага қараб илжайди:

- Хола, кўрган одам нима дейди...
- Анзират хола кулди.
- Нима дер эди, қизим, бола ярашипти дейди-да!
- Канизак ерга қараганича чиқиб кетди.

12

Далага трактор чиққанда колхоз территориясида бир парча ҳам тўқай қолмаган, уфқдан-уфққа туташган бепоён саҳронинг ўртасида икки қаватлик оқ иморат — мактаб, ундан берироқда ёзлик ва қишлиқ қизил чойхона, унда-мунда колхоз хўжалигига кераклик турли-туман биноларгина кўринар эди.

Ҳар бири бир янгилик келтираётган бу кунларнинг шавқидан маст бўлган халоҳийқ ҳар қандай ишга мўрмалаҳдай ёпишар, лозим бўлса, отини «кунжарарабазм» қўйиб, кечалари ойдинда ҳам ишлар әди.

Чигит экиш бошлангунча янги қишлоқнинг кўланкаси кўриниб қолди: канал кесиб ўтган янги қишлоқнинг марказидан ҳар томонга қараб кетган, лекин ҳали очилмаган кўчаларнинг икки юэзига саксон беш мингдан ортиқ кўчат ўтқазилди.

Ер-сувни, тракторни, ҳукумат томонидан берилаётган моддий ва маънавий ёрдамни, колхоз кун сайин порлоқ келажакка катта-катта қадамлар ташлаб кетаётганини кўрган яккахўжаликлар тўп-тўп бўлиб колхозга кира бошлади. Колхоз, илгари ўтган паст-баланд гапларни унутиб, буларни хурсандлик билан ўз бағрига олар әди. Сўнгги уч ярим ой ичида яккахўжаликлардан әллик битта ариза тушди, буларнинг кўписи ўртаҳол дехқонлар әди. Колхоз чорвасига бир юз ўн тўққиз бош мол қўшилди.

Чигит экиш айни қизиб кетган кунларда бир фалокат рўй берди: уч-тўрт кун ичида колхознинг тўққизта сигири ўлиб қолди. Райондан бутун отряди билан етиб келган ветврач бутун сельсоветни ва бу сельсоветга қўшини бўлган барча колхозларни текшириб, «Қўшчинор»нинг ҳамма молини карантинга қўйди. Бу орада яна тўртта сигир ўлди.

Орадан бир неча кун ўтар-ўтмас райондан уч кишилик бир комиссия келди. Комиссия беш кун туриб колхознинг бутун хўжалигини, ишини, планларини кўздан кечирди; ҳамма звено бошлиқлари, бригадирлар ва бир мунча колхозчилар билан суҳбат қилди. Суҳбатда бўлган одамларнинг ҳеч бири комиссия асосан нима иш билан келганини билолмас әди: комиссия аъзоларининг бири бундан ўн-ўн беш йил бурун бўлиб ўтган воқиаларга қизиқади; бири ҳеч кимга маълум бўлмаган аллақандай зиёфатлар, бирор-бировни ургани, ким эканлиги номаълум суюқ эркаклар ва ёёғи енгил хотинлар тўғрисида гап айлантиради; бири колхозчиларнинг майший аҳволини суриштиради...

Комиссия кетган куни әртасига вақт ярим кечадан ошганда Ўрмонжоннинг уйига Абдусамадқори келди ва

эшикда туриб жуда зўр мусибатдан дарак берадиган товуш билан чақирди. Ўрмонжон ичкарига таклиф қилиб эди, қори кўзи билан Тўпанисога ишора қилиб «холироқ жойда гаплашайлик» демоқчи бўлди. Ўрмонжон кўчага чиқди. Қори уни дарё бўйига олиб тушди-да, чўнқайиб ўтироди.

— Айтсан тилим куяди, айтмасам дилим куяди, жон ака! — деди қори бутун вужуди ўртаниб кетаётгандай тўлғаниб.— Мен бу сирни шу чоққача ичимда сақлаб келаётган эдим, энди зйтмасам бўлмайди, чунки бу миш-миш оғизга тушиб бораётпти... Хотинингиз халол хотин эмас! Сиздай одамга номуносиб хотин!

Ўрмонжон бир оз жим қолгандан кейин:

- Нима учун? — деди.
- Бирор билан ўйнашиб юрар экан.
- Ким билан?
- Сўраманг! Энг яқин дўстингиз билан.

Ўрмонжон кулди.

- Бутун колхоз биланми?
- Бўтабой билан!..
- Ким айтди сизга?
- Гўрингдан тутун чиққур Раҳматилла домла айтган эди.
- Унга ким айтипти?
- Унисини сўрамабман, Ўрмонжон ака.
- Яна нима гап? — деди Ўрмонжон. Унинг гапга ишонмагани ва аччиги келгани юзидан билиниб қолди.
- Кошки эди шу гап ёлғон чиқса... — деди қори йиғламсираб.— Бўтабой хотинингиз билан ўйнашиб юрар экан, унинг қўймучида тангадай пес борлигини кўриб гаплашмай қўйипти.

Ўрмонжоннинг юраги «шув» этиб, дами ичига тушиб кетди.

Қори ўрнидан турди, бошқа ҳеч нарса демай, бошини қўйи солганича битта-битта қадам босиб юқорига чиқиб кетди.

Ўрмонжон уйига қайтар экан, йўл бўйи ўйлади, «на-ҳот шундай бўлса... шундоқ экан-да! Қўймучида тангадек песи бор... Пес эмас. Яранинг ўрни эди-ку. Нима фарқи бор? Песи бор... Рад қилиб бўлмайдиган далил...»

Тўпанисо айвонда қўлини ўғилласининг устига ташлаб ухлаб ётар эди. Ўрмонжон унинг устига келиб юзига

тиклиди. Чирорнинг сарғич шуъласида унинг рангги кетган, кўз ослари ичига ботган, уйғоқ бўлса ҳам ўзини жўрттага уйқуга солиб ётгандай кўринди. Ўрмонжон энгашди. Унинг нафас олишига қулоқ солди, қўлини юрагига қўйиб кўрди. Тўпанисо бир текисда нафас олиб маст уйқуда ётар әди. «Наҳот шундоқ бўлса? Рад қилиб бўлмайдиган далил!»

Ўрмонжон бориб курсига ўтироди. У Бўтабой билан хотини иккови бир-бирига қандай муомала қилганини, бир-бирига нималар деганини минг бир хил қилиб тасаввур әтар әди. Бир ўтиришда Бўтабой: «Нима учун биз бир гуноҳни хотин киши қилса бошқа ном билан айтамизу әркак киши қилса бошқа ном билан айтамиз; нима учун айнан бир гуноҳ хотин кишини ерга, әркак кишини кўкка кўтариши керак?» деган әди. Демак, бу гапни бузуқ әрракларни қоралаш Эмас, бузуқ хотинларни оқлаш учун айтган экан-да!

Ўрмонжон курсида ўтириб тонг отдириди.

Тонг қоронғусида, одатдагича, Абдусамадқорининг хотини келиб эшикни қоқди. Ҳар куни шу маҳалда қорининг хотини Тўпанисо билан сигир соққани фермага борар әди. Ўрмонжон эшикни очдию уйга кириб кетди ва чўзилди. Ҳаял ўтмай хотинининг қувноқ товуши, мактабга бориши керак бўлган ўғлининг «довотим қани?» деб у ёқ-бу ёқса юргургани эшитилди, примус вавишиллади. Тўпанисо уйга кирди, эрининг ётганини кўриб оёқ учида ниманидир қидирди, чиқиб кетди. Орадан кўп ўтмай кўча эшиги ёпилди. Жимлик чўқди. Узоқда трактор тариллар әди. Ўрмонжон айвонга чиқди. Столда нон, жиzzә, дастурхонга ўроғлиқ бир чойнак чой турар әди. Душанба куни кечқурун Бўтабой «Ўрмонжон ака, битта ош қилайлик» деб гўшт-ёғ-кўтариб келган әди. Бу жиzzә ўша ёғнинг жиzzаси. Ўрмонжоннинг кўкрагидан кўтарилиган совуқ бир тўлқин томоғига тиқилиб кўнглини оздирди. У ярим пиёла қуруқ чой ичдию далага чиқиб кетди.

Ўрмонжон, одатда, иш сустроқ ёки ёмонроқ кетаётган участкаларга борар, у пайдо бўлганда одамлар дарров орқа-олдиларига қараб камчиликни ўзлари топишар ва бу камчиликни тездан йўқотиш пайига тушилар әди. Ўрмонжон бугун, негадир, одамларни ҳайрат ва хавотирга солиб ҳамма участкага борди, кечга яқин шу қадар ҷарчадики,

отлиқ юришга ҳам мажоли қолмай, уйига қайтди. У қишлоққа яқинлашар әкан, кўнглидаги ғашлик борган са-йин ҳуруж қилиб, қалбининг бир чеккасида омонсиз ғазаб, бир чеккасида одамни кемириб, еб ташлайдиган ва аксари умидсизликка соладиган бир ғусса минут сайин авж ола бошлиди. Нима қылса әкан? Бу давосиз дардни кимга айтса әкан? Бўтабойнинг ёқасидан ушлаб бу гапларнинг ҳақиқатига бира тўла етсаю шунга қараб иш қилсамикан? Ўрмонжон шунга жазм қилиб отининг бошини идорага томон бурди, бироқ ярим йўлга етканида Бўтабой ўтган куни бинокорлик бригадасининг бошлиғи Тўлаган aka билан областга кетганини эслаб орқага қайтди, уйига қараб кетди.

Ўрмонжон айвонга чиқиб, оёқ остида ётган чойнак-пиёла, коса-төвсқларнинг синифини, стол ва кроватда турган бир неча катта-кичик тугуналарни кўриб ҳайрон бўлди. Уйдан Тўпанисонинг йигиси, уни юпатаётган хотин кишининг товуши эшитилар эди. Ўрмонжон эшик олдига келганда унинг ёнидан қорининг хотини ўтиб, йўргалаганича кўчага чиқиб кетди. Ичкаридан Тўпанисо чиқди.

— Шарманда! Ўртоқ Аҳмедов сизни «Қўшчинорга» шу умид билан юборганими? Колхозчилар сизни шу умид билан қучоқ ёзиб қарши олганими!

Ўрмонжон «Кўрқан олдин мушт кўтараётитти» деган хайлда вужудига титроқ кириб секин курсига ўтирар әкан, унинг юзига тикилди. Бироқ Тўпанисонинг юзида бутун вужудини талвасага солаётган алам, юрак-бағрини ўртаб бораётган мусибат аломатидан бошқа ҳеч нарса йўқ эди.

— Шошманг, ҳовлиқманг, нима гап ўзи? — деди Ўрмонжон.

— Канизак билан ўйнашганинг ўйнашган, Сидиқжоннинг хотинини чақиртириб икковини уриштирганинг, Анзират хола бечорани урдирганинг нимаси? Шу йўл билан сирингни ёпмоқчи бўлдингми? Еполмайсан! Безбет!..

У ўзини уриб, сочини юлиб, инраганича уйга кириб кетди. Ўрмонжон шошиб қолди.

— Кимдан эшиздингиз бу гапларни?

— Айтмайман! — деди Тўпанисо бирдан йифидан тўхтаб. — Энди бир бечорани колхоздан ҳайдамоқчимисан!?

Ўрмонжон уни мумкин қадар босишга ҳаракат қилди.

— Ҳавалиқманг... гапираман, гаплашамиз десам менда ҳам гап топилади... Шу гапларни аввал ўзимга айтиб, ҳақиқат бўлса юзимга бир тарсаки уриб, ундан кейин овоза қилсангиз ҳам бўлар әди-ку.

— Бир тарсаки урадиган одам топилади. Мендан кўра партия мажлисининг қўли узунроқ! Бу ерда гапимга ҳеч ким қулоқ солмасарайкомга бораман!

Тўпанисо шу гапни айтдию, рўмолини бошига солиб, уйдан чиқди кетди. Ўрмонжон унинг йўлинни тўсмади.

Қоронғу туша бошлади. Ўрмонжон Тўпанисонинг бирон жойга бориб гапни кўпайтиришидан ташвишланди ва уни қидиришга, топиб ҳар йўл билан бўлса ҳам уйга солиб келишга қарор берди. Бироқ Тўпанисо ҳеч қаерда, ҳеч бир дугонасининг уйида йўқ әди. Унинг жаҳл устида районга кетганлиги аниқ бўлиб қолди, чунки ўз қишлоғига бу хилда ва боласини ташлаб кетмас әди.

Ўрмонжон, таъби хира бўлдию, отланиб районга жўнади.

13

Райком бюроси ҳозиргина тамом бўлган, қабулхона ҳаёси папирос тутунидан кўкариб кетган әди. Ўрмонжон ҳеч кимга қарамай тўтри секретарнинг олдига борди. Унинг ўйича, агар хотини келган бўлса секретарь билиши ва дарров айтиши, айтмаган тақдирда ҳам бирон гапи ёки муомаласи билан билдириши керак әди. Секретарь одатдаги очиқ чеҳра билан сўрашди. Ҳеч нарса демади. Шу пайт кимдир орқадан иссиқ ва юмшоқ қўли билан Ўрмонжоннинг кўзини бекитди. Ўрмонжон орқасига ўгирилиб кулиб турган Мавлонбековни кўрди.

— Одамларнинг кўзини ёғ босипти-ку,— деди Мавлонбеков кулиб ва кўкрак чўнтағидан бир қоғоз солиб унга берди.— Мана, Бўтабойингиз олам-жаҳон ёғоч олипти. Йигирма етти минг сўмни эплаштириб юбордик, фойдаси билан берасизлар-да...

Ўрмонжон Мавлонбековга раҳмат айтиб, телеграммани чўнтағига солди. Шу чоқ Аҳмедов чиқди, секретарга нималар дедиую Ўрмонжонни кўриб қолди.

— Э-э-э, Ўрмонжон ака... келинг,— деди сўрашгани иккала қўлини чўзиб,— ўхў, ўзингизни жуда олдириб қўйибсиз-ку? Иш кўпми! Қани, киринг...

Кабинетда район газетасининг муҳаррири ўтирган экан. Ўрмонжон эшик олдига қўйилган диванга ўтириди. Аҳмедов ҳозиргина босмахонадан келтирилган, ҳали нами қочмаган газета саҳифасини муҳаррирнинг қўлидан олди ва Ўрмонжон зерикиб қолмасин деди шекилли, уни ҳам суҳбатга тортди:

— Районимизда чигит экишнинг бориши тўғрисида бир саҳифа ташкил қилишни сўраган әдик, кўрайликчи, қандай чиқипти. Сиз ҳам берироқ келинг.

Ўрмонжон яқинроқ бориб столнинг чап томонига қўйилган креслога ўтириди.

Аҳмедов саҳифадаги материалларни қўздан кечиргач, умумий сарлавҳани товуш чиқариб ўқиди:

«Районимизда чигит экиш қизғин бормоқда»... Хўп... «Қизғин бормоқда»... Менимча бу сарлавҳада нимадир етишмайди. Ўзи яхши, лекин... нима десам экан? Еруғи бору иссиғи йўқроқ! Нима дедингиз, Ўрмонжон ака?

Ўрмонжон нима дейишини билмай илжайди ва Аҳмедов жавоб кутиб турганини кўриб ноилож:

— Билмадим энди, газета бўлгандан кейин шунаقا дейиш керакдир-да,— деди.

— Ана, ҳамма гап шунда!— деди Аҳмедов,— газета бўлгандан кейин шунаقا дейиш керак! Қўйма гаплар... «Қизғин бораётитти», «Ўз ҳиссаларини қўшадилар»...

Муҳаррир хижолат бўлиб ўзини оқлашга тиришиди.

— Баъзан кетиб қолади-да...

— Йўқ, баъзан кетиб қолмайди, ўзларинг атайлаб қиласизлар. Янглишсангиз майли, лекин ёлғон гапирманг. Чўнталингизда бир ҳовуч сўзингиз бор, шу сўзларни шу қадар кўп ишлатасиз, шу сўзларга шу қадар ўрганибсиз-ки, бошқа ҳамма сўз қўзингизга ғалати кўринади, қулоғингизга әриш әшитилади. Хўп денг, ўртоқ муҳарир, хўп денг! Хўш... «Қизғин бормоқда»... Мен сиз бўлсам била-сизми, нима деб сарлавҳа қўяр әдим, «Бирлашган», «Қизил қўшин», «Ишчи», Ворошилов номли колхозлар...

Муҳаррир унинг сўзини оғзидан олди:

— Чигит экишни тугалладилар!

— Йўқ, «Чигитни экиб бўлди» дер эдим.

Муҳаррир ўйлаб туриб рози бўлди ва саҳифани олиб чиқиб кетаётган әди, Аҳмедов тўхтатди.

— Кечирасиз... Нуриддинов иши тўғрисидаги текшириш натижасини нима учун босмайсизлар? — деди ва Ўрмонжонга изоҳ берди: — Булар «Бирлашган» колхознинг ферма мудирини газетада ўғридан олиб ўғрига солишиди, текшириш натижасида, айрим кичик фактларни әътиборга олмаганда, газетада босиб чиқарилган материал нотўғри чиқди.

— Мухбирга жазо бердик, ўртоқ Аҳмедов,— деди муҳаррир.

— Бундан Нуриддиновга нима фойда? Ўша мухбир Нуриддинов тўғрисида энди ёлғон материал бермайди демоқчимисиз?

— Ўзи билан гаплашдим...

Аҳмедов кулди.

— Нимани гаплашдингиз? Узр айтдингиэм? У бечорани бутун район олдида ҳақорат қилинг-да, қулогига узр айтинг... Қизиқ бўлипти-да. Газетанинг обрўйи тушади деб қўрқасизми? Газета ўз хатосини очиқ айткаб ўқувчиларидан узр сўраса обрўйи тушар әмишми? Аксинча, қилган хатоси орқасида тўкилган обрўси яна жойига келади, ўқувчиларнинг ихлосини ортдиради.

Муҳаррир чиқиб кетди. Аҳмедов столни айланиб ўтиб диванга ўтирди ва Ўрмонжонни ҳам таклиф қилди.

— Қани, ўтиринг-чи... нега мунча рангингиз кетиб қолди?

Ўрмонжон чуқур хўрсинди-да, ерга қараб нимадир демоқчи бўлган әди, Аҳмедов давом этди:

— Рауф Иброҳимов боргандан бери оғирингиз анча енгил бўлди, лекин, шундоқ бўлса ҳам, иш қўп. Биламан, биламан. Колхозда партия ташкилоти ҳали ёш... лекин бу ёш партия ташкилоти тез вояга етаётитти. Хўш, ишлар қалай?

Ўрмонжон узоқ жим қолгандан кейин хўрсиниб:

— Жуда ғалати гаплар бўлаётитти, ҳайронман...— деди.

Аҳмедов чекаётган папиросининг чўғига қараб:

— Коммунист ҳеч нарсага ҳайрон бўлмаслиги керак, Ўрмонжон ака,— деди,— Сизнинг устингизда бўлган,

бўлаётган ва бундан кейин ҳам бўладиган ҳамма гаплардан хабардорман.

Ўрмонжон беихтиёр қулиб юборди.

— Ҳали бўлмагани ҳам борми?

— Бор! Майли, ҳозир бўлаётганига ишонманг, энди бўладиганини әшишиб гангиб қолманг.

— Қандай ишонмайман, ахир,— деди Ўрмонжон куюниб,— жуда хунук... Ҳеч рад қилиб бўлмайдиган оғир, жуда оғир далил...

Аҳмедов унинг сўзини бўлди:

— Биламан, биламан, бутун тафсилотини биламан. Пес тўғрисида гапирмоқчимисиз? Бу гапни кимдан әшифтингиз?

— Абдусамадқоридан.

— Унга ким айтитпи?

— Унга Раҳматилла Обидий айтган экан.

Аҳмедов бир оз ўйланиб қолгандан кейин:

— Шундоқми?— деди,— бу гаплар ўзидан чиқсан бўлса ҳам энди Раҳматиллага тўнкайди-да, ўлган одам... Раҳматилланинг қишлоққа оралаши, бир мунча вақт кун кўриши кўнгилсиз бир факт, албатта. Бизнинг баъзи маориф ходимларимиз орасида бу одамга ғалати бир қараш бор экан: Раҳматилла гўё ўз ғояларининг амалга ошувидан умид узган ва бу ғояларни кўнгилдан чиқариб ташлаган, шу билан бирга бошқа ҳеч қандай ғояни қабул қилган эмас; гўё энди қолган тўрт кунлик умрини бир нав ўтказиш куйига тушиб қолган эмиш! Ана бемаза гап! Лекин мен бир нарсага хурсандман: кечагина ҳар кимга қўл қовуштириб юрган, ҳеч кимнинг юзига тик қаролмаган Капсанчилар бугун... кўрдингизми, ҳеч кимдан тап тортмайди. Буларда сиёсий активлик кундан кун кўтарилиб бораётитпи. Бу, шубҳасиз, бизнинг ютуғимиз. Лекин иккинчи томоқини ҳам эсдан чиқармаслик керак: буни душман ҳам назарда тутади, шунга қараб, шароитни ҳисобга олиб қадам қўяди. Ҳўп, бу гапларнинг таги чиқиб қолар, чиқаётитпи. Энди хотинингиз билан Бўтабси масаласи.. Сиз шу гапларнинг ҳаммасига ишондингизми?

— Мен ишонмаган эдим, ишонгим келмайди, лекин... рад қилиб бўлмайдиган далил!

Аҳмедов кулди.

— Хотинингизнинг қўймичини ўзингиз неча йилдан кейин кўргансиз? Иккинчидан, агар шу гап ҳақиқат бўлса Бўтабой хотинингиз билан неча мартаба ва қаерда учрашди экан? Агар бутун шарт-шароит имкон берган тақдирда ҳам Бўтабой нима учун бу жинояти тўғрисида Раҳматилла гапиришни, гапиришнигина әмас, ҳатто исбот қилишни лозим кўрипти? Агар Бўтабой шуни лозим кўрган бўлса, нима учун лозим кўрипти, мақсади нима?

Ўрмонжон нучук бўлиб шундай оддий, шундоқцина кўриниб турган нарсалар тўғрисида ўйлаб кўрмаганидан хижолат бўлди.

— Мен-ку унча ишонганим йўқ, лекин бизнинг хотин Канизак билан менинг тўғримда бир гап әшиитптию шунга чиппа-чин ишониб сизга менинг устимдан арз қилгани келган эди.

— Шундоқми?— деди Аҳмедов, лекин бунга унча эътибор қилмади.— Бу гаплар, бу миш-мишларнинг ҳаммаси йиртиб ташланган суратнинг алоҳида парчаларига ўхшайди, то буларни бир-бирига ямаштириб кўрмагуни-мизча бу қандай сурат эканини, нима мақсадда ва ким чизганлигини билишимиз қийин. Қийин, лекин билиши-миз шарт! Қандай сурат ва нима мақсадда чизилганлиги маълум бўлиб бораётпти, бироқ ким чизган? Ҳамма гап мана шунда? Сизнинг устингиздан бизга, бошқа идораларга имзосиз аризалар ёғилаётпти. Мен боя сизнинг устингизда яна гаплар бўлади деганимда шу ариза-ларни кўзда туттган әдим.

Ўрмонжоннинг қути учди.

— Қанақа гаплар, ўртоқ Аҳмедов, мумкинми?.. Агар менга ишонсангиз...

— Сўрасангиз сўрамасангиз айтаман, чунки олдин-дан билмасангиз мана бунақа югуриб, ишдан қоласиз.

Аҳмедов папкасидан бир қоғоз олиб, Ўрмонжон усти-дан тушган аризаларнинг мазмунини айтиб берди. Бу аризаларда Ўрмонжонга ортилмаган жиноят қолмаган: Ўрмонжон аксилинқиlobчи Раҳматилла Обидийнинг хотин-қизлар озодлигига қарши айтган гапларини хаспўшлаган ва уни ҳамиша қўллаб-қўлтиқлаган; Ўрмонжон бешсерка-лик Ғиёсiddин маҳсумни чақириб, колхоз ҳисобидан зиё-фат қилган ва ундан битта ғунажин олиб ўрнига Ферма-

дан каттакон сигир берган, шу ғунажиндан оқсил қасали тарқалиб колхоз молларидан бир қанчаси ўлган; Ўрмонжон Абдусамадқори билан тил бириктириб икки юз йигирма беш саржин ўтии сотган ва пулини иккови бўлашиб олган; Ўрмонжон Канизак билан ўйнашиб юргани ошкора бўла бошлагандан кейин, одамларнинг кўзини чалғитиш учун, Сидиқжоннинг хотинини атайин чақириб Канизакни урдирган ва ҳоказо ва ҳоказо.

— Вой-вуй...— деди Ўрмонжон кайфи учиб,— агар шуларнинг ҳаммаси рост бўлса...

— Ҳаммаси әмас, биронтаси рост бўлган тақдирда ҳам мен бу гапларни сизга айтмас әдим. Ҳўп, энди мен сизга битта айбингизни айтиб берай. Зокир ота, шубҳасиз, жуда тажрибали пахтакор, қўли гул одам. Үнга айрим эътибор қилиш, шубҳасиз, яхши. Лекин, Ўрмонжон ака, халқ тажрибаси билан илм бир-бирига зид келиб қолган пайтларда илмни қўллаш, илмга йўл очиб бериш керак. Бўтабой ака баъзан муроса йўлини тутгандан сиз бунга бармоқ орасидан қараётибсиз. Натижада баъзан Рауф Иброҳимовнинг обрўйига зиён етатиши. Бу тўғри әмас, мутлақо тўғри әмас. Халқ жуда кўп шишларни пахтадоғ билан даволайди. Агар бу шиш газак шиши бўлса пахтадоғ фойда қиласди, лекин рак шиши бўлса авж олдиради. Бундай ҳолларда тажриба билан келишиб бўлмайди. Бизнинг вазифамиз илмни халқ тажрибаси билан бойитиш ва шу билан бирга халқ тажрибасини илмнинг өлагидан ўтказишдир. Шуни унутмаслик керак.

Деворий соат бирга занг урди. Ўрмонжон, бу соатнинг тўғрилигига шубҳаланди шекилли, ўз соатига қаради.

— Ҳўш, яна бир масала,— деди Аҳмедов ўрнидан туриб,— водокачкани нима қилмоқчисизлар?

Ўрмонжон ҳам ўрнидан турди.

— Водокачкани тегирмон қилсакмикан деб турибмиз.

— Тегирмон қилсаларинг катта тегирмон бўлади, катта даромад беради. Лекин.. канал очилган куни әсингизда борми? Каналдан оқкан чироғлар эсингизда борми? Шу чироғлар кўз олдимдан сира кетмайди. Бу ўйин әмас, халқнинг орзуси эди! Мен водокачкани әлектростанция қилиш тарафдориман. Ленин номли колхознинг әлектростанцияси кечаси чироғ беради, кундузи тегирмон

юргизади. Агар сизлар шуни электростанция қилсаларинг уч колхоз чароғон бўлади. Мен пахта заводининг директори билан гаплашган эдим. У, агар «Қўшчинор» шу ишни бошласа завод оталикка олади деб мени суюнтириди.

— Хўп бўлади, ўртоқ Аҳмедов,— деди Ўрмонжон,— имкониятимизни чўтлаб, правлениеда бир ўйлашиб кўрамиз. Агар шу станциядан уч колхоз баҳра оладиган бўлса улар билан ҳам гаплашамиз, кенгашамиз.

— Лекин биринчи навбатдаги вазифа бу эмас,— деди Аҳмедов хайрлашгани қўл узатиб,— биринчи навбатдаги вазифа — экин. Ҳамма иш учун зарур бўлган замин шундан туғилади.

Ўрмонжон хайрлашиб чиқар экан:

— Ўзингиз юрагимга ўт солиб яна бундоқ дейсиз,— деб кулди.

Секретарь эшикнинг рўпарасидаги деразада ўтирган ёшгина бир йигитга «киринг» деб ишора қилди. Йигит наридан-бери очини таради, галстугини тузатди, уйнинг ўртасида ўйланиб турган Ўрмонжоннинг яна қайтиб киришидан хавотир олди шекилли, шошиб кабинетга кириб кетди.

Ўрмонжон бир гапини унутгандай хийла ўйланиб турганидан кейин, Аҳмедовнинг суҳбатидан чиққанида ҳамиша шундоқ бўлишини хотирлаб, чиқиб кетди, бироқ отлангани узангига оёқ қўяётганида эслади: хотинига ҳозир нима дейиш, унинг ҳаврини қандай босиш тўғрисида гаплашмабди; лекин, ўйлаб қараса, районга деб йўлга чиққанида кўзига жуда катта кўринган бу ташвиш ҳозир кундалик икир-чикирлар қаторига кириб қолибди.

Ўрмонжон отланиб жўнади. У қишлоққа яқинлашган сайнин ташвишлана бошлади. Тўпа нисо унга-бунга учраб, у-бу билан уришиб гапни кўпайтирумадимикин? Жаҳл устида қишлоққа кетмоқчи бўлиб, арава сўраб, кўч ортиб бутун қишлоққа довруқ қилмадимикин? Унда кўп ёмон бўлади...

Ўрмонжон бутазорнинг муюлишидан ўтганида эшик олдида турган Тўпанисонинг қорасини кўриб қолди. Тўпанисо уни кўриб ичкарига кириб кетди. Ўрмонжон отини эшик олдига боғлаб айвонга чиқди. Айвон йиғиши

тирилган, ҳамма нарса жой-жойида эди. Ўрмонжон, кўнгли таскин топиб стол ёнига ўтириди. Столда дастурхонга ўроғлиқ овқат туарар эди. Буни кўриб Ўрмонжон: «Ҳа, демак ҳовуридан тушипти» деб ўйлади-да, әшик олдига бориб:

— Қаерда әдингиз? — деб сўради.
Тўпанисо кулумсираб жавоб берди:
— Нима ишингиз бор?
— Суриштириб билдингизми?
— Ҳайронман...

— Мен ҳеч нарсага ҳайрон бўлмайман, сизга ҳам маслаҳат шу. Нимага ҳайронсиз?

Ўрмонжон бўлаётган бу иғволарнинг сабабини хотинига батафсил гапириб берди.

14

Биринчи май арафасида Сидиқжон Қўғазор кўчасидаги (бу кўчага биринчи бўлиб Қўғазордан тўрт хонадон кўчгани учун кўча Қўғазор деб аталган, ҳали от қўйилмаган эди) уйлардан бирига кўчган Рўзиматни табриклагани борди. Қайтишда уни Рўзимат кузатиб чиқди. Булар клуб майдонида хайрлашиб, Сидиқжон ўз кўчасига бурилганда, унинг йўлини чимматсиз паранжи ёпинган бир хотин тўсади. Буни Рўзимат ҳам кўрди ва қишлоқда паранжи ёпинадиган биронта ҳам хотин бўлмагани учун «ким әкан бу» дегандай қараб қолди. Сидиқжон синчиклаб қараб бу хотин Шарофат әканини таниди-да, юраги орқасига тортиб кетди.

— Ҳўш?

Шарофат орага бошқа гап сифласлигини кўриб:

— Боламни олиб кетгани келдим, — деди ва йиғламиради.

— Қайси болангизни, қанақа болангизни?

— Нечта болам бор?..

Сидиқжон заҳарханда қилди.

— Ҳа, Насибали — «итвачча» ними? Қачондан бери уни «болам» дейдиган бўлиб қолдингиз? Қачондан бери унга меҳрининг тушиб қолди?

— Нима бўлса ҳам онаман.

— Сиз она бўлсангиз мен отаман. Насибали сизга әнди қанчалик азиз бўлиб қолганини билмайман, лекин менга азиз, жуда ҳам азиз.

— Шундоқ бўлса ҳам беринг.

— Бермайман.

Шарофат ёлғондан кулди.

— Товуқ семирса туғиши қийин бўлади... Қўрқманг, нафақа сўрамайман. Ҳиммат қилиб нима берсангиз олиб, қуллуқ қиласман.

— Товуқнинг тушига дон киради. Нафақа керак бўлса даромадимнинг ярмини олинг, лекин болани тинч қўйинг. Бермайман, овора бўлманг!

— Нега? Болани онага буюради-ку...

— Ким?

— Шариат, закон...

— Мен шариатни танимайман, закон буюрадиган бўлса буюргандан кейин гаплашамиз.

Рўзимат орада ўтган гапларни барада әшитиб турган бўлса ҳам яна:

— Нима гап, Сидиқжон ака?— деб сўради.

— Бу киши Насибалини олиб кетгани келибдилар...

— Олиб кетаман!— деди Шарофат дўғайиб.

— Қўйинглар,— деди Рўзимат жанжалнинг олдини олмоқчи бўлиб,— бу гапни кундузи гаплашинглар. Юринг, опажон, бугун бизникида ётинг.

Сидиқжон индамай кетаверди. Шарофат унинг кетидаи қичқирди:

— Суддан повестка келса бетўхтов боринг!

Сидиқжон жавоб бермади.

— Қани, юринг, опа,— деди Рўзимат.

— Йўқ, ука, мен биронвикига тушганиман. Қўшчиноргача элтиб қўйинг, у ёғини ўзим топаман.

Рўзимат уни Қўшчинорга элтиб қўйди. Шарофат Абдусамадқорининг кўчасига бурилди.

Сидиқжон воқиани Канизакка айтди; бироқ судда ютиб чиқишига шу қадар амин әдикӣ, Канизак бу ҳақда қонунни биладиган бирон одам билан маслаҳатлашиш, судда нималар дейиш тўғрисида пишиқроқ ўйлаш, Шарофат болани қандай ташлаб кетганига гувоҳлик берадиган одамлар билан сўэлашиш кераклигини айтганда қаҳ-қаҳа уриб кулди.

Шундоқ бўлса ҳам Канизак бу ишга жиддий қараб, Сидиқжоннинг «овоза қилиш керак әмас» деб қарши туришига қарамай, районга бориб суд ишини биладиган одамларга учради, уларниг маслаҳатини Сидиқжонга айтди, уқдириди, биринчи навбатда Эйёдахон билан Анизират холадан, қолаберса Шарофат можаросидан хабардор бўлган бошқа одамлардан судда гувоҳлик беришларини сўради.

Саккизинчи майда Сидиқжонга суддан повестка келди. Суд ўн бешинчи майда бўлиши керак эди. Шу куни Сидиқжон судда нима дейишдан ҳам кўра Шарофатта рўпара бўлишни кўпроқ ўйлаб хўп ясанди: сариқ хиром этнини, бекасам тўнини, чуст нусҳа дўпписини кийди; соқолини қирдириб, мўйловини икки томонга шопдай қилиб бураб қўйди; колхознинг энг яхши отларидан бири—боши кичик, бели узун, сарғиси ярқираган, ҳамиша гижинглаб турадиган саман отини минди.

Сидиқжон ўн бир гувоҳни ёнига олиб районга жўнади.

Булар районга суд бошланишидан икки соатча бурун етиб келишди. Гувоҳлар ҳар қайсиси ўз иши билан тарқалиб кетди. Сидиқжон ўзини қаерга қўйишини билмай судга кирди. Эшикдан кириши билан унинг кўзи коридорда деразанинг тубида ўтирган Шарофатга тушди. У, әгнида жигарранг эски гуппи чопсон, сариқ кўйлак, бошида гажимлик қора рўмол, бир елкаси билан деворга суюниб, оёқларини осилтириб, маъюс бир қиёфада ўтирасиди. Сидиқжон уни кўриб кўрмагандай ўтиб кетаётган эди, Шарофат бирдан қаддини ростлаб:

— Ўл бу кунингдан! Ҳали бу нима әкан, мен сени маймундай ўйнатаман!— деди.

Сидиқжон тўхтади ва унга еб қўйгундай бўлиб қарди-да:

— Нима қиласан, қўлингдан нима келади?— деди.

— Қўлимдан ҳар нима келади!— деди Шарофат рўмолини қайта боғлаб.

— Менга қилмаган ёмонлигинг қолган әмас! Менинг тўнимдан айирдинг, ўн йиллик гулдай умримни қурт бўлиб единг! Менинг ўн йиллик гулдай умримни ўғирладинг! Яна нима қиласан?

Шарофат қаттиқ шивирлади:

— Қаматаман! Хотин кишини урган, унинг озодликка чиқишига қарши бўлган одамни совет қонуни қәмсққа буюради. Сенинг муштингни ея бериб жонимда жон қолган әмас. Сенинг озодликка қаршилигинг туфайли мен ўн йил ҳаққимни таниёлган әмасман.

— Шундоқми! Яна нима дейсан? — деди Сидиқжон совуққонлик билан.

— Сен мени бузуқчиликка бошлар әдинг... Сен эркак әмасссан!

Шарофат, афтидан, бунақа гаплар билан Сидиқжоннинг ғашига тегмоқчи, шу ерда бирон можаро бошлаб дод солмоқчи әди. Сидиқжон буни пайқаб қолди. Шу пайт коридорнинг охиридаги эшик секин очилди. Шарофат иртиб деразадан тушди, худди Сидиқжон унга ҳамла қиласандай, эшикка томон қочди. Эшикдан чиққан бир кампир унга эътибор қилмай, ҳассасини дўйқиллатганича кўча эшикка томон юрди-да, Сидиқжондан соат неча бўлганини сўраб, чиқиб кетди. Ўз гумони тўғри чиққанини кўриб унинг кетидан Сидиқжон ҳам чиқди ва бориб воқиани Зиёдахонга айтиб берди.

Суд соат тўртда бошланди. Шарофат олдинги курсиларнинг бирида мунграйиб, тез-тез бурнини, кўзини артиб, дамба-дам хўрсиниб ўтирас әди. Суднинг саволига жавобан Сидиқжон ўн бир гувоҳнинг номини айтганда Шарофат рўмолининг учини тишлаб данг қотиб қолди. У бутун суд давомида ўзини ўнглолмай, суднинг ҳамма саволига «майли, бошқа даъвом йўқ, боламни берсин» деб жавоб қайтараверди.

Суд Насибалини Сидиқжон Соҳибжоновга ҳукм қилиди ва ҳукмдан норози бўлиб шикоят қилиш учун Шарофат Зуннунхўжаевага ўн беш кун муҳлат берди.

Сидиқжон суднинг ҳукмидан жуда хурсанд бўлдию лекин Шарофатнинг шикоят қила олиш ҳукуқидан хавотирга тушди. Зиёдахон ва бошқалар область суди бу ҳукмни ўз кучида қолдиришига амин эканликларини айтиб ҳарчанд таскин беришса ҳам, Шарофатнинг коридордаги қилмишини кўрган, ёвуз ниятини пайқаган Сидиқжон унинг мунграйиб айтган ҳар бир сўзи, ўзини муштипар-ожиз кўрсатиб қилган ҳар бир ҳаракати остида бир фалокат кўрар әди.

Уни узил-кесил тинчтиши учун Зиёдахон юридик

Консультацияга бориб энг яхши юристга учрашишни маслаҳат берди. Бу маслаҳат Сидиқжонга ҳам маъқул тушди.

Бошқалар қишлоққа кетиши.

Юрист Зиёдахондан ишнинг тафсилотини, суднинг ҳукмини әшитиб: «Ҳукм мустаҳкам» деди. Сидиқжоннинг кўнгли шундан кейингина жойига тушди.

— Мен суд залида бир таниш кишини кўрдим,—деди Зиёдахон отга миниб тиэгинни Сидиқжоннинг қўлидан олар әкан.— Унинг айтишига қараганда, Зуннунхўжа қулоқ қилинпти.

Сидиқжон ялт этиб унга қаради.

— Ростми?.. Яшанг-ә, оғзингизга мой!

Сидиқжон эгарга яхшироқ ўрнашиб отнинг жиловини силкиди.

15

Қурбон ота МТСдан жавоб олиб Капсанчиларга бутунлай кўчиб келди. Бўтабой ака правление аъзолари билан маслаҳатлашиб, уни янги қизил чойхонага мудир қилиб тайинлади.

Бу кунларда колхозчилар биринчи чопиқдан бўшаб, буларнинг кўпгина қисми янги қишлоқнинг марказидан ҳар томонга кетган йўл-кўча чиқариш, бу кўчаларнинг икки томонига ариқ қазиши, бинокорлик бригадасига ёрдам бериб ғишт қуийиш, тахта тилиш, биринчи навбатда солинадиган иморатларнинг пойдеворини қазиши ва бошқа ишлар билан машгул әди. Кўз олдида бўлаётган ишларни, одамлардаги шавқ-завқни кўриб гайратга кирган Қурбон ота елиб-югуриб сал кунда қишки ва ёэги қизил чойхонанинг кам-кўстини тўғрилаб олди; кўзига бўшроқ кўринган ҳар бир одамни ишга солиб, ҳашарга чақириб ёэги бинонинг олди ва атрофига гуллар әкди, катта-кичик супалар қилди. Чолнинг ҳавсаласига, дидига қойил бўлган ва бунчалиқ куйиб-пишиб уринишини кўрган ҳар бир киши нима билан бўлса ҳам унга бирон ёрдам беришни хоҳлар әди.

Кечқурунлари кўпинча чойхонада одамлар билан гурунглashingиб ўтирадиган Иброҳимов, Қурбон ота айтмоқчи, гулларни ўз илмидан баҳраманд қилди: ҳа демай

221

каннайгуллар жуда ҳавсала билан чирайлик қилиб тортилган ипларга чирмашиб катта-катта япроқлар отди, районлар қад кўтариб ҳид сочди, бирин-кетин очилган рангба-ранг гуллар устида капалаклар қанот қоҳа бошлади. Гул, сон-саноқсиз ниҳол, буларнинг срасидан кўриниб турган бепоён кўм-кўк дала, дарё адирлар манзараси, қулқиллаб оқаётган каналдан эсган ёқимли салқин шабада ҳар қандай одамни ҳам маҳлиё қиласар эди. Иброҳимов ўзининг ҳар пайшанба бўладиган агрономия тўгарагини шу ерга кўчирди. У чигит экилган тўққизта яшикни, турли нав чигитнинг ҳосили бўлган пахта толаларини кўрсатадиган жадвалларини, турли-туман диаграмма ва плакатларини келтириб чойхонанинг бир бурчагини өгаллаб олди.

Раҳматилланинг ўрнига келган ёш ўқитувчи Салим Собиров район ва шаҳардаги ёр-дўстларининг ёрдами билан кичикроқ бир кутубхона, қизил бурчак ташкил қилди ва мактаб комсомолларидан бир неча кишини қизил бурчакка навбатчи қилиб қўйди. Бу комсомоллар навбат билан ҳар куни кечқурун келиб чойхўрларни янги китоблар билан танишитирар, газета, журналлар ўқиб беришар эди. Салим Собиров катталар мактабини шу ерга кўчирди. Чойхонада дутор, чанг, детекторлик радиоприёмник, шаҳмат, девор соати пайдо бўлди, комсомолларнинг ташаббуси билан деворий газета чиқа бошлади.

Аллаким қаердадир кўрганига тақлид қилиб, бинокорлик бригадасининг бошлиғи Тўлаган аканинг ёрдами билан почтахона ташкил қилди. Почтахона орқага қияроқ ўрнатилган узун газета витринасидан иборат бўлиб, унга алифбе тартибида яшиклар ўрнатилган, кимнинг номига хат ёки бошқа нарса келса почтальон адресат номининг бош ҳарфда ёзилган яшикка қўйиб, юбориладиган хат бўлса олиб кетар эди. Район алоқа бўлими бу ишни жуда қулай ва маъқул кўриб кейинчалик бир мунича колхозларда шундай почтахоналар ташкил қилди.

Ўрмонжон бу нарсаларнинг ҳаммасига бўлажак лаборатория, бўлажак клуб, кутубхона, дам олиш уйи, радиотелефон, умуман янги қишлоқнинг куртаги деб қарап ва бу куртакларнинг япроқ отишига катта аҳамият берар эди.

Қурбон ота ўз ишидан, одамларнинг ташаббусидан ниҳоятда хурсанд; ҳар бир фойдали нарсани чумолидай ўз чойхонасига ташиш билан куни ўтганини, хориганини, билмас эди. Энди унинг хаёлини банд қилган нарса мактабнинг ўнг томонидан чиқиб катта йўлга туташган кўчанинг охирида қишлоқнинг ҳуснини бузиб турган эски гўристонни кўчириш муаммоси эди. У ўтган йил кузда бу ҳақда Ўрмонжон билан гаплашганида бу иш кўзига жуда осон кўринган, бутун қийинчлиқ бирон одамнинг бешлаб беришида деб билган ва шунинг учун ўзи бошлиб бериши ваъда қилган эди; бироқ энди разм солиб қараса бу нарса унчалик ҳам осон эмас, бирорвнинг бошлиб бериши билангина иш битмас экан. Дарҳақиқат, бултур Ўрмонжон айтгандай, бу гапнинг уни чиқарилса хотинлар сочини юлади, хотинларгина эмас, кўпгина эркаклар ҳам тезда рози бўла қолмайди.

Қурбон ота шу ҳақда ўз тенгқурларининг қўйнига қўл солиб кўрмоқчи ва ўз атрофига қарияларни тўпламоқчи бўлиб, бу кўчага иморатлар туша бошлагунча айтишининг ҳожати бўлмаган бу гапни ошкора қилиб қўйди. Бунинг зарари шу бўлдики, арвоҳ, ўликнинг тирилиши, мункарнакир, қиёмат ва ҳоказолар тўғрисида гап кўпайди, ўликлар хизматида кун кўриб юрганлар жонланиб қолди; фойдаси шу бўлдики, шу чоққача бу тўғрида ўйламаган одамлар ўйлаб дарҳақиқат гўристонни эртами-кечми бу ердан кўтариш зарур эканлигини англашди ва Қурбон ота шу ишни бошлаган вақтда унинг ёнига кирадиган одамлар пайдо бўлди. Бу ишда Қурбон отага биринчи бўлиб қўл бермоқчи бўлган одамларнинг энг биринчиси Абдусамадқори эди.

Ўрмонжон Қурбон отанинг бу ишни бемаслаҳат — бемаврид бошлаганига аввал хафа бўлди; Абдусамадқорининг бу ишга бош қўшганидан шубҳага тушди: бу тулақи тумшуғидан илинаётганини сезиб шунаقا йўллар билан чап бермоқчи ёки бу ишда жоҳил одамларнинг жигига тегиб бир балони бошламоқчи эмасмикин?

Иброҳимовнинг мушоҳадасига кўра, Абдусамадқорининг сўнгги кунлардаги қадам олиши Ўрмонжоннинг ҳар иккала тахмини ҳам тўғри эканини аниқ кўрсатиб турар эди.

Ўрмонжон бир куни районга бориб жуда кеч қайт-

ди. У ечиниб энди ювинаётган әди, әшик тақиллади ва Ўрмонжон товуш бергунча әшик қия очилди-да, қорининг товуши эшитилди:

— Ўрмонжон ака...

— Киринг, киринг,— деди Ўрмонжон.

Қори кирди. Ўузоқ йўлдан бениҳоя чарчаб келгандай оёқ устида зўрга турар, юзи, янги касалдан тургандай, сўлғин ва оқарган бўлиб, чироғнинг хира шуъласида қўрқинчли қўринар әди. У, қўлини қовуштириб, бошини қўйи солиб хазин бир товуш билан узр сўради:

— Бемаҳалда сизни безовта қилдим.

— Майли, майли,— деди Ўрмонжон ва столнинг ёнига курси суриб берди,— ўтиринг, иш бўлганда бемаҳал деган гап йўқ.

Қори ерга қараб ўтираср әкан, чинчилоги билан кўзининг икки бурчини артди, «қилт» әтиб ютинди-да, ёшли кўз билан Ўрмонжонга қаради. Унинг томоғи пир-пираб учар, қовоғи шишинқирагандай қўринар әди.

— Ким хафа қилди, қори ака?— деди Ўрмонжон.

Қори бирдан иккала қўли билан бошига урдию, ҳўнграб, ўзини Ўрмонжоннинг оёғига ташлади. Ўрмонжон дарҳол уни ушлаб кўтарди.

— Қори ака! Девона бўлдингизми... Бу нимаси!

Қори ўзини у ёққа-бу ёққа отиб, бешини столга урмоқчи бўлди ва ҳеч тоқат қилиб бўлмайдиган бир дардан бутун вужуди қақшаб, тин ололмаётгандай хириллади; сўнгра, бирдан қаддини ростлади-да, әтигининг қўнжидан дандон соплик пичоини олиб Ўрмонжонга берди ва бўйини тутди.

— Уринг, Ўрмонжон ака! Сўйинг! Қоним оёғингизга тўкилсинг... Вой десам инсон эмасман!..

Ўрмонжон пичоқни олиб столнинг устига ташлади ва қорини турғизмоқчи бўлди. Бироқ қори ўзини ёнбошга ташлаб бошини столга гурсиллатиб урди ва яна урмоқчи бўлган әди, Ўрмонжон тутиб қолди.

— Тўхтанг! Нима гап ўзи? Гапиринг!

— Айтсан тилим куяди, айтмасам дилим куяди,— деди қори йиглаб. Унинг чаккасидан қон оқар әди.— Менга шунча яхшилик қилдингиз... Янги келган вақтингизда мени ёмон йўлдан қайтардингиз... Бутун звено олдида таъзир бериб одам бўл дедингиз... Мен, мен шу

яхшиликларингизни тушумасдан кўнглимда сизга қарши кек сақладим...

Ўрмонжон унинг қаршисига ўтириди.

— Нима қилдингиз кек сақлаб?

— Душманларингиз Канизак тўғрисида ҳар хил гап тарқатганда, мен ҳам душманларингиз қаторига бир қадам қўйдим. Сизни Зиёдахон билан гап қилдим.

— Зиёдахон билан? Бундан ҳеч хабарим йўқ.

— Зиёдахон билан,— деди қори чеккасининг қонини әтагига артиб,— шу гапни чиқаришга чиқардиму, қилган яхшиликларингиз өсимга тушиб пушаймон бўлдим.

Ўрмонжон унинг кўкрагига қараб тепиб юбориласлик учун ўрнидан туриб нарироқ борди ва вужудини ларзага солаётган титроқни босгандан кейин мумкин қадар мулоийм товуш билан:

— Фақат шуми?— деб сўради.

— Шу... Нега фақат шуми дейсиз, бу озми?— деди қори йиглаб.— Сиздай одамга бундай бўхтон қилгандан кўра ерга кирганим яхши әмасми?

— Хўп майли,— деди Ўрмонжон,— бўлар иш бўлиб ўтипти. Энди бемалол, бехавотир ишлай беринг. Бу гап шу ерда қолади. Мана, ҳадемай иккинчи чопиқ бошланиди, кетмоннинг каттарофини қайраб туринг. Менга бошқа сўзингиз бўлмаса сизга жавоб.

Қори әтаги билан юз-кўзини артиб ўрнидан турди.

— Қуллуқ... раҳмат!.. Энди бир шаҳарга тушиб, уч-тўрт кун ёзилиб келсам... жуда-жуда сиқилиб кетдим.

— Буни Бўтабой акадан сўранг,— деди Ўрмонжон.

— Хўп... Ҳа, айтгандай, хабарингиз бор, Қурбон ота ҳеч кимнинг өсига келмаган бир яхши ишни бошладилар. Шу тўғрида мен шу яқин йилларда ўлик кўмган беш-олти киши билан гаплашдим. Ҳаммаси рози. Мен аввал анча даҳмаза бўлармикин деб ўйлаган эдим, йўқ, қийин әмас әкан. Қурбон ота бошлаб берсалар, у ёғи ҳеч гап әмас. Агар ижозат берсангиз, шаҳардан қайтиб келганимдан кейин шу ишни бажариб қўя қолсак. Чўзишнинг ҳожати йўқ, сабаб десангиз, одамлар тайёр... Бешолти кечалик гап. Ҳўп десангиз ўликларнинг әгаларини ёнимга оламану кўпи билан уч-тўрт кечада саранжомлаб ташлайман. Бу иш кечаси бўлгани маъқул. Кундузи бўлса,

ўзингиздан ўтар гап йўқ, хунукроқ кўринади. Йиги-сиги бўлиши мумкин, одамлар ишдан қолади...

— Гўристон билан сизнинг ишингиз бўлмасин. Ҳозир бу нарса жуда зарур ҳам әмас... Зарур бўлганда халқнинг ўзи талаб қиласди.

Қори таъзим қилиб чиқиб кетди.

Ўрмонжон ўйлаб ўйига етолмас әди. Зиёдахон тўғрисида ҳеч қандай гап йўқ әди-ку, нега қори бундай деди? Ҳақиқатан шундай гап чиқарганми ёки шу билан ўзининг юрагини менга очган ва садоқат кўрсатган бўлиб, Канизак тўғрисидаги гаплар бошқалардан чиқсанлигини исбот қилмоқчими?

Эртасига Ўрмонжон бу воқиа ва ўзининг мулоҳазаларини Иброҳимовга айтди. Иброҳимовнинг фикрича, қорининг бу қилмиши унинг ҳадиссираб қолганинигина әмас, талвасага тушганини кўрсатар эди.

Қурбон ота қўлидан самоварчиликдан бошқа иш ҳам келаётганига, Ўрмонжон айтгандай, янги қишлоқни бунёдга келтиришда қатнашаётганига бениҳоя курсанд бўлиб, гўристонни кўчириш ҳақида ўз тенгқурларини йиғиб ишни қачон ва қандай бошлаш тўғрисида маслаҳат қилди. Унинг назарида, ҳозир шундан зарурроқ иш йўқдай кўринар эди. Абдусамадқорининг айтишига қараганда, әгаларининг қаттиқ талабига кўра янги гўристонга кўчирилиши зарур бўлган қабрларнинг сони саккизта бўлиб, бундан ташқари яна ўн бир киши ҳали тайинлик бир гап айтмаяпти. Қори ишни кўпайтирмаслик учун шу одамлар билан гаплашишни, агар илож топилса бу қабрларни кўчирмасликни лозим кўрар эди.

Мана шу қунларнинг бирида сахар чоги Ўрмонжоннинг эшигини кимдир қоқди. Ўрмонжон чиқди. Самандаровнинг товуши эшитилди:

— Туринг, гафлатда ёта берасизми? — деди у тегишиб.

Ўрмонжон уни уйга олиб кириб чироғни ёқди.

— Тинчликми? — деди Ўрмонжон кўзини ишқалаб.

— Мана энди тинчлик бўлади, — деди Самандаров кулиб.

— Бу нима деганингиз?

— Қорини кузатиб келаётibман.

Ўрмонжон унинг қамоққа олингандигини дарров сезган бўлса ҳам яна сўради:

— Қаёққа?

— Қурбон отангиз ғалати зийраклик қилипти-да, чолга қойил қолиш керак. Гўристондан ўн саккизта беш отар, ўттиз битта ўн бир отар, олтига берданка; икки сандиқ ўқ чиқди.

Ўрмонжоннинг кайфи учиб кетди.

— Милтиқ? Ўқ? Гўристонни кўчириш ишига қори шунинг учун бунчалик жон-жаҳди билан киришган эканда? Мен бу ишга фақат извогарлик мақсадида, халқнинг жигига тегиши мақсадида қўл ураётпти деб ўйлаган эдим. Демак, бу яроқларни янги гўристонга кўчириш пайдада юрган экан-да!

— Кечаси яна икки киши тутилди, бири қорининг божаси Жавдот Наим, иккинчиси Хўжақишлоқдан. Бу одамни танигандай бўлдиму лекин эслолмадим. Мирҳомидхўжанинг ўғлига ўхшатдим. Милтиқларни олиб автомобилга юклашаётганда: «Майли, олинглар, милтиқ керак бўлганда яна топамиз» дейди. Буларнинг бошқа шериклари ҳам бўлса керак.

Самандаров кун тиф тортганда Ўрмонжон билан хайрлашиб чиқиб кетди.

16

Иёки кундан бери гоҳ севалаб, гоҳ шиддат билан ёғаётган ёмғир ҳамма ёқни увитиб юборди. Капсанчиларда чакка ўтмаган ўй кам қолди. Амонат турган кўп деворлар қулади. Ариқлардан, торкӯча ва кўчалардан лойқа сув оқа бошлади.

Сидиқжон овқатдан кейин қўлига газета олган эди, бир мақолани яримлатмасдан кўзи сузилди, боши қўйи солинди, узун хуррак тортди-да, ўзининг хуррагига ўзи уйгониб, бирдан бошини кўтарди ва Канизакка қаради. Ҳошимжонга алифбе ўргатаётган Канизак кўз қирини ташлаб жилмайди.

— Жўхори қўрияпсизми?

Сидиқжон хижолат бўлиб ташқарига қаради.

— Нима бало бўлди, осмоннинг таги тешилдими!

— Шуни айтинг! Чопиқни бошламай турсак ҳам бўлар экан. Юрагингиз мунча ҳам кенг бўлмаса, кўзи-нгизга уйқу келганига ҳайронман!

— Аввали шуки ухлаганим йўқ, ундан кейин...

— Хуррак-чи?

— Мушукмижозман: жоним роҳат қиласа ухламасам ҳам хуррак торта бераман.

— Мунча яхши... Ҳа, ундан кейин нима демоқчи әдингиз?

— Ундан кейин ухласам-ухламасам бояги гапингиз хаёлимдан кетмаётитти. Бу нарсани мен ҳам кўрганман — ҳақиқатан йўл бўйидаги баъзи фўзалар шохлади. Лекин бунга эътибор қилмаган эканман. Нима учун шундоқ? Бунинг тагига етсак аломат иш бўлар эди!

— Рауф акамнинг олдиларига бормаймизми? Айтамиз, сиз ҳам кўрганингизни айтасиз. У кишидан бир гап чиқади.

Сидиқжон бу таклифга кўнди, лекин ўрнидан туриши жуда қийин бўлди; турганидан кейин ҳам шошилмасдан дарчанинг олдига борди ва осмонга қараб:

— Ёмғир жуда қаттиқ қуядиганга ўхшайди-ку, ҳавонинг авзои бузуқ,— деди.

— Туз эдикки, эриб кетамизми?

— Эриб-ку кетмаймиз, лекин... ҳозир ўртоқ Ибронимовнинг ишидан қўймасагу әртага айта қолсакмикин дейман.

— Сизга нима бўлди, Сидиқжон ака? Наҳот шу нарса юрагингизга жиндаккина бўлса ҳам ўт солмаса! Ҳозиргина «бунинг тагига етсак аломат иш бўлар эди» демадингизми? Тил учидан айтган экансиз-да бу гапни.

— Нега тил учидан бўлади?

— Бўлмаса бунинг тагига ўзимиз етмасак ким етади? Бирор келиб бизга рапорт берадими? «Эртага» әмиш! Қандоқ сабрингиз чидайди?

Сидиқжон этигини кийди. Унинг бу тарҳашлигига сабаб Канизак пайқаган нарса юрагига ўт солмагани эмас эди.

Сидиқжоннинг собиқ хотини Шарофат келиб қилган можаро ўша вақтда одамларнинг эътиборини унча тортмаган бўлса ҳам, бу можаро қорининг минг бир қилмишидан бири эканлиги маълум бўлгандан кейин оғизга тушиб

кетди: мажлисларда хусусий сұхбатларда қоридан сүз очган ҳар бир киши «Канизак билан Сидиқжон можароси»ни айтмасдан қўймас әди. Номлари доим бирга айтилиши, одамлар иккаласига «жабрдийдалар» деб қараши Сидиқжон билан Канизакни бир-бирига жуда яқин қилиб қўйди. Буларнинг ҳар бири гапда, муомалада энди ҳаммага маълум бўлиб қолган ҳақиқатни таъкидлашга тиришар, бир-бирига муносабатда одамларга гўё: «Мана, кўрдиларингми, орамизда ҳеч қандай сир йўқ» демоқчи бўлар әди.

Анзират хола қизи Кимсанойнинг кўз ёришига кетганича бедсм-дарак бўлди. Бир ҳовлида ёлғиз туриш ноқулай бўлмасмикин деган андишани на Канизак хаёлига келтирас әди, на Сидиқжон. Булар энди бир ҳовлида туриш эмас, бир уйда ётиб қолишини ҳам бирорнинг диққатини жалб қиласидиган ҳодиса деб билишмас әди. Бир куни Сидиқжон ҳаммом қурилишига ҳашарга бориб жуда чарчаб келдию шу уйда ухлаб қолди. Канизак уни уйғотгани кўнгли бўлмай устига кўрпа ташлади қўйди. Яна бир куни, қаттиқ шамол кечаси, Канизак унга: «шамол жуда ваҳималик гувиллаётитти, қўрқаман, шу ерда ёта қолинг» деди. Сидиқжон дарчанинг ўғли Насибали билан Ҳошимжонни олиб тўрда ётди.

Булар орасидаги бетакаллуф мусомала ва муносабатга одамлар ўрганиб қолди. Буларнинг бири бўлмаса иккинчиси, доим кўзойннак тақиб юрадиган одам бирдан кўзойнагини ташласа ғалати кўрингандай, одамларнинг кўзига әриш кўринар әди.

Бироқ бу муомала ва муносабатларга, бу яқинликка иккови ҳам бир ҳовлида турган, айниқса қуруқ туҳмат билан бир келида туйилган икки бегуноҳ орасида пайдо бўлган табиий бир муносабат, табиий бир яқинлик деб қарар, бошқа бирон маъно беришни хаёлига ҳам келтирмас әди. Бир куни икки орадаги бу муносабатга тўстадан ўзгача бир маъно кириб қолди.

Бундан бир неча ҳафта бурун Мавлонбеков икки эркак ва бир қиз билан келди. Булар колхоз идораси, клуб, магазин, меҳмонхона қурилишларини кўздан кечиришди, сўнгра, Бақақуруллоққа келиб электростанция бўлаётган водокачкани кўриши. Эркакларнинг бири мар-

казий газетанинг мухбири, иккинчиси инженер, қиз эса — Москвада институтни битириб ҳозир шу инженернинг қўлида тажриба кўриб юрган әкан. «Электростанцияни тезроқ битириш учун ўртоқ Мавлонбеков катта инженер олиб келиптилар» деган хабар бирпасда бутун қишлоққа тарқалди-да, бир талай одам йигилди.

Сидиқжон Москвада инженерликка ўқиб келган бояги ўзбек қизга зўр ҳавас билан тикилиб ўзининг зое кетган болалиги ва ёшлигига афсусланиб турган эди, Канизак уни секин туртиб: «Ҳа, Сидиқжон ака, мунча тикилиб қолдингиз, чиройлик әканми?» деди. Сидиқжон негадир, худди хиёнат устида қўлга тушгандай, гангіб қолди ва беихтиёр: «Сизга ўхшар әкан» деб юборди. Сидиқжон бу гапни қандай беихтиёр айтган бўлса, Канизак ҳам шундай беихтиёр бир гап айтди: «Ундоқ бўлса ўзимга қарай қолинг-да» деб кулди. Шу-шу бўлдию икки орадаги муносабатда янги ёки аслида бўлиб ҳозир юзага чиқсан, иккови ҳам сўз билан ифода қилолмайдиган бир нарса пайдо бўлди.

Мана шу кунларнинг бирида кечқурун ишдан қайтишда Канизак Сидиқжонни Иброҳимовнинг уйига бошлиди. Иброҳимовнинг қизил чойхонада мунтазам ўтказадиган агрономия машгулотига Сидиқжон қатнашиб турса ҳам, уйига кам кирап эди. Уч томони қамиш билан ўралган ҳовлига аввал Сидиқжон кирган эди, унинг әшиги олдида узала тушиб оғзи билан пашша тутиб ётган каттакон сариқ ит бошини кўтариб ириллади. Канизак дарров олдинга ўтиб «Барбос, Барбос» деган эди, ит думини қимилаатди. Унинг оёғини, әтагини ҳидлади, қўлини ялади; Канизакнинг орқасидан секин ўтиб қетган Сидиқжонга бир қарадию индамади. Сидиқжоннинг кўнгли бир оз ғаш бўлди, лекин бу ғашликнинг сабабини ўзи ҳам аниқ билмас эди. Бироқ бу ғашликнинг сабаби ҳаял ўтмай маълум бўлди: Иброҳимов савзи тўғраётган әкаи, унинг: «Қани, азиз меҳмонларим, ош қилиб берайми, шовла?» деган саволига қарши Канизак: «Қозонингиз биттами?» деб хандон ташлаб кулгандা икковининг хийлагина яқин әканлигини кўрсатадиган бу ҳазил Сидиқжоннинг юрак-бағрини ўртаб юборди. Бу — рашк, ҳақиқий рашк эди.

Шундай қилиб икки орадаги муносабатда инженер

қиз туфайли пайдо бўлган ёки юзага чиққан янги нарса кун сайн тўлароқ мазмун касб этар, ҳар иккаласи учун ҳам табиий, зарурий тусга кириб борар, лекин ҳеч бири бу тўғрида очиқ гапирмас эди.

Канизак «Юринг, Рауф акамнинг олдиларига борамиз» деганда Сидиқжоннинг оғир кўчишига, тархашлик қилишига сабаб Канизак пайқаган нарса юрагига ўт солмаганлиги эмас, Канизакнинг ҳар баҳона билан Йброҳимовнинг уйнга бораверишни хушламаганлиги эди.

Булар Йброҳимовнинг ҳовлисига кирганда, уйдан кўп кишининг қаҳ-қаҳаси эштилди, очиқ турган бир қанотлик деразадан Зиёдахоннинг боши кўринди.

Ичкарида Каромат, Манзура, Рӯзимат, Эргашбой, Қамбарали, Рисолат ва Болтабойлар ўтиришган экан. Йброҳимов китоблар тахланиб ётган стол орқасида папирос чекиб оғзидан ҳалқа-ҳалқа тутун чиқариб илжайиб ўтирас, унинг рўпарасида Зиёдахон кўкрагини столга бериб журналдан ниманидир ўқир эди. Канизак оёқ учida юриб Болтабойнинг ёнига — скамейкага, Сидиқжон эса Рӯзиматнинг ёнига — сандуққа ўтириди. Булар кирганда ўқишдан тўхтаган Зиёдахон давом этмоқчи бўлган эди, Йброҳимов Канизак билан Сидиқжонга изоҳ берди:

— Қуръон бўйича одамнинг яратилиши тўғрисида ҳикоя ўқиётимиз,— деди.

Зиёдахон давом этди:

— ...Самовий кунларнинг бири. Офтоб тиккага келиб, қайси томонга ботиш тўғрисида худодан амр кутмоқда. Арши аъло одатдагича жимжит. Посбон малаклар худонинг амри билан мудрамоқда, эснамоқда. Онда-сонда хира кўланкадай кўринган малаклар эринибгина қанот қоқмоқда. «Пардайи асрор» олдида ағнаб ётган Исрофил учиб юрган малакларга қараб хаёл сурмоқда: «худойи таоло биз фаришталарни қанот қоқмай учадиган қилса...

Ундан ҳам яхшироғи — борадиган еримиз ўзи кела қолса...»

Эргашбой пиқ этиб кулиб юборди ва Болтабойга қараб:

— Фариштанинг дангасаси Қутбиддиндан ҳам дангасароқ бўлар экан-а! — деди.

Қутбиддин дангасаликда ҳаммага маълум бўлса керак, кулги кўтарилди.

Зиёдахон давом этди:

— «Пардайи асрор»нинг бир чеккаси кўтарилиб, худонинг олдидан Жабраил чиқди. У ҳаддан ташқари хомуш, касал товуқдай қанотлари осилган эди. Истрофи уни ҳеч қачон бу аҳволда қўрмагани учун шошиб: «Е Жабраил, бу паришонликнинг боиси надир?» деб сўради. Жабраил ҳилпираб турган оппоқ булатнинг бир чеккасига бурнини артар экан: «Халлоқи олам Одам яратмоқни ихтиёр этибди. Унинг хоҳиши будирким, Одамни яратиб бизни унга сажда қилдирса» деди. Бу хабар бирпасда бутун арши аълога тарқалди. Фаришталар, уяси бузилган аридай, тўэзиди. Ҳамманинг юзидан, ҳаракатидан зўр бир мусибат акс этар эди. Эртасига худо ўз ниятини амалга оширишга киришди. Унинг амри билан Жабраил ерга тушиб икки қанотида бир замбил тупроқ олиб чиқди. Яна бир Фаришта қора булатдан бир парчасини йиртиб олиб тупроқнинг устига сиқди...

Зиёдахон баъзи эски сўзларга тили келишмай ва баъзи жумлаларни маъносига мос келмайдиган оҳангда ўқиб тингловчиларга уқдира олмагани учун ҳикоянинг давомини Иброҳимовнинг ўзи ўқиди. У ўқиганда ҳикоя жуда ҳам жонланиб кетди; хусусан одамнинг лойдан ясалишини, унга жон бағишлинишини, шайтоннинг Одамга сажда қилишдан бош тортиб айтган сўзларини, Одам кўзини очиши билан хотин талаб қилганини, унинг чап қовурғасидаи Ҳавво яратилгандан кейин иккови қўл ушлашиб жаннатга тушиб кетганини шундай қизиқ қилиб ўқидики, ўтирганлар кула бериб қотиб қолишиди. У, ҳикояни ўқиб бўлганидан кейин, Одамнинг бино бўлиши тўғрисида фан нима дейишини сўзлаб берди ва Қамбарали акага қараб:

— Саволингизга жавоб бердимми, йўқми? — деди.

— Тўла жавоб бердингиз, қониқдик, ука, — деди Қамбарали ака.

Унинг сўзини ҳамма тасдиқлади.

— Мумкинми? — деди Каромат, — қуръон бўйича одамнинг яратилиши ҳақиқатан шундай кулгилими ёки ёзувчи кулиб ёзганми?

Иброҳимов жавоб берди:

— Дин ҳамма нарса худонинг хоҳиши билан бўлади деб таълим беради. Чингизхон ўн икки миллион одамнинг

ўлимига сабаб бўлган. Демак, диннинг таълимотига кўра, Чингизхоннинг инсониятга қарши қилган бу жинояти жи-ноят әмас, худонинг хоҳиши бўлиб чиқади. Агар бирон ёзувчи диннинг шу таълимоти тўғрисида ҳикоя ёзмоқчи бўлса кулмасдан ёза оладими? Йўқ, чунки ўзи кулгили. Яна кимда савол бор?

— Менда,— деди Манзура,— ўртоқ Дарвиннинг қил-ган ишларини гапириб берсангиэ...

Унинг ёнида ўтирган Рўзимат тирсаги билан секин тутишиб:

— Ўртоқ Дарвин әмас, Дарвин инглиз олими,— деди.

Манзура, бир оз қизариб, Иброҳимовга қаради.

— Шундоқми, Рауф ака? Инглиз олими бўлса ҳам ҳа-қиқатни гапиргандан кейин... ўртоқ дейилса бўлаверади әмасми?

— Бўлади, бўлади,— деди Иброҳимов.

— Саволим шуки, нима учун ҳамма ҳукуматлар Дар-вин қолдириб кетган илмни ўз халқига тушунтириб динга қарши ташвиқот юргизмайди?

— Жуда яхши савол!— деди Иброҳимов,— қани, бу саволга ким жавоб беради? Талабгор борми? Дин халқ учун афъюн бўлгани ҳолда нима учун ер юзидаги ҳамма ҳукуматлар, айниқса Англиядек мамлакатларнинг ҳуку-матлари динга қарши ташвиқот юргизмайди?

Болтабой қўл кўтарди.

— Дин эксплуатация қуроли. Ўша мамлакатларда ҳукумат эксплуататорлар қўлида.

— Тўғри,— деди Иброҳимов,— бир мисол: Ҳиндис-тонда ҳиндилар бор, мусулмонлар бор. Ҳиндилар ҳўқизга топинади, мусулмонлар шу ҳўқизни қурбонликка сўяди. Шу асосда бу икки халқ бир-бирига душман. Бу душман-лик бу икки халқга ўзининг ҳақиқий душманини кўргани, бу икки халқни бирлашгани, бирлашиб ўз озодлиги учун курашгани қўймайди. Шундоқ экан, Англия ҳукуматининг Ҳиндистонда динга қарши ташвиқот юргизиши — Ҳин-дистон халқларининг сёқ-қўлини боғлаган арқонлардан бирини ўз қўли билан қирқиши бўлар эди.

Суҳбат тугагандан кейин одамлар тарқалди. Иброҳи-мов буларни кузатгач, Сидиқжонни столга яқинроқ так-лиф қилди. Сидиқжоннинг юзида бу ерга келаётган вақ-

тидаги кўнгил ғашлигидан асар қолмаган, аксинча, нимадандир хурсанд кўринар эди.

Канизак столда турган каттакон бир китобни варақлар экан, эркаланган товуш билан:

— Рауф ака, шунаقا китобларга қачон тишим ўтадиган бўламан? — деди.

Сидиқжон шу китобларни «шариллатиб ўқийдиган» Иброҳимовга шундай ҳавас билан қараб турган эди, Канизакнинг товушидаги эркалик оҳанггини пайқамади.

— Ўзингизга боғлиқ,— деди Иброҳимов,— гап фақат шундай китобларни ўқий бошлишдагина эмас. Агар гап фақат шундай бўлса, бунаقا китоблар ўзбек тилида ҳам бор, яна бўлади. Рус тилини ўрганиш керак. Менинча рус тили бизнинг учун она кўкраги. Она кўкраги! Рус тилини ўрганаман десангиз, ўрганамиз десаларинг, ташкил қилишимиз мумкин. Сиз унча-мунча биласиз, қаерда ўргангансиз?

— Наманганда, Надежда Павловна деган тутинган опам бор эдилар, ўша киши ўргатганлар.

— Аслингиз Наманганданми? — деди Иброҳимов.

— Йўқ, ўша ерда эсимни таниганман,— деди Канизак ва ўйчан давом этди,— мени Надежда Павловна Тошкентга ўқишга юборган эдилар, кетаётib нима хаёлга бордиму шу ерда поезддан тушиб қолдим. Кета берсам бўлар экан... Ўқиш керак эди... Ўқийман, Рауф ака! Менга рус тилини ўқитинг. Сидиқжон ака, сиз ҳам ўқийсизми?

— Ўқийман! — деди Сидиқжон.

— Бўпти! Ўқиймиз! Ўқийман деган одам кўп. Сизга рўйхат қилиб бераман. Энди, Рауф ака, биз сизнинг олдингизга бир иш билан келган эдик.

Канизак аксари йўл бўйидаги ғўзалардан баъзилари шохлаб кетиши тўғрисидаги ўзининг мушоҳадаларини батофсил сўзлаб берди. Иброҳимов унинг сўзига жуда диққат билан қулоқ солди, икковига кўп саволлар берди, нималарнидир ёзиб олди. Бироқ Канизак боя уйда кўзига жуда катта кўринган бу нарса ҳозир, Иброҳимовга сўзлаб берганида, жуда кичкина, ҳовлиқишига арзимайдиган нарсадай бўлиб чиққанини пайқаб бир оз хижолат тортиди. Буни Сидиқжон ҳам сезди-да:

— Эҳтимол бундан ҳеч нарса чиқмас, шундоқ бўлса ҳам сизга айтгимиз келди,— деб қўйди.

Иброҳимов, қаламнинг орқаси билан бурнининг учини қашлар экан, ўйчан жавоб берди:

— Гап бундан бир нима чиқиш-чиқмаслигида әмас. Буни, албатта, кўрамиз, текширамиз, ўргнамиз, тагига етамиз, ўзимизнинг кучими этмаса Иван Петровичга арз қиласмиз... Ҳа, айтгандай устод шу яқин кунларда уруғчилик совхозига келар эканлар. Ҳат олдим. Ҳўш... гап шоҳлаган ғўзани текширишдан бир нима чиқиш-чиқмаслигида әмас, гап илгари сарисоб солмаган, илгари пайқамаган нарсаларимизга ҳозир сарисоб соладитан бўлганимизда. Бу жуда-жуда муҳим нарса. Ҳамма гап бизда мана шундай кўз пайдо бўлганлигида. Модомики бизда шундай кўз пайдо бўлиптими, бу сафар пайқаганимиздан бир нарса чиқмаса, янаги сафар пайқаганимиздан чиқади, албатта чиқади, жуда катта нарсалар чиқади.

Дарҳақиқат Иброҳимов булар айтган бир неча туп ғўздан ҳэм кўра буларнинг шунга эътибор қилишганига кўпроқ аҳамият бергани, ўша ғўзани текширишдан чиқадиган ҳар қандай яхши натижадан ҳам кўра буларда «шундай кўз» пайдо бўлганига хурсанд эканлиги кўриниб турар әди. У одамларда пайдо бўлган ва пайдо бўлаётган «шундай кўз»нинг моҳияти, бунинг сабаблари, натижалари тўғрисида узоқ ва эўр шавқ-завқ билан сўзлади. Унинг сўзларидан кейин, ҳар иккаласининг ҳам назарида, бу мушоҳада тамоман, янги, икковининг ҳам хаёлида бўлмаган жуда катта бир мазмун касб этди. Ҳар иккаласи ҳам пахта майдонида бу кунгача кўрган ҳарбир икирчикирни хаёлидан кечириб, булар орасидан яна шундай, шу чоққача пайқалмаган бирон нарса топишга уринар әди.

Булар кетмоқчи бўлиб қўзғалган пайтда Ўрмонжон кириб келди. У, айтидан, Иброҳимовга бир оғиз гап айтгани йўлакай кирган экан, буларни кўриб ўтириди ва Сидиқжон билан гаплашадиган гапи борлигини айтиб, унинг қолишини сўради. Унинг ҳамма ва ҳар ким билан ҳамма вақт ва ҳар хил мавзуда лозим бўлса ошкора, лозим бўлса ҳоли гаплашуви өдатдаги бир нарса бўлгани учун иккеви ҳам бунга айрим эътибор бермади. Канизак чиқиб кетди.

Ўрмонжон стол ёнига ўтириб китобларни бир-бир кўрди ва булаардан бирини Сидиқжонга кўрсатиб:

— Буни ўқидингми? — деди.

— Йўқ, Ўрмонжон ака.

— Ўқигин, яхши китоб, муҳаббат нима эканини биллиб оласан.

— Сидиқжон акам муҳаббат нима эканини билсалар керак, — деди Иброҳимов кулиб.

— Шунақами, биласанми? — деди Ўрмонжон ҳам кулиб. — Қаёқдан биласан? Шарофатни яхши кўриб олмаган экансан, ундан кейин хотин кўрган эмассан...

— Шарофатни яхши кўрмаганлигим муҳаббат нима эканини билганим эмасми? — деди Сидиқжон ерга қараб.

— Эҳтимол... хўп, ҳозир имтиҳон қилиб кўрамиз. Менинг иккита танишим бор, иккови, нима десам экан, бир-бирига ниҳоятда меҳрибон, бир-бирига содик, бир-бирига ишонади, бир-бирининг кўнглига қарайди, бир-бирини тенг кўради; бирга ишлайди, бирга юради, туради; бир-бирига жуда муносиб... Қалай дейсан, шулар бир-бирини яхши кўрадими, йўқми?

Сидиқжон бу гапнинг замирига тушунди-да, билинрабилинмас қизариб:

— Шундоқ бўлса ҳам тўғриликча гаплашиб юрган бўлса ажаб эмас, — деди.

— Бир-бирини жиндай рашк ҳам қилса-чи?

Сидиқжон Канизакни ҳаммадан, айниқса ўзидан қизғониб юрганини Иброҳимов сезар, лекин бундан Ўрмонжон хабардор эканини билмас әди; Ўрмонжон шу тўғрида гап очиб унга бирон насиҳат қиласа-чи бўлганини сезиб суҳбатдан четланди, уйнинг бурчагида валиллаб турган примуснинг устидаги идишдан бир қесиқ куйдирилган тупроқни олиб оппоқ қоғозга ёйди, ҳидлади, қошиқ билан нари-бери сурди, яна ҳидлади...

Сукут қилиб қолган Сидиқжон, ниҳоят, бошини кўтарди.

— Очигини айта беринг, Ўрмонжон ака, бизнинг тўғримизда гапираётисиз. Бизнинг орамизда ҳеч гап йўқ, қасам ичаман. Ҳеч гап йўқ! Ҳеч гап бўлмаганидан кейин рашк ҳам бўлмайди.

— Рашк тўғрисида кейин гаплашамиз. Шу чоққача ораларингда ҳеч гап бўлмаган бўлса, энди бўлиши керак.

Бунга нима тўсқинчилек қиласди? Менимча, фақат бир нарса: «Мен сени яхши кўраман» дегани Канизак тортинади, сен... сен, билмадим нимани андиша қиласан. Бирон андишанг бўлса ўйлаб, солмоқлаб кўр. Шуни ҳам айтиб қўяй: ҳозирги замонда хотин баҳтини эрдан кутмайди, ўз баҳтини ўзи яратади. Канизак шундай хотинлардан. Энди рашк тўғрисида. Икки жинс бир ёстиққа бош қўйиши билан, масаланинг бир томонини олиб айтганда, ўтмиш ва келажак наслни бир-бирига боғлайдиган ҳалқа вужудга келтиради ва бу ҳалқани вужудга келтирадиган ҳар икки томон ҳам ўзини ўз жинсининг әнг муқаммали деб билади. Орага бошқа бирорнинг суқилиб кириши «бу жинснинг әнг муқаммали сен әмас, мен» дегани бўлади. Бу, албатта ҳақорат бўлади. Ҳар бир ҳақоратнинг алами бўлади. Рашк, менимча, мана шу ҳақоратнинг алами ва шундан келиб чиқадиган туйгу. Модомики, шундоқ әкан, рашк тўғрисида бирорга айб тақиши қийин. Лекин худди шундай рашк, масалан, ҳўрозда ҳам бор. Рашкка очиқ кўз билан қарааш учун әқл-идроқи бўлмаган ва шунинг учун бу туйфуга қул бўлган ҳўрзининг рашки билан ақл-идроқи бўлган, демак, ҳар нарсага очиқ кўз билан қараай оладиган, демак, ҳамма нарсани, ҳатто туйфуларини ҳам ўзига бўйсундиришга қодир бўлган инсоннинг, айниқса ўқиган, ўқиётган янги ҳаёт йўлига кирган Сидиқжон аканитиг рашки орасида Фарқ бўлиши керакми, йўқми?

Сидиқжоннинг кўзлари олайиб кетди.

— Ахир, мен... Канизакка бир нима деган бўлсан тилим кесилсан!

— Сабр қил,— деди Үрмонжон қўлинни кўтариб,— бир нима демаганингга, демаслигиннга ишонаман. Лекин рашк қитиқлаган кезларда чеҳранг ўзгаради. Мен буни ўз кўзим билан кўрганман. Эсингда борми, райондан театр кўриб келаётган кечамиз аравада Сотиболди ашула айтамиз деб Канизакни қистади, кўнмагандан кейин сочидан тортиди. Шунда қандай аҳволга тушганлигинг ўтиришингдан маълум бўлиб турган әди.

Сидиқжон ҳарчанд ўзини тутишга ҳаракат қиласа ҳам бўлмади — пиқиллаб кулиб юборди.

— Мен рашк қилганим йўқ... Хотин кишининг сочидан тортиш тўғри әмас-да, ахир!

— Эҳтимол, лекин Сотиболди бошқа хотиннинг сочиндан тортса, бунинг тўғри-нотўғрилиги сени унча ҳам ташвишга солмас эди. Ҳўш... шунаقا, чеҳранг ўзгаради. Канизак зийрак жувон, хусусан сенга келганда яна ҳам зийракроқ — буни пайқайди, пайқаганидан кейин кўнглингга қараб иш тутади... Кейинги вақтларда мана шу нарса сезилаётитти, сезилаётитти әмас, очиқ кўринаётитти. Канизак илгари мажлисларда рўпара келган жойга ўтира берар әди, ҳозир ўзини хотинлар тўпига уради; ударникларнинг район слётига вакил қилиб сайлаётганимизда сенга қараб кўзи жовдираб қолди; тўгаракка сен келмаган кунинг у ҳам келмайди... Канизакни сен, Энёдахонни Болтабой, Ёкутойни Эгамберди, Адолатхонни Қодирали, қисқаси ҳамма эрлар хотинларини, ҳамма ошиқлар маъшуқларини шу хилда қизғанишса, бу хотин-қизэларнинг ҳаммаси бири әрининг, бири хушторининг кўнглига қараб иш тутса нималар бўлар әди? Ҳолбуки булар, кўриб турибсан, колхозимизда катта куч. Шундоқ әмасми?

Сидикжон бошини қуи солди ва чуқур нафас олиб:

— Тўғри, Үрмонжон ака,— деди,— ҳамма гапингиз тўғри. Кўп нарсаларни кўзимга кўрсатдингиз, яна кўп нарсаларни кўргани қўлимга чироқ бердингиз. Мен Канизакни орқага тортаётган эканман, ҳақиқатда унга эргашшим керак. Катта гуноҳ қилиб юрган эканман.

Үрмонжон унга ер остидан қаради ва юзидан бу гапни самимий айтаётганини англаб:

— Эҳтимол, жуда ҳам катта гуноҳ әмасдир, чунки билмасдан, тушунмасдан қилинган иш,— деди.— Аммо кулаги, жуда кулаги дейиш мумкин. Бунинг кулаги эканлигини ҳозир билмасанг кейинчалик биласан. Бу ерга янги келган вақтингда «ударник» дейилганда кўз олдингга қандай одам келгани әсингда борми? Кимдир менга айтиб берган эди, бир ударник тўғрисида сўз кетганда «бу одам битта қўйни калла-почаси билан еб, терисини ионуштага олиб қўяди» дейишса ишонган экансан. Мана, ҳозир ўзингуда ударник...

Сидикжон қизариб кетди.

— У вақтда мен янги бир оламга кирган эдим.

— Тўғри. Бу оламга ҳамма ҳам янги кирган. Янги оламга кирган одамларнинг ҳаммаси оёғида эски оламнинг лойи билан кирган. Бирида кўп, бирида оз... Мана шу лой

баъзан тойилтиради, баъзан йиқитади. Биз сёғимизни мана шу лойдан тозалашимиз керак. Қанча яхшироқ то-зласак, шунча илдамроқ юрамиз.

Сидиқжон Үрмонжонга миннатдорчилик билдириди ва хайрлашиб чиқиб кетди.

У нимадандир бениҳоя хурсанд, нимадандир хижолат, бошидачувалиб кетган фикрлардан гаранг бўлиб уйга кетди.

Эртасига Иброҳимов Канизак билан Сидиқжон айтган гўзаларни қўздан кечирди, дала айланиб ўзи ҳам шу хилдаги гўзалардан бир талайнин топди, ҳаммасини айрим эътибор билан текшириди, кўпининг ёнига таёқ тиқиб белгилар осди-да, ҳосилот кенгашининг навбатдаги мажлисида текшириш натижаларини қисқача сўзлаб берди. Мажлиснинг охири шу хилдаги гўзалар кўпроқ бўлган Қамбарали ака бригадасининг учинчи қартасига кўчирилди.

Мажлисда ҳар хил фикрлар бўлди: Болтабой агар бунинг тагига етилсаю гўзани кўпроқ шохлатиш имкониятига эга бўлинса қўсак кўпайиши, демак ҳосил ортишини айтиб Иброҳимовнинг фикрини ёқлади. Зокир ота гўза шохласа қўсак кўпаяди деган фикрга қўшилди, лекин ҳосил ортади деган фикрни рад қилди. Унинг фикрича сунъий шохлатилган гўзанинг юзта сунъий қўсагидан кўра, шохлатилмаган гўзанинг ўнта табиий қўсаги афзалроқ — оғир ва паҳтасининг толаси узун бўлиши керак эди.

Шу икки фикр атрофида мунозара жуда қизиб кетди. Гапирмаган, тортишмаган одам қолмади. Зокир ота кўп йиллик тажрибасини пеш қилиб, Болтабойга ботадиган пичинглар қилди. Болтабой омоч замонида ортирилган тажриба трактор замонасида камлик қилишини айтиб Зокир отанинг қайсарлигини жоҳиллик деб атади. Иккovi хийла қизишиб олди.

Иброҳимов ҳамманинг сўзига диққат билан қулоқ солди, ўртага ташланган фикрларни ва буларнинг тўғри ё нотўғри эканлигини ѹсбот қилиш учун кўрсатилган далилларни ўлчаб, солмоқлаб кўрди, сарагити саракка, пучагини пучакка ажратиб ёзиб олди.

Мажлис тайинлик бир фикрга келмасдан тарқалди, Зотан Иброҳимовнинг бу масалани қўйишдан мақсади

бирси қарорга келиш эмас, одамларнинг фикр-мулоҳазаларини эшитиш эди. Мунозара мажлисдан кейин уйларда, чойхонада, тўгаракларда, кўча-кўйда, далада — ҳамма ерда давом этди. Иброҳимов қаерга бормасин шундан гап очилиб, ҳар ким ўз фикр-мулоҳазасини айтар, Ўрмонжон айтмоқчи, масалани бутун халқ муҳокама қилар эди.

Иброҳимов десласи Иван Петровичнинг уруғчилик соехозига келганини эшитиши биланоқ бутун материаларни, шохлаган гузадан учтушини олиб жўнади.

Иван Петрович, доим хатлашиб турган бўлса ҳам, яна унинг иши, колхози тўғрисида одати бўйича шешиб-пишшиб қисқа-қисқа саволлар берди; агрономияга сид китоблар, янги рсманлар, «Большевик» журналининг сўнгги сонларидан бирида босилган фалсафий бир мақола тўғрисида сўз очиб, зимдан уни имтиҳон қилди. Иброҳимов ҳеч тутилмагандан кейин кўзойнагини бирдан пешонасига сурди-да, оппоқ чўёқки сеъолининг учини икки бармоғи орасига олиб унинг афтига тикилди. У бирордан хурсанд бўлса шундек қарап эди. Иброҳимов устод хурсанд бўлганини кўриб гўза тўғрисидаги гапини башлади.

Иван Петрович унинг сўзи давомида тез-тез қадам босиб уйда нари-бери юриб турди; Иброҳимов сўзини тутгатгач креслога ўтиаркан, кўзойнагини пешонасига сурриб:

— Хўш,— деди, яна сеъолининг учини икки бармоғи орасига олди.— Яна нима гап?

— Бутун гап шу, устод,— деди Иброҳимов тавозе билан.

— Елғон! Елғон!— деди Иван Петрович ва стаканда совуб қолган чойни унинг олдига сурриб қўйди,— нега ўз фикрингни айтмайсан? Янглиш чиқишидан қўрқасанми?

Иброҳимов бу тўғрида маълум бир қарсрға келиб қўйган, лекин десласининг фикрини эшитмасдан бурун айтгани дарҳақиқат тортиниб турган эди.

— Айтишим мумкин,— деди дадил ва фикрини деслага маъқул келадиган бир тарзда қисқа ва равшан қилиб ифодалаб берди.— Биринчи: бу гўзаларнинг шохлаб кетиши асосий шохнинг бирон сабаб орқасида синганлиги ёки мол-хол текканлиги натижаси, бу илмга маълум, ик-

кинчи: тажрибакорларнинг шохлаган гўза қўшимча кўсакларни етишириш учун ердан етарлик озиқ ололмайди деган даъвоси пуч, чунки гўза ололмаса биз берамиз; учинчи: тажриба ишини бошлишимиз мумкин.

Иван Петрович ўрнидан туриб шитоб қадамлар билан бир айланиб келди-да, Иброҳимовнинг рўпарасида тўхтади.

— Тўғри, илмга маълум,— деди ва креслога ўтириди,— маълум! Шохлатиш, озиқ бериш мумкин. Ҳўш, сен ўтказадиган тажриба нимани исбот қилиши керак?

— Шу йўл билан ҳосилни ошириш мумкин эканлигини исбот қилишимиз керак.

— Бу турган гап, лекин, бундан ташқари яна бир саволга жавоб топишинг керак: гўзани қачон ва қайси шароитда чилпиш яхшироқ натижা беради? Сен айтган икки нарса илмга маълум эканлигини әътиборга олсак, сен ўтказадиган тажрибанинг асосий вазифаси мана шу саволга жавоб бериш. Демак, сенинг бугундан бошлаб қиласидиган ишларинг... Ээ! Биринчи: ҳозир назорат остида бўлган гўзаларни текшириб, буларнинг асосий шохи қачон заарарланганини белгила. Иккинчи: бугун ўн тўртинчи числодан то гўзанинг ўсиш даври тамом бўлгунича, ҳар ўн кунда лоақал бирон акро гўзани чилпишга етадиган тажриба участкаси ажрат. Тажрибани бу ерда ўтказиш ҳам мумкин эди, лекин колхозда ўтказилгани яхширсқ, қулай бўлса ўша Канизакнинг ерида ўтқаз. Менга ёзган хатларингдан бирида Ўрмонжон илмга сажда қилган одам деган эдинг, демак, колхозда сенга ҳамма шарт-шароит таҳт әканига шубҳа йўқ. Учинчи: ўзинг айтмоқчи, одамларда пайдо бўлаётган кўз... Яхши, жуда яхши таъбир! Бу кўз янги шароитда, колхоз шароитида юзага чиқаётган улуғ бир кучнинг нишонаси. Гунча! Сенинг учинчи ва әнг муҳим вазифанг, ҳаммамизнинг ҳам вазифамиз мана шу гунчанинг бағрида ажойиб бир гул, ажойиб бир мева ҳаёти борлигини ҳар бир колхозчининг кўзига кўрсатиш, томчилардан кучли бир оқим вужудга келтиришдир!

Бир хотин кириб обед тайёр әканидан хабар берди. Иван Петрович Иброҳимовни обедга таклиф қилди. Столовойга чиқишиди. Столда учта прибор турар әди. Совхознинг партия ташкилотчиси Аминов келиши керак

экан, келмади — иши чиқиб, бирордан уэр айтиб юборипти. Иван Петрович шумшайди, бир нималар деб дўнгиллади, лекин бутун сбед давомида фақат шу одам тўғрисида сўзлади. Унинг сон-саноқсиз хислатларини айтиб берди. У, Аминовнинг ҳар бир хислати тўғрисида сўзлар экан, бу хислатни ғоят мураккаб ва ақлни ҳайратга соладиган бир механизмнинг энг муҳим бир деталидай таърифлар экан, бирдан: «Менга қара, коммунизмда партия ташкилотчиси бўладими, йўқми?» деб сўради ва яна ўзи жавоб берди: «Бўлиши керак! Бўлади!» деди.

Иброҳимов обеддан кейин жўнайдиган бўлди. Иван Петрович уни кузатар экан, келтирган совғаси — уч туп гўзага жуда хурсандлик изҳор қилди ва ўзи ҳам унга озроқ совға олиб келганини айтиб, икки яшик китоб берди; Ўрмонжонга, Бўтабойга, Канизакка кўпдан-кўп салом айтди ва «Қўшчинор»га шу ҳафта ичи, яъни ваъдасидан бурунроқ боришини билдириди.

Эртасига бу хабар бутун колхозга тарқалди. Колхозда ёш-қари, эркак-аёл ҳамма катта олимни, «домламизнинг домласи»ни кўришга, унинг бирон оғиз сўзини әшитишга муштоқ бўлиб шу соатни сабрсизлик билан кутди.

Тажриба участкаси Канизак звеносидан, яъни ўз бригадасининг еридан ажратилишига Зокир ота сира кўнмай туриб олди. Иброҳимов унга тушунтиришга ҳаракат қилди, чол қулоқ солмади. Бўтабой ака аввал яхши гапирди, кейин шовқин солиб «бригадирликдан туширамиз» деди, чол ундан баландроқ келди: «бритадирликдан тушмайман» деб эшикни қаттиқ ёпиб чиқиб кетди. Шундан кейин уни Ўрмонжон чақирди. Чол унинг олдига ҳам шовқин солиб кирди:

— Тайини йўқ иш! Мен гўзани нобуд қилгани қўймайман! Пахта нима эканини бола ҳам билади: кўчада тўртта ёнғогу бир сиким пахта тушиб ётган бўлса аввал пахтага қўл узатади.

— Тўғри, отахон, бу гапларингиз тўғри,— Ўрмонжон икки елкасидан ушлаб креслога ўтқазди,— лекин бир нарсани эътиборга олайлик. Сиз шу ишдан натижага чиқмайди деяпсиз. Мен сизнинг фикрингизни рад қилолмайман, чунки қўлимда далилм йўқ...

— Ҳа, баракалла,— деди Зокир ота бирдан чеҳраси очилиб.

— Иброҳимов натижা чиқади деяпти. Биз унинг фикрини ҳам рад қилолмаймиз, чунки қўлимиэда далимиз йўқ. Шундоқми?

— Тўғри.

— Демак, бу қарама-қарши икки фикрнинг қайси бири тўғри эканини фақат тажриба қилиб билиш мумкин. Яккахўжалик, албатта, бунаقا таваккаллик ишга қадам қўёлмайди, қўрқади. Биз-чи? Биз колхозда бундан каттароқ таваккаллик ишга ҳам дадил қўл уришимиз мумкин. Нимадан қўрқамиз? Йирик хўжаликнинг мана шу имкониятидан фойдаланишимиз керакми, йўқми? Меним-ча керак, зарур! Нима дедингиз? Зарур-а?

Зокир ота бўшаши.

— Бунга қанча ер ажратамиз?

Ўрмонжон унинг саволига жавоб бермади.

— Иброҳимовнинг домласи Иван Петрович келганида биринчи навбатда сиз ва сизга ўхшаган тажрибакор қарияларимиз билан гаплашади...

Зокир ота шошиб унинг сўзини бўлди.

— Менинг қарши турганимни Иброҳимов домласига айтганмикин?

— Билмадим,— деди Ўрмонжон Бўтабойга кўз қисиб. Бўтабой шовқин солди:

— Уятни биласиэм!.. Колхозимиэда илмга қарши одамлар бор дегани кимнинг тили боради!..

Зокир ота хижолат бўлди.

— Мен илмга қарши әмасман, илм ёруғлиқ, илмсизлик қоронгулик, биламан...

— Илмсизлик қоронгулик әканини билсангиз, ўқинг деганда менинг олдимга ёғоч от миниб келармидингиз!

Зокир ота бўйини қашлади.

— Ўтган гапга саловот... Илмга энди қарши әмасману, лекин шу Иброҳимовга қарши бўлгим келаверади... Тўғри, илми бор, яхши илми бор! Баъзан ҳеч хаёлга келмаган, ақл етмайдиган нарсаларни айтади, лекин ёш! Гаплари ўзидан катта, алланучук ярашмаганга ўхшайди. Шу илмига мўйсафид бўлса, шу гаплар бир мўйсафид одамнинг оғзидан чиқса...

Бўтабой кулиб қотиб қолди.

— Ақа ёшда әмас бошда деган-ку, ахир,— деди кулғи ёшини артиб.

— Шунчалиги ҳам бор,— деди Зокир ота кетганиң күзгалиб — майли, билганини қылсун. Лекин яхши йигит!

Үрмонжон кула-кула уни кузатиб чиқди.

Тұлаган партия аъзолигига кандидат бўлиб ўтаётганида Зиёдахон унинг колхоз ташкил бўлаётган вақтда Бўтабой ака билан жанжаллашганини әслатиб бир савол бергандан бунга Үрмонжон жавоб қайтариб: «Утган гаплар ўтди кетди, Тұлаган аканинг колхозга киргандан кейин қылган ишларини, айниқса бинокорлик бригадасига бошлиқ бўлиб қылган ва қилаётган ишларини кўзда тутиш керак» деган әди.

Маблағ ҳиссблик, бинокорлик материаллари танқис, ишчи кучи йил — ўн икки ой дала иши ва босқа юмишлардан бўшамайди, транспорт етишмайди; бунинг устига Тұлаганнинг ўзи бу ишда ҳали янги, ўзи айтмоқчи, умрида «битта капа ҳам қурган әмас»... Буларнинг ҳар бири, албатта, бир қийинчиллик тудирав әди. Бироқ Тұлаган, бу қийинчилкларнинг ҳар бири бир қайроқ бўлиб ақлинни, қобилиятини, ғайратини қайрагандай, кун сайин янгидан-янги ташаббус кўрсата бошлади. Унинг таклифи билан правление, транспорт етишмаганлиги сабабли, ҳануз сотилмай маҳаллаларда тоғ-тсғ бўлиб ётган ўтинни сотиш учун Оқкўлдаги ташкилотлар билан шартнома қилишга ва дарёдан сол оқизишга қарор қилди. Бу тадбир колхозга талай даромад берди. Бинокорликка четдан пишиқ ғишт келтириш жуда мушкул ва ўта қимматга тушар әди. Тұлаган ғиштни шу ернинг ўзида хумдонсиз пишириш усулини таклиф қилди. Бу усул қулай келди ва кейинчалик «Капсанчилар усули», «Уста Тұлаган усули» номи билан шу атрофдаги босқа колхозларга ҳам тарқалди. Үрмонжон айтмоқчи, «ашаддий бинокор» уста Тұлаган бинокорликка шу қадар жон-жаҳди билан берилib кетдики, бу иш билан бўлганида вақт ўтганини, хориганини билмас, димсигига лой ва пайрача ҳиди

уриб турмаса кўнгли жойига тушмас, қаерга борса шундан сўз очишни, кимни кўрмасин шу ҳақда бирон янги гап әшитишни, қандай мажлис бўлмасин шу тўғрида масала қўйилишини хождар ва ўнг келганда фурсатни қўлдан бермас эди. Бир куни райондан доктор келиб кундалик турмушда гигиена мавзууда лекция ўқиди. Тўлаган ҳатто шунда ҳам биноксерликка дахлдор савол берди: «Николай пошшонинг Қишики саройида уйларни шамоллатадиган туйнуклар йўқ экан деб әшитдим, шу тўгрими?» — деди.

Шундай қилиб бинокорлик бригадаси колхознинг бошқа хўжалик тармоқларидағи энг сара ва муҳим бригадалар қаторига кириб олди. Бу бригада билан фақат унинг аъзоларигина әмас, колхозда катта-кичик ҳамма ифтихор қиласидиган, ҳар бир қиши бирпас бўш қолса, унга қарашишни ўзининг бурчи ҳисоблайдиган бўлиб қолди. Натижада қурилиш иши қишин-ёзин тўхтамади, жадал суръат билан кетиб, биринчи навбатда қурилиши зарур бўлган хўжаликка керакли бинолар, ҳаммом, қишлиқ болалар боғчаси, қишлиқ қизил чойхона муддатдан анча бурун битди. Бу колхоз идораси, клуб ва биринчи навбатда қурилиши керак бўлган ўн икки уйни мўлжалдан бурунроқ битказишга имкон берди. Колхоз идораси билан клуб янги йилнинг май ойига, ўн икки уй эса шу бу йил кеч кузакда битиши керак эди, бироқ бинокорлик бригадаси буларнинг битганлиги ҳақида октябрнинг охиридаёқ правлениега рапорт берди.

Колхоз клубининг очилиш маросими бешинчи ноябрь кеч соат саккизга белгиланган эди.

Канални бўйлаб ўтган кўччанинг кун юриш томонига паркка қаратса солинган ва кварталнинг қарпийб тўртдан бирини энлаб ёттан клуб ва колхоз идораси биносининг олди ҳали қоронғу тушмасданоқ одамга лиқ тўлди. Ҳамма, ҳатто кўрган одамлар ҳам клубни яна кўришга шошилар эди. Бинонинг фасадига осилган жуда ҳам ёруғ «дамчироғ» унинг тўрт колоннасига тикилган қизил байроқларни, әшик олдида ва кенг зинада тиқилишиб турган одамларнинг бошларини, елкаларини ёритиб турар эди.

Бинонинг кенг ва оғир икки әшиги очилди. Ҳалойиқ туриллаб фасаддаги сингари чироғлар билан ёритилаган

фойега ва ундан уч эшик орқали залга кирди. Фойе, зал ва саҳна ҳали йиғиштирилмаган, әртаги мажлисга безати-лаётганлиги шундоқ кўриниб турар әди.

Соат роса саккизда мажлис очилди. Президиумга Бўтабой бошлиқ правление аъзолари, буларнинг кетидан Аҳмедов сочига оқ оралаган бир рус хотин билан чиқди. Бўтабой қисқача бир муқаддимадан кейин мажлисни очиб, бинокорлик бригадасининг бошлиғи Тўлаганга сўз берди. Тўлаган ҳам қисқача муқаддимадан кейин бригаданинг правлениега берган рапортини ўқиб бериши керак әди, бироқ у, минбар текканидан ва қулави фурсатдан фойдаланишини лозим кўрди шекилли, қисқача муқаддимасини бутун бошлиқ докладга айлантириб юборди: колхозда бинокорлик иши хўжалик тараққиётидан кейинда қолмаётган бўлса ҳам, бу ишда ҳали катта камчиликлар борлиги, бутун колхоз ва ҳар бир колхозчи олдида катта вазифалар турганлиги, колхозда мавжуд бўлган имкониятлардан тўла фойдаланишга ва йўқ имкониятларни яратишга нималар тўсқинчилик қилаётгани тўғрисида гапириб кетди. Унинг бу гаплари керакли, ҳозир бўлмаса қачондир айтилиши керак гаплар бўлгани, зал диққат билан қулоқ солаётгани, эотан Тўлаган бинокорлик тўғрисида бир гапга тушиб кетса уни тўхтатиш хийла қийин эканини билгани учун Бўтабой ҳам қўйиб берди.

Бу орада бояги нотаниш рус хотин Аҳмедовнинг қулоғига бир нима деди. Аҳмедов бир нима ёзиб, орқада ўтирган Рўзиматга узатди. Рўзимат саҳнадан чиқиб кетдию ҳаял ўтмай залда пайдо бўлди ва Канизакнинг олдига келиб қулоғига секин: «ўртоқ Аҳмедов йўқлаётптилар» деди. Канизак қўлидаги рўмолчасини ёнида ўтирган Сидиқжонга беихтиёр тутқазиб ўрнидан турди, ҳеч лозим бўлмагани ҳолда энгашиб қатордан чиқдида, энгашганича деворнинг тагидан юриб эшикка кириб кетди ва ҳаял ўтмай саҳнанинг ёнбошидан қизил кўйлагининг әтаги кўринди. Аҳмедов имо билан уни чақириди ва ёнига ўтиргизиб хотинни танишиди: «Известия» газетасининг мухбири деди. Хотин унга «Мария Федоровна Новикова» деб қўл узатди. Канизак индамай қўл берастган әди, Аҳмедов секин: «Отингни айт» деб турткандан кейин: «Канизак Фармонқулова» деди.

Бу орада Тўлаган бинокорлик ишига бинокорлик бригадасининг иши деб қарайдиган баъзи бригадирлар, электростанция қурилишига етарлик эътибор қилмаётган правление тўғрисида гапириб тантанали мажлисни одатдаги мажлисга айлантириб юборди. Аҳмедов унинг сўзига диққат билан қулоқ солиб қўйин дафтарчасига бир нималар ёзиб ўтирар эди. Новикова буни кўриб имо билан «гапирасизми?» деб сўраган эди, Аҳмедов бош ирғитди. Шундан кейин Новикова Канизакни пастдаги уйга таклиф қилди.

— Аввало сизга Иван Петровичдан салом,— деди у столдаги пастлатиб қўйилган қирқинчи чироғнинг пилигини кўтариб,— ўтиринг... Иван Петровични биласиз-а?

Канизак русчалаб: «яхши биламан» демоқчи бўлиб, «яхши биласиз» деб қўйди ва Новикова тўғрилагандан кейин бурро қилиб:

— Мен Иван Петровични яхши биламан,— деди.

— Иван Петрович колхозларингда ўтказилган тажриба якуни тўғрисида мақола ёзаётитти. Ўтоқ Аҳмедов бу тажриба пахта агротехникасида олга қўйилган катта қадам дейди. Катта иш қилибсизлар. Мен бу гапни әшитганимда сизни ўрта ёшлардаги бир хотин деб ўйлаган эдим. Ёш әкансиз, турмушингиз тўғрисида гапириб бермайсизми?

Канизак ўзи билган бутун рус калималарини әслаб ва ишлатиб, билмаганини Новиковадан имо-ишора билан сўраб, танг келганда ўзбек калималарини ҳам қистириб жумла туза бошлади.

— Иш: Зокир ота бригадаси, учинчи звенога бошлиқман. Звено бўйича мажбурият ҳар гектардан ўн бир центнер эди, ҳозир ўн тўрт бердик, қолган пахтамиз кўсак билан яна икки центнердан беришга етади. Ўқиётиман. Звено аъзоларининг ҳаммаси ҳам ўқийди. Рус тили ўрганаётубмиз. Анзират холанинг кибиткасида турман. Ҳозирнинг ўзида беш юзга яқин меҳнат куни ишлаб қўйдим. Колхозга янги келган йилим меҳнат куни йигирма олти тийиндан тушган эди, бу йил камида ўн икки сўмдан тушса керак дейишаштилти.

Новикова қўйин дафтарига тез-тез ёзар әкан, Канизак зерикиб қолмасин учун уни гапга солди:

— Бу пулларни нима қиласиз? — деб сўради.

Канизак ўйчай жавоб берди:

— **Москвага борсам... Ленинни кўрсам деган орзум бор...**

— Яхши,— деди Новикова ва бир оз ўйланиб қолди-да, дафтарини тез-тез вараклаб давом этди,— сизнинг тўғрингизда ўртоқ Аҳмедов гапириб берган эди. Аслингиз шу ерлик, ота-онангиз болалигингизда ўлиб кетган, Намангандада ўсган әкансиз. Агар мумкин бўлса Намангандаги ҳаётингиз, бу ерга келишингизга нима сабаб бўлгани тўғрисида қисқача бўлса ҳам ганириб берсангиз эди. Батафсил бўлиши шарт әмас. Тасавур ҳосил қилсан бас.

— Намангандада Надежда Павловна деган тутингдан опам бор эдилар, менинг бу ерга келишимга ўша киши сабаб бўлганлар.

— Ким эди у киши, нима иш қилар эди, нега у киши сабаб бўлган?

— У киши терговчи эдилар. У киши мени Тошкентга ўқигани юборган эдилар, кетаётиб Яккатутда поезддан тушиб қолдим.

— У киши билан нима бўлиб танишгансиз?

Ҳамма саволларга бошини қуйи солиб тез-тез жавоб бериб ўтирган Канизак бу саволига тезда жавоб бермади ва бирдан бошини кўтариб Новиковага қаради; афтидан, бу саволга жавоб бермоқчи әмас эди. Новикова унинг тезда жавоб бермаганига чандон эътибор қилмаган эди, кейин, унинг ўзгариб кетган авзоини кўриб таажжубланди ва саволини қайтарди. Канизак яна ерга қараб жим қолгандан кейин секин:

— Бошқа гап сўранг,— деди.

Новикова ортиқ қистамади.

Шу аснода, мажлис тамом бўлди шекилли, зал томондан қаттиқ қарсак ва ғовур әшитилди. Ҳаял ўтмай Аҳмедов, унинг кетидан Үрмонжон билан Йброҳимов, Зокир ота кириб келишди. Аҳмедовнинг вақти чоғ эди.

— Ана тантанаю мана тантана!— деди Үрмонжонга ва кулиб Новиковага юзланди,— тантанали мажлис жуда ажойиб танқид ва ўз-ўзини танқид мажлисига айланниб кетса бўладими! Тўққиз киши музокарага чиқса-я! Демак халқ қўлга киргизганимиз ўзимизники, ҳеч қаёқка қочиб кетмайди, ҳали қўлга киритмаганимиз тўғри-

сида гаплашайлик деяётити! Хўш, Мария Феодоровна, суҳбатлашиб бўлдиларингми?

— Йўқ, ўртоқ Аҳмедов,— деди Новикова,— суҳбатимиз энди бошланаётити шекилли.

Аҳмедов соатига қаради.

— Хўп, ундоқ бўлса сиз қолинг. Мен Наймандан энди соат бирларда қайтсан керак. Унгача суҳбатлашиб бўларсиз.

— Ўртоқ Аҳмедов,— деди Ўрмонжон,— эртага байрам олди мажлисимиз бўлади. Мария Федоровна шу мажлисда қатнашсинлар. Эртадан кейин қай маҳалда десалар ўзимиз элтиб қўямиз. Зиёдахон доклад қиласди, миллий чолғу тўгарагимиз яхши концерт тайёрланган, ударникларни мукофотлаймиз.

Новикова бу таклифни мамнуният билан қабул қилди.

— Шошма, ука,— деди Зокир ота,— мукофот де-динг-у эсимга тушди... Янги уйларни ударникларга бериш яхши албатта; ишлапти, кўнни депти,— кўпдан кўрсин. Лекин шу уйлардан биттасини Анзиратга берила қандоқ бўлар экан? Бу ҳам бир маслаҳат-да. Унинг ўғли неча йилдан бери қизил аскарда... Ҳозир командир бўлипти. Шу бола ҳам кўпни деб юрипти-ку!

Аҳмедов ялат этиб Ўрмонжонга қаради. Иброҳимов Зокир отанинг сўзини Новиковага таржима қилиб берди. Новикова Зокир отани бошдан оёқ кузагиб чиқди.

— Яхши, жуда яхши,— деди Ўрмонжон,— правле-ниеда кўрамиз.

Аҳмедовни ҳамма кузатиб чиқди. У жўнагандан ке-йин Ўрмонжон ҳаммани ўз уйига кечки овқатга таклиф қилди. Зокир ота боришдан бош тортган эди, Новико-ва қистаб қўймади.

Кечки овқат жуда узоқ давом әтди. Новикова Зокир ота билан бошқа вақтда гаплашишни кўнглига туғиб қўйган бўлса ҳам, овқат маҳалида унинг ўтмиш ҳаётига қизиқиб сон-саноқсиз саволлар берди. Маълум бўли-шича, Зокир ота водокачкаларнинг әгаси князнинг итбо-қари бўлган экан. У шу тўғрида гапириб туриб:

— Ўша вақтда орим йўқ эканми, итбоқар бўлибман-а! — деди.

Овқатдан кейин Урмонжон Новикова билан Канизакни ётоқقا кузатиб қўйди.

18

Янги уйлардан бирига иккита кровать қўйилиб жой қилинган эди.

Канизак меҳмонни алиф ҳиди анқиб турган уйга бошлаб кирди, пастлатиб қўйилган осма чироғнинг плигини кўтарди-да, бир неча қаватдан лас кўрпа солинган икки кроватни кўрсатиб:

— Марҳамат, Мария Педоровна,— деди.

Новикова шляпаси билан сумкасини столга қўяр экан:

— Педоровна әмас, Федоровна, «п» әмас, «ф»,— деди.

Канизак тўғрилаб айтди, лекин шу оннинг ўзида яна хато қилди: Иван Петрович мақоласини қачон ёзиб тамом қилишини сўраганда «Иван Фетрович» деб қўйди; лекин хато қилганини ўзи фаҳмлаб кулиб юбордида, уялиб, Новиковани қучоқлаб олди.

Ечиниб ётишиди. Канизак кровать устида туриб чироғни пастлатар экан:

— Янаги келишингизга битта ҳам хато қилмай гапирадиган бўламан,— деди.

— Зеҳнингиз тез, тил ўрганишга қобилиятингиз яхши экан. Шу бугун мэндан учта янги сўз ўрганингиз, уччаласини ҳам ишлатишга ҳаракат қилаётисиз, жуда яхши. Бунақада рус тилини тез ўрганасиз. Сизга рус тилини дастлаб боя айтканингиз Надежда Павлова ўргаттган бўлса керак-да? Кечирасиз, бу саволимга жавоб бермаслигингиз мумкин...

— Йўқ, нега...— деди Канизак,— рус тилини ўша кишидан ўрганганман. Боя клубда берган саволингизга жавоб бермаганим учун хафа бўлдингизми?

— Сизни хафа қилмадиммикин?

— Йўқ, опажон, кўнглингизга бошқа гап қелмасин, айтиб қўя қолай: мен одам ўлдиришда айбланиб судга тушканимда танишган эдим.

Новикова ўрнидан туриб тирсаги билан ёстиқча суянди.

250

— Тұхматми?

— Ҳа, тұхматта қолған әдим.

— Нақадар даҳшат!

— Йўқ опажон, бу даҳшат әмас. Үн икки яшар қиз боланинг шундай тұхматта қолишидан ҳам даҳшатлироқ бир ҳақиқатни гапириб берсам әшитасиэми? Қани әнди рус тилини яхши билсаму...

— Майли, майли,— деди Новикова,— жуда яхши тушунаяпман.

— Ҳа, мен ёмон гапирсам ҳам сиз яхши тушунасиз. Надежда Павловна ҳам шундосқ дер әдилар...

Канизак бола әди, әс-әс билади: қишлоқни босмачи босди, уруш бўлди, ота-онасини йўқотиб қўйди. Кўп уйларга, шулар қатори буларнинг ҳам уйига босмачилар ўт қўйишди. Уни шу ерлик Мирсаид деган бир бой уйига олиб кетди-да, орадан кўп ўтмай иско-биллик бир қариндошига бериб юборди. Бу одам хийла бадавлат бўлиб, хотини йўқ, Канизак тенги ва ундан катта тўртта қизи, буларга қарайдиган бир оқсочи бор экан. Ҳар замон ота-онасини соғиниб йиглашини эътиборга олмаса, Канизак бу одамнинг уйидаги яхши турди. Яхши овқат, кийим-кечак... Орадан уч-тўрт йил ўтди.

Қиши, жуда қалин қор ёқсан кун әди. Оқсоч хотин қизларни ювинтириб, тарантириб, яхши кийимларини кийгизиб меҳмонхонага олиб чиқди. Меҳмонхонада новча, йўғон, қошлари ўсиқ, мош-гурунч соқоли кўкрагита тушган бир чол сандалда каттакон пўстинни елкасига ташлаб ўтирган әди. «Ота» қизларини сандалга ўтқизди. Чол буларни бир оз гапга соганидан кейин бирига чанговуз, бирига нағма, бирига билакузук, бирига исирға, Канизакка эса бозвонт берди. Қизлар чиқиб кетишиди. Кечаси «ота» Канизакни ўзининг уйига чақириб: «Ота-онанг Наманганда экан, кўраман дессанг сени шу одамга қўшиб юбораман» деди. Бу гапни әшитиб Канизак узун қиши кечасини киприк қоқмай тонг отдириди. Эрталаб Канизакнинг назарига бу чол уни олиб кетгиси келмаёттандай кўринди. Канизак йиглади, унинг бўйнита осилди.. Чол кулдию, уни кўтариб извошига ўтқизди. Станцияга чиқишиди. Поездга тушиб Наманганга жўнашди. Чол уни уйига олиб борди, каттакон ҳовлидаги бирталай уйлардан югуришиб чиқсан жувонларга

қараб: «Мен сизларга канизак олиб келдим» деди. Шунда унинг юраги орқасига турб кетди: нега бу «мен сизларга олиб келдим» деяётитти? Ота-онамчи? Ҳақиқатан, кейин билса, чол уни алдаб олиб келган экан. Канизак қочиб кетмоқчи бўлди. Қочиб қаёқча боради? Чолниг тўртта хотини бор экан, шуларнинг хизматини қилиб юрди. Хотинлар ҳам, чолниг ўзи ҳам уни «канизак» дейишар әди.

— Бу отни сизга шулар қўйғанми, асл отингиз бошқами? — деди Новикова шошиб.

— Ҳа, менинг асл отим Ҳанифа әди.

— Шундоқми? Мен ҳам ҳайрон бўлган әдим: Ўзбекларда бунақа отни учратганим йўқ. «Канизак» деган сўзни мен «Минг бир кечада» учратганман. Бунда «чўри», «қул» маъноларида келар әди.

— Билмайман,— деди Канизак чуқур нафас олиб,— мен бу сўзнинг маъносини билмайман!

Чол, ўзининг тахминига кўра, Канизак ўн бир ёшга кирганида унга паранжи ёпнитирди; паранжи ёпнинганидан кейин «катта қиз бўлдинг, энди уй тутишни ўрган» деб уйларидан бирини ясатиб берди. Шундан кейин у бошқаларнинг хизматидан озод бўлди. Орадан бир неча ой ўтди. Бир куни чолниг катта хотини уни ҳаммомга олиб борди. Кечқурун уйга салласи қозондай бир домла, яна бир неча киши келди. Ош-овқат қилинди. Қоронғу тушгандан кейин иккита кампир уни хўп ясантириб чолниг ёш хотинларидан бирининг уйига олиб киришдию қия турган әшикнинг олдига ўтқазиши. Ҳаял ўтмай әшикнинг нариёғидан бояги досмланинг қуръон ўқиган товуши әшитилди. Домла қуръон ўқиб бўлганидан кейин тоҷикилаб бир нима деди, шу гапни уч мартаба айтди; учинчи мартаба айтканида кампирлар икки томондан «ҳа дегин» деб унинг биқинига туртиши. Канизак кима бўлганини билмай «ҳа» деди. Эшикнинг у томонидан бир неча кишининг: «әшитдик, әшитдик» деган товуши әшитилди. Шунда у чолнинг никсига ўтган ади, буни бирон соатдан кейин билди.

— Нақадар даҳшаті — деди Новикова сабри тугаб ва ўрнидан туриб, чироғнинг пилигини кўтариб қўйди.

Канизак юзини ўнг билагига қўйиб маъюс табассум қилиб ётар әди.

— Йўқ, Мария Федоровна, у вақтларда буни даҳшат дейилмас эди. Нимани даҳшат деяётисиз? Ўн бир яшар қизни эллик беш ёшларга бориб қолган бир чолга никоҳ қилинишиними? Бу чолга хотин бўлиб қолганимни ўзим ҳам билмай қолганимни? Буни у вақтларда даҳшат эмас, бурундан қолган оdat дейилар эди. Мен етим, кимсасиз, гариб бўлганим учун шундай кунга қолибманми? Совет ҳукумати бўлгунча, ҳатто совет ҳукуматининг дастлабки йилларида ҳам ота-онаси бор, ота-онасига әрка қизларнинг ҳам куни шу ёди.

Олма деб отган отам,
Беҳи деб сотган отам,
Қари чолга қиз бериб,
Жабрини тортган отам.

Қора қумрон қўйдилар.
Қайнамасин дейдилар,
Қари чолга қиз бериб,
Яйрамасин дейдилар.

Усма әкилмасмиди,
Таги чопилмасмиди,
Нега қарига бердинг,
Тенгим топилмасмиди?..

— Бу ашулаарни мен чиқарганим йўқ, бу ашулаарни бир мен айтган әмасман. Бурунги ўзбек қизлари фақат шундан нолишиптими? Йўқ, опажон!

Зардевору зардевор,
Зардеворнинг гарди бор.
Юрагимнинг бошида
Кундошликнинг дарди бор.

Аёдижонда ўт ёқсам Ушда тутун
Бу дунёда бормикин бағри бутун?..

— Эҳе, Мария опа, бунақа ашулаарни айта берсам каттакон китеб бўлади.

Шунақа қилиб Канизак әрга текканини ўзи ҳам билмай қолди. Ярим кечаси эшик гийт әтиб очилдию, чол бошига оқ авра тўн ёпиниб, кириб келди... Мария Федо-

ровна клубда «Надежда Павловна билан нима бўлиб танишган эдинг?» деб сўраганда Канизакнинг кўэига мана шу оқ авра тўн, ялтироқ калла, жун арқонга ўҳшаган қош, тўрвадай соқол, пўстакнинг йиртиғига ўҳшаган оғиз, сап-сариқ сўйлоқ икки тиш, ўша тун кўриниб кетган эди. Одам боласи нималарни кўрмайди, нималарни бошдан кечирмайди — ҳаммаси эртами-кечми, озми-кўпми эсдан чиқади, лекин бу кечани Канизак сира унута олмас эди... Шундан кейин у йигирма кунга яқин қасал бўлиб ётди, тузалди, лекин кўпинча «тузалмай ўлай» деб дод дер эди... Шу аҳволда икки йилга яқин кун кечирди.

Бир куни, баҳор пайти эди, чол беҳосдан ўлиб қолди: ёнғоқнинг тагидаги супада бўза ичиб ўтирган эди, бирдан чалқанча кетдию икки-уч ияқ қоқди, холос — жон берди. Катта хотини уйдан югуриб чиқди, унинг устига ўзини ташлаб дод солди. Бошқа хотинлари ҳам чиқишидди. Ҳаммаси бир-биридан қаттиқроқ дод солар, сочини юлар, Канизак қўркувдан гаранг бир аҳволда қотиб турар эди. Қўни-қўшни йигилди. Чолнинг катта хотини югуриб келиб Канизакнинг кўкрагига бир тепди. У, кўнгли озиб, ҳушдан кетди; бир вақт кўзини очиб қараса, извошда битта милиция билан кетаётитти. Кечаси сўроқ берди. Уша Надежда Павловна сўради. У ўзбекчани жуда яхши билар экан, Канизак бутун кўрган-кечиргандарини йиғлаб-йиғлаб гапириб берди. Шундан кейин Надежда Павловна уни ўз уйнга олиб кетди. Чол воқиаси нима бўлганини бу ҳам сўрамади, у ҳам айтмади. Надежда Павловна уни интернатга жойлаб қўйди. Канизак ўқий бошлади; ҳар пайшанба куни қизлар ота-оналари ёки қариндошларини кетганда, у Надежда Павловнанинг уйига келиб ётиб қолар эди. Надежда Павловна унга тутинган опа бўлиб қолди. Канизак бир пайшанба куни келганида Надежда Павловна «Тошкентга бориб ўқийсанми?» деб сўради. Канизак суюниб кетди. Надежда Павловна кийим-кечак қилди, қўлига пул, мактабга киргани қофоз, бир танишининг адресини берди. Канизак жўнади, лекин у Яккатуртга келганида кўэига Капсанчилар, ота-онаси кўрина берди, поезддан тушиб қолгиси келди. Тушди. Поезд жўнади. Станцияда уруғчилик совхозининг аравалари

турган әкан, шулардан бирига тушиб Бешсеркага, ундан, худди уни бирор кутиб турганда, пиёда Капсанчиларга келди. Қишлоғини айланиб кўрди. Уйларининг ўрникини ҳам тополмади. У келишга келдию нима қилишини ва қаерда туришини ўйламаган әкан, ҳайрон бўлиб қолди.

— Бу ерда қариндошларингиз йўқми? — деди Новикова.

— Йўқ. Биз аслда бу ерлик әмас эдик-да. Бувайдалик бўлсак керак. Эс-эс биламан: онам шу ерлик Фармонқул деган кишига теккан, мен бу одамнинг қариндоши бор-йўқлигини билмас эдим.

— Фармонқулова сизнинг ўз фамилиянгиз әмасми?

— Йўқ, ўз отамнинг отини билмайман. Отамнинг оти ё Қурбон, ё Усмон бўлса керак. Болалигимда шу икки от қулоғимга кўп кирап эди. Катта энам айтар әдилар.

— Ўзингизни танитсангиз эҳтимол бирон қариндошингиз чиқиб қолар эди.

Канизак кулемсиради.

— О, опажоним, у вақтда ўзимни бирорга танитиш әмас, бирор таниса ҳам тонар эдим. Менга ит теккан эди...

Канизак ўша куни Бешсеркага қайтди; ўйлаб-ўйлаб, нима қилишни билмай совхозга борди, ишга кирди; икки йилга яқин ишлади, лекин уни ҳамон Капсанчилар тортар эди. Ахири бўлмади — яна Капсанчиларга келди. Бу ерда колхоз ташкил бўлган әкан. Шу ерда қолиб кетди. Шу-шу бўлдию Надежда Павловнани йўқотиб қўйди. Авваллари, уялиб, хат ёзмади; хат ёзганида Надежда Павловна Намангандан кетиб қолган әкан, хати қайтиб келди.

— Мана шу,— деди Канизак,— сизни уйқудан қўйдим, Мария Федоровна. Қандоқ қилай, бу гапларни шу вақтгача ҳеч кимга айтолмай тўлиб-тошиб юрган эдим. Юрагим бўшади. Чирофни ўчрайми?

— Пастлатиб қўя қолинг,— деди Новикова.

Канизак чирофни пастлатди ва бир оздан кейин уйқуга кетди. У тонг қоронғусида уйғонди. Новикова аллақачон турган, столда шитоб билан бир нима ёзмоқда эди.

Канизак унга халал бермаслик учун аста қийиниб ташқа-рига чиқди. Курбон ота айвоннииг пасида самовар қўй-моқда әди.

19

Капсанчиларнинг қінғир-қийшиқ әшиклари, паст-баланд томлари, янги қишлоқ марказидаги мактаб, клуб ва колхоз идорасига, ясли ва болалар боғчаси, хусусан қизил чойхона биноси, марказдан олти томонга қараб кетган қўчалардаги битган, чала, энди пойдевор қўйила-ётган уйлар устида тикилган байроқ ва байроқчалардан бутун қишлоқ лолазор бўлиб кетди.

Кечки пайт уч маҳалладан ясан-тусан қилиб чиққан сон-саноқсиз одамлар марказга оқа бошлади.

Куни бўйи әски ва янги қишлоқни айланиб, қўп уйларга кириб, сон-саноқсиз одамлар билан суҳбатлашиб чарчамаган Новикова у ёқдан-бу ёққа югуриб сурат олар әди. У айниқса клуб саҳнида кўп сурат олди. Майдонга кириб келаётган, клубга кириб кетаётган одамлар, даврада ўйинга тушаётган йигитлар, қизлар, чапак чалаётган чоллар, кампиirlар, пахта топширишда илғор бригадалар, ударниклар, байроқ кўтариб ўзларича «намойиш» қилиб юрган болалар...

Клубнинг әшиклари катта очиқ. Эшик олдида турган Нишонбой ичкарига кирмоқчи бўлган ҳар бир кишини тўхтатиб оёғини артдирап, баъзан, янглишиб, ичкаридан чиққан одамни ҳам тўхтатар әди.

Ўнг ва сўл фойенинг деворларига ҳар хил шиорлар, колхоз хўжалигининг йилдан-йилга ўсиб бораётганини кўрсатадиган диаграммалар, бригада ва звенолар орасида тузилган социалистик мусобақа шартномалари қандай бажарилаётганини кўрсатадиган маълумотлар, меҳмонхона, лаборатория ва турар жойларнинг эскизлри, ҳар хил плакатлар қоқилган; витриналарга янги чиққан китоблар, журналлар қўйилган; залда тўқ яшил парда тутилган ва атрофи қизил алвон билан безатилган саҳнанинг тепасига раҳбарларнинг портретлари, ўнг ва сўл деворларга әса бошдан-оёқ ударникларнинг портретлари осилган. Болалар деворлар остида чуғурулашиб, портретлари осилган кишиларнинг номларини айтиб қичқиришар әди.

256

Халқ залга кириб ўрнаша бошлади.

Қаердандир пайдо бўлган Иброҳимов олдинги қаторда ўтирган Новикова билан Канизакни ичкарига таклиф қилди. Бу ерда правление аъзолари, президиумга чиқадиган ударниклар ўтиришар әди. Ҳамманинг юзида зўр тантана ифодаси. Ударниклардан кўпи бир неча минутдан кейин ҳаётларида рўй берадиган зўр ҳодисадан ҳаяжонда, лекин ҳар бири бу ҳаяжонни яшириш учун ўзини эркин тутишга, мумкин қадар кўпроқ гапиришга, кулишга тиришар әди. Новикованинг дикқати буларнинг ичида ёнг ташвишманд кўринган Зиёдахонга жалб бўлди-да, унинг олдига бормоқчи әди, Иброҳимов қўз қисиб берироққа курси қўйиб берди. Зиёдахон кўк муқовали блокнотини дам у чўнтағига, дам бу чўнтағига солар, дам варақлар; ўзи одамлар билан гаплашиб ўтиргандай кўринса ҳам, фикри-ёди блокнотда экани, бир оз оқаришган юзида ҳаяжон аломати барада кўриниб турар әди.

Бўтабой Новикованинг ўтириб, бугун уй билан мукофотланадиган ударникларнинг рўйхатини ўқиб берди ва керак бўлса ёзиб олишини сўради. Новикова блокнотига ударникларнинг номини ўзар әкан, Канизакка келганда:

— «Канизак» нима деган сўз эканини биласизми?— деб сўради.

Бўтабой ўйлаб қолди ва аниқ жавоб беролмаслигига кўзи етиб, Иброҳимовни ёрдамга чақирди. Бу сўзнинг маъносини у ҳам аниқ билмас әди. Шу аснода Қурбон ота каттакон патнусда чой слиб кирди. Иброҳимов бу сўзнинг маъносини қариялар билишса керак деган ўйда Қурбон отага мурожаат қилди. Қурбон ота патнусни столга қўйиб чиқиб кетар әкан:

— «Далла билан Мухтор» ҳикоясини эшиттанларинг йўқми?— деди,— шунда Далла деган бир айёр хотин Ҳорунаррашиднинг канизини эримдан қолган каниз деб бир савдогарзодага сотади. Бундан чиқдики, канизак дегани олди-сотди қилинадиган хотин ё қиз.

Канизак сўз ўзи тўғрисида кетаётганини пайқаб Новиковага қаради ва қошини чимириди. Новикова бу имога тушуниб, «Айтмайман, хотиржам бўл» деб ишора қилди.

— Демак,— деди у Иброҳимовга қараб,— «қанизак», «қул», «чўри» маъноларида экан. Менда бир таклиф бор: бугун Канизакни янги уй билан бирга янги ном билан ҳам мукофотласак — отини Ҳанифа қўйисак.

— Яхши, жуда яхши таклиф,— деди Бўтабой кулиб,— лекин янги номни бира тўла загсда қўяди. Ишим-теримни олганимиздан кейин тўйини ўтказмоқчимиз, Мария Федоровна.

Қўнғироқ чалинди.

Зал жим, халқ парда очилишини кутар әди. Парда бир силкиндию икки томонга аста шувиб кетди. Қизил алвон ёпилган узун столнинг олди томони гуллар билан безатилган, саҳнанинг орқасига янги қишлоқнинг каттакон плани осилган әди. Парда очилганда бошланган гулдурос қарсак президиум чиқиб ўрнашгунча тўхтамади. Иброҳимов қисқа муқаддимадан кейин Октябрь байрамига бағишлиган мажлисни очди ва доклад узун Эйёдахонга сўз берди. Рангги хийла оқаришган Эйёдахон, худди гангиг қолмаганини кўрсатмоқчи бўлгандай, дарров ўрнидан турди, шахдам қадамлар ташлаб минбарга келди-да, хиёл титраётган қўли билан блокнотини очиб залга қаради. Зал жим. Кимдир секин йўталди. Шу жимлик ва буни писанда қилгандай туйилган йўтал Эйёдахонни шошириб қўйди. У, фикри чувалиб, сўз бошламай туриб қолди. Ҳар бири бир соатдай туюлган бир неча секунд ўтди. Вақт ўтган сайнин Эйёдахоннинг кўзи тиниб боши ғовлаб борар әди. Ўрмонжон буни сезди-да, гравиндан стаканга сув кўйиб минбарга келтириб қўяр экан, секин: «Ҳаммаси ўзимизнинг капсанчилар» деб шивирлади. Эйёдахон, худди шу сўзни унукану Ўрмонжоннинг эслатишига маҳтал бўлиб тургандай, дарров илиб олди: «Капсанчи... собиқ капсанчи ўртоқлар! Ўртоқ колхозчилар!» деди. У, тузган тезисига кўра, бирон соатлик докладининг қарийб ярмини Октябрь революциясининг моҳиятига, унинг оламшумул аҳамиятига бағишлилаши, сўнгра, колхоз тузумининг ғалабаси тўғрисида гапириб «Қўшчинор»нинг ютуқларини санаб бериши керак әди. Бироқ нутқни «собиқ Капсанчи ўртоқлар!» деб бошлагандан кейин, асосий мавзуга ўтмасдан бурун, «Биз бугун қишлоғимиз устига иккинчи қуёш болқиган кунни байрам қилмоқдамиз; бу қуёш бизга бошқача ҳаёт, одам боласига

муносиб ҳаёт борлигини, бу ҳаёт учун қураш йўлини кўрсатди» деган мазмунда қисқача муқаддима қилишни лозим кўрди. Бироқ нутқ давомида бу муқаддима Капсанчилар қишлоғининг ўтмишини, бугунги кунини ва яқъол кўриниб турган келажагини ўз ичига олган бир мавзуга — Октябрь революцияси бизга нима берди, деган мавзуга айланиб кетди. Тезис у ёқда қолди.

Зал унинг сўёзига тин олмай қулоқ солар, ҳар замон: «Ҳақ гап», «тўғри» деган товушлар әшитилар, қарсак кўтарилар әди. Зиёдахон бир ярим соатдан ортиқроқ гапирди. У нутқини иккинчи қуёшни яратган Коммунистик партияга миннатдорлик сўзлари билан тугатганда бутун зал оёққа туриб, гулдурос қарсак чалди.

Қарсак босилгандан кейин Иброҳимов илгор ударникларни мукофотлаш тўғрисида правлениенинг қарорини әшииттириш учун секретарга сўз берди. Шу пайт пастандан президиумга хат тушди. Хатни Самандаров олиб ўқиди.

«Ўғлим Ўрмонжон!

Зиёдахоннинг докладига қўшимча қилиб мен ҳам икки оғиз гапирсам бўладими?

Қурбон отанг.»

Самандаров мийиғида кулиб хатни Ўрмонжонга узатди. Ўрмонжон ҳам мийиғида кулди ва хатни ёнида ўтирган Новиковага таржима қилиб берди-да, залда учинчи қаторда бўйинни чўзиб қараб турган Қурбон отани кўрсатди. Ажаб, бу чол докладга қўшимча қилиб нима демоқчи экан? Новикова бунга жуда қизиқиб қолди. Унинг илтимосига кўра Ўрмонжон имлаб Қурбон отани ичкарига чақирди. Қурбон ота дарров ўрнидан турди, бироннинг бошини, бироннинг елкасини ушлаб қатордан чиқди-да, оқсоқлаб, жадаллаганича ичкарига кириб кетди. Ўрмонжон билан Новикова кутиб туришар әди.

— Хўш, отахон,— деди Ўрмонжон унга курси қўйиб бериб,— докладга қанақа қўшимчангиз бор әди? Докладдан қаноатланмадингизми?

Қурбон ота ўтириди, столга ёпилган мовутнинг тивитини юлқиб бир оз жим қолди-да, сўнг, титроқ товуш билан:

— Қаноатландим, лекин мен ҳам гапирмоқчиман,—

деди ва яна жим қолганидан кейин ўпкасини тутолмай илова қилди,— жуда тўлиб кетдим, тўлиб тошиб кетдим, ўрлим... Икки оғиз гапирай, юрагимда қатма-қат бўлиб ётган дард-ҳасратимни әлга айтай!

— Э-э, стагинам, шундоқ улуғ айёмда йиглайдими қиши? Нима дардингиз, қандай ҳасратингиз бор?

Қурбон ота ўзини дарров тутиб олди.

— Зиёдахон ёш, князь, эшон замонаси тўғрисида ёшитганларини айтди. Мен элликбоши, юзбоши, князь, эшон замонасида кўрганларимни, акамни ўлдирган, онамини доғ-ҳасратда адо қилган зиндан замонада бошимдан ўтган кунларни айтиб бермоқчиман.

— Тўғри, гапириш керак. Тушуниб турибман, ўлганларнинг ўрни мана шунаقا улуғ айёмда йўқланади. Лекин, отахон, ҳозир гапириш қалай бўлар экан? Ана, одамлар чапак чалаётитпи... Ҳамма хурсанд... Бошқа мавриди келиб қолар.

Қурбон ота оёғини тираб туриб олди. Орага Новикова тушгандан кейин, ниҳоят, муросага келинди: Қурбон ота зиндан замонада кўрганларини, бошдан кечирганларини Мария Федоровнага айтиб берадиган, бу киши Капсанчилар қишлоғи тўғрисида китоб ёзганида унинг айтганларини алоҳида боб қиласидаган бўлди.

Мажлиснинг расмий қисми тугади. Танаффус вақтида ҳамма мукофотланганларни, мукофотланганлар бир-биралини табриклаб зал ва фойелар ғовур бўлиб кетди.

Ҳадемай «Кўшчинор» миллий чолгу ҳаваскорлар тўғараги «Ишчи» колхозининг чапдаст кетмончиси Тешабоев иштироқи билан берадиган концерт бошланди. Тамошабинларнинг таклифи, тамошабинлар ичидан талабгор бўлиб чиққан ашулачи, ўйинчи йигит-қизларнинг ташаббуси билан концерт программаси жуда катта бўлиб кетди.

Қурбон ота кимдантир Новикова эрталаб барвақт кетади деган гапни эшилдию, Ўрмонжонни ҳол-жонига қўймади: «Ҳозир мени бу хотин билан гаплаштирасан» деб туриб олди. Новикова концертни охиригача кўришни жуда истаса ҳам, бир томондан чоллинг кўнглини олгуси келгани, иккинчи томондан у билан сұҳбат қилишга ўзи ҳам жуда қизиқканлиги учун дарров ўрнидан турди.

Концерт жуда кеч тамом бўлди. Клубдан қувноқ сурон кўтариб чиққан ҳалойиқ пастда, сутдай ойдинда оқа-

ришиб турган дарё бўйида қўнишиб ётган Қўшчинор, Ба-
қақуруллоқ, Қўғазор томонга оқа бошлади. Болалар у
ёқдан-бу ёққа чопар, ҳайқирав, ёш-яланг ашула айтиб, ас-
кия қилиб, бир-бирини қувалашиб борар, қариялар ёш-
лик чоқларини қўмсаб бир-бирларига ҳар хил ҳазиллар
қилишар эди.

20

Канизак бугун ҳам Новикова билан ётиши керак эди, баланд пошналиқ туфлини умрида биринчи мартаба кий-
ганидан юришга қийналгани учун уйига бориб паст пош-
налиқ туфли киймоқчи бўлди. Сидиқжон Анзират хола-
нинг қўлида ухлаб қолган Насибалини опичлаб, Ҳошим-
жонни етаклаб олди. Анзират хола, худди ҳамма ўйинци
ёлғиз ўзи кўрган ва ҳамма ашулани ёлғиз ўзи әшитгандай,
уйига етгунча буларнинг таъриф-тасвирини қилиб борди.

Канизак босқа туфлисини кийди. Сидиқжон уни ку-
затиб қўядиган бўлди.

Булар йўлни қисқа қилиш учун марказдан әмас, Қўшчинор устидан ўтадиган эски йўлдан юришди. Одам-
лар ҳануз ухламаган, ҳар томондан қувноқ ҳайқириқ,
кулги әшитилар эди. Булар Қўшчинорнинг устига кел-
ганида узоқдан қизларнинг ашуласи әшитилди:

Районнингни әшигги
Очилса ёпилмайди,
Бу замоннинг қизлари
Червонга сотилмайди.

Канизак тўхтади ва Қўшчинор томонга қаради. Ашула товуши Қўшчинорнинг у томонидан, ойдинда жимиirlаб турган дарё бўйидан келар эди.

Осмондаги самолёт,
Қанотингни пастлаб ўт,
Қанотингта хат тақай,
Кремлга ташлаб ўт.

Йўлда давом әтишди. Сидиқжон ойдинда жимиirlаб, тўлқинлари ойнинг аксини минг куйга солаётган дарёдан кўзини олмай борар экан:

261

— Кечаси дарё шунаقا чиройлик бўладими, Канизак-хон! — деди.

Ўйчан қадам ташлаб бораётган Канизак дарёга қарди.

— Ҳа, Сидиқжон ака,— деди чуқур нафас олиб,— шунаقا чиройлик бўлар әкан, буни энди пайқаётибмиз. Жуда кўп нарсани пайқамас әканмиз, Сидиқжон ака.

Жимлик чўқди. Сидиқжоннинг кўзи дарёнинг у томонида, узоқ уфқда милиллаб турган сон-саноқсиз чироғларга тушди. У, худди фовқулодда бир нарса кашф әткандай, ҳовлиқиб:

— Чироғ! Электр! — деди.

Буни Канизак ҳам кўрди ва у ҳам суюниб:

— Электр! «Янги турмуш» гидростанциясини юргизипти! — деди.

Узоқдан икки кишининг қораси кўринди, иккови ҳам шу томонга жадаллаб келар әди. Канизак буларни кўриб бирдан тўхтади ва Сидиқжонни елкасидан ушлаб торти.

— Бирор... четга чиқайлик, Сидиқжон ака...

Сидиқжон тўхтаб унга ўгирилди ва елкасига қўлини ташлаб:

— Нега? — деди.

— Вой... кечаси юғанимиэн кўришса нима дейишади?

— Нима дейишар әди, кечаси юрипти дейишади-да, ҳали ҳам шунаقا әкан-да...

Канизак Сидиқжонни пастга, бутанинг орқасига торти. Сидиқжон қаршилик қилмади.

Келаётган одамларнинг бири Қурбон ота, иккинчиси Иброҳимов әкан. Қурбон ота бир оз әнгашиб жадаллаб келар, Иброҳимов унинг кетидан зўрға етиб юрап әди. Иккови бутанинг олдидан шамолдай ўтиб кетди. Сал нарироққа борганда Қурбон ота бир нима деди ва бу гапни бир неча мартаба қайтарди. У, айтидан, йиғлаб борар әди. Иброҳимов унга бир нима деб тасалли берәётганга ўхшарди.

Булар кўздан гойиб бўлгандан кейин Канизак билан Сидиқжон бутанинг орқасидан чиқишиди.

— Нима гап? — деди Сидиқжон буларнинг кетидан қараб.

Канизак ҳам ҳайрон әди.

— Билмадим... Мария Федоровнадан сўраймиз. Қурбон ота ўша киши билан гаплашгани Иброҳимовни олиб кетган эдилар.

Булар боргандা Мария Федоровна айвонда турган экан. Канизакни кўриб дарров «йўлда ҳеч кимни кўрмадиларингми?» деб сўради ва саволига жавоб кутмасдан икковини ичкарига тақлиф қилди. Мария Федоровна қаттиқ ҳаяжонда эди. Канизак буни пайқади.

— Нима бўлди, Мария Федоровна, нега менга аллақандай қараётибсиз?

Мария Федоровна гоҳ ўтирас, гоҳ турарас, гоҳ Канизакка, гоҳ Сидиқжонга бир нима демоқчи бўлар, лекин айтолмас эди; ниҳоят ҳайрон бўлиб турган Канизакка қараб:

— Амакингизни кўрсангиэ танийсиэми?— деди ва уни бағрига босиб йиғлаб юборди.

Шу пайт ташқаридан Қурбон отанинг товуши эшитилди. У: «Ҳанифа! Жигарим!» деб йиғлаб келар эди...

21

Декабрнинг охирларида марказий газеталарнинг бирида «Колхоз далаларининг ударниклари» деган бош мақола чиқди. Бош мақола Бухоро, Наманган, Сурхондарё, Самарқанд, Фарғона областларидағи «Янги ҳаёт», «Коммунизм», «Қўшчинор», «Оқ олтин», «Илдам», Сталин номли колхоз далаларидағи новаторлар тўғрисида гапириб пахтани экиш, сугориш, парвариш қилиш, териш ишида бу одамлар яратган ва яратаетган, тажрибадан ўтган ва ўтаетган янгиликларни бирма-бир санаб, республика қишлоқ хўжалик ходимлари ва илм аҳиллари олдига бу новаторларни қўллаш, уларга кенг йўл очиб бериш вазифасини қўяр эди.

Ундан кейин пахта далалари ударникларининг область кенгаши бўлди. Кенгашда Ҳанифа президиумга сайланди. Ҳанифа ўзининг бир кичик мушоҳадасидан бундай катта натижа чиқишини, ўз звеносининг кичик бир муваффақияти шундай катта мажлисда оғизга тушадиган бир воқиага айланиб кетишини сира кутмагани учун атрофини

263

муҳбирлар, фотографлар ўраб олганда қаттиқ хижолат тортди. У ўз мушоҳадасида туғилган Фикрни йўргатклаб олган Ўрмонжон билан Иброҳимов, бу фикрни вояга еткизган Иван Петрович, звенонинг муваффақиятини таъмин қилган звено аъзолари — оддий колхозчилар тўғрисида гапирди ва бу оддий колхозчиларни ном-баном айтганида Сидиқжон Соҳибжоновни ҳам тилга олди. Бу сұҳбат область газетасида босилиб чиқди.

Орадан икки кун ўтгач, Сидиқжонинг номига бирдан учта табрик телеграммаси келди. Бунинг бири укаси билан онасидан, иккинчиси Баҳрободдаги «Октябрь» колхозининг раиси Сатторқулдан, учинчиси Собиржонқорининг собиқ аравакаши ва ҳозир сельсовет раиси бўлган Ҳайдаралидан эди.

Январнинг ўрталарида Москва журналларидан биринда Новикованинг «Кўшчинор» деган каттакон бир очерки босилиб чиқди. Очерк эшон ба князъ замонасидағи Капсанчилар қишлоғи, қорни ҳам тўймаган, очдан ҳам ўлмаган қул қатори капсанчилар, Азиштепа урушиининг сабаби ва натижалари, Фармонқул ва унинг хотини, ҳозирги Кўшчинор ва унинг одамлари тўғрисида ёэзилган бўлиб, Ҳанифа билан Қурбон отанинг саргузаштларига, буларнинг топишувига хийлагина ўрин берилган, бошдан-оёқ зўр эҳтирос ва жўшиғин илҳом билан ёэзилган эди. Еунда ҳамма ўзини, ўз ҳаётини, ўзи ва колхознинг порлоқ келажагини кўрар эди. Фақат Зокир отагина ундан битта камчилик топди: «Умридан барака топсин, ҳаммасини боплашти, ҳаммасини ўз кўзи билан кўргандай ёзилтию, лекин менинг итбоқар бўлганимни оламга шкора қилгани чакки бўлипти» деди.

Тўй даромад тақсимотидан кейин бўлиши керак эди, лекин тўй боши Тўлаган аканинг маслаҳати, маслаҳат ҳам әмас, талабига кўра электростанция ишга тушгандан кейин, яъни февралнинг бошларида ўтказиладиган бўлди. Шундай қарорга келингани ҳам дуруст бўлган экан, даромад тақсимотдан кейин келин билан күёвнинг иши жуда кўпайиб кетди. Бошда буларнинг назарига энг катта ва муҳим иш тўй кўринган эди, маслаҳат ошидан кейин энг катта ва муҳим иш тўй әмас, янги уйга кўчиб кириш бўлиб қолди. Ўрмонжон тўй қилиш учун эр-хотин бўлинмайди, эр-хотин бўлиш учун тўй қилинади, орезу ҳавасни

тўйда бир мартаба эмас, тўйдан кейин ҳар куни кўриш керак деб тўй харажатини қариyb уч ҳисса камайтириши ни ва бунга яна шунча қўшиб янги уйга янги рўзғор олишни таклиф қилди. Бунинг ҳаммасини райондан, баъзиларини шаҳардан ташиб келтириш керак әди. Келин билан куёв бунга анча овора бўлишиди. Сидиқжон Ҳанифа билан қўл ушлашиб район ёки шаҳарда магазинмагазин юрган чоқларида: «Мен янги ударник бўлган кунларимда битта одамнинг қўлидан шунча иш келишини кўриб ҳайрон бўлган әдим, энди яна бу нарсага ҳайрон бўлиб турибман: агар одам одам боласига ўхшаб умр кечираман деса, унга шунча кўп нарса керак бўлар экан!» деб кулар әди.

Бу ишлар бир қадар битгандан кейин Сидиқжон онасини олиб келгани Баҳрободга борди. У ҳар келганда, ҳатто шу бу йил баҳорда келганда ҳам Баҳрободдан кўчиб кетишга, хусусан ўғлиниг бошқа хотин олишига ҳар баҳона билан норозилик билдирган Ҳадича хола бу сафар, сўз билан бўлмаса ҳам, бутун рафтори билан изму ихтиёр ўзингда деган ишорани қилди. Унинг Қўшчинорга кўчгани мойил бўлиб қолишига сабаб ўғлиниг ўша ерда кўкараётгани, айниқса унинг кўнгли ўша ерда эканини кўриб турганлиги дейиш мумкин әди. Бироқ унинг янги келин тўғрисида бундай тўсатдан ўзгариб қолганига, ҳатто ўзи колхозда ишлаб топган ва Сидиқжон юбориб турган пулу молни тўйга асраб бисот қилиб юрганига тушуниб бўлмас әди.

Ҳадича хола гойибона опа-сингил тутунгани Анзират холага, Ҳошимжонга совға-салом олиб жўнади. Сидиқжон Насибалини Шарофат ташлаб кетганини онасидан ҳануз яшириб юрган әди, энди яширишни лозим кўрмай, йўлда айтди. Шундан кейин Ҳадича холанинг қулфиидили очилиб кетди. Маълум бўлишича, ёзда Шарофат келиб бутун ҳовлини бошига кўтарган, уни сочидан судраб урган, қўшнилар чиқиб ажратмаганда майиб қиласидиган бўлган экан.

Икки кампир қўни-қўшниларни ҳашарга чақириб яқин ўн беш кунни шитоб билан кўрпа қоплаш, куёв-келин ва лозим бўлган бошқа одамларга сарпо тикдириш, «янги турмуш уй»ни «янги турмушасига» ясатиш, янги тўйнинг расм-таомилларини билган одамлардан сўраб,

Ўрмонжон билан Иброҳимовга маслаҳат солиб, шунга мувофиқ иш кўриш билан ўтказиши.

Бу орада электростанция битиб, унинг очилиш маросими иккинчи февралга белгиланди. Гадойтопмасда қурилаётган ва шу атрофдаги ўн етти колхозни электр қуввати билан таъминлаши керак бўлган катта гидроэлектростанция, Тўлаган ака айтмоқчи, бу электростанциянинг обрўйини тушириб юборган, одамлар ҳозир бу электростанцияга: «от бўлмаса той» деб қарайдиган бўлса ҳам, ҳозир электростанция майдони деб аталадиган Бақақуруллоқ майдонига одам сифишмай кетди. Қаттиқ совуқ, майда қор ёғиб турар эди. Қисқагина митинг бўлди. Митингни Бўтабой очиб, қисқа нутқ сўзлагандан кейин колхозчиларни Ильич чироғлари билан табриклади. Эски ва янги қишлоқнинг кўчаларидан, ҳовли ва уйларидан қоронгулик абадий ҳайдалди. Қавм-қариндошлар, ёр-би-родарлар, қўни-қўшнилар, бутун қишлоқ уйдан уйга юриб бир-бирини табриклар эди.

Тўй якшанба кунига тайинланди. Сидиқжон яна қолган-қутган нарсаларни олиш учун жума куни район марказига борди. У, райижроком олдидан ўтиб борар экан, Зиёдахоннинг каттакон саман отини кўриб қолди. Сидиқжон Райижрокомга кирди. Мавлонбековнинг қабулхонасида одам кўп, ҳамма кабинетга қарашга интилар эди. Телефонда гаплашаётган Зиёдахон Сидиқжонни кўриб трубкани қўйдию шошиб:

— Ҳанифа, Ҳанифа келмадими? — деди ва жавоб кутмай уни кабинетга бошлиди. Ҳамма буларга йўл берди.

Сидиқжон нима бўлганини ва нима бўлаётганини тушнаолмай кабинетга кирди. Кабинетда Мавлонбеков билан жуда барваста, қулоқларини қоплаб ётган сочи ва кенг кўкрагини энлаган соқоли оппоқ, русча кийинган бир чолдан бошқа кимса йўқ эди.

— Сидиқжон Соҳибжонов, — деди Мавлонбеков чолга қараб.

Чол чекиб турган трубкасини беихтиёр кулдонга қўяр экан, кўзларини катта очиб, таранг ва қип-қизил юзи хиёл оқаришиб, ўрнидан турди-да, қулочини кенг ёзиб Сидиқжонга ташланди, уни узоқ қучоқлаб юз-кўзидан ўпгач, соф ўзбек тилида:

— Ниятим холис әкан, тўйларингга етиб келдим!—
деди.

— Қайнатангизни танимадингизми?— деди Эйдахон
гаранг бўлиб турган Сидиқжонга.— Усмон ота — Ҳани-
фанинг отаси!..

Сидиқжон Усмон ота билан қайтадан қучоқлашиб
кўришди.

Бир неча минутдан кейин булар Қўшчинорга жўнаш-
гани қўзғалишди. Буларни бутуч идора кўчага кузатиб
чиқди. Ҳамманинг оғзида Канизак — Ҳанифа, Қурбон
ота, Новикова!.. Усмон ота солмоқли қадам ташлаб бо-
рар экан, ён-верида уймалашиб бораётган одамларнинг
елкасига қўлини ташлар, бошини силар, гоҳ бир қўли, гоҳ
иккинчи қўли билан қучоқлар, ўпар эди.

Эшик олдида бешта от қатор турар эди. Булардан би-
рига Усмон отанинг икки чемадони, икки яшик ортилган
эди, унга Бўтабой ўзининг жийрон отни рўпара қилди.
Сидиқжон ўзи миниб келган отни Бўтабой акага берди-да,
кўримсиэроқ отни миниб, юқ ортилган отни етаклаб олди.
Эйдахон олдинга тушди.

Жўнашди.

Усмон ота, қизи ва укаси билан кўришиш пайтини
тасаввур қилиб ич-ичидан тўлқинланиб келаётган ҳаяжо-
нини яшириш ёки босиши учун бўлса керак, йўл бўйи
ўтган-кетгандан гапириб берди: Бувайдадаги юзбоши во-
қиаси, ўзининг сибиръ қилингани, ўн олтинчи йилда Бу-
вайдадан борган бир одамдан бола-чақаси ва укаси йўқ
бўлиб кетганлиги ҳақида хабар әшитгани, Сибирда
гражданлар урушида қандай қатнашганлигини, ҳозир
Киштав район ижроия комитетининг раиси бўлиб ишла-
ётганини, Новикованинг очеркини ўқиганидан кейин Мос-
квага борганини, Новикова қандай қарши олгани ва у
билан нималар тўғрисида гаплашганини гапириб берди.

Булар канал кўпригидан ўтганда қош қорайган эди,
бир оздан кейин узоқ дарё бўйи ва унинг тепасидаги оқ
ўйлар орасида сон-саноқсиз чироқлар ёнди.

— Бизнинг колхоз!— деди Сидиқжон.

Усмон ота отининг босшини тортди.

— Ўҳӯ, Капсанчилар қишлоғи шунаقا чиройликми!

— Ҳа, Усмон ота,— деди Бўтабой,— бир вақтлар
мен шу атрофдан қишлоғимизга қараб: «Ўҳӯ, қишлоғимиз

шунақа хунукми?» деган әдим. У вактларда қишлоғимиз гўристонга ўхшар әди.

— Бу янги қишлоқ,— деди Зиёдахон. — Бу чироқлар «Қўшчинор» чироғлари. Энди Капсанчилар деган гап йўқ.

Усмон ота дийдор кўришиш иштиёқида сабри тугаб отига қамчи босди. Унинг кетидан бошқалар ҳам от қўйишиди. «Қўшчинор» чироқлари порлар әди.

Май, 1951 йил.